

Technical and Bibliographic Notes/Notes techniques et bibliographiques

The Institute has attempted to obtain the best original copy available for filming. Features of this copy which may be bibliographically unique, which may alter any of the images in the reproduction, or which may significantly change the usual method of filming, are checked below.

L'Institut a microfilmé le meilleur exemplaire qu'il lui a été possible de se procurer. Les détails de cet exemplaire qui sont peut-être uniques du point de vue bibliographique, qui peuvent modifier une image reproduite, ou qui peuvent exiger une modification dans la méthode normale de filmage sont indiqués ci-dessous.

- Coloured covers/  
Couverture de couleur
- Covers damaged/  
Couverture endommagée
- Covers restored and/or laminated/  
Couverture restaurée et/ou pelliculée
- Cover title missing/  
Le titre de couverture manque
- Coloured maps/  
Cartes géographiques en couleur
- Coloured ink (i.e. other than blue or black)/  
Encre de couleur (i.e. autre que bleue ou noire)
- Coloured plates and/or illustrations/  
Planches et/ou illustrations en couleur
- Bound with other material/  
Relié avec d'autres documents
- Tight binding may cause shadows or distortion  
along interior margin/  
La reliure serrée peut causer de l'ombre ou de la  
distortion le long de la marge intérieure
- Blank leaves added during restoration may  
appear within the text. Whenever possible, these  
have been omitted from filming/  
Il se peut que certaines pages blanches ajoutées  
lors d'une restauration apparaissent dans le texte,  
mais, lorsque cela était possible, ces pages n'ont  
pas été filmées.
- Additional comments:/  
Commentaires supplémentaires:      *Pagination continuée du vol. II.*

- Coloured pages/  
Pages de couleur
- Pages damaged/  
Pages endommagées
- Pages restored and/or laminated/  
Pages restaurées et/ou pelliculées
- Pages discoloured, stained or foxed/  
Pages décolorées, tachetées ou piquées
- Pages detached/  
Pages détachées
- Showthrough/  
Transparence
- Quality of print varies/  
Qualité inégale de l'impression
- Includes supplementary material/  
Comprend du matériel supplémentaire
- Only edition available/  
Seule édition disponible
- Pages wholly or partially obscured by errata  
slips, tissues, etc., have been refilmed to  
ensure the best possible image/  
Les pages totalement ou partiellement  
obscurcies par un feuillet d'errata, une pelure,  
etc., ont été filmées à nouveau de façon à  
obtenir la meilleure image possible.

This item is filmed at the reduction ratio checked below/  
Ce document est filmé au taux de réduction indiqué ci-dessous.

10X	12X	14X	16X	18X	20X	22X	24X	26X	28X	30X	32X
				✓							

[The page contains extremely faint and illegible text, likely bleed-through from the reverse side of the document. The text is scattered across the page and cannot be transcribed.]

HISTOIRE  
DU CANADA  
ET VOYAGES

QUE LES FRÈRES MINEURS RECOLLECTS Y ONT FAICTS  
POUR LA CONVERSION DES INFIDÈLES

DEPUIS L'AN 1615

PAR

GABRIEL SAGARD THEODAT

AVEC UN DICTIONNAIRE DE LA LANGUE HURONNE

NOUVELLE ÉDITION  
PUBLIÉE PAR M. EDWIN TROSS.

---

TROISIÈME VOLUME.

---

PARIS  
LIBRAIRIE TROSS  
5, RUE NEUVE-DES-PETITS-CHAMPS, 5.

1866

FS059

.5

R4

Sz

1866

v.3

157593

UE

Dù e  
da  
a c  
qu  
ce  
De  
ne  
L  
cu

Ch.

HISTOIRE  
DU CANADA  
ET VOYAGES

QUE LES FRERES MINEURS RECOLLECTS Y ONT FAICTS POUR  
LA CONUERSION DES INFIDELLES

DIUISEZ EN QUATRE LIURES

Où est amplement traité des choses principales arriüées dans le pays depuis l'an 1615 iusques à la prise qui en a esté faicte par les Anglois. — Des biens & commoditez qu'on en peut esperer. — Des mœurs, ceremonies, creance, loix & coustumes merueilleuses de ses habitans, — De la conuersion & baptesme de plusieurs, & des moyens necessaires pour les amener à la cognoissance de Dieu. L'entretien ordinaire de nos Mariniers, & autres particularitez qui se remarquent en la suite de l'histoire.

FAIT ET COMPOSÉ PAR LE

F. GABRIEL SAGARD THEODAT,

*Mineur Recolle& de la Prouince  
de Paris.*

---

TROISIEME PARTIE.


---

A PARIS

*Chez Claude SONNIUS, ruë S. Jacques à l'Escu de  
Basle & au Compas d'or.*

M. DC. XXXVI.

Auec Priuilege & Approbation.



|| *Histoire de la conuerſion & bapteſme de Mecabau* 592  
*Montagnais, avec l'exhortation qu'il fit à ſa*  
*femme & à ſes enfans auant ſa mort.*

CHAPITRE XXXVII.

Vers la my Mars de l'an 1628 les Sauuages qui auoient hiuerné és enuirons de l'habitation, commencerent à s'approcher d'icelle à cauſe des neiges qui ſe fondoient comme les riuieres, les glaces qui ſe detachoiēt partout des bords, qui rendoiēt la nauigation perilleuſe, c'eſt ce qui les fit paſſer, & aduancer peur de plus grandes incommoditez. Le Sauuage Mecabau, autrement appellé par les François Martin, que i'ay autrefois fort cogneu comme bon amy, & pour ſes petites reuerances qu'il vouloit faire à la Françoisiſe, ſe cabana aſſez proche de noſtre Conuent, d'où il venoit ſouuent viſiter nos Religieux & les R. R. P. P. Ieſuites qui eſtoient fort ayſe de ſa compagnie, car par le moyen de ſon entretien on apprenoit touſiours quelque choſe de la langue. Or il aduint que le R. P. Maſſe Ieſuite (encore nouveau dans la langue) luy voulan \* dire quelque choſe en Montagnais, luy dit tout autrement de ſa penſée, certains mots qui ſignifioient, donne-moy ton ame, auſſi bien

|| mourras-tu bientoft: ce qui eſtonna fort le Sauuage 593  
ge, qui luy repartiſt, comment le ſçay-tu, ce que n'entendant pas le P. Maſſe il continua touſiours ſa premiere pointe, qui ſaſcha à la fin aucunement le Sauuage & le porta à luy dire leur diſtion ordinaire,

tu n'as point d'esprit, puis feignit s'en aller mescontant, ce qu'apperceuant le R. P. Masse, changea de discours & luy fist present d'une escuellée de poix, qu'il accepta volontiers & l'emporta à sa cabane, d'où il reuint à nostre Couuent, pendant que ses enfans les firent cuire dans un chaudron sur le feu.

Estant chez nous il s'adressa au P. Ioseph & luy conta le pourparler qu'il auoit eu avec le R. P. Masse luy disant, mon fils (car ainsi appelloit-il le Pere Ioseph,) ie viens de voir le P. Masse, ie croy qu'il est plus vieux que moy & si n'a point d'esprit, car il m'a demandé par plusieurs fois mon ame, & me pronostique que ie mourray bien tost. Il me semble neantmoins que ie mange encore bien, & que i'ay de fort bonnes iambes, & d'où viendroit donc que ie mourusse si-tost, sinon que luy mesme me voulust faire mourir. Le Pere Ioseph luy dit, tu monstre bien toy mesme que tu as bien peu d'esprit d'auoir si mauuaise opinion de personnes qui te cherissent egallement comme nous. Tu dis vray, dit-il, car il m'a donné une esculée \* de poix que i'ay donnée à cuire à ma cabane pour mes enfans & pour moy, & ayant sceu du Pere Ioseph que le Pere Masse ne l'auoit interrogé que pour s'instruire de || la langue, qu'il n'entendoit pas encore, il s'en retourna à sa cabane pour manger de ses poix, qu'il trouua amers comme aloés, & n'y pû apporter remede.

Or pour ce que le mal-heur de l'histoire ou plustot bon-heur, puis qu'elle luy causa son salut, vint de la salleté dont ils usent à l'aprest de leurs viandes, il faut que ie vous die qu'ils ne nettoient rien de ce qu'ils

mettent au pot, s'ils ont un gros poisson ou un morceau de viande à couper ils mettent gentiment le pied dessus, & le coupent pour la chaudiere, sans rien laver, fust-il fort sale, moisi ou pourry, comme j'ay dit ailleurs. Ils en firent de mesme des poix du Pere Masse, ords au possible, d'alun, de noix de galle & couperose, qui par mesgard s'estoient meslez parmy d'une composition d'ancre, \* mais qui rendirent les poix si extremement noirs & mauuais, qu'il fut impossible d'en pouuoir manger, ny le pere ny les enfans, ny mesme les chiens, dont un mourut pour en auoir mangé d'un reste que le pere auoit ietté en terre, & luy-mesme en fut extremement malade, pour y auoir gousté, & ses enfans encor plus, de quoy il s'alla plaindre au Pere Ioseph, luy disant : Mon fils, il est vray que le Père Masse n'a point d'esprit de m'auoir voulu faire mourir, il m'a demandé mon ame, c'est à dire qu'il desiroit que ie mourusse, dont ie m'estonne d'autant plus que ie ne luy ay iamais fait de desplaisir. Il m'a donné des poix qui ne valent rien & || nous ont rendus, moy & mes enfans iusques à l'ex- 595  
tremité, i'y ay mis de la viande, pour en oster le mauuais goust, & ils n'en ont pas esté meilleurs, j'ay tout ietté aux chiens dont l'un est des-ia mort & ne sçay que deuiendront les autres, voy donc, mon fils, le mal que l'on nous veut, & y apporte du remede.

Le Pere Ioseph bien estonné du discours de ce barbare, tafcha de le consoler au mieux qu'il peut, & partit en mesme temps pour aller trouuer le Pere Masse, auquel il conta l'effect des poix, qui fut bien esbahy, ce fut se bon Pere, car il croyoit auoir fait une œuure

de grande charité en faisant ce present, mais ayant mené le Pere Ioseph au baril où il les auoit pris, il s'y trouua tant de drogues, que l'on ne douta plus de la malignité des poix & fut contrainct d'aduouër que le mal en venoit de là, mais pour ce qui estoit d'auoir demandé l'ame de ce pauvre homme, c'est à dire sa mort, le bon Pere assëura, comme il est tres-certain, qu'il ne pensoit pas luy tenir ce langage là & que cela luy deuoit estre pardonné, comme n'estant pas encore assez instruiet en leur langue. Je peux souuent manquer & dire une chose pour une autre en ces commenemens, dit-il au Pere Ioseph, & partant ie vous supplie d'appaïser ce barbare & considerer que ce que ie me hazarde de leur parler n'est que pour les instruire en m'apprenant tousiours, ce qui ne se peut faire sans faute.

596 || Le Pere Ioseph ayant sceu comme la chose s'estoit passée, retourna à son Sauuage, lequel il pria de croire que le tout s'estoit fait sans dessein de l'offencer, & qu'au contraire le Pere Masse l'aymoit tendrement comme son frere, & bien marry de ce mal-heureux accident, qu'il eut voulu rachepter pour beaucoup, s'il eut esté à son pouuoir, mais que la faute estant faicte il la deuoit pardonner quand bien il y auroit eu de la negligence du Pere \* à nettoyer ces poix. Le barbare luy repartit que c'estoient toutes excuses, & qu'il l'auoit voulu assëurement faire mourir, & pour chose qu'on luy pût dire du contraire on ne luy pût iamais oster cela de l'esprit, & coëffé de ceste mauuaise opinion il partit pour les Montagnais, vers les quartiers du Cap de Tourmente, où à peine fut-il arriué

qu'il tomba griefuement malade, ce qui le contraignit d'auoir recours aux François qui se trouuerent là pour en receuoir quelque soulagement ou remede à son mal, mais pour soin qu'on en prit on ne le pû guerir ny remettre en fanté. Le sieur Faucher qui estoit là Capitaine, luy fist donner du vin d'Espagne & de l'eau de vie pour le remettre en force, & voir si ces remedes extraordinaires luy seruiroient mieux que d'autres drogues plus ordinaires, mais rien ne le pû soulager, de quoy ces bons François estoient fort marries, pour l'auoir tousiours veu fort affectionné à leur endroit.

|| A la fin ce bon homme, qui conseruoit en son cœur le desir d'estre Chrestien depuis un long temps sans l'auoir absolument déclaré le manifesta lors, & dit qu'il vouloit aller retrouver le Pere Ioseph pour estre baptizé, & pour ce les pria de luy prester un canot, ce que fist le sieur Faucher apres l'auoir supplié de demeurer là à cause de sa grande faiblesse, & pour les glaces qui pourroient offencer son canot des-ia fort despery & le perdre en suinte, mais cette priere fut inutile. 597

Car il auoit une telle apprehension de mourir sans auoir receu le baptesme, que la mesme apprehension estoit capable de l'enuoyer au tombeau, si on ne luy eust donné contentement. Il s'embarqua donc avecses deux fils, l'un aagé de 17. à 18. ans, & l'autre de 12. à 13. & arriuerent tout d'une Marée proche Kebec, en un endroit où la riuere portoit, & là ils deschargerent leur pere sur la glace, puis ayant caché leur canot dans les bois, l'un d'eux vint en nostre Couuent

aduertir que leur pere se mouroit, & supplioit le Pere Ioseph de l'aller baptizer auparauant, d'autant qu'il le desiroit à toute instance. Ce qu'entendant le Pere Ioseph plein de zele, prist un peu de vin pour le malade, & s'en alla promptement au deuant de luy qu'il trouua en deuoir de se faire trainer vers nostre Conuent par l'un de ses fils. Si tost qu'il apperceut le P. Ioseph, il luy crya de loin, mon fils ie te viens voir pour estre baptizé, car ie croy que ie m'en vay mourir. || Tu m'as tousiours promis que tu me baptizerois si ie tombois malade, & tu vois l'estat auquel ie suis à present comme d'un homme qui n'a presque plus de vie.

Le Pere Ioseph attendry des parolles de ce pauure vieillard, luy dit : Mon Pere ie suis marry de ta maladie, & me resiouy fort de ton bon desir, sçache que ie feray pour toy tout ce qu'il me sera possible, & te nourriray comme l'un de mes freres; mais pour ce qui est du Sainct Baptesme, comme la chose est en foy de grande importance il faut aussi y apporter une grande disposition, & me promettre qu'au cas que Dieu te rende la santé, que tu ne retourneras plus à ton ancienne vie passée, & te feras plus amplement instruire pour viure à l'aduenir en homme de bien, & bon Chrestien, ce qu'il promit.

Alors ledit Pere faisant office de Charité & d'hospitalité, le prist par la main, & l'ayda à conduire en nostre Conuent, où on luy disposa un grabat dans l'une des chambres, plus commode, & y fut traicté & pensé \* par nos Religieux au mieux qu'il leur fut possible, pendant cinq iours que la fieure continué luy

dura avec des conuulsions fort estranges. Le Chirurgien des François le vint voir, & luy fist aussi tout ce qu'il pù, mais comme ces gens-là ne se gouvernent pas à nostre mode, l'on auoit beaucoup de peine autour de luy, & si il vouloit qu'il y eut tousiours quelque Religieux peur de mourir sans le Baptisme qu'on differoit luy donner pretextant || l'apparence d'une 599  
prochaine guerison, qui trompa nos freres.

L'ay admiré la ferueur & deuotion de ce bon homme pendant sa maladie, car de nos Religieux m'ont asseuré qu'il proferoit tous les iours plus de cent fois les Saincts noms de *Iesus Maria*, & demandoit continuellement d'estre enrollé sous l'estendart des enfans de Dieu, iusques à un certain iour qu'il dit au P. Ioseph: Mon fils ie pense que tu me veux laisser mourir sans Baptisme, & as oublié la promesse que tu m'auois faicte de me baptizer quand i'y serois disposé, quelle plus grande disposition desire-tu de moy, que de faire tout ce que tu veux, & croire tout ce que tu crois, dans laquelle croyance ie veux viure & mourir. Mon mal se rangere, prend garde à moy, & que par ta faute ie ne sois priué du Paradis, pour ce que tes remises me mettent dans un hazard de perdition.

Là-dessus le Pere luy dit qu'asseurement il le baptizeroit auant mourir, & qu'il n'eust point de crainte & que ce qui l'auoit obligé à ces remises estoit outre l'esperance de sa guerison, qu'il vint avec le temps à retourner à ses superstitions, & oublier le deuoir de Chrestien, comme il feroit facile à ceux qui ne seroient pas deuëment instruits viuans parmy vous autres. A quoy le Sauvage repartit: Mon fils, il est vray qu'il est

600 bien difficile de pouuoir viure parmy nous en bon Chrestien, veu que les François mesme \* qui y viennent hyuerner ny \* viuent point comme || vous, mais sçache que tu ne feras pas en peine de m'y voir plus, car ie me meurs & n'en peu plus, une chose ay-ie encore à te prier de me faire enterrer dans ton Cimetiere auprès de Monsieur Hebert, car ie ne veux pas estre mis avec ceux de ma Nation, quoy que ie les ayme bien, mais estant baptizé il me semble que ie dois estre mis avec ceux qui le sont, mes enfans n'en feront point faschés, d'autant que ie leur diray en leur faisant sçauoir ma derniere volonté, de laquelle ie crois qu'ils feront estat.

Le Pere le voyant perfeuerer dans une si ferme resolution de son salut, luy accorda sa demande, & le baptiza pendant une conuulsion qui luy arriua tost apres, laquelle fut telle qu'il eut opinion qu'elle l'emporterait: Neantmoins il reuint à foy, & ayant demandé le Baptesme, il luy fut dit qu'il venoit d'estre baptizé, ce que tous luy tesmoignerent, & mesme l'un de ses enfans qui estoit là present, de quoy il se monstra tres-satisfait par ces paroles, disant, *Iesus Maria*, ie suis bien content & ne me soucie plus de mourir puisque ie suis Chrestien, & puis disoit par fois Iesus prend-moy à present, ce qui donnoit de la deuotion aux plus indeuots mesmes qui admiroient ces paroles.

601 Peu de temps apres arriuerent trois Sauvages, Napagabiscou son gendre, un de leur Medecin, \* avec un autre de leurs amis. Si tost qu'ils furent entrez le Medecin demanda au || malade combien de iours il y auoit qu'il estoit dans ces langueurs, l'autre luy ref-

pondit quatre, puis le Medecin le prenant par la main la regarda, & dit qu'il cognoissoit par icelle qu'un homme luy auoit donné le coup de mort, mais que s'il vouloit permettre qu'il le chantast, qu'il le rendroit bien tost guery, ce que le malade ne voulut permettre disant qu'estant à present baptizé, cela ne se deuoit plus faire, ce que luy confirma Napagabiscou son gendre, aussi Chrestien, & le loüa de s'estre fait baptizer, & de ne souffrir plus ces importuns Chanteurs qui ne claudaient que pour leurs interests.

Neantmoins le malade fut porté de curiosité de sçauoir du Medecin comment il cognoissoit qu'un homme le faisoit mourir, confessant qu'on luy auoit donné à manger quelque chose qui ne valoit rien, nottez sans nommer le P. Maffe, car nos Religieux luy auoient deffendu, le Medecin dit qu'il le voyoit fort bien en sa main. On luy demande de quelle Nation estoit celui qui auoit donné le mal: il repart des Etechemins (qui est une Nation du costé du Sud de l'habitation & assez esloigné dans les terres). On l'interroge comment cela s'estoit pû faire, puis qu'il y auoit plus de deux ans qu'on n'en auoit veu aucun en ces quartiers. Il dit qu'il estoit venu la nuit, & qu'ayant trouué Mecabau endormy qu'il luy auoit mis une pierre dans le corps, laquelle luy causoit ce mal, & le feroit mourir si on ne luy ostoit || à force de souffler. Cela appresta 602 un peu à rire à nos Religieux, qui luy dirent qu'il estoit un manifeste trompeur, & ne sçauoit ce qu'il vouloit dire.

Mais comme il vit qu'on donnoit à manger à ce malade, il changea de notte, & dit à nostre Frere Ger-

uais qui en estoit l'infirmier, ne vois-tu pas bien que tu n'as point d'esprit de donner à manger à cet homme qui n'a point d'appetit, & que quand on est malade on ne sçauroit manger, & qu'il faut attendre que l'on soit guery & en appetit. Je ne sçay si ce Medecin auoit appris les maximes des Egyptiens & des Italiens, qui donnent aux malades le pain & les viandes à l'once, mais il estoit un peu bien rigide, ce qui me faict derechef deplorer la misere de leurs pauvres malades, qui meurent souuent faute d'un peu de douceurs pour les remettre en appetit.

J'ay dit en quelque endroit que la vengeance & le soupçon en cas de maladie est fort naturelle & attachée de pere en fils à nos Sauvages. Mecabau qui ne pouuoit oublier ses poix en conta l'histoire (à nostre inceu) au Medecin, & à son compagnon, qui en furent fort scandalisez, & fortirent de nostre Conuent tout en cholere pour l'aller dire à leurs femmes, lesquelles en conceurent une telle auersion contre les R.R. P.P. Iesuites qu'elles depescherent en mesme temps un canot à Tadoussac, & un autre aux trois riuieres pour en donner aduis à tous ceux de leur Nation, qu'elles coniuerent de se don- || ner de garde puis que des-ia ils auoient faict mourir le pauvre Mecabau. Qui fut bien estonné ce furent nos pauvres Religieux, qui eurent aussi tost aduis dece mauuais trafic. Ils en tancerent fort ce pauvre baptizé, ils le reprirent de n'auoir encore quitté cette mauuaise opinion, comme ils l'en auoient des-ia par plusieurs fois prié. Que faut il donc que ie fasse, leur dit-il, est-il pas vray qu'ils m'ont donné des poix qui ne valaient rien, dont ie

fuis malade & prest à mourir pour en auoir mangé. On luy dit que sa maladie ne venoit pas de là, & que c'estoit pour auoir trop trauaillé, & estre trop vieux. Il est vray, dit-il, que ie fuis bien vieux, & que ie ne puis pas tousiours viure, mais qu'est-il donc question de faire pour vous contenter ? Il faut, dit le Pere Ioseph, que tu efface de ton esprit toutes les mauuaises pensées que tu as contre les Peres Iesuites, & que tu renuoye querir ces deux de ta Nation, à qui tu les a dites pour leur tesmoigner du contraire, ce qu'il promet, mais auec bien de la peine, car il ne vouloit pas se desdire.

Les hommes estans arriuez, il les pria de ne point croire ce qu'il leur auoit dit des Peres Iesuites, & qu'ils estoient de bonnes personnes, & partant qu'ils renuoyassent à Tadoussac, & aux trois riuieres dire la mesme chose, ce qu'ils promirent moyennant quelque petit present, car entr'eux comme en Turquie les presents ont un grand pouuoir.

|| Le gendre estant de retour, le malade luy dit qu'il se sentoit bien mal, & qu'il leur vouloit dire ses dernieres volontez, & partant que l'on fit venir sa femme & ses enfans, ce qui fut promptement executé. Estant arriuez, il les fit mettre autour de luy, & se tournant vers son gendre, il luy dit : Napagabiscou, tu és mon gendre quei'ay tousiours fort aymé dés que tu estois petit garçon, & pour cela ie t'ay donné ma fille que tu as aussi tousiours aima \*, tu n'as guere disputé auec elle, car elle t'aymee \* bien aussi, desfuncte ma femme qui estoit sa mere, m'aymoit bien aussi, & moy elle. C'est pourquoy ie vous recommande

de vous bien aymer, cela n'est pas bien quand on querelle l'un contre l'autre, car personne n'en peut estre edifié ny content. Aime bien aussi tes enfans, tes freres & tes sœurs qui font mes enfans, aussi ta belle-mere, qui est à present ma femme, quand ils auront neccessité ne les abandonne point, donne-leur tousiours de la chair & du poisson quand tu en auras.

Ne fois point querelleur avec les autres, ny porteur de mauuaises nouvelles, & pour ce faire ne hante point ton oncle Carommisit, car c'est un quereleur, ne va point en sa cabane, ny avec ceux qui font comme luy. Mais ayme les François & va tousiours avec eux, particulièrement avec le Pere Ioséph, & ceux qui font habillez comme luy, car tu és baptizé aussi bien que moy. Il faut que tu les aymes plus que les autres  
605 puis qu'il \* r'ont || baptizé, quand tu auras de la viande, & du poisson, tu leur en donneras, & ne les abandonneras point. Ayme aussi les Peres Iesuites, & oubly ce que ie t'en ay dit. Ayme aussi Monsieur du Pont, Monsieur de Champlain, Madame Hebert, & son gendre, & tous les autres François qui font bons, & ne va point avec les meschans. Ne te fasche point quand ie feray mort, il nous faut tous mourir & partir de ce pays icy, & ne sçauons quand. A quoy respondit le gendre, ie feray tout ce que tu m'as dit, mon pere, & puis se teut, car ils n'ont pas grand reponce.

Puis le malade s'adressant à ses enfans qui estoient là pleurants, dit à son fils aîné: Matchounon (ainsi s'appelloit-il) fois tousiours bon garçon, & ayme bien tes freres, & tes sœurs, ne fois point paresseux, car tu és bon chasseur, & bon pescheur, & ne fois point aussi

quereleur, demeure avec ton beau-frere, & toy & tous tes freres & sœurs, vivez bien en paix, ne va point à la cabane de ton oncle Carommisit, car c'est un quereleur. Si tu veux demeurer avec le Pere Ioseph ie le veux bien, il te baptizera, & tous tes freres, & croy ce qu'il dira, mais pourtant ne va point en France, car peut estre que tu y mourrois, que tes freres n'y aillent point aussi. Pour demeurer icy avec luy ie le veux bien. Je luy ay promis ton petit frere Chippe Abenau, s'il le veut auoir donne-luy, mais qu'il n'aille point en France, comme ie ven \* de dire.

|| Voicy comme il luy enseigne de prendre une fille honneste. Quand tu te marieras prens une fille qui ne soit point paresseuse ny coureuse, ayme-la bien, & tes enfans, n'en prens point d'autres de son vivant, ne te fasche point contre elle, ne la chasse point, ayme tousiours tous les François, & les assiste de chair, & de poisson quand tu en auras, & de l'anguille au temps de la pesche, que tu donneras au Pere Ioseph & à ses Freres, afin qu'ils n'ayent point de faim. Ne te fasche point quand ie seray mort. Le Pere Ioseph me donnera un drap pour m'enseuelir, & m'enterrera aupres de Monsieur Hebert, ne t'en fasche point. A tout cela le fils luy respondit de mesme que le gendre, mon pere ie seray tout ce que tu m'as dit, & le mettent en effet, car ils ont en grande veneration les dernieres paroles de leur pere & mere, plus que toutes les autres qu'ils leur ont dites de leur vivant, en quoy ils sont imitez de tous les bons Chrestiens, pour ce que les dernieres paroles sont ordinairement les plus energiques & salutaires.

Le pauvre Mecabau fit la mesme exhortation à tous ses autres enfans, les uns apres les autres, par lesquelles il leur recommandoit particulièrement la paix & l'amitié, qui estoit tout ce que saint Iean recommanda à ses Disciples auant sa mort, disant qu'en ce seul commandement d'aymer l'un l'autre, ils accompliroient toute la Loy: Puis s'adressant au Pere Ioseph, & à tous ses Religieux || il luy dit: Pere Ioseph mon  
607 fils, ie te remercie de ce que tu m'as baptizé, & m'as souuent donné à manger, & à tous mes enfans, aymeles aussi comme tu m'as aimé ie t'en prie. Quand ils auront faim donne leur à manger, & si tu n'y és pas, tu diras à tes freres qu'ils leur en donnent. Ie t'ay toujours bien aimé, vòylà pourquoy ie te donne mon petit garçon Chippe Abenau, ayme-le, & tous mes enfans, baptize-les, mais ie te prie qu'ils n'aillent point en France, tu as bien entendu tout ce que ie leur ay dit, ie veux qu'ils le facent, & se tournant vers Frere Geruais, il luy dit, Frere Geruais ayme bien aussi mes enfans, si tu veux aller Hyuerner, pour apprendre la langue, va demeurer avec eux, ils auront soin de toy. Quand le Pere Ioseph sera mort tu diras à tes autres Freres qui viendront, qu'ils ayment bien mes enfans.

Lors le Pere Ioseph luy dit, ie suis bien edifié de tes paroles, par lesquelles tu monstre que tu as de l'amitié, & de l'esprit, mais ie suis estonné que tu defends à tes enfans d'aller en France, où il y fait si beau viure, ie te promets bien que ie te ~~te~~ aymeray, & assisteray de tout mon pouuoir, mais pour le Chippe Abenau que tu m'as donné, ie serois bien ayse de le conduire en France, avec le petit Louys, fils de Choumin,

à quoy il ne voulut iamais consentir, à cause qu'il y en estoit || mort quelqu'uns de leur Nation. Puis il fait son Testament, en recommandant à ses enfans d'aymer aussi leur belle-mère, qui ne s'estoit pû la trouver; & comme il estoit de son naturel fort iouial, leuant les yeux, ça dit il, où est la mort, elle ne vient point. 608

Mais on luy dit apres, Mecabau vous auez eu raison d'exhorter vos enfans, & de mespriser la mort, vous sentant bien avec Dieu; neantmoins il y a encore une chose que vous auez oublié, de leur enioindre payer à Monsieur Corneille, ce que luy devez (c'estoit le Commis de la traite), car on doit payer ses creanciers, comme nous auons dit, ou donner charge qu'il se fasse payer. Vous n'avez point d'esprit, respondit-il, ne scauez-vous pas bien qu'il a tant gagné avec moy, & que ie luy ay donné tant de testes & de langues d'eslan, & des anguilles à foison, lors que ie faisois la pesche, c'est au moins qu'il me donne ce que ie luy dois. Si ie retourne en conualescence ie le payeray, mais si ie meurs ie ne tueray plus de castors pour luy satisfaire, & n'entend point laisser debtes à mes enfans. Et comme on luy eut dit qu'il n'y auoit que 20. castors à payer, Ce n'est pas beaucoup, dit-il, c'est pourquoy il luy sera plus facile de me les quitter, car il est assez riche, & nous pauvres.

Le lendemain matin sa femme le vint voir, fâchée de ce qu'il vouloit estre en- || terré au Cimetiere, & pria ses enfans de le mener à sa cabane, pour estre enterré avec ceux de sa Nation, car elle ne pouuoit souffrir pour la mesme raison qu'il mourut en nostre maison. Ce bon homme refusoit fort & ferme de sortir, 609

car il n'osoit defobliger nos Religieux, qui le prioient de demeurer, mais à la fin il fut tellement persuadé qu'il fut contrainct de se laisser conduire à sa cabane, disant qu'on luy auoit asseuré qu'il n'importoit où l'on mourut pourueu que l'ame fust sauuée, & ainsi partit nostre malade conduit sur une traine par sa petite fille.

Nos Religieux neantmoins ne l'abandonnerent point, car ils l'alloient souuent voir pour l'exhorter à la perseuerance, mais comme il arriua que le Pirotois, & plusieurs de ses amis l'allerent visiter pour le diuertir par quelque chanterie, le malade leur souffrit, & chanta avec eux, non à dessein de guerison, mais pour leur complaire, ce que sçachant les François, firent courre le bruit qu'il estoit retourné à ses superstitions passées, en quoy ils se trompoient, car à ce faux bruit le Pere Ioseph y fut qui le trouua tousiours dans sa premiere deuotion, & n'auoit chanté que pour complaire aux autres, car l'ayant interrogé il protesta qu'il vouloit viure & mourir en bon Chrestien, & dans nostre croyance comme il auoit promis au Saint-Baptême. On luy oyoit aussi souuent dire  
610 ces mots || Iesus Maria, Chouerimit egoke sadguitan, qui signifie en François, Iesus Maria ayez pitié de moy & ie vous aymeray.

Et comme la maladie s'alloit rengregeant il perdit peu à peu la parole, & mourut en nostre Seigneur pour viure en Paradis, comme pieusement nous pouons croire. Il fut enseuely dans le drap que nos Religieux luy auoient donné, puis enterré au Cimetiere de ceux de sa Nation, proche le iardin qu'on appelle du Pere

Denys, pour le contentement de ses parens, qui autrement n'eussent point vescu en paix.

---

*Des Missions & fruits des Freres Mineurs en toutes les principales parties du monde, & d'un Religieux Dominicain venant actuellement de la grande ville de Goa, capitale des Indes Orientales.*

CHAPITRE XXXVIII.

Si nos Freres qui sont à present deuant Dieu, & ceux qui restent en tres-grand nombre dans toutes les parties de la terre habitable, estoient blasrables en quelque chose, ce seroit pour auoir esté trop retenus, & n'auoir descrites leurs sainctes actions, & les grands fruits qu'ils ont faits & font actuel- || lement en l'E- 611  
glise de Nostre Seigneur, qui eussent seruy pour nostre exemple & edification; mais comme leur sentiment a esté bon & ne cherchent que l'honneur de la gloire de Dieu, ils se contentent de bien faire sans se soucier des vaines louanges du monde, de maniere que si nous fçauons quelque chose d'eux, ça \* esté plustost par autrui que par eux mesmes, car ils ne se sont iamais amuzés à faire des Relations annuelles, qui ne sont pour l'ordinaire que redites, & un desguisement de Rhetoriciens, autant plein de fueilles que de fruits.

Nos pauures Religieux ont esté en effet des ames choisies de Dieu pour le salut des peuples, ont peu parlé, moins escrit, & beaucoup operé, car le vray ser-

uiteur de Dieu, en operant, patissant, & souffrant, non plus qu'en iouissant, n'a que la seule voix de l'agneau à l'imitation du vray agneau Iesus Christ, ouy & non. Leur vie & leurs actions sont vrayement admirables & comme parfun tres-odoriferant deuant Dieu, mais la recompence qu'ils en attendent est au delà de tout espoir humain, puis qu'un Dieu si bon ne peut petitement remunerer, donnant dès ce monde le centuple, & apres la mort, la vie eternelle. La vertu porte tousiours son prix, & n'y a rien qui gaigne tant les cœurs que la douceur, & le bon exemple, & particulierement entre les Infidelles le mespris de l'honneur, & des richesses, qu'ils admirent entre toutes les actions de vertu plus difficiles, pour ce que naturellement || l'homme est porté d'en auoir, & de fuyr la disette, & le mespris le plus qu'il peut, & il est vraysemblable que cette pauureté volontaire & le mespris de l'honneur & des richesses de la terre, est un tres-puissant moyen pour terrasser Satan, & luy faire lacher prise des ames qu'il traine dans la perdition, & c'est en cette vertu principalement, que nos Saints Freres se font faits admirer entre tous les Religieux qui ont passé depuis eux en ces terres Infidelles pour les acquerir à Dieu.

Plusieurs s'estoient imaginez que le monde se conuertiroit plustost par la science des Doctes, que par la bonne vie des simples, & c'est en quoy ils se font trompez, car encor bien que l'un & l'autre soit necessaire, de peu sert le discours docte & eloquent sans l'exemple de vertu. Nostre Seraphique P. S. François souloit dire aux Predicateurs de son Ordre qui sem-

bloient auoir quelque vanité de leur science & du fruit de leur Predication : Ne vous enfez point, Predicateurs, de ce que le monde se conuertit à Dieu par vos predications, car mes simples Freres conuertissent aussi par leurs prieres & bon exemple, qui est la Predication que principalement ie desire & souhaite à tous mes Freres.

Il appelloit simples Freres ceux qui par humilité refusant la Prestise, desiroient estre Freres Layz, qu'il appelloit par excellence les Cheualiers de sa table ronde, & les meres de la S. Religion, qu'il caressoit & embrassoit amoureusement & paternellement, d'autant plus volontiers qu'il sçauoit le dire de David || estre veritable, qu'il vaut beaucoup mieux estre le plus petit en la maison de Dieu, que le plus grand en la maison des pecheurs, car la Prestise est un estat qui requiert une si grande perfection, que Saint François par humilité ne l'a iamais voulu estre, & ses premiers compagnons, qui estoient tous gentils-hommes & lettez, n'aspirerent au Sacerdoce, ains choisirent estre frere \* Layz par humilité comme ont eu fait beaucoup d'autres Saints personnage \*, qui s'en iugoient indignes, tellement qu'au siecle d'or de nostre Sacré Ordre, à peine se trouuoit-il des Religieux qui voulussent estre Prestres, & ce grand Anacorette Pameüs, ayant iusques au nombre de 1400. Religieux en son Monastere, ne voulut iamais permettre qu'aucun fut *in sacris*, pour maintenir l'humilité en sa maison, & euter le mespris de ceux qui se picquent de vanité, car un Prestre d'un village voisin leur venoit administrer les Sacremens.

Ils ne font ainsi nommez Freres Layz que pour les distinguer des Freres du Chœur, car au reste ils sont vrayement Ecclesiastiques & de mesme profession & egalité en nostre Religion que les Religieux du Chœur, ils portent aussi ou peuuent porter, comme les Ordonnances & Offices de nostre Custodie de Lorraine enoignoient, une petite couronne clericale conformement à la volonté du Pape, qui en fist porter aux premiers compagnons de Saint François, & estoient indifferemment esleus Superieurs, Commissaires, Pro-

614 uin- || ciaux, Gardiens & Vicaires, comme il s'est pratiqué en plusieurs lieux, & mesme de nostre temps nous auons veu Gardien de nostre Conuent de Verdun un venerable P. Daniel, frere Lay, à laquelle charge il est mort, chargé de gloire & de merite.

Il y a quelques années que demeurant de communauté en nostre Conuent de S. Germain en Laye.\* Un ieune Religieux Dominicain actuellement venant de la grande ville de Goa, capitale des Indes Orientales, où il auoit demeuré l'espace de dix années consecutives, nous dit, que nos freres y sont tellement reuerés pour leur vertu & egaleme tous les Religieux des autres Ordres, qui sont dans les pais Indiens, que sans offencer aucun autre Religieux de nostre Europe, il n'auoit rien veu de pareil en toute la France, en Italie, ny par toutes les Espagnes.

Et veritablement ie dois croire que ce bon Religieux parloit du fond de son ame, & disoit verité, car bien qu'il fust actuellement retournant d'un si long & penible voyage, qui auroit pû luy causer de la distraction, il estoit neantmoins si retenu en ses parolles, si mo-

deſte en ſes actions, & ſi mortifié de la veuë, qu'à peine leuoit-il les yeux en nous parlant. Il eſtoit neantmoins François de Nation, lequel s'eſtant tranſporté en Eſpagne, fut fait page d'un Seigneur du païs, qui s'embarqua pour Goa, d'où le Viceroy pour Sa Maieſté Catholique, l'enuoya depuis Ambaſſadeur vers le Roy de la grand Chine, qui le logea l'eſpace de ſix ſep- || maines dans l'un des plus beaux departemens de ſon Palais Royal, d'où il alla de là paſſer par la Perſe. L'ambaſſade finie, & l'Ambaſſadeur eſtant de retour à Goa, ce bon page faiſant fruit de ſon voyage & de tant de merueilles, grandeurs & richèſes qu'il y auoit veuës, comme les images & l'ombre des beautez du Ciel, prit reſolution de quitter le monde & prendre le party de Dieu en l'Ordre de S. Dominique, où il a acquis les vertus & les graces neceſſaires à un bon Religieux. 615

Je m'informay de luy des principales raretez du Royaume de la Chine, de cette grande muraille qui ſepare cet Eſtat de celuy des Tartares, ſur laquelle il auoit marché quelque temps. De ce grand, riche & admirable Palais Royal. Des ſalles lambriffées de plaques d'or maſſif, couertes & enrichies d'eſcarboucles & de diuerſes pierres precieufes, dans leſquelles l'Ambaſſadeur ſon maïſtre auoit eſté receu. Des boules d'or maſſif eſleuées pour embelliffement ſur des colonnes, & par deſſus les coins & ſaillies des architectures, & de tous les païs par où il auoit paſſé, & trouuay ſes reſponces conformes à tout ce que i'en ay pû apprendre dans l'hiſtoire, & quelques choſes de plus que les autres Autheurs n'auoient point remarquées.

Ma curiosité me porta encores de m'enquerir du Royaume de Calicut, qu'il me dit estre voisin de celui de Goa, mais commandé par un Roy idolatre, & que ce qu'il auoit le plus admiré estoit le nombre presque  
616 infiny de diamans & autres pierres precieuses, desquelles brilloient toutes les niches & places où estoient posées leurs idoles, ils luy reprochoient comme gens terrestres & grossiers, que le Dieu des Chrestiens de l'Europe estoit un Dieu bien pauvre & necessiteux, puis que son peuple & ses gens estoient contraincts de passer les mers iusques dans les dernieres extremités de la terre, pour auoir de l'or & des pierres, desquelles leurs Dieux auoient en abondance & de tous biens, comme en effect c'est un país tres-riche.

Ce ne font pas seulement les idoles de Calicut & les peuples idolatres, qui en sont enrichis iusques dans un furieux excés, mais mesmes les peuples des Royaumes conuertis, & particulierement les dames de Goa quoy que Chrestiennes, en portent iusques sur leurs petits patins enchassées en des lames d'or, les oreillettes brillantes leur pendent sur les espales, qu'elles ont simplement couertes iusques à la ceinture d'une fine chemise de cotton, qui debat avec la blancheur de leur chair, & la Thiarre de pierreries que les grandes Dames ont sur la teste leur semble donner grace avec leur petite iupe volante de fine soye, & dans toutes ces mignardises & parmy tous les puissans attrais, encore y voit-on reluire de la vertu & plus de pudeur que l'on ne s'imagineroit pas, qui est neantmoins chose rare & bien difficile en une femme, qui veut estre estimée belle, & fait ce qu'elle peut pour sembler l'é-

tre, il est vray qu'elles ont un aduantage du climat, qui les porte naturellement dans l'hon- || nesteté, 617 voyant de la deuotion & une grande modestie aux courtisans, iusques au Viceroy mesme, qui faiçt souvent ses deuotions dans nostre Conuent, où sa pieté & les diuerfes mortifications, que nos freres exercent tous les Vendredys l'attirent, & puis l'amour qu'elles ont pour l'honneur & la bonne renommée, les tient en bride, mais tousiours y a-il du hazard pour elles ou pour autruy.

Ce n'est pas seulement dans les Indes, que la vertu & paureté Euangelique des Freres Mineurs a esté admirée & bien receuë d'un chacun, mais par tous les autres endroits du monde où ils ont habité. Iacques de Vitriac Cardinal, dit que au Leuant les Sarrazins admiroient leur perfection & humilité, & pour ce leur pouruoient librement de viures & logemens : & qu'il auoit veu nostre Seraphique Pere Sainct François prescher avec un tel zele & ferueur au Soldan d'Egypte, que le renuoyant de crainte de tumulte & souleuement de son peuple, il luy auoit dit : Prie pour moy, afin qu'il plaise à Dieu me reueler la loy & la foy qui luy est plus agreable, tellement que ce S. Pere esbranla merueilleusement l'esprit & la constance de ce grand Prince, lequel se fust dés lors conuertuy, fans ceste damnable maxime d'estat, qui luy fist preferer la terre au Ciel, & l'enfer au Paradis, par une crainte de souleuer son peuple & perdre son Empire, comme si Dieu ne protegeoit point les Princes & les Roys qui le recognoissent & embrassent son party. Veritablement il est bien difficile & non || point impossible, que les 618

grands se fauuent, pour ce qu'ils se flattent eux mesmes, & veulent estre flattez, & estre estimez Saincts, lors que bien souuent ils irritent Dieu, & font desesperer un peuple.

Ce S. Pere eut douze compagnons qui le suiurent de prés, qui sont les douze premiers Martirs de l'Ordre que l'Eglise a canonizé. Le Pape Gregoire IX qui canoniza S. François, dans la certitude qu'il eut du grand fruit que faisoient nos Freres, leur donna pouuoir de prescher & confesser par tout le monde, où ils se sont depuis esendus, comme il appert par une Epistre d'Alexandre IV. qui siegeoit l'an 1254. 28. ans apres la mort de S. François, que i'ay inferée icy, pour vostre edification : Alexandre, &c. A nos fils & bien aymés les Freres Mineurs, voyageant aux terres des Sarrazins, Payens, Grecs, Bulgares, Cumanes, Ethyopiens, Syriens, Hyberiens, Alains, Garites, Gots, Rutheniens, Iacobites, Nubiens, Nestoriens, Georgiens, Armeniens, Indiens, Mossellaniques, Tartares, Hongrois, de la haute & basse Hongrie, Chrestiens captifs entre les Turcs, & autres Nations infidelles du Leuant, ou quelque autre part qu'ils soient, Salut & Apostolique benediction. Ceste lettre est capable d'annoblir pour iamais l'essence de cet Ordre, & de rallumer dans les cœurs de ses professeurs un vehement amour de l'amour de Dieu & du prochain, car 1. on void nos Freres semés aux principales parties du monde, Europe, Asie & Afrique. 2. Ils sont esendus par toutes les Prouinces & Nations plus esloignées, plus || Sauvages & Barbares de la terre. 3. Ils entreprennent la conuersion de toutes sortes d'Infidelles,

Schismatiques, Idolatres, Payens, Mahometans, Heretiques, Sarrazins, Turcs & Iuifs, qui est tout le plus grand seruice qu'on peut rendre à Dieu en ce monde icy.

Enuiron l'an 1271. fut enuoyé en Grece & Tartarie Hierosme d'Ascoli, depuis General, Cardinal, & Pape Nicolas IV. par le Pape Gregoire X. qui mefnagea si bien & si heureusement la reconciliation de l'Eglise Grecque avec la Latine, qu'il amena au Concile General de Lyon, l'Empereur des Grecs, & quarante Princes, qui se vinrent prosterner aux pieds de Sa Sainteté, & luy protesterent toute sorte d'obeyssance. Les Ambassadeurs des Tartares, conduits par le mesme, furent baptifez fort solempnellement à la grande Eglise, avec un honneur incroyable des Freres Mineurs, occasion pourquoy plusieurs Religieux de cet Ordre y furent prescher & enseigner la Foy & la Religion Chrestienne, & derechef Benoist XI. l'an 1341. enuoya deux Freres Mineurs pour ses Legats, pour restablir la Foy, & eurent permission de l'Empereur d'y prescher l'Euangile, qui profita estrangement.

L'an 1289. Frere Raimond, Prouençal, esleu General, fut prié par le Roy d'Armenie d'enuoyer des Freres Mineurs pour les instruire en la Foy. Il y en depescha six qui publierent l'Euangile avec un admirable succez, desquels Frere Pierre de || Tolentin y 620 receut la couronne du martyre.

1322. En la ville de Thamné de l'Inde Orientale, furent martyrisez, quatre Religieux passans de Thauris à Cathai, puis à Olmus, de là ils s'embarquerent pour aller à Thamné, distant trois mois de nauigation

de Thauris, où ils baptizerent grand nombre de ces Infidels. L'un d'eux nommé Frere Jacques fut exposé par deux fois au feu sans brusler, Dieu le conseruant miraculeusement aussi bien que les trois enfans dans la fournaise de Babylone. Et les habitans du pays prenant de la terre où ont esté martyrisés ces Saints & la trempant dans l'eau & la beuuant, sont gueris miraculeusement de leurs maladies.

1332. A la requeste de Zacharie, Archeuesque de Saint Thadée en la grande Armenie obeyssant au Pape, le General de l'Ordre enuoya grand nombre de Religieux d'Aquitaine & Prouence pour la conuersion de ses peuples. Le Pere Arnaut demeurant avec l'Imperatrice Latina de la maison de Sauoye, conuertit son mary, qui obtint du Pape Iean XXII. des Religieux pour la conuersion de ses peuples.

1336. A la requeste de Robert, Roy de Sicile, frere de S. Louys, Euesque de Tholose, le Turc octroya aux Religieux de Saint François le Mont de Syon, le S. Sepulchre de nostre Seigneur & Bethleem, où estoit autrefois le deuot Monastere de Paule & Eustachium, 621 que les Recolleets possèdent à present avec Nazaret, Le Mont Liban, où ils ont edifié plusieurs Couuens depuis deux ans, en ont un en Galata lez Constantinople, avec une residence, & un autre des Couuentuels, & en beaucoup d'autres lieux sur les terres des Turcs, où ils souffrent souuent de grandes perfections, comme nous font foy les lettres que nous en receuons de nos Freres.

1340. Le Chapitre General enuoya des Religieux en Sclauonie, & au Royaume de Bosna, infectez d'he-

refie, & y firent tel fruit qu'après la conuerfion de fes peuples, ils y baftirent fept Cuftodies de Conuents. Ce fut la mefme année que F. Gentil fut martyrifé prefchant en Perfe, lequel auparauant eftant en Babylone, ne pouuant apprendre la langue Arabique, refolu de s'en retourner en fon pays, il rencontra un Ange en chemin qui la luy enfeigna miraculeufement, ayant depuis heureufement prefché en cette langue-là.

1341. L'Empereur des Tartares duquel nous auons parlé, fist baftir, quoy que Payen, un Conuent aux Freres Mineurs en la ville d'Amalech, & appelloit F. François d'Alexandrie fon pere, qui l'auoit diuinement guery d'une fistule, & luy bailla fon fils pour estre catechizé & baptizé.

1342. F. Paschal ayant appris la langue Carmannique, de laquelle on ufe par tout l'Empire des Tartares, des Perfes, Chaldeens, Medes, & Cathai, voyagea & prefcha iufques à la ville de Burgaut & Amalech, qui || font aux derniers confins des Perfes 622 & Tartares, où apres plusieurs trauaux il fut martyrifé : deux autres le furent encor prefchant à Valnacafre & Liuonie, par le commandement du Duc Idolatre.

Et pour ne parler que des plus infignes Miffions, Urbain V. en 1370. enuoya 60. Religieux de S. François fous la conduite de Frere Guillaume du Prat, qu'il fist Euefque & fon Legat au Royaume de Cathai. Au mefme an Frere Iean de Naples prefcha la Foy au Roy de Gaza, où il fut mis à mort auffi bien que quatre autres en Bulgarie par la faction des Grecs.

Voyci derechef un solemnel Ambassade d'Eugene quatriefme, qui deputa F. Albert de Sartian, insigne Predicateur & grand homme d'affaires, avec 40. Religieux, au Preste-Ian, duquel il obtient pouuoir d'aller par tout son Empire, & l'an 1439. il retourna à Florence où se tenoit le Concile General, ayant amené avec soy R. P. en Dieu F. André, Abbé du Monastere Sainct Anthoine, Legat & Commissaire du Preste-Ian, qui desiroit recevoir instruction, & rendre obeysance à l'Eglise Romaine. Il fut receu avec toute forte de magnificence & ioye, & enseigné en la Foy & doctrine orthodoxe. A mesme temps F. Iean de Capifran, Vicair General de l'Ordre, estant allé en Leuant pour la Reformation des Conuents de l'Ordre, y amena les Ambassadeurs Armeniens, & depuis fut  
623 Legat en Lombardie, où il ramena || le Duc de Milan qui fauorisoit le Concile de Basle. Martin V. le fit Inquisiteur General du Sainct Office par toute la Chrestienté où il se trouuoit. Eugene IV. luy confirma cette dignité, & le fit son Legat contre les Iuifs, Payens & Heretiques, & conuertit un iour à Rome 40. Iuifs avec le Prince de la Synagogue nommé Sargas, lequel il rendit muet & vaincu en dispute publique, & refusa plusieurs Eueschez pour estre plus libre à prescher, à la requeste de l'Empereur Frideric, de l'Archiduc d'Austriche, d'Eneas Syluius, Euesque de Sienne Legat du Sainct Siege, depuis Pape Pie second. Nicolas V. l'enuoya en Hongrie & l'Allemagne, où il auoit acquis une si grande creance qu'Eneas Syluius en dit ses mots : Frere Iean est un homme de Dieu, les peuples d'Allemagne le tiennent

comme un Prophete, il a le pouuoir, s'il vouloit au moindre signe de la main, d'esleuer une grande multitude ; il se trouua avec un Crucifix en main à la bataille que les Chrestiens gaignerent en Hongrie contre Mahomet second, qui auoit tout fraichement enuahy l'Empire de Constantinople, & se promettoit la conqueſte de toute la Chrestienté, mais ce seruiteur de Iesus Christ anima tellement par ses predications les Chrestiens qu'ils furent victorieux, ce que tesmoignent Nicolas Calcondile Grec & le liure *Fasciculus temporum*, Autheurs qui viuoient au mesme temps.

Ce ſainct personnage estoit receu en toutes les villes avec un applaudissement & ioye incroyable, le peuple luy alloit au deuant, il estoit receu avec le son des cloches, conduit en la grande Eglise, où l'on entonnoit le Cantique *Te Deum laudamus*, avec la musique & les orgues, chacun admirant sa doctrine & ses miracles. Il baptisa en la Ruffie & Valachie plus de dix mille ames, chose incroyable, par une seule predication, mais accompagnée de l'esprit de Dieu, à Gabriele en Pologne six vingts ieunes hommes estudians dirent adieu au monde pour endosser l'habit de Religion, desquels cent se firent Religieux de S. François ; il fist brusler six chartées d'inſtrumens à iouer & six cents d'attifez & vains ornemens des femmes ; lesquels seruent de prise au diable pour deceuoir & perdre les ames.

Le Pape Calixte III. rapporta la victoire des Chrestiens sur les Turcs assiegeant Bellegrade l'an 1456. aux prieres de ce grand Seruiteur de Dieu, en laquelle il n'y eut iamais que soixante Chrestiens de

tués, & y demeura bien deux cents quarante mille Turcs avec 160. pieces de canon qui furent prises. Il mourut la mesme année le 23. Octobre, aagé de soixante dix ans quatre mois, desquels il en auoit passé 40. & six mois en la vie Religieuse. Le Souuerain Pontife Calixte III. pleura amerement sa mort, & permit dés lors d'exposer son image en publique, & faire l'office d'un Sainct Confesseur & Docteur en l'Euesché de  
625 Sulmona, d'où || il estoit natif : & depuis ayant operé quantité de miracles, Gregoire XV. dernièrement decédé le declara solennellement Bien-heureux, avec permission de celebrer sa feste & son Office en tout l'Ordre S. François.

Le Bien-heureux Frere Iacques de la Marque l'an 1490. conuertit à la Foy le Royaume de Bosna, dans lequel il y auoit plusieurs Payens. Il prescha douze ans entiers par les commandemens d'Eugene IV. Nicolas V. & Calixte III. en Hongrie, Sclauonie, Dalmatie, Pologne, Albanie, Prusse, Dannemarc, & haute Allemagne, & fit un tel progresz & profit qu'il baptiza plus de deux cents mille ames, soit Payens conuertis, ou Schismatiques reunis à l'Eglise : suiuant laquelle ils n'auoient pas esté deuëment baptifez, manquant quelque chose d'essentiel au Baptisme. Il prescha quarante ans durant avec une infinité de miracles, mourut aagé de 90. ans, dont il en auoit vesçu 61. en Religion, avec une rigueur & austerité incroyable. Sixte IV. à qui il auoit prophetisé qu'il feroit General, Cardinal, & puis Pape, commanda qu'on mit son image en l'Eglise pour y estre venerée, son manteau au Conuent de Montbrandon, où il prit l'ha-

bit, chaffe les diables encor à present, & fa corde & fon habit font le mefme au Conuent Nofre Dame la neufue à Naples, où il eft enterré.

---

|| *Des deux Indes Orientales & Occidentales, & des 626  
conuerfions admirables que les Freres Mineurs y  
ont operé, & comme dès l'an 1621. ils auoient dans  
la feule Merique plus de cinq cens Conuents en  
22. Prouinces.*

#### CHAPITRE XXXIX.

Deux puiffantes raifons auoient induits Aristote & quelques autres à fe perfuader qu'il n'y auoit autres gens au monde que les habitans d'Europe, d'Asie & d'Afrique. La premiere estoit la grande largeur de la mer, qui leur fist eftimer que les hommes ne fçauoient passer tant d'eaux avec aucune force ou industrie, & ce fut ce qui meut S. Auguftin à nier les Antipodes.

L'autre raifon qui deceut les Anciens fut qu'ils creurent que la Zone Torride estoit inhabitable pour fon exceffive ardeur, de mefme que les Polaires pour leur froideur infupportable, mais ils se font trompez, comme tout le monde fçait à present, fans qu'il foit neceffaire d'en defcrire icy les particularitez puis que d'autres en ont defia escrit, feulelement ie diray que ce monde nouveau fut defcouuert en l'an 1497. par Americq Vefpuce, Florentin, qui luy impofa ou  
|| d'autres à fa faueur, le nom Americque, bien 627

que l'honneur en soit proprement deu à Christofle Colomb, Genois, qui l'a le premier descouuert en l'an 1492. cinq ans auant ledit Americq Vespuce, selon quelques Autheurs.

Platus, Iesuite, donne cette gloire à nos Religieux par dessus tous les autres, d'y auoir passé les premiers, deux desquels fauoriferent grandement Christofle Colomb enuers le Roy Ferdinand pour une si haute & genereuse entreprise, laquelle estoit estimée pour une fable par les hommes d'Estat, & trauerferent les mers l'an 1493. sans apprehension des dangers & hazards qu'ils trouuoient à toute heure pour paruenir en l'Amérique, qu'on nomme Inde Occidentale ou nouveau monde.

L'an 1516. ils edifierent deux conuens à Cubagna & Cumana, & un autre à Marcapana, que les Sauuages bruslerent & massacrerent tous les Religieux. Les premiers qui furent iamais prescher aux Royaumes de Tloxcalla, Mechioacan & Mexico, furent Freres Mineurs sans redouter la fureur de ses peuples barbares. L'an 1520. le Roy de Mechioacan Sinzinca, qui pour regner tout seul auoit fait tuer ses quatre freres, adoucy par la predication Euangelique, receut la Foy & le Baptesme, & se fit nommer François, pour l'affection qu'il portoit à nos Religieux : il rendit son Royaume tributaire à l'Espagne, & procura peu apres  
628 le salut de ses suiets par || les sermons du P. Martin de Iesus, Recollect.

L'an 1524. au mesme temps que l'enfer eut vomy sa rage, & que Martin Luther Apostat se reuolta dans l'Allemagne avec une partie des Prouinces d'Occi-

dent, car quoy qu'il eust l'an 1517. commencé à prescher contre les Indulgences, si est-ce qu'il demeura tousiours dans son cloistre avec l'habit Religieux, & ne dit point adieu tout à fait à l'Eglise Romaine que l'an 1521, un autre homme de Dieu, & parfaict Religieux Frere Mineur Recollet, nommé Frere Martin, de Valence, expose & sa vie & son industrie & trauail pour la conuersion spirituelle des Indiens Americains; le Pape le crea Commissaire Apostolique, avec toute sorte de pouuoir sur ce requis : il s'embarqua avec onze Religieux, cette troupe de gens Apostoliques arriuerent heureusement à Mexico, capitale du Royaume.

Voilà deux Martins en campagne, l'un deserteur de la Foy, l'autre professeur d'une tres-estroite pauureté, l'un combat pour Sathan, l'autre pour Dieu, l'un perd les ames par sa pestilente doctrine, l'autre sauua par la predication de l'Euangile, & trauailla si assidument & avec tant de bon-heur, que luy & ses compagnons conuertirent iusques à 14 millions d'hommes, l'un desquels comme il est remarqué par quelque Autheur, en baptiza à sa part en plusieurs années enuiron quatorze cens mille, ce qui sembleroit quasi incroyable à ceux qui ne sçauoient pas le grand nombre de Provinces que le Roy des || Espagnes possede au nouveau monde, & le nombre presque infini de peuple qu'il y a si les Historiens qui ont esté dans le pays, & ceux mesmes qui sont moins portez pour la grandeur d'Espagne ne luy en asseuroient, & tesmoignoient en leur relation.

629

L'aduis adressé à tous les Princes Chrestiens, publié cette année à Paris, declare hautement & generale-

ment que cette Couronne d'Espagne a conquis depuis environ cent ans, cent Royaumes ou Empires aux Indes, & de là iugez combien de peuple il y peut auoir, & combien de Freres Mineurs il y a, car nous en auons par tout.

Voicy ce qu'en dit Dom Frere Barthelemy de las Casas, Dominicain, qui a voyagé au nouueau monde environ l'an 1540. & 41, où il rapporte que les Espagnols y auoient desia conquis plus de pays que la Chrestienté n'est grande trois fois, puis pourfuiuant il dit: La premiere terre où les Espagnols entrerent pour habituer, fut la grande & tres-fertile Isle Espagnole, laquelle contient six cens lieuës de tour en 5. grands Royaumes principaux, & quelques autres Prouinces separées, qui n'ont à present de Princes que le seul Roy des Espagnes.

Il y a d'autres grandes & infinies Isles à l'environ & es confins à tous costez, lesquelles nous auons veuës les plus peuplées, & les plus pleines de leurs gens naturels, & d'un des plus excellens air\* que peut estre autre pays du monde, dont la pire est plus fertile que le iardin du Roy de Sicile.

630 || La terre ferme laquelle est loing de l'Isle Espagnole à 250. lieuës contient au long de la coste de la mer, plus de dix mille lieuës : qui sont desia descouuertes, & s'en descouure tous les iours dauantage, toutes pleines de gens, comme une formiliere de formis. En ce que iusque à l'an quarante & un s'est descouuert, il semble que Dieu a mis en ces pays-là le gouffre ou la plus grande quantité de tout le genre humain.

D'autres Autheurs rapportent que dans la feule ville

de Mexique, capitale du Royaume de mesme nom, au temps qu'elle fut reduite sous la puissance du Roy des Espagnes, ce qui aduint en l'an 1520. le 13. d'Aouft, par Ferdinand Cortez, on y contoit en foixante & dix mille maisons, iusques a huiët cens mille habitans, entre lesquels il y auoit trente Potentats, ou grands Seigneurs, qui auoient chacun cent mille vassaux, & trois mille Lieutenans qui en auoient encores d'autres sous eux; & en l'Isle Espagnole autrement Sainct Dominique, qui n'est rien en comparaison de ce puissant Empire, qui enceint tant de Prouinces & Royaumes, on a conté iusques à quinze cent mille hommes & on en a veu iusque à cent mille prendre la discipline processionnellement en memoire des coups de fouet dont on a meurtry le corps du Fils de Dieu, tant estoit grande leur ferueur & deuotion, & le grand fruit de nos Freres parmy ces pauvres Indiens.

|| Dieu benissoit tellement les trauaux de ses seconds 631  
Apostres, que Sarius, Chartreux, remarque qu'il n'y en eut pas un qui n'en baptisast plus de cent mille pour sa part, & le Pere Motonilia, Recollet Espagnol, qui fut le dernier de ces douze premiers Peres, en baptisa quatre cents mille; & pour sa grande pauureté les Indiens l'appelloient Motonilia, qui signifie pauvre en leur langue.

Le Souuerain Pontife ayant ouy le grand fruit que ces zelans & feruans Religieux auoient fait en cette nouvelle Espagne, à la requeste de l'Empereur Charles V. il pourueut du premier Euesché de Mexique l'an 1528. Frere Iean de Zumaragna, homme de sainte vie, & infatigable parmy ces penibles voyages qu'il

fit sans jamais manier argent. Il fit toutes les visites de son Euefché à pied quelque decrepité qu'il fut, car il est mort aagé de quatre vingts ans, son corps se conserue encore miraculeusement tout entier. C'est d'une lettre qu'il escriuit à nos Peres au Chapitre tenu à Toulouze que nous apprenons tout plein de particularitez des Indes, de l'ordre qu'il establit en la conuersion des Infidelles, institution des Colleges vis à vis de nos Couuents, où les enfans estoient imbus & endoctrinés en lafoy, & aux bonnes lettres.

632 Ce furent aussi les Freres Mineurs Recollects, de la Prouince de Saint Ioseph, qui passerent les premiers aux Isles Philip- || pines, & l'an 1540. le Roy de Portugal ayant esté instamment requis par le Roy de Zeilan, de luy enuoyer des personnes qui le peussent instruire en la Religion Chrestienne, il en donna la commission à sept de nos Religieux, qui prescherent si utilement & fructueusement, qu'ils conuertirent le Roy & toute sa famille.

Le sang de nos Religieux qui a arroufé la terre du Iappon la leur a rendu plus fertile, qui pourroit raconter les supplices cruels qu'on fit souffrir à six de ces bons Peres, l'an mille cinq cents nonante sept, auant que de les faire barbarement mourir par le feu & par le fer, mais en recompense ils ont gagné bien des ames à Dieu, car l'an mille six cents quinze, le cinquiesme d'Octobre, arriua à Rome Fraxicura, Ambassadeur du Roy de Voxu, qui est une Prouince située à la partie Orientale du Iappon, ce solempnel Ambassade estoit de cent Gentilhommes Iapponnois, qui s'embarquerent le 28. Octobre de l'an mille six cens

treize pour faire voyle en ces quartiers, & venir rendre l'obeissance au Souuerain Pontife, la longueur & l'incommodité d'un voyage d'un an entier, ayant passé deux fois la ligne Equinoctiale, les ardantes & intolérables chaleurs qu'ils y souffrirent leur causa des maladies dont la plupart moururent, excepté vingt cinq qui aborderent en Espagne le 10 Nouembre 1614. Ils estoient conduits par le Pere Louys Sotello, Recollet, qui harangua || deuant le Pape, apres qu'ils eurent esté magnifiquement receus & traictés à Rome, où rien ne fut oublié ny espargné, tant à leur entrée Royale qu'au reste de la despence qui fut tres-splendide, & tout autre que ne portoit l'escrit qui en fut imprimé, comme m'a eu asseuré un très-honnest Prestre Seculier qui se trouua là present en toutes les ceremonies, & dans nostre Conuent où lesdits Ambassadeurs estoient logez avec le Pere Louys, pour faire voir à ces Seigneurs Iapponois la grandeur & puissance de Rome, & combien l'Eglise Romaine cherit & fait estat de ses enfans qui la recognoissent pour mere, & luy rendent l'obeissance filiale.

633

Fraxicura reconnut le Pape au nom de son Roy, pour Vicaire de Iesus Christ en terre, & Pere commun de tous les Chrestiens. Il rendit tesmoignage que le P. Louys auoit donné entrée à la predication de l'Euangile dans le Royaume de Voxu, où il auoit traouillé l'espace de quatorze ans continuels, & requist instamment Sa Saincteté de luy donner des Religieux de S. François pour la continuation d'un si bon oeuvre, promit de les ayder, & de bastir des Conuents en ses terres, comme le Roy par tout son Royaume.

Son Roy nommé Idate pour marque de sa vraye conuersion & zele à la Religion, ruina & brusla huit cens Idoles, avec leurs pagodes, il a permis à tous ses suiets de se faire Chrestiens, d'où on espere une ample & riche moisson d'ames. Il deliura 18. cens personnes de la mort qu'un Gouverneur sien cousin estoit  
634<sup>r</sup> resolu || de faire mourir. Le Jesuite Platus de son temps dit que nous y auions desia 13. Prouinces, dont la moindre est de 12 Couuents, & celle de Mexique en contenoit 50. par la derniere liste que nos Peres en ont veue de l'an 1621. Ils y ont remarqué plus de 500. Couuents en 22. Prouinces. Ces grandes entreprises, ces fameuses conuersions ne font que pour la vraye Eglise, laquelle de la mer d'infidelité tire au riuage du Christianisme les ames humaines, sous l'heureuse conduite des Religieux Catholiques qui ont fait surgir és ports reculés & inconnus, la nef de l'Eglise, ils ont ancré aux lieux où iamais les Apostres n'auoient abordés, leurs premieres traces sont marquées du sang bouillant de leur affection, bien souuent captifs ils ont captiué les hommes, & vainquans ont vaincu leurs vainqueurs, de forte que nous pouuons dire que sous leur banniere l'Eglise est comme sortie du monde, pour acquerir de nouveaux mondes.

Pour l'Orientale, la descouuerte & conqueste estoit au Roy de Portugal, Dom Emmanuel, qui en l'an 1500. y enuoya 8. Freres Mineurs sous la conduite de Pierre Aluares de Cabral, qui furent tous martyrisés excepté F. Henry de Conimbre, qui fut à son retour Confesseur du Roy, & Euesque de Cepta. Ils arriuerent à Calicut, & de là passerent à Cochin, où ils commen-

cerent à arborer la Croix, qu'ils prescherent à ces Nations Barbares.

L'an 1502. au seconds \* voyage qui\* fit Vesco de Gama, il y mena de nos Religieux qui baptiferent une multitude incroyable d'enfans, || & les Chrestiens Orientaux tesmoignoient à Vasco, le contentement 635 qu'ils auoient de voir des Chrestiens en leurs pays, & se tenoient fort ses obligez. Frere Garcia de Padilla, fut creé le premier Euesque de l'Isle de S. Dominique ; autrement Espagnole. Et l'an 1510. fut basti un Conuent à Goa fameuse ville & capitale du Leuant, qui seruit apres comme Seminaire, d'où l'on tiroit les Religieux pour enuoyer par les Royaumes de Cauanori, de Cochin, Coilani, les autres alloient avec l'armée, preschoient, seruoient aux hospitaux, & s'occupoient aux œuures de charité, à enseigner & catechifer les enfans : iusques à ce que l'an 1542. ils resignerent le College au P. François Xauier, afin d'auoir moins d'embarras à prescher l'Euangile, de quoy fait foy la premiere vie de Sainct François Xauier, imprimée in-8 & composée par Horace Turfelin, de la mesme compagnie, quoy que la derniere ait oublié ceste particuliere beneficence, ce qui a fait dire à Gonzague, tout le trauail & la peine qu'il y a eu en l'Inde Orientale durant 40. ans continuels, soit à guerir les malades, soit à conuertir les Infideles, soit à instruire les Catechumenes, soit à administrer les Sacremens, ou bien enfin à exercer les autres œuures de charité, toute ceste fatigue estoit chargée sur le dos des Religieux de Sainct François.

636 || *De la pesche du grand poisson & des ceremonies qu'ils y obseruent. Des predicateurs des poissons & de la grandeur de la mer douce.*

CHAPITRE XXXX.

Quand ie viens à considerer la vie, les mœurs & les diuerfes actions de ceux qui ne vous cognoissent point (ô mon Dieu) ie ne sçay qu'en penser sinon que c'est un continuel aueuglement & un abisme de folie. Desireux de voir les ceremonies & façons ridicules que nos Hurons obseruent à la pesche du grand poisson, ie partis du bourg de S. Ioseph avec le Capitaine Auoindaon au mois d'Octobre, & nous embarquasmes sur la mer douce, moy cinquiesme dans un canot, où apres auoir longtemps nauigé & aduancé dans la mer par la route de Nord, nous nous arrestames & primes terre dans une Isle commode pour la pesche, où des-ia s'estoient cabanez plusieurs Hurons, qui n'attendoient rien moins que nous.

Dés le soir de nostre arriué, où l'on fist un festin de deux grands poissons qui nous auoient esté donnez par un des amis d'Auoindaon, en passant deuant son Isle où il peschoit : car la coustume est entr'eux, que  
637 les amis se visitans || les uns les autres au temps de la pesche, de se faire des presens mutuels de quelques poissons. Nostre cabane estant dressée à l'Algoinequin chacun y choisit sa place selon l'ordre ordonné, aux quatre coins estoient les quatre principaux, & les autres en suite, arrangez les uns ioignans les autres,

aflez pressez. On m'auoit donné un des coins dés le commencement comme à un chef, mais au mois de Nouembre qu'il commença à faire un peu de froid, comme il faiçt ordinairement és contrées du Nord, ie me mis plus au milieu, & ceday mon coin à un autre, pour pouuoir participer à la chaleur des deux feux que nous auions dans la cabane.

Tous les soirs on portoit les rets enuiron un quart ou demie lieuë au plus auant dans la mer, & puis le matin venu, dés la pointe du iour on les alloit leuer fouuent garnis de tres-bons gros poissons ; comme affihendos, truites, esturgeons, & autres qu'ils esuentroient, comme l'on faiçt aux moluës, puis les estendoient sur les ratteliers de perches dressez exprés, pour les faire seicher au soleil, où en temps incommode & de pluyes, les faisoient boucaner à la fumée sur des clayes, ou audeffus des perches de la cabane, puis ferroient le tout dans des tonneaux, de peur des chiens & des fouris & non des chats, car ils n'en ont point, & ceste prouision leur sert pour festiner & pour donner goust à leur potage, principalement en temps d'Hyuer qu'ils tiennent fort la maison, & manquent de douceurs.

Quelquefois ils referuoient des plus grands || & gras 638  
affihendos, lesquels ils faisoient fort bouillir en de grandes chaudieres pour en tirer l'huyle, laquelle ils amassoient fort curieusement avec une cueillier par dessus le bouillon, & la ferroient en des bouteilles d'escorce d'un certain fruit ressemblant à nos calbafes, qui leur viennent d'un pays fort estoigné à ce qu'ils me disoient : ceste huyle est aussi douce & agreeable

que beure fraiz, auffi est-elle tirée d'un tres-bon poisson, incogneu aux Canadiens & encore plus icy.

Quand la pèche est bonne & qu'il y a nombre de Sauvages cabanez en un lieu, on n'y voit que festins & banquets reciproques, qu'ils se font les uns aux autres, & s'y resioüissent de fort bonne grace, sans aucune dissolution, ny action qui sente de sa legereté ou fottize. Ceux qui se font dans les bourgs & villages sont passablement bons, mais ceux qui se font à la pèche & à la chasse, sont les meilleurs de tous, quand l'heure en donne, car ils n'y espargnent rien. Comme à une personne de laquelle ils faisoient estat, ils auoient accoustumé de me donner à tous les repas, le ventre de quelque grand affihendos parcequ'il est fort plein de graisse & tres-excellent, mais, comme ie n'ay iamais esté beaucoup amateur de la graisse, qui est le sucres des Sauvages, ie le changeois volontiers contre un morceau plus maigre, & eux se consoloient du mien. Neantmoins tout bien consideré le plus asseuré est suiuant le conseil de S. Bonaventure, manger simplement ce que l'on donne & ne point faire choix de vian- || des sous pretexte mesme de prendre du pire.

639 Ils prennent sur tout garde de ne ietter aucune arreste de poisson dans le feu, & y en ayant ietté, ils m'en tancerent & les en retirerent fort promptement, disans que ie ne faisoit pas bien, & que ie serois enfin cause qu'ils n'en pourroient plus prendre, pour ce (disoient-ils) qu'il y auoit de certains esprits, ou l'esprit des rets ou des poissons mesmes, desquels on brusloit les os qui aduertiroient \* les autres poissons

de ne se pas laisser prendre, puis qu'on les traictoit de la sorte & sans aucun respect.

Les Canadiens & Montagnais ont aussi ceste coutume de tuer tous les eslans qu'ils peuvent attraper à la chasse, croyans que ceux qui s'eschappent vont aduertir les autres de se cacher au loin, peur de leurs ennemis, & ainsi en laissent-ils parfois gaster sur la terre, quand ils en ont des-ia suffisamment pour leur prouision, qui leur feroient bon besoin en autre temps, pour les grandes disettes qu'ils souffrent souuent, particulièrement quand les neiges sont basses, auquel temps ils ne peuuent que tres-difficilement attraper la beste, & encore en danger d'en estre offensé, mais le plus grand mal que cause ceste superstition est, qu'ils ruinent la chasse du poil, de l'eslan & du cerf, comme nos Hurons ont fait celle du Castor en leur pais, où il ne s'en trouue plus aucun, & par ceste destruction, ils s'enioignent souuent des ieufnes plus vigoureux que ceux de l'Eglise, & des plus austeres Religieux des Cloistres. || Un iour comme ie pensois brusler au feu le poil d'un escurieux mort, qui m'auoit esté donné, ils ne le voulurent point permettre & me l'envoyèrent brusler dehors, à cause des rets, qui estoient pour lors dans la cabane, disans : qu'elles le diroient aux poissons. Je leur dis que les rets ne voyoient goutte & n'auoient aucun sentiment, ils me respondirent que si, & qu'elles entendoient & mangeoient : Donnez-leur donc de la Sagamité, leur dis-ie, quelqu'uns me repliquerent, ce sont les poissons qui leur donnent à manger & non point nous.

Le tançay une fois les enfans de la cabane pour quel-

ques mauuais & impertinens discours qu'ils tenoient, il arriua que le lendemain matin ils prendrent fort peu de poisson, ils l'attribuerent à cette reprimande, qui auoit esté rapportée par les rets aux poissons, & en murmurèrent disans que si mes prieres leur obtenoient parfois du poisson, que i'auois esté cause à ce coup qu'ils n'auoient rien pris, & pour chose que ie leur pû dire du contraire, ils resterent dans leur croyance premiere, que tancer leurs enfans du mal, estoit empêcher leur pesche.

Un soir que nous discourions des animaux du païs, voulans faire entendre que nous auions par toutes les Prouinces de l'Europe, des lapins & leurs qu'ils appellent *Quietonmalisia*, ie leur en fis voir la figure par le moyen de mes doigts en la clarté du feu, qui en faisoit donner l'ombrage contre la cabane, par hazard on prit le lendemain matin du poisson beaucoup plus qu'à l'ordinaire, ils creurent que ces figures en auoient esté la cause, & me prierent de prendre courage & d'en faire tous les soirs de mesme & de leur apprendre, ce que ie ne voulus point faire, pour n'estre cause de ceste superstition & pour n'adhérer à leur folie & simplicité digne de compassion.

En chacune des cabanes de la pesche, il y a un *Predicateur de poisson*, qui a accoustumé de les prescher, s'ils sont habiles gens ils sont fort recherchez, pour ce qu'ils croyent que les exhortations d'un habile homme, ont un grand pouuoir d'attirer les poissons dans leurs rets, comme eux l'eloquence d'un grand *Ciceron* à sa volonté. Celuy que nous auions s'estimoit un des plus rauissans, aussi le faisoit-il beau voir

demener & des mains & de la langue quand il prechoit, comme il faisoit tous les soirs, apres auoir imposé le silence, & faict ranger un chacun en sa place, couché de son long, le ventre en haut comme luy.

Son theme estoit : que les Hurons ne bruslent point les os des poissons & qu'on ne leur faict aucun mauvais traictement, puis en suite avec des affections noppareilles \* exhortoit les poissons, les coniueroit, les inuitoit & les supplioit de venir, de se laisser prendre & d'auoir bon courage, & de ne rien craindre, puisqu'c'estoit pour seruir à de leurs amis, qui ne bruslent point leurs os. Il en fist aussi un particulier à

|| mon intention par le commendement du Capitaine, lequel me disoit apres, Hé, mon nepueu, voylà-il pas qui est bien ? Ouy, mon oncle, à ce que tu dis, luy respondis-ie, mais toy & tous vous autres Hurons auez bien peu de iugement, de penser que les poissons entendent, & ont l'intelligence de vos sermons & de vos discours. Il croyoit que si neantmoins, & ne pouuoit estre persuadé du contraire.

642

Pour auoir bonne pesche ils bruslent aussi du petun, en prononçans de certains mots que ie n'entends pas. Ils en jettent aussi à mesme intention dans l'eau, à des certains esprits qu'ils croyent y presider, ou plustost à l'ame de l'eau, car ils croyent que toute chose materielle & insensible a une ame qui entend & comprend, la prient à leur maniere accoustumée d'auoir bon courage, & de faire qu'ils prennent bien du poisson, & fassent une pesche qui leur soit profitable & aduantageuse. Voilà où aboutissent toutes leurs prieres, ou pour leur ventre, ou pour leur santé,

ou pour la ruyne de leurs ennemis, & n'en font point d'autres à quelque esprit que ce soit, sinon pour les voyages & la traicte, car de rendre graces à Dieu, ou de luy demander pardon, avec promesse de mieux faire, il ne s'en parle point, non plus que des autres choses qui regardent le salut, si on ne leur en discourt.

643 Les simplicités que ie vous ay descrites tesmoignent assez que nos Sauvages n'ont || pas l'esprit cultiué, & qu'ils vivent dans une grande ignorance, mais si nous considerons de prés, nous trouuerons en France des personnes aussi mal polyes qu'eux & presque en pareille ignorance, & si i'oze dire plus ignorantes. L'ay veu des François aux Hurons, enseigner aux Sauvages des folies & des inepties si grandes, que les Sauvages mesmes s'en gaussoient, avec raison, & comment n'eussent-ils estalé leur \* marchandises & leurs folles opinions deuant un peuple sans science, puis qu'à nous mesmes ils nous en propoisoient de si ridicules qu'elles ne seroient pas pardonnables à des enfans, & cependant c'estoient personnes de plus de trente cinq à quarante ans d'aage, fort incapables d'estre enuoyez parmy un peuple que l'on doit reduire & amener à Dieu par science & bonne vie.

Nous trouuâmes dans le ventre de plusieurs grands poissons, des ains faicts d'un morceau de bois accommodé avec un os, qui seruoit de crochet & lié fort proprement avec de leur chanure, mais la corde trop foible pour tirer à bord de si gros poissons, auoit faict perdre & la peine & les ains de ceux qui les auoient iettez en mer, car veritablement il y a dans cette mer douce des esturgeons, affihendos, truittes & brochets,

si monstrueusement grands qu'il ne s'en voit point ailleurs de plus gros, non plus que de plusieurs autres especes de poissons qu'on y pèche & qui nous sont icy incognus.

Cette mer douce de laquelle tant de personnes font desirées de sçavoir, est un grand || diffime lac 644 qu'on estime auoir près de trois cens lieues de longueur de l'Orient à l'Occident, & environ cinquante de large, & fort profond, car pour le sçavoir par experience nous iettames la sonde vers nostre bourgade assez proche du bord en un cul de sac, & trouuâmes quarante-huit brasses d'eau, mais il n'est pas d'une egale profondeur par tout, car il l'est plus en quelque lieu & moins de beaucoup en d'autres.

Il y a nombre infiny d'Isies, ausquelles les Sauvages cabanent quant ils vont à la pêche ou en voyage aux autres Nations qui bordent ceste mer douce. La coste du midy est beaucoup plus agreable que celle du Nort, où il y a quantité de rochers en partie couverts de bois, fougères, bluets & fraizes. On tient que la chasse de la plume y est tres-bonne, & à quelqu'unes celle du poil, & qu'il y a force caribous & autres animaux rares & de prix, mais ils sont difficiles à prendre. Le Truchement Bruslé avec quelques Sauvages nous ont assuré qu'au delà de la mer douce, il y a un autre grandissime lac, qui se descharge dans icelle par une chute d'eau que l'on a surnommé le Saut de Gaston, ayant près de deux lieues de large, lequel lac avec la mer douce contiennent environ trente journées de canots selon le rapport des Sauvages, & du truchement quatre cens lieues de longueur.

Lorsqu'il faisoit un grand vent, nos Sauvages ne  
645 portoient point leurs rets en l'eau par || ce qu'elle  
s'esleuoit alors comme la grand mer, & en temps d'un  
vent mediocre, ils y estoient encore tellement agités,  
que c'estoit assez pour me faire louer Dieu qu'ils ne  
perissent point là dedans, & sortoient avec de si petits  
canots du milieu de tant de flots que ie contemplois  
à dessein du haut de quelque rocher, où ie me retirois  
seul tous les iours où dans l'espaisseur de la forest, pour  
dire mon office & mes prieres en paix.

Ceste Isle estoit assez abondante en gibier, outardes,  
canars & autre oyseaux de riuieres. Pour des escu-  
rieux il y en auoit telle quantité, de fuissees & autres  
communs, qu'ils endommageoient fort la seicherie du  
poisson, à laquelle ils estoient continuellement atta-  
chez, bien qu'on taschast de les en deschasser par la  
voix, le bruit des mains & à coup de pierres qu'ils  
craignoient peu, & estans saouls ils ne faisoient que  
iouer à courir les uns apres les autres soir & matin.  
Il y auoit aussi des perdrix grises, l'une desquelles  
m'approcha un iour de fort près en un coin dans le  
bois, où ie disois mon office, & m'ayant regardé en  
face, s'en retourna à petit pas comme elle estoit venuë  
faisant la rouë comme un petit coq d'Inde, & tour-  
nant continuellement la teste en arriere me regardoit  
& contemploit doucement sans crainte, aussi ne vou-  
lu-ie point l'effaroucher ny mettre la main dessus,  
comme ie pouuois faire, & la laissay aller.

646 || Un mois & plus s'estant escoulé, on commença  
de penser de nostre retour, comme le grand poisson  
du sien, car ils changent de climat fuiuant les Lunes

& les faisons comme les moluës en la mer ; mais comme il fut question de partir, le Lac s'enfla si fort qu'il fist perdre aux Sauvages l'esperance d'ozer s'embarquer ce iour-là, craignant le danger eminent de quelque naufrage par la tourmente qui s'alloit renforçant. Cependant ie demeuroid seul dans nostre cabane, lors qu'à l'issuë de leur conseil ils me vinrent trouver pour auoir mon aduis, & sçauoir ce qu'il estoit question de faire, car sous pretexte que ie leur parlois souuent de la toute bonté & puissance de nostre Seigneur, il leur estoit aduis que i'auois quelque credit enuers sa diuine Majesté, & que rien ne m'estoit impossible non plus qu'incognu, c'est ce qui me donnoit bien de la peine, & plus que n'eust pas fait une autre opinion de moy, car au trop il y a tousiours du danger. Il me fallut à la fin aller voir la mer pour les contenter, autrement ie n'eusse point eu paix avec eux, puis que tous s'estoient resolu à ce que i'ordonnerois, comme si i'eusse eu quelque experience de la marine, ou que Dieu m'eust donné assurance des choses à venir. Je l'auois desja veuë dans ses choleres, depuis un quart d'heure, & sçauois qu'il y alloit d'un grand hazard de s'y embarquer, neantmoins pour les contenter, il me fallut derechef fortir dehors, & la considerer || dans ses furies plus.d'une fois.

647

L'ayant bien considerée, & les eminentes perils qu'on pouuoit à bon droit apprehender, ie priay Dieu qu'il me donnast lumiere pour donner bon conseil & n'estre cause de refroidir en ces pauvres gens, par mon peu de foy, la confiance qu'ils commençoient d'auoir de sa diuine Majesté : mais ou par presomption, ou par

le iuste vouloir de Dieu qui faiçt parler les muets, ou par une foy double que nostre Seigneur me donna lors, ie leur dis qu'ils deuoient partir, & que dans peu la mer calmeroit à leur contentement, ce qu'ils creurent tellement, que ma voix se porta aussitost par toutes les cabanes de l'Isle qui les fist si bien diligenter pour l'esperance de la bonace prochaine, qu'ils nous deuancerent tous, & fusmes les derniers à desmarer, non par paresse ou crainte, mais par trop d'affaires & d'embarras.

Si tost que la flotte fut en mer, ô merueille du tout puissant, les vents cesserent, & les ondes s'acoiferent calmes & immobiles comme un plancher, iusques au port de S. Joseph, où ie rendis graces à Dieu, tandis que mes Sauuages disoient ho, ho, ho, onniané, admirant ses merueilles.

Il estoit nuit fermée auant que nous y pusmes prendre terre, & puis mes gens estoient tellement embarrassés de leurs poissons & filets qu'ils furent contrains de cabaner là iusques au lendemain matin 648 qu'ils || se rendirent au bourg, mais pour moy qui n'auois rien qui me pust empescher d'aller que deux petits poissons qu'ils m'auoient donné, ie partis de là & m'en allay seul trauers les champs & la forest en nostre cabane, qui en estoit à une bonne demie lieuë esloignés, i'eu bien de la peine de la trouuer à cause de la nuit, & m'esgarois souuent, mais la voix de quelques petits Sauuages qui chantoient là és environs me radressoit, autrement i'estois pour me voir coucher dehors, & me repentir de m'estre mis en chemin.

Ce qui m'auoit le plus pressé de partir seul à l'heure induë, estoit le doute de la santé du Pere Nicolas, que les Sauvages m'auoient voulu faire mort, mais ie le trouuay en tres-bonne santé, Dieu mercy, de qouy ie fus fort ioyeux, & eux au reciproque furent fort ayfes de mon retour, & de ma bonne disposition, & me firent festin de trois petites citrouilles cuittes sous la cendre chaude, & d'une bonne Sagamité de maiz, que ie mangeay d'un grand appetit, pour n'auoir pris de toute la iournée qu'un bien peu de botuillon de bled d'Inde, fort clair, le matin auant partir.

---

|| *De la Santé & Maladies des Sauvages. De leurs Medecins & Apoticaire, & de quelques racines de grandes vertus.* 649

CHAPITRE XXXXI.

Si au Palais Royal est estimé & fauori celuy que le Roy careffe, en la maison de Dieu est aussi preferé celuy que Iesus Christ chastie. Depuis le peché de nostre premier Pere, tous les hommes ont esté suiectés à maladies & infirmités, du corps & de l'esprit. A la verité les causes de nos maux sont diuerses, mais les remedes propres sont bien differens aussi. Dieu chastie les bons ou les esprouue par diuerses afflictions & maladies, au contraire des meschans qui sont punis pour leurs propres demerites. Helas! nous sommes souuent trompez en nos iugemens, car tels semblent

estre sauuez quand au iugement des hommes, qui deuant Dieu sont en voyé de damnation, & ceux que l'on croit souuent estre reprouuez, sont au nombre des enfans de Dieu: car le monde ne iuge que de l'escorce & Dieu iuge le dedans. Dieu demeure avec les malades & affligés, & le diable avec ceux qui sont en prosperité, & à qui toutes choses viennent à sou-

650 || hait, tesmoin l'histoire de Sainct Ambroise où il est dit qu'il n'eust pas plustost aduertiy son compàgnon de sortir de la maison où toutes choses prosperoient, comme une maison maudite de Dieu, que tout fut abismé & le Maistre & la Maistresse escrazez avec leurs enfans sous les ruynes. O mon Dieu! le B. Frere Gille, compàgnon de S. François, auoit bien raison de dire que le demon de la prosperité estoit plus dange-reux que celuy de l'aduersité, car nous en voyons plus se perdre dans l'abondance que dans la disette, car peu se desesperent pour l'une & tous se glorifient pour l'autre.

Constans, fils du grand Constantin, qui fit autant de maux à l'Eglise que son pere luy auoit fait de bien, heretique Arrien qu'il estoit, se flattoit sur la prosperité de ses victoires, & de là tenoit sa vie par une iuste punition de Dieu, de s'imaginer qu'il estoit dans la vraye foy, puisqu'il receuoit tant de faueurs du Ciel, comme si les faueurs plustost que les disgraces estoient des tesmoignages du vray amour de Dieu. A quoy selon le dire de Seneque le Philosophe, qu'il n'y a rien pis que la felicité des meschans, luy respondit fort bien Lucifer, Euesque de Salare, contemporain du grand S. Athanase, en un liure qu'il inti-

tula: Des Roys Apostats, où il luy monstre que la prospérité temporelle n'est pas une marque assurée de la vraye foy, & que bien souuent Dieu permet que les plus meschans Princes regnent long-temps, || & les bon\* peu, ce qu'il confirme par les exemples de Bafa, Roy d'Israël, qui regna vingt-quatre ans, & son fils trente-cinq ans, & Manasse, Roy de Juda, le plus meschant de tous les Roys, bien que le fils d'un bon pere Ezechias, qui regna cinquante-sept ans, ce qui nous doit assez faire voir la vanité de ce siecle, où les plus mauuais ont plus grand part que les gens de bien, auquel \* il semble souuent que toutes choses leur aillent à contre-poil, ce que Dieu permet pour les chastier comme enfans, ou pour les rendre plus conformés à luy comme amis, & pour cet effet leur permet des ennemis pour les punir de leurs fautes (car il n'y a si bon qui ne manque) ou pour les empescher l'attache \* des grandeurs d'icy bas, où ils se pourroient aysement perdre sans la malice de ses ennemis, qui emouffent leur gloire, car d'un aduertissement ou conseil d'amis on en fait assez peu d'estat, s'il n'est à nostre goust, bien que Diogene dise que pour cognoistre foy-même ses fautes, il faut auoir un vray amy, ou ennemy, car l'un ny l'autre ne vous celle rien, mais quand les pechez sont grands, & que nous auons trop offensé, si Dieu ne nous dit mot, c'est signe que nous sommes perdus, sinon il nous enuoye des maladies, des pertes de bien, des trauerfes d'amis, & de plus il esleue les meschans contre nous qui nous esprouuent comme l'or dans le creufet. Et de fait Anastasius rapporte qu'un bon Religieux se plaignant

652 à Dieu, de ce qu'il auoit || permis que Phocas, après auoir tué l'Empereur Mauritius & ses enfans, s'emparaft de l'Empire, Dieu luy respondit, qu'il l'auoit permis pour punir fon peuple, & que s'il en eust trouué un plus mefchant pour luy mettre la couronne fur la teste, il l'eust faict.

Parlons maintenant de la fanté du corps, & des maladies ordinaires qui arriuent indifferemment & naturellement aux bons & aux mauuais, afin de ne nous esloigner trop de nostre premier fuiet, & difons que les anciens Egyptiens auoient accouftumé d'ufer de vomitifs pour guerir les maladies du corps, & de sobriété pour se conferuer en fanté, car ils tenoient pour maxime indubitable que les maladies corporelles ne prouenoient que d'une trop grande abondance & superfluité d'humeurs, & par confequent qu'il n'y auoit aucun remede meilleur pour la fanté que le vomiffement & la diette, mais la diette principalement.

Troque Laerce & Lactance dient la caufe pourquoy les Grecs demeurerent fi long-temps fans auoir Medecins, ce fut pour ce qu'ils cueilloient au mois de May des herbes odoriferantes qu'ils gardoient en leurs maisons, se faisoient feigner une fois l'an, & non pas tous les iours comme l'on faict à Paris, se baignoient une fois le mois, & ne mangeoient qu'une fois le iour, & estoient si exacts obseruateurs de cette temperance & sobriété, que Platon ayant esté interrogé s'il || auoit veu aucune chose nouvelle en Sicile: 653 le vy, respondit-il, un monstre en nature, c'est un homme qui se faouloit deux fois par iour. Cela difoit-il pour Denis le Tiran, lequel fut le premier qui in-

trouit la coustume de manger deux fois par iour, scauoir est d'isner à midy, & souper au soir, car toutes les autres Nations auoient accoustumé seulement de souper le soir, & les seuls Hebreux disnoient à midy.

De vouloir à present exiger cela de nous en general, il y auroit bien des oppositions, mesmes dans les Cloistres, car la nature n'a plus les forces du passé, & va tousiours debilitant à mesure que la fin du monde approche, c'est une science que i'appris du R. P. Gontery Jesuite en une conference qu'il eut en la presence de la Reyne Marguerite, avec un Maistre des Requestes, qui disoit au contraire (mais assez mal à mon aduis) que si le corps & les forces corporelles eussent tousiours diminué depuis la creation de l'homme, que nous serions à present comme de petits fourmis. Cela estoit un peu brusquement parlé deuant cette Sage Princeesse, mais qui auoit tant de respect aux gens doctes & de merites, qu'elle en souffroit mesmes les petites faillies d'esprit, lorsqu'eschauffez dans les disputes, elles leur eschappoient auant d'y auoir pensé.

Il est vray que nous ne pouuons pas esgaler, ny imiter de bien prés les austeritez & penitences des anciens, à qui toutes vi- || gueurs sembloient autant 654.  
douce & faisables comme à nous ameres & insupportables, soit pour nostre faiblesse & imbecilité, ou pour nostre deffaut d'amour de Dieu, qui est nostre plus grand mal, mais encores si en trouue-il d'assez forts qui pourroient faire dauantage qu'ils ne font s'ils vouloient, pour le salut, ou pour la santé corporelle, de laquelle nous sommes fort amateurs, & souuent mauuais conseruateurs, car nous ne voulons pas

nous mortifier en rien, & voulons viure en paix & en ayse, & suiure nos appetits, sans distinguer des choses propres ou impropres, & de là vient que nous tombons si souuent malades & restons indisposez, ou abregeons nostre vie ; mais quoy la sobrieté a perdu son procès, il n'y a plus d'Aduocats pour elle, les frippons l'ont bannie des bonnes compagnies, & n'est plus receuë qu'ou elle est le plus en hayne.

L'Empereur Aurelian vescu iusques en l'an septante & sixiesme de son aage, durant lequel temps il ne fut iamais seigné ne medeciné, hormis que tous les ans il entroit au bain, tous les mois il se prouuoit à vomir, & si ieusnoit un iour toutes les semaines, & tous les iours prenoit une heure pour se promener, qui estoient tous regimes & remedes faciles & aysez à pratiquer par ceux qui en ont le desir, car il n'y a si pauure ny si riche qui ne le puisse faire, & obseruer de point en point, mais qui commencera.

655 Nos Sauuages ont bien la dance & la sobrieté, avec les vomitifs qui leur sont utiles à la conseruation de leur santé (car i'en ay veu quelqu'uns passer les iours entiers sans manger), mais ils ont encore d'autres preseruatifs desquels ils usent souuent : c'est à sçauoir les estuues & sueries, par le moyen desquelles ils s'alongent & preuiennent les maladies, & puis ils sont tellement bien composez qu'ils sont rarement malades, & encores plus rarement goutteux, graueleux, hypochondres ou pulmoniques; mais ce qui ayde encore grandement à leur bonne disposition, est qu'ils sont engendrez de parens bien sains & dispos, d'un humeur & d'un sang bien temperé, & qu'ils viuent en

une parfaite union & concorde entre eux, sont toujours contents, n'ont aucun procès, s'interessent fort peu pour les grades & biens de la terre, qu'ils possèdent avec une grande indifférence, c'est à dire que les perdans ils ne perdent pas leur tranquillité, ainsi en usent les gens de bien & non les autres, qui n'ont point d'amour de Dieu, & se piquent pour la moindre perte qui leur arriue.

Il n'y a neantmoins corps si bien composé ny régime si bien obserué qui le puisse maintenir pour toujours dans une égale santé, qu'il ne faille à la fin s'affoiblir ou succomber par diuers accidens ausquels l'homme est fuiet. Pour donc preuenir & remedier à tous ces deffauts & incommoditez du corps humain, outre les susdits remedes nos Sauuages ont des Medecins, Apoticaire & Maistres de ceremonies qu'ils appellent Oki, ou Ondaki, & d'autres Arondiouane, ausquels ils ont une grande croyance, pour autant qu'ils sont pour la pluspart grands Magiciens, grands deuins, & inuocateurs de demons. Ils leur seruent de Medecins & Chirurgiens, & portent toujours avec eux un petit sac de cuir dans quoy ils tiennent quelques petits remedes pour les malades, comme poudres de simples ou de racines, avec la tortuë que l'Apoticaire luy porte en queue. 656

Ceux qui font particuliere profession de consulter le diable, & predire les choses à venir ou cachées (car tous n'en ont point le grade) ont quelques autres petits instrumens qui leur seruent à ce mestier, dont ie vous diray ceux qui se trouuerent dans le sac de Trigatin, estimé bon Pirottois, & tres-excellent Medecin.

Il y auoit premierement une pierre un peu plus grosse que le poing taillée en oualle, de couleur un peu rouge, ayant un traict noir tout autour prenant d'un bout à l'autre, dont ils tiennent que quand quelqu'un doit mourir de la maladie dont il est atteint, elle s'ouure un peu par le petit traict noir, & que s'il n'en doit pas mourir elle ne s'ouure point, s'entend qu'il faut que le Pirotois approche la pierre du malade.

Il y auoit aussi dans ce sac, cinq petits bastons de cedre, longs de six ou sept pouces chacun, & un peu bruslé autour, desquels ils se seruent pour predire les  
657 choses à venir || & pour aduertir des passées. Qu'il ne s'y mesle tout plein de bourdes parmy leurs propheties, personne n'en peut douter, c'est pourquoy est malheureux celui qui hebeté s'y fie. Je ne fais point icy mention du petit tambourin de basque avec quoy ils recueillent l'esprit des malades, & coniurent le diable, pour ce que i'en ay parlé ailleurs, mais ie vous diray que nous auons une grande obligation à nostre bon Dieu, de nous auoir donné de meilleurs Medecins, & pour le corps & pour l'ame, qui doit un iour iouyr de son Dieu.

S'il y a quelque malade en un village on l'enuoye aussi tost querir, on l'informe de la maladie, on luy declare le temps qu'elle a commencé, si elle est naturelle, ou par fort : car il y a des meschans parmy eux aussi bien qu'entre les Epicerins, qui en donnent à garder à ceux contre qui ils en veulent. Apres quoy il fait des inuocations à son Demon, il souffle la partie dolente, il y fait des incisions avec une pierre tranchante, en succe le mauuais sang, & fait en fin

tout le reste de ses inventions selon les maladies, car pour les forts, il faut que les dances, chansons, Negromantie, soufflemens, bruits & hurlemens marchent aussi bien que les festins & recreations qu'il ordonne tousiours pour premier appareil, afin de participer luy mesme à la feste, puis s'en retourne avec ses parens.

S'il est question d'auoir nouvelle des cho- || ses ab- 658  
sentes ou aduenir, apres auoir interrogé son Demon, il vend ses oracles, mais le plus souuent faux ou douteux, & quelquefois veritables ; car le Diable parmy les mensonges leur dit quelque verité pour se mettre en credit & se faire croire habile esprit. Un honneste Gentilhomme de nos amis nommé le sieur du Vernet, qui a demeuré une année avec nous au pays des Hurons, nous a asseuré que comme il estoit dans la cabane d'une sauuagesse vers le Bresil, qu'un Demon vint frapper trois grands coups sur la couerture de la cabane, & que la Sauuagesse qui cogneut que c'estoit son Demon, entra dés aussi tost dans sa petite tour d'escorce où elle auoit accoustumé de receuoir ses oracles, & entendre les discours de ce malin esprit. Ce bon Gentilhomme preste l'oreille, & escoutant le colloque, entendit le Diable qui se plaignoit à elle, disant qu'il estoit fort las & fatigué, pour venir de fort loin querir \* des malades, & que l'amitié particuliere qu'il auoit pour elle l'auoit obligé de la venir voir ainsi lassé, puis pour l'aduertir qu'il y auoit trois Nauires François en mer qui arriueront bien tost, ce qui fut trouué veritable : car à trois ou quatre iours de là les Nauires arriuerent, & apres que la Sauuagesse l'eut remercié, & fait ses demandes, le Demon disparut.

L'un de nos François estant tombé malade en la Nation du Petun, ses compagnons qui s'en alloient à la Nation Neutre, le laisserent || là en la garde d'un Sauvage, auquel ils dirent : Si cestuy nostre camarade meurt, tu n'as qu'à le despouiller de sa robbe, faire une fosse & l'enterrer dedans, car aussi bien ne feroit-elle que se pourrir dans la terre. Ce bon Sauvage demeura tellement scandalisé du peu d'estat que ces François faisoient de leur compatriot \* qu'il s'en plaignit par tout, disant qu'ils estoient des chiens, d'abandonner ainsi leur compagnon malade, & de conseiller qu'on l'enterrast tout nud s'il venoit à mourir. Je ne feray iamais cette iniure à un corps mort bien qu'estranger, disoit-il, & me despouillerois plus tost de ma robbe pour le courir, que de luy oster la fienne pour m'en feruir.

L'hoste de ce pauvre garçon sçachant sa maladie partit aussi tost de Saint Gabriel, que nous appellons autrement la Rochelle, ou Quieuindohain, d'où il estoit, pour l'aller querir, & assisté de ce Sauvage qui l'auoit en garde, l'apporterent dans une hotte sur leur dos iusques dans sa cabane, où enfin il mourut, apres auoir esté confessé par le Pere Ioseph, & fut enterré en un lieu particulier du Cimetiere des Sauvages, le plus honorablement, & avec le plus de ceremonies Ecclesiastiques qu'il nous fut possible; de quoy les Sauvages resterent fort ediffiez, & assisterent eux-mesmes au conuoy avec tous nos François, qui s'y trouuerent avec leurs armes, car ils font extremement || ayse de voir honorer les trespassez. \* Ils ne voulurent pas neantmoins que ce corps fust enterré dans leur Cime-

tiere, pour autant, disoient-ils, que nous n'auions rien donné pour ses os, & qu'il faudroit qu'il eust part en l'autre vie aux biens de leurs parens & amis defuncts, s'il estoit enterré avec eux.

Nonobstant, les femmes & filles firent les pleurs & lamentations accoustumées avec l'ordre du Medecin, qui luy-mesme s'estoit présenté pour faire son sabbat & ses superstitions ordinaires enuers ce pauvre garçon, mais nos Religieux ne luy voulurent pas permettre qu'il en approchast, car il n'auoit aucun remede naturel propre à la maladie, c'est pour quoy il fut renuoyé, & payé d'un grand mercy, & puis à Dieu.

Ie me suis informé d'eux des principales plantes, & racines, desquelles ils se seruent pour leurs maladies & blessures, mais entre toutes ils font principalement estat de celle appellée Oscar, les effets de laquelle sont merueilleux & diuins en la guerison des playes, ulceres & blessures, aussi les Hurons en font une estime si grande que peu s'en faut qu'ils ne l'adorent, tant ils releuent & venerent ses vertus, & les bons effets qu'ils en reçoient. Ils m'en donnerent un morceau de la tige enuiron de la longueur du petit doigt, & gros un peu moins, ie la consideray curieusement, & me sembla en tout || approchant au fenouil, quoy que ce soit une autre plante, & qui leur est rare, car on n'en trouue qu'en certains lieux. 661

Ils ont tout plein d'autres plantes, & racines de grande vertu, & mesme des arbres qui portent une escorce grandement excellente pour vomitifs, & autres cures, mais ie ne me suis point informé des noms, ny de leurs principales proprietés, sinon de quel-

qu'unes qui me font encores eschappées de la memoire, pour le peu d'experience que i'ay aux choses de medecine.

Le croy que le Createur a donné aux Hurons le tabac ou petun, qu'ils appellent Hoüanhoüan, comme une manne necessaire pour ayder à passer leur miserable vie, car outre qu'elle leur est d'un goust excellentissime, elle leur amortit la faim & leur fait passer un long-temps sans auoir necessité de manger : & de plus elle les fortifie comme à nous le vin, car quand ils se sentent foibles ils prennent un bout de petun, & les voylà gaillards. Elle a beaucoup d'autres vertus qui nous sont incognües, & non point à plusieurs Espagnols, qui la nomment pour cet effet l'herbe sainte, mais l'usage en est beaucoup meilleur & salubre aux Sauvages qu'à nous autres, à qui Dieu a donné en autre chose tout ce qui nous fait besoin, & conseillerois volontiers à tous les Gaulois de n'en user point que par grande necessité, pour ce que le goust en est tellement charmant qu'en ayant pris l'usage, on ne s'en  
662 || peut deffaire qu'avec grande difficulté, dont i'en ay veu aucuns maudire l'heure de s'y estre iamais accoustumés.

I'ay dit en quelque endroit de ce volume, que le Mayz ou bled d'Inde a beaucoup de suc & de substance pour la nourriture du corps humain, mais plusieurs ont philosophé sur ses autres vertus, ont iugé & trouué par experience, qu'il est fort propre à guerir les maux de reins, les douleurs de la vessie, la grauelle, & retentions d'urine, de quoy ils se sont aduisez, pour auoir pris garde qu'il n'y a presque point

d'Indiens qui soient trauaillez de ces maladies, à cause de leur boiffon ordinaire, qui est faicte de Mayz.

Nos Sauuages ont auffi des racines tres-venimeufes qu'ils appellent Ondachiera, desquelles il se faut donner de garde, & ne se point hafarder d'y manger d'aucune forte de racine, que l'on ne les cognoiffe, & qu'on ne fçache leurs effects & leurs vertus, de peur des accidens inopinez qui nous font quelquefois arriuez.

Nous eufmes un iour une grande apprehension d'un François, qui pour en auoir mangé d'une qu'il auoit luy mefme arrachée dans les forests, deuint tout en un instant pasle comme la mort, & tellement malade que nous fufmes contraints d'auoir recours aux Sauuages pour auoir quelque remede à un mal si inopinément arriué, lefquels luy firent aualler un vomitif composé d'eau & || de simples, avec l'efcorce d'un certain bois qui luy fit rendre tout le venin qu'il auoit dans l'estomach, & par ce moyen fut guery, & appris pour une autrefois de ne manger d'aucune herbe ny racine que celles que les Sauuages luy diroient, ou desquelles il cognoiftroit luy mefme les effects.

663

*Continuation du traité de la santé & maladies des Sauvages, & de celles qui sont dangereuses & imaginaires. Des estuues & fueries, & du dernier remede qu'ils appellent Lonouoyroya.*

CHAPITRE XLII.

Il nous arriua encore une autre seconde apprehension, mais qui se tourna bien tost en risée, ce fut que certains petits Sauvages ayans des racines qu'ils appellent Ooxrat, ressemblans à un petit naueau ou chaffaigne pellée, qu'ils venoient d'arracher pour leurs cabanes, un ieune garçon François nostre disciple, leuren ayant demandé & mangé une ou deux sans s'informer de ses effets, les trouua bonnes au commencement, & d'un goust assez agreable, mais se conuertist soudain en de tres-cuisantes & picquantes douleurs, qu'il sentoit partout dans la bouche & la langue, qu'il auoit com- || me en feu, & outre cela les phlegmes luy distilloient continuellement de la bouche qu'il tenoit ouuerte, la teste panchée en bas pour leur donner cours, ce qui me faisoit compassion.

S'il estoit bien empesché en ses maux, l'apprehension de le \* mort luy estoit la plus sensible, comme à nous mesmes l'ignorance de sa maladie, iusque à ce que les Sauvages nous eurent aduertie en se gaussant plaisamment, que le garçon en tenoit, mais qu'il n'en mourroit pas pourtant. Cela nous consola fort, car ie vous assure que nous nous trouuions bien empeschez, & ne scauions quel remede apporter à ce mal inopiné.

Le vous manifesteray comme les Sauvages en usent

pour leur santé, avec fruit & sans douleur, mais au prealable, il faut que ie vous die que nostre petit disciple n'y fut pas le dernier pris, car quelques François s'estans trouuez presens à sa disgrâce, y tromperent plusieurs de leurs compagnons qui en murmuroient assez pendant que les autres s'esgorgeoient de rire. Cela fut en partie la cause que ie n'en apportay point en Canada pour la France, peur qu'on ne die que i'auois apporté de quoy rire, preferant ce petit interest d'honneur au grand estat qu'on en eust fait d'ailleurs pour son excellente propriété de purger le cerueau & d'esclaircir la face, mieux qu'aucune autre drogue que nous ayons icy.

|| Lorsque nos Hurons, vieillards & autres, se sentent le cerueau par trop chargé d'humeurs & de phlegmes qui leur incommodent la santé, ils enuoyent de leurs enfans (ie dis de leurs enfans pour ce qu'ils n'ont ny vallets, ny chambrieres, non plus que de manœuvres ou gens à la iournée en tout ce pays-là) chercher de ses petits naueaux, lesquels ils font cuire sous les cendres chaudes, & en mangent un, deux ou trois au matin, ou à telle heure de la iournée qu'il leur plaist, & n'en ressentent aucune douleur, ny incommodité que de tenir leur teste panchée pendant que les phlegmes leur distillent de la bouche.

Lescot dit que les Montagnais & Canadiens ont un arbre appellé Annedda, d'une admirable vertu contre toutes sortes de maladies corporelles, interieures & exterieures, duquel ils pilent l'escorce & les feuilles qu'ils font bouillir en de l'eauë, laquelle ils boient de deux iours l'un & mettent le marc sur les parties

enflées & malades, & s'en trouuent bien tost gueris, principalement d'un mal de terre qui a fort couru.

666 J'ay veu de nos Hurons lesquels pour se rendre plus souples à la course se decoupent le gras des iambes, en chausses de Suisses, avec des pierres tranchantes, & les parties enflées pour les purger des mauuaises humeurs, qu'ils s'apoudroient \* de ie ne || sçay quelle poudre, apres que le Loki auoit craché dessus. Je ne veux pas dire qu'ils soient grands Chirurgiens, car ie me tromperois, mais encores ne sont-ils point tant impertinents qu'on pourroit bien dire, il leur reussit quelquefois de guerir des playes assez dangereuses avec les seuls simples, sans composition, & n'ont pour toute ligature, linge ou compresse, que des escorces de bouleaux & d'un certain arbre appellé Atti, qui leur est util en beaucoup de choses.

Allant voir les malades parmy les Hurons, il me falloit souuent faire du Medecin, & n'y cognoissois rien, mais il le falloit faire pour les contenter, car m'ayans veu taster le poulx à l'un d'iceux & dit qu'il ne mourroit point de cette maladie (c'est que ie n'y trouuois point de fiebure), il me fallut apres toucher le poulx de tous les autres & en dire mon aduis. C'estoit un mestier qui m'estoit bien nouveau & n'en parlois que comme un aueugle des couleurs, car à dire vray, si la fiebure n'est fort violente, ie ne la cognois point à moy mesme, comme il parut bien il y a quelques années que ie me trouuois tres-mal d'une fiebure fort violente, pour la premiere fois de ma vie, ie dis au Medecin que ie sentois du mal partout, mais sans fiebure.

Selon que i'ay pu apprendre & cognoistre dans la communication ordinaire & familiere que i'ay eue avec nos Hurons, les Sauuages ne sçauent l'art de taster le poulx, ny de iuger d'une urine, & ne cognoissent non plus la fiebure || sinon par le froid ou dans ses grandes ardeurs qu'ils rafreschissent (entre nos Cana- 667 diens) avec quantité d'eau fresche, qu'ils iettent sur le corps du malade, & non pas nos Hurons.

Ils ne sçauent aussi que c'est de purger le corps, ny de guerir les maladies, si elles ne sont exterieures, car pour le dedans ils n'ont autre remede que les vomitifs & les superstitions, c'est pour quoy les pauures malades ont beau languir & tirer la langue sur la terre nuë fors une natte de ioncs, qui leur sert delict, auant qu'ils puissent receuoir guerison de leur chanterie & superstitions. Il nous demandoient de Lenonquate, c'est à dire quelque chose propre à guerir, mais n'ayant autre drogue, ie leur donnois un peu de canelle, ou un peu de gingembre avec tant soit peu de sucre (car ie n'en auois gueres), qu'ils delayoient & faisoient tremper (apres estre bien puluerisé) dans de l'eau claire, laquelle ils aualloient comme une medecine salutaire, & s'en trouuoient bien, du moins ils en restoient fort contens, & le cœur fortifié.

Neantmoins, la compassion que i'ay de ces pauures malades, me faiçt vous dire derechef, que c'est une grande pitié de les voir languir, couchés de leur long à platte terre sur une meschante natte de ioncs, sans couchette, sans licçt, sans linceuls, sans mattelats & sans cheuet, priués de toute douceur & rafraichissement, forsde quelques petits poissons boucanez fort puants,

668 & de la Sagamité ordinaire pour quelque ma- || ladie qu'ils ayent. O mon Dieu ! ils ne geignent neantmoins point tant que nos malades, ils ne disent pas, mon cheuet est trop haut ou trop bas, mon liçt n'est pas bien faiçt, on me rompt la teste, les sauces ne sont point à mon appetit, ie ne puis prendre goust à tout ce que vous faiçtes, car ils demeurent couchez sur la natte, patiens comme des Saintçs.

Quand ils se trouuent las du chemin ou appesantis par accident (ce qui arriue fort rarement), ou qu'ils veulent fortifier leur santé, ou preuenir quelque maladie qui les menace, ils ont accoustumé de se faire fuer dans des estuues qu'ils dressent au milieu de leurs cabanes ou emmy les champs, ainsi que la fantaisie leur en prend, car voyageans mesmes ils en usent pour se foulager & delasser du chemin, mais il faut qu'ils soient plusieurs autrement la fuerie ne seroit pas bonne & ne pourroient pas s'exciter suffisamment.

Or quand quelqu'un veut faire fuerie, il appelle plusieurs de ses amis, lesquels sont aussi tost prests, car en faiçt de courtoisie ils sont assez vigilans, soit pour la faire, soit pour la receuoir : estans assemblez, les uns picquent en terre des grosses gaules environ un pied l'une de l'autre, qu'ils replient à la hauteur de la ceinture en façon d'une table ronde, pendant que les autres sont chauffer dans un grand feu six ou sept cailloux, qu'ils mettent apres en un monceau au milieu de ce four qu'ils entourent décorces\*, & couurent de leurs robes de peaux apres  
669 que les hommes y sont entrez tout nuds || assis contre terre, ferrez en rond les uns contre les autres, & les

genouils fort esleuez deuant leur estomach, peur de se brusler les pieds. Et pour s'eschauffer encore davantage & s'exciter à fuer, ils chantent là dedans incessamment frappant du tallon contre terre & doucement du dos les costez de ces estuues, puis un seul chante & les autres repetent comme en leurs dances, ce refrain het, het, het, & estans fort lassez, ils se font donner un peu d'air, & parfois ils boiuent encores de grands coups d'eau froide, qui seroient capables de donner de grosses maladies à des personnes moins robustes, puis se font recourir, & ayans sué suffisamment, ils sortent de là & vont se jeter dans la riuere, sinon, ils se lauent d'eau froide, ou s'effuyent de leurs robes, puis festinent & se remplissent, pour dernier medicament.

S'ils sont en doute que la fuerie leur doieue reussir, ils offrent du petun & le bruslent en sacrifice à cet esprit qui la gouerne, comme s'il estoit un Dieu, ou une puissance souueraine. Je m'estonnois fort de voir de nos François dans ces estuues pesle-mesle avec les Sauvages, car à mon aduis ils y sont comme estouffez sans aucun air, & si pressez les uns contre les autres, qu'ils se peuuent à peine tourner.

Il arriue aucune fois que le Medecine ordonne à quelqu'un de leurs malades de sortir du bourg, & d'aller cabaner dans les bois ou à quelque lieu à l'escart, pour luy aller là obseruer ses diaboliques inuentions, ne voulans estre veu de personne en de si estranges & ridicules ceremonies, mais cela ne s'obserue ordinairement qu'à ceux qui sont entachez de maladie felle ou dangereuse, lesquels on contrainct de se

separer des autres peur de les infecter & d'aller cabaner au loin iusques à entiere guerison, qui est une coustume loüable & qui deuroit estre pratiquée par tout, pour ses inconueniens qui arriuent tous les iours par la frequentations \* de personnes mal nettes, plus frequentes icy que là, où les François semblent auoir des-ia mis quelque mauuaïse racine, car qu'elle y fust auparauant ie n'en ay rien sçeu, ny appris de personne.

Ie me promenois un iour seul, dans les bois de la petite Nation des Quiennontaterons pour chercher quelque \* petits fruiçts à manger, comme i'apperceu un peu de fumée au trauers les bois, qui me donna la curiosité de vouloir sçauoir que c'estoit, i'aduançay donc & tiray celle part, où ie trouuay une cabane faicte en façon d'une tour ronde, ayant au faicte un trou ou fouspiral par où sortoit la fumée : non content, i'ouuris doucement la petite porte pour voir qui estoit là dedans, & trouuay un homme seul, estendu de son long sur la platte terre, enueloppé dans une meschante couuerture de peau, auprès d'un petit feu.

Ie m'informay de luy de la cause de son esloignement du village, & pourquoy il se deuilloit ; il allongea son bras sur luy & me dit moitié en Huron & moitié en Algoumequin que c'estoit pour un mal qu'il auoit aux par- || ties naturelles, qui le tourmentoit fort, & duquel il n'esperoit que la mort, & que pour de semblable \* maladies ils auoient accoustumé entr'eux, de se separer & esloigner du commun, ceux qui en estoient entachez, peur de gaster les autres par la frequentation, & neantmoins qu'on luy apportoit ses

petites necessitez & partie de ce qui luy faisoit besoin ses parens & amis ne pouuans pas dauantage pour lors, à cause de leur pauvreté & que plusieurs d'iceux estoient morts de faim l'Hiuer passé. J'auois beaucoup de compassion pour luy ; mais cela ne lui seruoit que d'un peu de diuertissement & de consolation en ce petit espace de temps que ie fus auprès de luy ; car de luy donner quelque nourriture ou rafraischissement, il estoit hors de mon pouoir, puis que i'estois moy mesme à demy mort de faim & tellement necessiteux, que ie cherchois par tout dans les bois quelques petits fruits pour amortir ma faim & fortifier mon estomach abbatu.

J'ay veu au país de nos Hurons de certains malades, qui sembloient plustost possédez du malin esprit ou fols tout à fait, qu'affligés de maladie naturelle, auxquels il prendra bien enuie de faire dancer toutes les femmes & filles ensemble, avec l'ordonnance du Loki, mais ce n'est pas tout, car luy & le medecin, accompagnez de quelqu'autre, feront des singeries & des coniurations, & se tourneront tant qu'ils demeureront le plus souuent hors d'eux mesmes : puis il paroist tout furieux, les yeux estincelans & effroyables, quelquefois debout & || quelquefois assis, ainsi 672 que la fantaisie luy en prend : aussitost une quinte luy reprendra, & fera tout du pis, renuerfera, brisera & iettera tout ce qu'il trouuera en chemin avec des insolences nompareilles \*, puis se couche où il s'endort quelque espace de temps, & se refueillant en sursaut r'entre dans ses premieres furies, lesquelles se passent par le sommeil qui luy prend. Apres il fait suerie

avec quelqu'un de ses amis qu'il appelle. D'où il arriue quequelqu'uns deces malades setrouuent gueris & les autres au contraire ioignent la maladie du corps avec celle de l'esprit.

Il y a aussi des femmes qui entrent en ces hipcondres & faillies d'esprit, mais elles ne sont si infolentes que les hommes, qui sont d'ordinaire plus tempestatifs : elles marchent à quatre pattes comme bestes, & sont mille grimasses & gestes de personnes insensées & aliénées de leur esprit : ce que voyant le Magicien il commence à chanter, puis avec quelque mine la soufflera, lui ordonnant certaine eauë à boire, & qu'aussitost elle fasse un festin, soit de chair ou de poisson, qu'il faut trouuer, encore qu'il soit rare, neantmoins il est aussitost prest.

Le banquet finy, chacun s'en retourné en sa maison, iusques à une autrefois qu'il la reuiendra voir, la soufflera, & chantera derechef, avec plusieurs autres à ce appelez, & lui ordonnera encore 3. ou 4. festins tout de suite, & s'il luy vient en fantaisie commander des mascarades, & qu'ainsi accommodez ils  
668 aillent || chanter prés du lict de la malade, puis courir les ruës pendant que le festin se prepare, auquel ils reuiennent, mais souuent bien las & affamez.

T'ai esté quelquefois curieux d'entrer au lieu où l'on chantoit les malades, pour en voir toutes les ceremonies; mais les Sauvages n'en estoient pas trop contents, & m'y souffroient avec peine pour ce qu'ils ne veulent point estre veus en semblables actions. Ils rendent aussi le lieu où cela se fait, le plus obscur & tenebreux qu'ils peuuent, & bouchent toutes les ou-

uertures qui peuuent donner quelque lumière, & ne laissent entrer là dedans que ceux qui y sont necessaires & appelez.

Pendant qu'on chante il y a des pierres qui rougissent au feu, lesquelles le medecin empoigne & manie entre ses mains, puis masche des charbons ardens, fait le demon deschainé, & de ses mains si eschauffées, frotte & souffle avec un sifflement qu'il fait bruire entre ses dents, les parties dolentes du patient, ou crache sur le mal de son charbon masché. Cette derniere ceremonie des pierres & du charbon ne s'obserue pas à tous indifferemment, mais à des particuliers selon l'ordre du medecin, qui n'oublie jamais la tortuë au país de nos Hurons, ny entre nos Montagnais le petit tambour de basque, que les Pirotos portent allans voir leurs malades, avec le reste de leur boutique & petits agisios.

Lorsque tous les remedes humains n'ont de rien feruy, ny les inuentions ordinaires de || nos Sauua- 674  
ges, ils tiennent conseil, auquel ils ordonnent la ceremonie qu'ils appellent, Lonouoyroya, qui est l'inuention principale & le moyen plus excellent (à ce qu'ils disent) pour chasser les diables & malins esprits de leurs bourgs & villages, qui leur causent & procurent toutes les maladies & infirmités qu'ils endurent & souffrent au corps & en l'esprit.

Le iour de la feste estant assigné, ils en commencent la ceremonie dès l'apres souper du soir precedent, mais avec des furies, des fracas & des tintamarres si grands qu'ils semblent un sabat de demons, car les hommes brisent, renuersent & iettent tout ce

qu'ils rencontrent en leur chemin, de sorte que les femmes sont en ce temps-là fort occupées à ferrer & mettre de costé tout ce qu'elles ne veulent point perdre. Ils iettent le feux & tizons allumez par les ruës, crient, chantent, hurlent & courent toute la nuit par le village & autour des murailles ou pallissades comme fols & infensez.

675 Apres que le sabat a esté bien demené ils s'arrestent un peu à la premiere pensée qui leur vient en esprit de quelque chose qui leur faict besoin, sans en parler à personne, puis le matin venu ils vont de cabane en cabane, & de feu en feu, & s'arrestent à chacun un petit espace de temps, chantans doucement les louanges de ceux qui leur donnent quelque chose, disans : un tel m'a donné cecy, un tel m'a donné cela, & autres semblables complimens, qui obligent les autres mefnages de leur donner quelque chose, qui un couteau, qui un petunoir, un || chien, une peau, un canot ou autre chose qu'ils acceptent de bonne volonté sans autre ceremonie, & continuent de recevoir partout, iusques à ce que par rencontre on leur donne la chose qu'ils auoient songée, & pour lors la receuant ils font un grand cry & s'encourent hors de la cabane ioyeux & contens d'auoir rencontré leur songe, pendant que ceux qui y restent crient l'acclamation ordinaire hé, é, é, é, é, & ce present est pour luy & l'augure qu'il ne doit pas sifost mourir; mais pour les autres choses qui ne sont point de son songe il les doit rendre apres la feste à ceux qui les luy ont baillées.

Il s'y coule neantmoins quelquefois de la tromperie, car tel retiendra une piece qu'il dira auoir songée, qui

n'y aura pas pensé, comme il arriua à un François nommé Mathieu, lequel ayant donné à un ieune Sauvage une chaisne de rassades, pensant qu'elle luy deust estre rendue, l'autre luy dit qu'elle estoit son songe & fut pour luy, bien qu'on aye apres sceu sa fourbe & tromperie.

Ceste feste dure ordinairement trois iours entiers, & ceux qui pendant ce temps-là n'ont pû trouuer ce qu'ils avoient songé, s'en affligent & tourmentent & s'estiment misérables, comme des gens qui doivent bien tost mourir. I'y ay veu des femmes aussi bien que des hommes, porter à quatre une grande peau d'Eslan chargée de mille beatilles & de presens. Il y a mesmes des pauvres malades qui s'y font porter, sous l'esperance d'y trou- || uer leur songe & leur guerison, & neantmoins ils ne remportent qu'une lassitude & un rompement de teste, qui les conduit souvent de la feste au tombeau. 676

Je n'ay rien remarqué de particulier aux Canadiens qui ne puisse conuenir aux remedes de nos Hurons, car si les Medecins des uns sont bien impertinens & superstitieux, les Pirotis des autres sont aussi peu sages & experimentez en leur art. Ce petit Sauvage qui mourut sur mer à son retour de France dans le mesme vaisseau des PP. Gallerant & Piat qui le baptizerent, fist bien contre la maxime de leurs medecins en mangeant tousiours pour sauuer sa vie, car ils font faire à leurs malades des diettes nompareilles, \* & ne trouuent pas bon qu'on les importune de manger beaucoup, disans qu'estans malades ils ne peuvent auoir d'appetit, & par consequent qu'ils ne doivent

pas manger ou fort peu, pour n'incommoder leur estomach.

677 Ils soufflent leurs malades comme nos Hérons, leur faisant souuent à croire \* que c'est par ceste partie-là qu'ils tireront leur mal, & pour mieux faire leur ieu ils leur disent que c'est un homme d'une nation estrangere qui leur a donné ce mal-là, où il s'est formé une petite pierre qui leur cause la douleur, & comme bon \* charlatans en ayans pris une petite dans la bouche, après auoir bien soufflé la partie dolente ou autre part, ils la sortent de la bouche & leur disans que c'est celle qui leur faisoit douleur, ce que les malades croyent & || s'en tiennent soulagez, mais c'est dans l'imagination.

Ils usent aussi quelquefois de vrays remedes, comme de decoctions d'herbes & d'escorces qui leur seruent grandement, & en reussit de bonnes cures qui mettent en credit leurs charlataneries, autrement on auroit bientoist decouuert leur \* piperies aussi bien faictes que celles de quelques malicieux Chirurgiens, dont i'ay experimenté une fois en une playe qu'on m'entretint l'espace de six semaines sans amendement, qui se guerit apres en trois iours sans aucun onguent, peut estre neantmoins que celuy qui me traictoit n'en sçauoit pas d'auantage, & que ie le dois excuser, mais tousiours est-ce une grande faute d'employer des ignorans.

Il y eut un iour un Sauvage appelé Neogabinat, lequel avec quelque \* autres Sauvages de ses amis, ayans beu avec excés d'une eau-de-vie qu'ils auoient traictée des François pour de la chair d'Eslan, estans

tous bien enyurez & de repos près d'un grand feu dans leurs cabanes, quelqu'uns d'eux demanderent à Neogabinat s'il vouloit lutter & esprouer ses forces, lequel ayant respondu que non & persisté à ce refus, ils luy dirent qu'ils le coucheroient donc au trauers du feu, & n'y manquerent pas, car les uns le prirent par les pieds & les autres par la teste & le coucherent tout au trauers des charbons tout nud qu'il estoit, & y demeura || courageusement autant long-temps qu'il fallut pour donner loisir aux femmes de l'en retirer, autrement il s'y fust laissé brusler & consommer comme un homme mort, car il ne fretilloit point, non tant à cause du vin que de son courage qu'il vouloit faire paroistre en ce tourment. Elles ne le purent neantmoins si promptement oster de dessus les charbons ardans, qu'ils auoient esbrafillés exprés, comme un licé d'honneur, qu'il n'en demeurat tout rosty depuis la teste iusques à la plante des pieds, de manière qu'il luy fallut oster les charbons qui luy tenoient partout à la chair, dont il fut fort malade & en danger de mort, ce qui luy donna l'enuie d'enuoyer en nostre Couuent prier qu'on le vint baptiser, mais il fut si admirablement bien secouru qu'au bout de dix iours il commença de se leuer, & nous aller visiter iusques chez nous, où il monstra à nos Religieux ce de quoy il s'estoit seruy pour se guerir, qu'estoit la seconde escorce d'un arbre appellé pruche, espece de sapin, laquelle ces gens luy faisoient bouillir & de la decoction ils l'en lauoiert continuellement, ce qui le rendit sain & gaillard en moins de trois semaines.

679 || *Pourquoy les Sauvages errants tuent aucunesfois de leurs parens trop vieux ou malades. D'un François qu'ils voulurent affommer, & de la cruauté de deux femmes Canadiennes qui mangerent leurs marys.*

CHAPITRE XXXXIII.

Les vieillards decrepis & perfonnes malades dans l'extremité entre les peuples errants, font en cela plus miserables que ceux des nations sedentaires, que ne pouuans plus suiure les autres, ny eux moyen de les nourrir & assister, si les malades le trouuent bon leurs parens les tuent aussi librement comme on pourroit faire icy un mouton, encores pensent-ils en cela leur rendre de grands seruices, puis qu'estans dans l'impuissance de les pouuoir suiure & eux de les assister, il faudroit qu'ils mourussent miserablement par les champs, qui est neantmoins une grande cruauté, & qui surpasse celle des beste bruttes, desquelles on ne lit point qu'elles fassent le mesme enuers leurs petits.

680 Le Truchement des Honqueronons me dit un iour que comme ils furent un long-temps pendant l'Hyuer sans auoir de quoy || manger autre chose que du petun & quelque escorce d'un certain arbre que les Montagnais nomment Michian, lesquels ils fendent au Printemps pour en tirer un suc doux comme du miel, mais en fort petite quantité, autrement cet arbre ne se pourroit assez estimer. Je n'ay point gousté de ceste liqueur comme j'ay fait de celle du fouteau,

mais la croye tres-bonne au gouft, de l'escorce de laquelle i'ai mangé parmy nos Hurons, bien que fort peu fouuent & pluftoft par curiosité que par neceffité, d'autant qu'ayant autre chose à difner ils laiffent cette viande-là pour les plus neceffiteux Canadiens, qui manquent fouuent de toute autre chose. Ce pauure garçon me dit donc qu'il pensa estre au mourir de ce ieufne trop eftroit, & que les Sauvages plus robuftes le voyant en cest estat, touchez de compaffion, le prièrent qu'il agreea qu'on l'acheuast de faire mourir, pour le deliurer des peines & langueurs dont il estoit abbattu, puis qu'aussi bien faudroit-il qu'il mourut miserablement par les champs, ne les pouans plus fuiure ny eux l'affifter n'ayans pas de quoy; mais il fut d'aduis que l'on ne touchast point à fa vie, & qu'il valoit mieux languir & esperer en nostre Seigneur, que de mourir comme une beste qui ne se confie point en Dieu, aussi auoit-il raifon : car à quelques iours de là, ils prindrent trois Ours, qui les remirent tous fur pieds & en leurs premieres forces, apres auoir esté 14. ou quinze iours en ieufnes continuels, fans prendre autre nourriture que la fumée || du petun, & 681  
quelque escorce d'arbre, qui estoit quelque chose de plus que ne fouloit prendre un certain Gentilhomme Venitien, lequel ayant receu quelque desplaisir, se mit au liêt en resolution de ne manger point ; & de faict, quelque remonftrance qu'on luy pû faire, il demeura (au grand estonnement d'un chacun) 63. iours fans prendre autre chose que de l'eau du puits de Saint-Marc, au bout defquels il deceda en crachant & urinant du fang.

Il me semble auoir appris que l'Escriture Sainte ne fait mention que d'un seul enfant mangé en Ierusalem par ses propres parens, au temps de la famine, qui fut tres-grande durant le siege des Romains; mais voicy une histoire bien plus estrange arriüée en Canada enuiron l'an 1626. ou 27. de deux femmes Canadiennes qui mangerent leur \* marys, le pere & le fils, dont on eut beaucoup de regret à l'habitation, tant pour leur malheureuse fin, que pour la bonne affection qu'ils auoient tousiours eü pour les François, qui les aymoient aussi reciproquement. L'un estoit un bon vieillard de 80. ans ou enuiron, appellé Oustachecoucou, autrement nommé par les François, le grand oncle du Pere Ioseph, ainsi appellé pour auoir passé un Hyuer avec luy dans les bois. L'autre estoit son fils aîné, aagé de quelque trente ans ou enuiron, estimé l'un des meilleurs chasseurs de sa Nation, desquels ie vay vous declarer succinctement comme le malheur de || leur mort arriua.

682

Après la pesche de l'anguille qu'on a accoustumé de faire tous les ans enuiron le mois d'Octobre, le bon vieillard Oustachecoucou, preuoyant à la necessité future, en pensoit ferrer quelque quantité de paquets boucannés dans nostre Conuent pour leur seruir au temps de la necessité, & des basses neiges (pendant lesquelles on ne peut attraper l'eslan, ny le cerf), mais sa femme un peu trop accariate, n'y voulut iamais consentir, car elles ont un tel pouuoir sur leurs marys, qu'il semble que les hommes ne peuuent deliberer sans elles, & fallut luy obeyr comme à la maistresse, ils les furent donc cacher dans les bois au delà du

fleuve du costé du Sud, & apres s'en allerent dans les terres, vers le Nord, enuiron 25. lieuës de nostre Conuent, chargez du reste de leurs viures, qui ne consistoient en tout, pour dix ou douze personnes qu'ils estoient, qu'en trois petits sacs de bled d'Inde, & six ou huit pacquets de 50. anguilles chacun, en ayant laissé enuiron autant dans leur cache ou magasin, de quoy ils se repentirent bien apres, mais tard, car les neiges estant trop basses, ils ne peurent prendre de bestes, & tout ce qu'ils auoient porté de viures estant consommé, il fallut prendre nouveau conseil pour viure & se tirer de misere.

Ils resolurent de retourner à leur magasin pour auoir de la prouision, mais le fleuve estoit pour lors tellement embarrassé de gla- || ces que la marée faisoit 683  
& s'entrechoquer, qu'ils ne purent iamais trouuer passage, & fallut se refoudre à la patience, & à un ieufne exacte de huit ou dix iours, sans pain, sans viande, & sans poissons, ce qui les amaigrit tellement qu'il ne leur restoit plus que la peau collée sur les os, car d'aller demander des viures aux François ils n'oserent peur de se rendre importuns, ou crainte d'estre esconduits, car les Montagnais sont si souuent en necessité, qu'il seroit bien difficile de leur pouuoir tousiours satisfaire, c'est ce qui les obligera à la fin de cultiuier les terres, comme faisoit ce bon homme qui auoit recueilly d'un petit desert cinq ou six sacs de bled d'Inde, la mesme année que nos Religieux luy eurent appris à trauailler, ce qu'il faisoit avec tant de contentement qu'il se blafmoit luy mesme, & ceux de sa Nation, de leur paresse, & du peu de soin

qu'ils ont de pouruoir à leur viure pour la neccessité.

La mere & la bru appellée Ouscouche (presque d'un mesme aage) avec trois ou quatre petits enfans, leur crioient tous les iours à la faim, les appellans paresfeux & les vouloient contraindre d'aller querir des victuailles aux François, ou chercher de la beste (c'est leur façon de parler de la chasse), autrement qu'elles mourroient de faim avec leurs enfans. Les pauvres marys ne scauoient comment les contenter, car leurs ventres n'auoient point d'aureilles pour leurs rai-  
684 || sons, ny de patience pour endurer. O mon Dieu, que c'est une furieuse batterie que la faim, il n'y a place qu'elle n'emporte. Ils leur repetoient souuent, patientons encore un peu, il neigera peut estre bientoft & nous tuerons des bestes qui nous rassasieront tous sans estre importuns aux François, mais cela ne leur donnoit point à manger.

Elles resolurent à la fin de manger le bon vieillard si bientoft il n'apportoit des viures, car il n'y auoit plus d'excuse qui les pust contenter. Elles choisirent donc leur temps, & prirent si bien leur mesure qu'elles executerent leur malheureux dessein, un matin peu apres que le gendre fut sorti de la cabane pour la chasse, car ayant pris chacune une hache en main, elles en donnerent tant de coups sur la teste du pauvre bon homme couché de son long, les pieds deuant le feu qu'il en mourut sur le champ, puis le mirent en pieces, & en firent cuire à l'instant quelque\* morceaux dans la chaudiere pour s'en rassasier, & cachèrent le reste dans la neige pour le manger à loisir. O mon Dieu, il est vray qu'en descruant cecy i'ay hor-

reur d'y penser seulement, & neantmoins leur rage & leur faim ne peut estre assouvie de l'excez d'une telle cruauté & barbarie, furieuse au delà de celles des bestes les plus feroces & carnassieres de l'Afrique. Elles resolurent encore de tuer le ieune homme à son retour, crainte qu'il ne vengeast sur leur vie la mort de son pere, qui ne se pouuoit || celer, & se liberer de soupçon. 685

Il faut noter que ce ieune homme estant fort de la cabane pour la chasse, entendit bien frapper, & les cris de son pere, mais il ne se fust iamais imaginé une telle meschanceté de sa mere & de sa femme, c'est pourquoy il ne retourna point pour s'en esclaircir, & poursuivit son chemin iusques à la rencontre d'un chasseur Montagnais, auquel il raconta leur extreme famine, & luy demanda s'il n'auoit point veu de pistes de bestes, & comme l'autre luy eut dit que non, & qu'il en cherchoit pour estre luy mesme en pareille necessité: Je te prie, luy dit-il, de passer par nostre cabane, car ie crains qu'il soit arriué quelque accident à mon pere, l'ayant ouy crier apres que i'en ay esté party, & en suis en peine; l'autre luy promit d'y aller, puis se separerent.

Quelque temps apres nostre pauvre ieune homme rencontra un eslan qu'il tua, & l'ayant esuentré, il prist le cœur & les intestins qu'il porta à sa cabane, apres auoir caché la beste dans les neiges : car ils ont accoustumé de les porter, & quelquefois la langue ou la teste, pour les manger promptement, ou pour asseurer que l'animal est à bas.

Ayant chargé son paquet sur son dos, il s'en reuint

à la maison & en approchant il fit un cry selon leur  
coustume, pour aduertir de sa uenuë, puis ayant lais-  
sé son espée & ses raquettes à la porte, & leué la cou-  
686 uerture || de peau qui sert d'huys, pour entrer en se  
courbant bien fort, car leurs portes sont fort basses,  
les deux femmes estoient au dedans des deux costez,  
chacun \* une hache en main, desquelles elles luy des-  
chargerent plusieurs grands coups sur la teste, & l'es-  
tendirent mort sur la place auant que d'auoir apper-  
çeu le cœur & les intestins de la beste qu'il auoit tué,  
ce qui leur deuoit estre une grande tristesse, car telle  
beste estoit seule capable de les tirer tous de la neces-  
sité, au lieu que leur impatience leur tourna à mal-  
heur, elles ne laisserent pourtant de manger ce corps  
meurtry, elles & leurs enfans, leur disans que c'estoit  
de la chair d'un ours que leur pere auoit tué.

Deux iours apres le Sauuage qui auoit eu charge  
du fils trespassé de se transporter à sa cabane, pour sca-  
uoir des cris de son pere, y arriua chargé d'un mor-  
ceau d'eslan qu'il leur apportoit, mais un peu trop  
tard, car il y auoit esté retardé par la prise de la beste  
qu'il rencontra fortuitement en son chemin, laquelle  
ayant tuée, il en porta quelque morceau en sa cabane  
& renuoya querir le reste par les femmes auant par-  
tir pour son message.

Or comme il fut entré dans la cabane des meurtris,  
il s'informa des enfans qu'il trouua là assis, où estoit  
leu pere & leur mere : Pour nos papa, dirent les en-  
fans, nous les croyons à la chasse, & nos meres cher-  
cher l'eslan qu'ils ont tué, lequel neantmoins elles ne  
687 trouuerent pas, à cause des grandes || neiges qui

estoyent tombées depuis & couuert partout les traces & marques de raquettes. Il leur demanda de plus, de quoy ils auoyent vescu depuis deux iours qu'il auoit rencontré leur pere au bois. Ils dirent de la chair d'un ours que leur grand papa leur auoit enuoyé, & qu'il ne leur en restoit plus guere : Où est donc ce reste, car ie ne voy rien de pendu à vos perches, leur repartit cet homme. Lors les enfans ne sçachans encore le malheur arriué à leur pere (car il est croyable qu'ils estoient absens lors qu'ils furent tuez), luy dirent que leur mere avec leur grand maman l'auoyent caché dehors, & luy monstrerent à peu pres l'endroit que le Sauvage chercha, & l'ayant trouué & fouillé dans la cache, il en tira, au lieu de la patte d'un ours, la iambe d'un homme; bien estonné, il mit derechef la main dans le trou, d'où il tira encore deux autres iambes. Esmerueillé au possible, il demanda aux enfans que cela vouloit dire, & si on auoit là tué des hommes. Ils respondirent qu'ils n'en sçauoyent rien, & que leurs meres luy rendroient raison de tout, s'il vouloit attendre leur retour, comme il fit.

Estant arriuées, il leur demanda ou \* estoient leurs marys, elles ne sçachans pas encores qu'il eust trouué la cache, luy dirent qu'elles n'en sçauoyent rien, & qu'ils pourroient estre quelque part à la chasse. Vous mentez, leur repliqua le Montagnais, car vous les avez tués, & mangé la chair avec vos enfans || ; puis leur montrant une des iambes, leur dit: Est-ce là la iambe d'un Hiroquois que vous avez tué, font-ils venus iusques icy, non ce sont vos marys que vous avez meurtris misérablement, vous estes des meschantes et

ne valez rien. Elles bien estonnées de se voir descouvertes, ne sceurent que repliquer, car leur montrant le reste des corps desquels elles auoient premierement mangé les testes, elles ne prirent autre excuse pour se iustifier d'un cas si enorme, sinon que mourans de faim elles auoient esté contraintes de les tuer pour viure, elles & leurs enfans, puis qu'ils n'auoient pas eu soin de leur chercher à manger. Voylà comme on est mal assureé avec des gens affamez, & qui n'esperent point en Dieu.

Le Montagnais n'y pouuant apporter autre remede, ny empescher que la chose ne fust faite, laissa là ses deux miserables avec leurs enfans, & retourna à sa cabane porter ses tristes nouuelles, & partout où il passoit il en aduertissoit les Sauvages, detestant cet acte inhumain, il nous en donna aussi aduis quinze ou seize iours apres, mais nos Religieux l'auoient desia sceu par le petit Nancogauachit, appellé à son Baptesme Louys. Une telle nouuelle attrista fort nos Freres pour l'affection qu'ils auoient à ce bon Oustachecoucou, mais d'ailleurs le procedé du petit Louys en fut fort agreable & plaissant, car venant tout esplorer de Kebec, d'où il auoit appris ceste fascheuse histoire de la || mort de son parent, demanda aux Religieux où estoit le Pere Ioseph. Helas, dit-il, qu'il sera fasché de la triste nouuelle que ie viens d'apprendre à Kebec, tost, tost, mon frere, dit-il à l'un de nos Religieux, ouurez-moy promptement la porte de vostre chambre, que ie voye si Oustachecoucou est dans l'Enfer, car il est mort sans'estre baptisé. C'estoit un grand Iugement en taille-douce, dans l'Enfer duquel

il le pensoit trouuer depeint avec les autres damnez, car nos Religieux auoient accoustumé de leur monstrier cétte Image pour leur mieux faire comprendre les fins dernieres de l'homme, la gloire des bienheureux, & la punition des meschans. En vérité les Images devotes profitent grandement en ces pays-là, ils les regardent avec admiration, les considerent avec attention, & comprennent facilement ce qu'on leur enseigne par le moyen d'icelles. Il y en a mesmes de si simples qui ont cru que ces Images estoient viuentes, les apprehendoient, & nous prioient de leur parler, c'estoient les liures où ils apprennoient leurs principales leçons, mieux qu'en aucun de ceux desquels ils ne faisoient que conter les feuillets.

---

|| *Comme les deux femmes qui auoient mangé leurs maris furent condamnées par les Sauvages, l'une a estre assommée, & l'autre d'estre bannie, laquelle en fin fut enseuelie sous les glaces, apres auoir bien rodé & contrefait la furieuse.* 690

#### CHAPITRE XLIV.

Un malheur n'arriue iamais seul, ny un peché fans l'autre, voyez-en l'experience aux mauuais, ils ne font pas fortis d'un crime qu'ils en commettent un autre. *Abissus abissum inuocat.* On dit de nostre ieune Sauvagesse Ouscouche qu'auant de tuer son pere, &

son mary, elle en auoit donné aduis à un sien frere, auquel elle promit deux de ses enfans pour luy seruir de nourriture, en attendant qu'il eust pris de la beste, c'est à dire de la venaïson, & qu'il en mangea l'un, & l'autre resta à la mere. Je ne veux pas asseurer que la chose soit vraye, tant y a que les Sauvages nous l'ont asseuré: & ont par plusieurs fois monstré cet inhumain à nos Religieux, leur disans : Tenez, voylà le frere d'Ouscouche, qui a tué & mangé son propre nepueu.

691 || C'est la coustume des Sauvages Montagnais de se rendre vers Kebec au renouveau pour traiter avec les François, & ordonner des choses necessaires à leur Nation, car encore qu'ils vivent presque sans loy, ils ont encore quelque forme de Justice, & de gouvernement politique entr'eux. En cette assemblée leur premiere expedition fut de donner sentence contre les deux femmes meurtrieres, non à l'estourdy & par precipitation, mais apres auoir meurement considéré l'importance du fait & bien debatues les raisons de part & d'autre, dont la faueur emporta neantmoins pour la plus ieune (c'est à dire que la corruption se glisse par tout), car deux Capitaines avec plusieurs anciens, ayans conclu à la mort de toutes les deux, le troisieme Capitaine nommé Esfrouachit, ny\* voulut iamais consentir pour la derniere, à cause qu'elle auoit autrefois espousé son frere, & fut seulement bannie.

L'execution neantmoins en estoit un peu difficile, car comme ils n'ont point de Ministres ordonnez pour de pareilles actions, il falloit trouuer un homme assez

hardy pour l'entreprendre, & personne ne se presentoit, aussi font-ils grande difficulté de mettre la main sur aucun de leur Nation, non pas mesmes pour l'offencer tant soit peu, & encor moins sur les femmes & petits enfans, qu'ils supportent avec patience & charité.

|| A la fin le Capitaine nommé Mahiconatic, ayant rehaussé sa voix & demandé deuant toute l'assemblée si quelqu'un voudroit se charger de la punition de ses deux femmes (car ils n'entraignent personne contre son sentiment), alors le Sauvage Kenœmat, surnommé par les François le Camart, homme adroit & de bon jugement, s'offrit publiquement d'en faire l'exécution & d'y aller au plus tost: Car qu'elle\* apparence, disoit-il, que personnes si meschantes demeurassent impunies apres tant de cruauté; il ne m'importe que la vieille soit ma parente ou non, ie ne la recognois plus pour telle, suffit que ie sçay qu'elle a tué & mangé son fils & son mary, & ayant esté accepté du conseil, il prit congé pour sa commission, & passa par nostre Couuent pour nous en donner aduis. 692

Le bon Pere Ioseph tafcha bien, mais en vain, de le dissuader de faire mourir la vieille, sans auoir au préalable sondé si on pourroit la rendre Chrestienne, mais il ne fut possible de l'y combler, & dit qu'elle ne meritoit pas cette grace-là, & qu'au reste nous auions bien peu d'esprit (c'est leur façon de reprimender) de procurer la vie à celle qui auoit donné la mort à de nos meilleurs amis, & que les autres François l'auoient encouragé de s'en promptement deffaire, afin qu'il ne fust plus parlé d'elle, & là-dessus fortit de

693 nostre Couuent, fut coucher à sa cabane, & dès le lendemain matin se rendit à || celle des criminelles, lesquelles il trouua fort affligées, & en l'attente de la mort qui leur auoit esté annoncée sous main par un de leurs amis, pour leur donner temps de s'euer.

Mais au contraire ces pauures femmes, touchées d'un desplaisir extreme de leur faute passée, commencerent à s'escrier, disans : Helas, à quel propos nous enfuyr, puis que nous auons merité la mort, en celle de nos maris; non nous attendrons icy comme coupables, la punition de nos demerites, & comme criminelles, la iuste sentence de nos Capitaines, c'est pourquoy allez en paix, & nous laissez icy pleurer nos infortunes, puis que vous ne pouuez faire que nos pechez ne soient commis, & nous rendre de coupables innocentes. Mourons donc, puisqu'il faut mourir ma chere fille, disoit la vieille à sa bru, car nous ne pouuons suruiure nos maris qu'en abomination, & deshonneur de tout le monde, i'ay desiré le crime pour rassasier ma faim, & tu as suiuy mes mauuaifes volontez, i'en suis la plus coupable, & tu n'es pas innocente. O mort pourquoy souffre-tu un si long-temps de si miserables creatures sur la terre, oste-nous cette vie, ô mort, qui nous fait rougir deuant le reste des creatures, car pour moy ie suis lassée de viure, & mourray de tristesse, si la vie par la violence ne m'est bientoft ostée.

694 || Comme la vieille acheuoit ses tristes discours, auxquels respondoient d'un mesme ton ceux de la ieune aussi affligée qu'elle, arriua Kencemat, chargé de leur condamnation, bien resolu de la mettre en

effet, comme il fit apres les y auoir disposées & prudemment préparées. Il entra donc dans la cabane sans frapper à la porte, car ils n'ont pas accoustumé d'y frapper en entrant non plus qu'au pays des Hurons, & se scisent là sans saluer, ny dire mot, sinon quelquefois le ho, ho, ho, qui est tout leur plus grand compliment.

Estant assis, il demanda à manger, disant qu'il auoit une grand'faim, lors la vieille se mit en deuoir de luy en disposer promptement avec la chair d'eslan qu'elle mit cuire dans une chaudiere sur le feu. Comment, dit-il, tu me veux donc faire festin (car ils appellent festin tous les repas où il y a un peu de bonne chere). Est-ce point encore de la chair de ton mary, ou de ton fils, sont-ce là des restes de ta cruauté. A quoy ces pauvres femmes ne respondirent autre chose, sinon nous ne vallons rien & auons bien merité la mort, ce qu'elles dirent avec tant de rēgrets, de larmes & de souspirs, comme personnes qui se voyoient prochaines de la mort, & de celui qui la leur deuoit donner, qu'il fut iustement esmeu & contrainct de dissimuler un peu avec elles, & les prier de ne pleurer plus, & d'oublier tout le passé, || & prenant du petun dans son petit sac, leur en presenta à petuner, mais elles le refuserent disant : L'amertume de nos ames & les ressentimens de nos fautes passées, nous a osté l'enuie & la force de pouuoir petuner, plustost faisons promptement mourir puis que tu es venu à ce dessein, car nous ne faisons que languir & allonger nostre martyre. Ce que voyant, & qu'il ne pouuoit les appaiser, ny ne vouloient auoir part au festin qui

se preparoit ; il leua alors le masque & leur dit qu'en effet elles ne valloient rien, & meritoient la mort, & s'adressant à Ouscouche la premiere, il luy dit : Les Capitaines t'ont condamnée de sortir de la Nation, & de t'en aller ailleurs où tu pourras avec ton enfant, tous auoient oppiné à ta mort, comme meschante, mais ton beau frere a prié pour ta vie, par quoy remercie-l'en à la premiere rencontre, & ne fais plus estat de nous voir, ny nous, ny les Algoumequins, avec lesquels nous auons alliance.

Après se tournant vers l'autre, il luy dit : Et toy vieille qui deuois auoir plus de vertu que ta bru, tu mourras de la mesme mort de ton mary & de ton fils, puis leuant sa hache il luy en deschargea un si grand coup sur la teste, qu'il l'estendit morte sur la place, & luy ayant couppé le col, il emporta la teste aux Capitaines après auoir festiné de la viande que la vieille auoit mise sur le feu.

696 || Ouscouche qui deuoit estre adoucie par la grace qu'on luy auoit faite, en deuint au contraire plus insolente & furieuse, car rodant les bois, elle laissa premierement son enfant à la premiere cabane qu'elle rencontra, puis leur dit : Sçachez que ie ne mourray iamais que ie n'aye encore mangé des hommes, & des enfans, & par tout où i'en trouueray ie les affommeray, & en feray curée. Ce qui donna une telle espouuente à tous les Sauüages, qu'on la redoutoit partout, comme une furieuse lyonne qui a perdu ses petits. Si quelqu'un la rencontroit par les bois, il s'en destournoit, car un seul ne l'eust osé aborder. Ils disoient qu'elle auoit le diable au corps, & qu'elle estoit

plus forte que cent hommes, pourquoy tous tiroient de long peur de la rencontrer.

Environ le mois de Juillet de la mesme année, il prit enuie à nostre F. Geruais d'aller par canot au lac de la riuere de S. Charles avec Neogaemai, afin de voir si la difficulté du chemin en estoit si grande que les Sauvages nous depeignoient, car iamais aucun François n'y auoit esté que sur les neiges ou sur les glaces pendant l'Hyuer. Ayant donc passé unze ou douze sauts, dont aucuns sont assez difficiles, non pas neantmoins à l'egal de ceux des Hurons, qui sont espouuentables & dangereux au delà de la pensée de ceux qui n'y ont pas esté, ils se càbanerent sur le bord de la riuere, en un lieu que les Sauvages || appellent 697 le Capatagan, d'où il faut quitter la riuere & aller par dans les terres environ, trois lieuës de chemin chargé de son equipage.

Or pendant le iour chemin faisant, ils auoient rencontré la trace de quelque personne nouvellement passée par là, ce qui donna une telle espouente au pauvre Neogaemai qu'il n'en pût dormir toute la nuit & fut tousiours au guet pendant que les autres dormoient, craignant à toute heure de voir Oufcouche à ses espauls, & ne voulut permettre qu'on fist du feu pour le souper, car comme il croyoit qu'elle eust passé par là, il alleguoit qu'elle sentiroit la fumée du feu, qui luy feroit descouvrir leur giste & les assommeroit tous en dormant. Il fallut donc patienter de son humeur, se contenter d'un petit morceau de pain sec, & se coucher au pied d'un arbre, iusques au lendemain matin qu'ils continuerent leur chemin vers le lac.

On a appris du depuis que ces traces imprimées sur le sable, estoient du bon frere Iean Gauffestre Iesuite, lequel s'estant egaré dans les bois, auoit repris les bords de la riuiere pour retrouver le chemin de sa maison perduë, car les plus experimentez y sont souuent pris, s'ils ne sont conduits par les Sauuages, qui comme les oyseaux retrouuent tousiours leurs nids, quoy que fort esloignés, ou pour petits qu'ils soient.

698 Notre pauvre Oufcouche, comme une beste egarée, rodoit partout sans trouuer qui || la voulust recevoir ; elle ne cherchoit qu'à mal faire, & tous la fuyoient comme dangereuse & indigne de la conuersation humaine. Si elle alloit aux Algoumequins, ils la rebutoient & la chassoient de leur compagnie. Si à Tadoussac, de mesme, tellement qu'elle estoit comme dans un desespoir de pouuoir iamais trouuer qui la voulust recevoir à grace, iusques à ce que deux ieunes hommes Sauuages, dont l'un s'appelloit Sy Syfiou, Montagnais de nation, lequel auoit auparauant demeuré avec les RR. PP. Iesuites, & depuis quitté comme un las de bien faire, & l'autre estoit un Algoumequin, nommé Chiouytonné, lesquels abandonnans leur nation, se firent en la compagnie de ceste mauuaise femme, & faisoient ensemble les manitous & endiables, menaçans de ne vouloir viure que de chair humaine & d'affommer tout autant de personnes qu'ils pourroient attraper.

Cela mist une telle alarme par tout le camp que petits & grands en apprehendoient les approches. Le Capitaine Esrouachit, appelé par les François la Fourriere, avec quelque \* autres Capitaines, tindrent con-

feil par entr'eux pour aduifer aux moyens de se def-  
faire de ses deux compagnons auant qu'il en arriuaft  
plus grand accident, & conclurent qu'il les falloit af-  
fommer tous deux fans autre forme de procez. Ce qui  
fut incontinent executé, car s'estans venus ranger vers  
Tadouffac où estoient ces Capitaines, ils furent fur-  
pris & mis à mort en leur prononçant leur sentence  
|| plustost que d'auoir sceu qu'on s'estoit assemblé pour 699  
eux, car là il n'y auoit point d'appel, ils font des  
Iuges souuerains, qui ne sçauent que c'est que chicanerie,  
un procez est aussitost iugé qu'il est intenté.  
On n'y faict point d'escritures, on n'y paye point d'es-  
pices; les Aduocats, Procureurs & Sergens en sont  
bannis; c'est un conseil de vieillards & de gens pru-  
dens qui ne se precipitent point en affaires, ruminent  
ce qu'ils veulent dire & suiuent facilement la raison  
qu'ils voyent apparente, autrement il y a peu de fa-  
ueur pour qui que ce soit.

La determinée Oufcouche fut bien estonnée quand  
elle vit ses deux hommes par terre, la peur d'un pa-  
reil chastiment luy fist alors croistre des aisles aux  
pieds, mais qui la precipiterent dans une mort plus  
rigoureuse & sensible, car s'estant iettée seulé dans son  
canot pensant trauerfer la riuere, qui a 6. ou 7. lieuës  
de large en cet endroit, elle fut enseuelie sous les  
glaces que la marée faisoit debattre & s'entrechoquer,  
desquelles elle ne put se deffendre, & là perit misera-  
blement celle qui estoit auparauant la terreur & l'es-  
pouuante de tous ceux de sa nation.

Voylà une fin funeste & mal-heureuse, qui nous  
doit apprendre que tost ou tard la iustice vengeresse

de Dieu attrape les mefchans, & les punit d'autant plus rigoureusement qu'il tarde à leur esclancer ces \* foudres.

---

700 || *Des deffunâs, & du festin qui se fait à leur intention. Comme ils les pleurent & enseueliffent & de leurs sepultures. Du deuil & de la résurrection des hommes valeureux, avec deux notables exemples pleines d'instruction.*

CHAPITRE XLV.

Par arrest du tres-haut, il a esté ordonné que tout homme riche & pauvre mourra un iour, & rendra compte deuant Dieu de toute sa vie passée, mais helas le pauvre & le riche seront bien differens en la mort, beaucoup plus qu'en la vie : pour ce que si le pauvre meurt ce sera pour reposer, & si le riche meurt ce sera pour peiner : de maniere que Dieu tres-iuste priuera l'un de ce qu'il possedoit & mettra l'autre en possession de ce qu'il desiroit, & par ainsi chacun aura son tour, le riche deuiendra pauvre & le pauvre deuiendra riche, ô Iesus, des biens de vostre Paradis.

Bien-heureux est celuy qui n'est point attaché aux vanitez & richesses de cette vie, & qui se maintient tel en la vie qu'il desire estre trouué en la mort : car il vaut beaucoup mieux mourir comme un pauvre Lazare en la grace de Dieu, abandonné de tous, que de

701 || mourir puissant comme le riche gourmand, & estre assisté de tous.

On meurt bien differemment & de diuerfes maladies naturelles & violentes; mais dans l'ordinaire, le seul manger & boire tuë les bestes & les hommes brutaux qui en prennent au delà de leur suffisance; mais les hommes sages & gens d'esprit ne meurent iamais, fors que d'ennuis, disoit Ciceron escriuant à Atticus son amy.

Toutes les nations les plus barbares aussi bien que les Chrestiennes, ont tousiours eu un soin tres-particulier d'enseuelir les morts & de venerer les trespasses. Le bon Tobie en receut les promesses de Dieu, comme il se lit és sainctes lettres, & tous les liures sont plains d'exemples des personnes deuotes qui se sont addonnées à ceste Chrestienne & pieuse occupation, qui est reuerée mesme de nos Hurons & Canadiens, qui y apportent l'ordre que ie vous vay d'escrire \*.

A mesme temps que quelqu'un de nos Hurons est decedé, l'on l'enveloppe dans sa plus belle robe, de telle sorte que le menton touche les genouils, ils le lient avec de leurs courroyes de cuir, qu'ils font de peau d'eslan ou de l'escorce qu'ils appellent ati. Si c'est un Montagnais ou Canadien, ils luy donnent des gands & des chausses, & l'ayant enveloppé dans une robe toute neuue, puis lié en une pièce d'escorce, ils le portent en leur cimetièrre. Pour les Hurons, apres que le corps a esté enveloppé dans sa plus belle robe, il est apres posé sur || la natte où il est mort, couuert d'une autre robe qui luy sert de poisle, & dés-lors n'est plus sans assistance d'hommes & de femmes ou des deux ensemble, qui se tiennent là en grand silence assis sur les nattes & la teste panchée sur leurs genouils,

sinon les femmes qui se tiennent assises à leur ordinaire avec un visage pensif, qui denoté le deuil.

Cependant tous les parens & amys du deffunct, tant des champs que de la ville, sont aduertis de cette mort, & priez de se trouuer au conuoy par les plus proches, & diriez qu'ils ayent appris ces ceremonies des Chrestiens, lesquels ils veulent mesme surpasser en leur soin.

Le Capitaine de la police, de son costé, fait ce qui est de sa charge : car incontinent qu'il est aduertý de ce trespas, luy, ou son assesseur, en fait le cry par tout le bourg, & prie un chacun, disant : Etsagon, Etsagon, prenez courage, prenez courage, & faites tous des festins au mieux qu'il vous sera possible, pour un tel ou une telle qui est decedée. Alors tous les parens & alliez du deffunct, chacun en leur particulier, font un festin dans leurs cabanes, le plus excellent qu'ils peuuent & de ce qu'ils ont à commodité, puis le departent & l'enuoyent à tous leurs parens & amys à l'intention du deffunct, sans en rien reseruer pour eux, & ce festin est appellé Agachin atiskein, le festin des ames.

703 Les Montagnais font quelquefois des festins des morts, auprès des fosses de leurs parens trespassez, & leur donnent la meilleure || part du banquet qu'ils jettent au feu, mais ie ne me suis pas enquis des autres nations s'ils en font de mesme, ou comme ils en usent, d'autant que cela est de peu d'importance, & qu'il est facile par ce que ie viens de dire de leur persuader les prieres, aumosnes & bonnes œuures pour les deffuncts, puis que des-ia ils en font en quelque

maniere dans leur obscurité, croyans foulager les ames.

Les Effedons, Scythes d'Asie, celebrent les funeraillles de leur pere & mere avec chants de ioye. Les Thraciens enseueliffoient leurs morts en se resioüifans, d'autant (disoient-ils) qu'ils estoient partis du mal & arriuez à la beatitude; mais nos Hurons enseueliffoient les leurs en pleurs & tristesses, neantmoins tellement moderées & réglées au niveau de la raison, qu'il semble que les femmes qui doiuent pleurer (auec lesquelles seules la charge en est donnée) ayent un pouuoir absolu sur leurs larmes & sur leurs sentimens, de maniere qu'elles ne leur donnent cours que dans l'obeissance, & les arrestent par la mesme obeissance, où plusieurs femmes Chrestiennes pleurent demesurement, au lieu qu'à l'imitation des Effedons & Thraciens elles deuroient se resigner à la volonté de Dieu en la mort de leurs parens, & pleurer plustost en leur naissance pour les voir chargés de crimes & du peché de la conception.

Auant que le corps du dëffunct sorte de la cabane, les femmes & filles là presentes y font les pleurs & lamentations ordinaires, lesquelles ne commencent ny ne finissent iamais (com- || me ie viens de dire) que 704 par le commandement du Capitaine ou Maistre des ceremonies. Le commandement donné, toutes unanimement commencent à pleurer, & se lamenter à bon escient, & femmes & filles, petites & grandes (& non iamais les hommes, qui demonstrent seulement une mine & contenance morne & triste, la teste & les yeux abaiffés), & pour s'y esmouuoir avec plus de facilité,

elles repètent tous leurs parens & amis deffuncts, difans : Et mon pere est mort, & ma mere est morte, & mon coufin est mort, & ainfi des autres, & toutes fondent en larmes, finon les petites filles, qui en font plus de semblant qu'elles n'en ont d'enuie, pour n'estre encores capables de ses sentimens.

Ayans suffisamment pleuré, le Capitaine leur fait le hola, & toutes cessent de pleurer comme si elles ny auoient point pensé. Il y en a qui entremeslent en leurs complaints funebres les hautes loüanges du deffunct, & exagerent ses vertus & protieffes, pour en faire regretter la perte, & donner un facile accez à leurs larmes qui autrement seroient souvent tariées, car de grace sans ses inuentions, quelle apparence y auroit-il de pouuoir pleurer une personne à qui vous n'auriez aucune obligation & ne vous seroit ny parente, ny amie, ny de cognoissance.

Or, pour monstrier combien il leur est facile de pleurer, par ces ressouuenirs & repetitions de leurs parens & amis decedez, les Hurons & Huronnes souffrent assez patiemment toutes autres sortes d'injures; mais quand on vient à toucher cette corde, & qu'on leur reproche que quelqu'un de leurs parens est mort, ils sortent alors fort aisément des gonds & de la patience, car ils ne peuuent supporter ce ressouuenir, & seroient en fin un mauuais party à qui leur reprocheroit : & c'est en cela, & non en autre chose, que ie leur ay veu quelquefois perdre patience & se choquer ouuertement.

Au iour & à l'heure assignée pour le conuoy, chacun se range dedans & dehors la cabane pour y assis-

ter : on met le mort sur un brancart ou forme de civiere couverte d'une peau, puis tous les parens & amis avec un grand concours de peuple le fuiuent processionnellement deuant & derriere iufques au cimetiere, ordinairement esloigné d'une portée d'arquebuzé du bourg, où estans tous arriuez, chacun se contient en silence, les uns debouts & les autres assis, selon qu'il leur plaist, pendant qu'on esleue le corps en haut, & qu'on l'accommode dedans sa chafse, faicte & disposée exprés pour luy : car chacun corps est mis dans une chafse à part, bastie de grosses escorces & posée sur quatre gros piliers de bois, un peu peinturez, haut esleué de neuf ou dix pieds, ou enuiron, ce que ie peux coniecturer en ce qu'esleuant ma main, ie ne pouuois toucher aux chafses qu'à plus d'un pied ou deux prés.

Les Corinthiens & presque tous les peuples d'Asie auoyent de coustume d'enfouyr dans la terre avec les corps des deffuncts, tous || les plus beaux vaisseaux 706 d'œuure de poterie qu'ils eussent ; & pensoient, en leur fol iugement & vaine superstition, que les Dieux qui en auoient la garde, comme Dieux domestiques, venoient boire & manger avec eux, apres leur trespas, & leur apportoient de la viande des Dieux celestes, & de leur breuuage aussi. I'ay veu une petite idole de terre cuitte de la longueur de cinq ou six poulces, plombée de vert, qu'on auoit apportée d'Egypte & prise dans le corps d'un deffunct, selon l'ancienne coustume des Egyptiens de mettre dans les corps morts de ceux de leur nation une semblable idole, comme un Dieu tutelaire posé pour leur garde & conseruation.

Nos Sauvages font bien fols à la verité, mais ils ne font pas dauantage que ces sages Egyptiens en ce cas, car bien qu'ils enferment avec les corps de leurs parens deffuncts de l'huyle, de la galette, des haches, cousteaux & autres meubles, si est-ce qu'ils ne croyent pas que les Dieux domestiques, terrestres ny celestes, viennent manger avec eux dans la fosse, ny qu'une petite idole de terre cuitte, petrie par la main d'un potier, soit un Dieu tutelaire qui les puisse deffendre, & par ainsi il ne faut point trouuer estrange s'ils ont de folles croyances, puisque des peuples policez estimez sages & non Sauvages, ont eü de si ridicules superstitions.

707 Le corps estant posé & enfermé dans la chasse avec tout son petit equipage, on iette de dessus la biere deux bastons ronds, cha- || cun de la longueur d'un pied, & gros comme quatre doigts, l'un d'un costé pour les ieunes hommes, & l'autre pour les filles, apres lesquels ils se mettent comme Lyons à qui les aura, & les pourra esleuer en l'air de la main, pour gagner un certain prix qui leur couste presque la vie tant ils s'empresstent pour l'auoir. Il y a des ceremonies & des ieux où l'on peut prendre quelque esbat, mais à celuy-cy il n'y en a point du tout, & donne plus tost horreur que contentement & recreation, particulièrement la violence & l'empresstement que ce font les filles qui pourtant n'en font que rire, non plus que les garçons, de leurs sueurs & perte d'haleines, qui feroient estouffer personnes plus delicates; mais cette ceremonie ne s'obserue pas enuers tous.

Or pendant que toutes ces ceremonies s'obseruent,

il y a d'un autre costé un officier monté sur un tronc d'arbre, qui reçoit les presens que plusieurs font à la veue, ou plus proche parent du deffunct, pour essuyer ses larmes, qui est une bonne inuention, car par ce moyen le deuil en est bientoft passé. A chaque chose qu'il reçoit, il l'esleue en l'air à la veue de tous, & dit : Voylà une telle chose qu'un tel ou une telle a donné pour essuyer les larmes d'une telle, puis il se baisse & lui met entre les mains. Tout estant acheué, chacun s'en retourne d'où il est venu, avec la mesme modestie & silence.

J'ay veu en quelque lieu des corps mis en terre (mais fort peu), sur lesquels il y auoit une chaffe d'escorce dressée, & à l'entour une palissade toute || en 708  
rond, faicte de pieux picquez en terre, de peur des chiens & bestes carnassieres, ou bien par honneur & reuerence des deffuncts.

Les Canadiens, Montagnais & les autres peuples errants, ont quelques autres ceremonies particulieres enuers les morts qui ne sont pas communes avec celles de nos Hurons, car premierement les Montagnais ne sortent iamais les corps des trespassez par la porte ordinaire de la cabane où il est mort, ils leuent en un autre endroit une escorce par où ils le font sortir, disans pour leur raison que l'on ne doit point sortir un deffunct par la mesme porte où les viuans entrent & sortent, & que ce seroit leur laisser un facheux resouuenir, & pour quelque autre raison que ie n'ay pas apprise.

Ils ont encore une autre ceremonie particuliere de frapper sur la cabane ou \* vient de mourir, en disant:

oué, oué, oué, pour en faire fortir l'esprit, disent-ils, & ne se seruent iamais d'aucune chose de laquelle un trespasé se soit seruy en son viuant, & pour le reste des funerailles apres que le corps a esté enseveli & garotté à leur accoustumée, ils l'esleuent couuert d'une escorce sur des fourches ou habitacle fort haut, avec tous ses meubles & richesses, en attendant que tous ses parens & amis se soient assemblez pour l'enterrement : car de laisser le corps en bas dans les cabanes il y pourroit par fois estre trop long temps, ce qui les incommoderoit fort, & causeroit une autre plus mauuaise odeur que leur poisson puant. O bon Jesus, qui  
709 ne leur seroit || pas plus en horreur & desdain qu'est à nous la putrefaction de ces vaines creatures du monde quand elles viennent à mourir, à aucunes desquelles i'ay assisté & n'y ay pas esté satisfait.

Estans vagabonds & sans aucune demeure permanente, ils ne peuuent auoir de Cimetiere commun & arresté comme les Nations sedentaires, mais aux lieux plus commodes où ils se trouuent, ils font une fosse capable, laquelle estant faite, ils mettent au fons 2. ou 3. bastons, puis le corps dessus, qu'ils entourent de branches de sapin sans y mettre de terre, le couurent d'une escorce, & par dessus ceste escorce d'une quantité de busches qu'ils coupent de longueur plus grande que la fosse, d'autres redoublent la fosse par tout de rameaux d'arbres, puis de peaux de bestes, & en suite y mettent tout le meuble du defunct, si c'est d'un homme, son arc, ses fleches, son espée, sa masse & quelque escuelle, petite chaudiere & un fuzil. Si c'est une femme, sa corde pour aller au bois, sa hache,

quelque escuelle & ses petites ustancilles à trauailler, tant à peindre leurs robes que leurs esguilles à coudre; puis tout cela est couuert d'escorces & de busches, & quelquefois font tomber dessus plusieurs gros arbres en croix les uns sur les autres comme un bucher, crainte des bestes, & un autre debout pour signal, qu'ils peignent un peu rouge par en haut.

Il y en a qui n'y en mettent point pour en oster la cognoissance aux estrangers & François, desquels ils craignent plus l'auarice, que || de la gueule deorante 710 des bestes feroces & carnassieres, tant ils sont religieux conseruateurs des biens & des os de leurs parens defuncts, de maniere qu'on ne scauroit en rien tant les offencer qu'à fouiller dans leurs sepultures, comme ont quelquefois fait les François pour en tirer les castors, lesquels s'ils y eussent esté surpris par les Sauvages, ils en eussent suby la peine que meritoit leur auarice & impieté, & comme m'ont dit quelquefois nos Hurons, il faudroit faire estat de subir une mort plus cruelle que pour auoir vollé les viuans, on s'y pourroit assez affeurer dans ce tesmoignage auéré que si le feu s'estoit pris en leur village & en leur cimetiére, ils accourroient premierement esteindre celuy du cimetiére, & puis celuy du village.

La fosse estant couuerte (entre nos Canadiens), l'on fait un grand feu à l'un des bouts, où tous les assistans & gens du conuoy s'approchent pour festiner & faire bonne chere, des meilleures viandes, soit chair ou poisson, que l'on a peu recouurer. Ce festin est à tout manger, en deut-on creuer à la peine, si l'on ne se rachepte. Les plus proches parens du defunct ont

foin (bien qu'en deuil) de faire cuire les viandes qui sont dans les chaudières, pendant que le Capitaine ou plus ancien de la Compagnie fait les harangues & oraisons funèbres à la louange du trespasé, lesquelles finies l'on commence à vuidier les marmites, sinon la femme ou le mary de la deffuncte & autres parens  
711 proches, qui demeurent en silence sans || manger, iusques à une autre heure hors de compagnie.

Ils sont de la différence & distinction aux sepulchres des Capitaines, lesquels ils sont en façon d'une chapelle ardente: ils plantent des pieux à l'entour, redoublez d'escorces, sur lesquelles ils peignent quelque personnage dessus, il y en a à quelqu'uns dont on ne met point d'escorces, mais forces \* bufches que l'on entasse les unes sur les autres; on dit aussi que à la mort de ces Capitaines ou personnes d'autorité, les parens & amis du deffunct, avec le reste du peuple, vont trois ou quatre fois l'an, chanter & dancer sur leur fosse, & que s'il y reste quelque chose du festin, il est ietté dedans le feu, au lieu qu'aux autres il faut tout manger; & en cela ils se conforment aucunement à l'ancienne coustume de plusieurs Chrestiens, qui souloient banqueter sur les sepultures, interpretant l'Escriture qui dit: Met ton pain & ton vin sur la sepulture du trespasé. A ce propos des sepultures de Capitaines, il me souvient auoir veu un petit Islet au milieu d'un grand lac, au país des Algoumequins, couuert d'un fort haut bucher avec une grosse piece de bois dressée debout par dessus, ie le contemplay & l'admiray un fort long temps, avec opinion que ce deuoit estre la sepulture d'un des plus grands de leur

nation, puis- || que le bucher en estoit si haut, qu'il 712  
estoit le traual de beaucoup d'hommes. Mes Sauvages  
ne m'en sceurent donner autre raison, aussi y auoit-il  
bien de l'apparence. Ce lac estoit si grand qu'il com-  
prenoit plus de 50. Isles dans sont \* enceinte, mais  
celuy du bucher estoit le plus petit de tous, car il ne  
contenoit simplement que le bucher.

En quelque nation, non-seulement les Sauvages ont  
accoustumé de se peindre le visage de noir à la mort  
de leurs parens & amis, qui est un signe de deuil,  
mais aussi le visage du deffunct, & enliouent son corps  
de matachias, plumes & autres bagatelles, & s'il est  
mort en guerre, le Capitaine fait une harangue comme  
une oraison funebre deuant le corps, où assistent tous  
ses parens & amis, lesquels il incite & exhorte de  
prendre promptement vengeance d'une telle mes-  
chanceté, & que sans delay on aille faire la guerre à  
leurs ennemis, afin qu'un si grand mal ne demeure  
point impuny, & qu'une autre fois on n'aye plus la  
hardiesse de leur venir courir fus.

Les Attinoindarons font des resurrections des morts,  
principalement des grands Capitaines & personnes si-  
gnalées en valeur & merite, à ce que la memoire des  
hommes illustres reuiue en quelque façon en autruy,  
par exemples de vertus semblables que doit donner  
celuy que l'assemblée subroge.

Or l'election se fait par les gens du conseil de la per-  
sonne qu'ils croyent plus approcher en corpulence,  
aage & valeur de celuy qu'ils veulent resusciter.  
Aprèsquoy ils se leuent || tout debouts, excepté celuy 71  
qui doit estre resuscité, auquel ils imposent le nom

du deffunct, & baiffans doucement la main iufque bien bas, feignent le releuer de terre, voulans dire par là qu'ils tirent du tombeau ce grand personnage deffunct. & le remettent en vie en la personne de cet autre qui se leue debout, lequel (apres les grandes acclamations du peuple) reçoit les prefens qu'on luy fait, & les complimentens defquels il eft honoré, puis feffinent en fa confideration avec allegrefse pour l'auoir retiré du tombeau. Voylà comme les perfonnes bien meritées font honorées chez les Gentils.

Il me refte à vous dire auant clore ce Chapitre, que fi ie n'ay point fait mention des Testamens & dernieres volontez de nos Hurons, c'est pour n'estre pas en usage chez eux, ny neceffaires, & que leur feule parole fuffit fans autre efcriture, car ils font tellement bien unis, & fi peu picquez d'auarice, que pour ce regard ils n'ont iamais de difficulté, mais ils ont ce malheur en eux de ne pardonner point à leurs ennemis en mourant comme font les bons Chrestiens, & en recommandent la vengeance à leurs enfans, comme Daud la punition a Semej, & comme les dernieres paroles d'un pere font celles que les enfans doiuent inuiolablement obferuer & garder en leur efpit, de là vient qu'ils ne pardonnent point ayfement à quiconque a fait du desplaisir à leurs parens, plus portez en cela de mauuaife volonté que le bon Phocion, General des Atheniens, lequel eftant fait iniuftement mourir par fes concitoyens, quelqu'un des affiflans luy ayant demandé s'il vouloit mander aucune chose à fon fils Phocius : Ouy certes, dit-il, c'est qu'il ne cherche iamais à venger le tort que mèn font les Athe-

niens, ce qu'il dit non par un esprit de vanité, mais par devoir d'un homme de bien & vrayement vertueux. Il estoit d'ailleurs si attempé & d'un naturel si honneste, qu'il se monstroit doux, gracieux, courtois & humain à tout le monde, iusques à hanter priuement ceux qui luy estoient aduerfaires, & les seruir en leurs affaires s'ils venoient à tomber en quelque danger & en quelque aduersité, ce que ie ne puis assez admirer, car nous voyons bien peu de Chrestiens auoir de semblables qualitez, sinon quelqu'uns lesquels mourans laissent à leurs enfans un catalogue de bonnes instructions pour principal heritage & souueraine richesse, laquelle la rouille ne peut endommager, ny les larrons l'emporter, mais qui est un prix si haut, qu'elle nous peut esleuer iusques à Dieu, le cognoistre, l'aymer, adorer & iouyr de vous mesme, ô bon Iesus, qui est l'unique & vray bien de tous les esleuz.

Mais pour ce que l'exemple des grands Princes est d'autant plus energique & capable de nous esmouvoir, que leur condition a surpassé la nostre \*. Je vous rapporteray icy les dernieres paroles du tres-pieux Empe- || reur Marc Aurelle à son fils Commode, son unique heritier à l'Empire, afin que si l'exemple des petits n'a eü assez de force sur vostre esprit, celle d'un grand Prince vous soit recommandable, & vous porte dans l'exercice de la vertu, autant courageusement qu'un autre grand Payen vous en donne l'exemple sans vous alleguer la vie de nos Saints & la parole de Dieu mesme qui nous enioint la charité, la concorde & la paix avec nostre prochain. O Dieu, que c'est

une grande vertu du Ciel que de pardonner & de faire bien à son ennemy, il n'y a ieufne, aufterité, ny au-mofne qui luy foit comparable.

Ce bon Prince fe tournant à fon fils, apres une longue exhortation à la vertu, luy dit: Pour cette derniere heure, mon fils, ie t'ay gardé le meilleur, le plus noble & plus riche ioyau que i'aye poffédé en ma vie: & protefte aux Dieux immortels que fi ainfi comme ils me commandent mourir, ils me donnoient congé & licence de lire en la fepulture, ie le commanderois enterrer avec moy. Tu fauras, mon fils, qu'en l'an dixiefme de mon Empire, s'esleua une forte guerre contre les Parthes indomptez, où par malheur aduint qu'il fut neceffaire y aller en propre perfonne pour leur donner la bataille: laquelle gagnée & toutes leurs terres, m'en reuins par l'ancienne Thebes d'Egypte, pour voir fi ie trouuerois aucune antiquité de celles du temps paffé. En la maifon d'un

716 Prestre Egyptien, trouuay une petite table que || l'on pendoit à la porte de la maifon du Roy, le iour que l'on le couronnoit Roy: & me dit ce pauvre Prestre, ce qui estoit en cette table auoir esté escrit par un Roi d'Egypte appelé Ptoloméé Arfacide.

Ie prie aux Dieux immortels, mon fils, que telles foyent tes œuures, comme les paroles de ce tableau le requierent. Comme Empereur ie te laiffe héritier de plusieurs Royaumes, & comme pere ie te donne cette table de confeils que ie te prie tousiours garder & tenir en ta memoire & entendement pour les mettre en pratique. Soit doncque cette-cy ma derniere parole. C'est avec l'Empire que tu feras craint par

tout le monde, mais avec les conseils de cette table tu feras aymé de tous, & viuras en homme de bien & Prince equitable.

Ce propos acheué, & la table baillée, l'Empereur tourna les yeux & perdit le sentiment, & par l'espace d'un quart d'heure fut en tel trauail, & de là à bien peu rendit l'esprit.

En icelle table estoient certaines lettres Grecques, quasi par maniere de vers heroiques qui veulent dire en nostre vulgaire :

Iamais ie n'esleuay le riche tyran, ny hay le pauvre iuste.

Iamais n'ay nié la iustice au pauvre pour estre pauvre, ny pardonné au riche pour estre riche.

Iamais ie n'ay fait aucun don pour une || seule affection, ny donné chastiment pour une seule passion. 717

Iamais ie n'ay laissé le mal sans punition & chastiment, ny le bien sans remuneration & loyer.

Iamais n'ay commis le iugement de la Iustice euidente à un autre, ny déterminé l'obscuré par moy seul.

Iamais ie n'ay denié Iustice à celuy qui la me demandoit, ny misericorde à celuy qui la meritoit.

Iamais n'ay fait chastiment par ennuy quelconque, ny promis loyers estant ioyeux & content.

Iamais n'ay esté nonchalant en la bonne prospérité & santé, ny desesperé en l'aduersité.

Iamais n'ay fait mal ny chose deshonneste par malice, ny commis aucune vilénie par auarice.

Iamais n'ay favorisé les mutins, ny presté l'oreille aux flatteurs.

I'ay tousiours trauaillé à estre aymé des bons, & iamais ne me fuis soucié d'estre hay des mauuais. Pour auoir fauorisé les pauvres qui pouuoient peu, i'ai esté fauorisé des Dieux contre ceux qui pouuoient beaucoup.

---

718 || *De la grand' feste des morts & comme tous les os des deffuncts sont mis ensemblement dans une grande fosse avec leurs plus beaux emmeublemens, & des richesses que les parens & amis donnent pour leur seruir en l'autre vie.*

#### CHAPITRE XLVI.

Il n'y a point de doute que l'on pourroit facilement persuader aux Sauuages les prieres & bonnes œuures pour les deffuncts, puis que d'eux mesmes ils se font desia forgez une maniere de les assister, car de dix en dix ans, plus ou moins, nos Hurons & autres peuples sedentaires font la grande feste ou ceremonie des morts en l'une de leur bourgade\*, ou village, comme il aura esté conclu & arresté par un conseil general de tous ceux du pays (car les corps des deffuncts ne sont enseuelis en particulier que pour un temps), & la font encore annoncer aux autres Nations circonuoinfines, afin que ceux qui y ont eslu la sepulture des os de leurs parens les y portent, & les autres qui y veulent venir par deuotion y honorent la feste de leur presence; car tous y font les biens\* venus & festinez pendant quelques || iours que dure la ceremonie, où

719

P'on ne voit que chaudières sur le feu, festins & danses continuelles, qui fait qu'il s'y trouue une infinité de peuple qui y aborde de toutes parts.

Les femmes qui ont à y apporter les os de leurs parens les prennent aux cimetières : que si les chairs n'en font du tout consommées, elles les en tirent & les rendent fort nets, puis les enveloppent dans de beaux castors neufs, ornez de rassades & colliers de porcelaines, que les parents & amis contribuent, disans : Tien, voilà ce que ie donne pour les os de mon pere, de mon oncle, de ma femme, &c., & les ayant mis dans un sac neuf, elles les portent sur leur dos, parez encore par le dessus de quantité de porcelaines, & autres petites iolietez desquelles ils ne font point chiches en semblables occasions.

Elles portent aussi toutes les pelleteries, haches, couteaux, chaudières & autres choses offertes, avec quantité de viures, au lieu destiné, qui sont après mis à part & séparés, les viures en un lieu, pour estre employez en festins, & les sacs & emmeublemens pendus par les cabanes de leurs hostes, en attendant le iour auquel tout doit estre enseuely dans la terre avec les os.

La fosse se fait hors de la ville fort grande & profonde, capable de contenir tous les os, meubles & pelleteries dédiées pour les défunctz. On y dresse un eschaffaut haut esleué sur le || bord, auquel on porte tous les sacs d'os, puis on tend la fosse par tout, & au fond & au \* costez de peaux, & robes neuues de Castors, puis on y fait un lit de haches, en après de chaudières, rassades, colliers & brasselets de porcelaine, & autres choses qui ont esté données par les

parens & amis. Cela fait, du haut de l'eschaffaut les Capitaines voident tous les sacs dans la fosse parmy la marchandise, lesquels ils couurent encore d'autres peaux neuues & d'escorces, apres ils reiettent la terre par dessus, & des grosses pieces de bois peur des bestes, puis ils picquent en terre des pilliers de bois tout autour de le \* fosse, & font une couuerture par dessus, qui dure autant qu'elle peut, festinent derechef, & prennent congé l'un de l'autre, pour leur retour, bien ioyeux & contens que les ames de leurs parens & amis deffuncts ayent bien de quoy butiner, & se faire riches ce iour-là en l'autre vie.

Chrestiens, r'entrons un peu en nous mesmes, & voyons si nos ferueurs sont aussi grandes enuers les ames de nos parens detenuës dans les prisons de Dieu, que celles des pauures Sauvages enuers les ames de leurs semblables deffuncts, & nous trouuerons que leurs ferueurs surpassent de beaucoup les nostres, & qu'ils ont plus d'amitié l'un pour l'autre, & en la vie & apres la mort, que nous, qui nous difons plus sages, & le sommes moins en effet, parlant de la fidelité & de  
721 l'amour reciproque simplement: car || s'il est question de donner l'aumosne, ou faire quelqu'autre œuure pieuse pour les viuants & deffuncts, c'est souuent avec tant de peine & de repugnance, qu'il semble à plusieurs qu'on leur arrache les entrailles du ventre, tant ils ont de difficulté à bien faire, prenant pour excuse leurs enfans, si Dieu leur oste leurs pauures parens, & par ainsi ils ont tousiours raison à leur dire, de continuer dans leur auarice, & plustost mourir que lascher prise & d'auoir la bourse ouuerte à l'indigent.

Au contraire de nos Hurons & autres peuples sauvages, lesquels font leurs presents, donnent leurs aumosnes pour les viuans & pour les morts, avec tant de gayeté & si librement que vous diriez à les voir, qu'ils n'ont rien plus en recommandation que de faire du bien, & à assister de leurs moyens ceux qui font en necessité, & particulièrement les ames de leurs parens & amis deffuncts, auxquels ils baillent le plus beau & meilleur de leur auoir, & s'en incommodent quelquefois, & y a telle personne qui donne presque tout ce qu'il a pour les os de celuy ou celle qu'il a aymée & chérie en cette vie, & ayme encore apres la mort : tesmoin Ongyata, qui pour auoir donné & enfermé avec le corps de sa deffuncte femme (sans nostre sceu) presque tout son vaillant, en demeura tres-pauvre & incommodé, & s'en resiouissoit sous l'esperance que sa fem- || me en feroit mieux accommodée en l'autre vie. 722

Or, par le moyen de ces assemblées & ceremonies, ils contractent une nouvelle alliance, amitié & union plus estroite, difans : que tout ainsi que les os de leurs parens & amis deffuncts sont assemblez & unis en un mesme lieu, de mesme aussi qu'ils deuoient durant leur vie viure tous ensemblement en une mesme unité & concorde, comme bons parens & amis, sans s'en pouuoir à iamais separer ou distraire, pour aucun desseruire ou disgrâce, comme en effet ils font.

*Fin du second Liure.*

HISTOIRE  
DU CANADA  
ET  
VOYAGES DES PERES RECOLLETS  
EN LA  
NOUVELLE FRANCE.

---

LIVRE TROISIÈME.

*Des animaux & bestes brutes, & de la compassion  
qu'en ont certains Indiens, auxquels ils ont basti  
un Hospital pour les malades & blessés.*

CHAPITRE I.

724 On dit que la consideration fait les sages & les  
saincts, & nous esleue iusques à pouuoir connoistre  
Dieu & nous mesmes, mais nostre negligence & peu  
de soin nous entretient sou- || uent dans l'ignorance.  
C'est une chose merueilleuse que Salomon aye cognu  
iusques à la vertu de l'ysope, & nostre premier Pere  
iusques au moindre des animaux, auxquels il a im-  
posé les noms, & que nous qui deurions estre tout  
confits en cognoissance, ignorons encores les choses  
plus communes de la diuine Prouidence à nostre en-  
droict. Qui ne voit les continuels miracles de Dieu, en

la nourriture & aliment des hommes de tout cet uni-  
uers. le ne sçay si ie me trompe, mais ie croy que  
n'estoit le miracle, qu'il ne se trouueroit pas à chacun  
deux gerbes de bled apres la moisson, & cependant  
tout le monde vit.

Laiſſons à discourir des hautes sciences aux doctes,  
& dans nostre simplicité ordinaire, voyons un peu ce  
qui se passe à Paris, & dans les grandes villes peuplées,  
& vous verrez (choſe admirable) qu'il n'y a iournées  
qu'il ne s'y conſomme plus de bœufs & de moutons,  
d'oyſeaux & de poiſſons, avec toutes fortes d'autres  
animaux de poil, & de plume, qu'il ny \* pourroit  
auoir d'animaux nuifibles en toute une Prouince,  
& pourtant il y en a touſiours de reſte pour le lende-  
main. C'eſt la Prouidence qui a eſté en cela fort ſage,  
ayant fait que tous les animaux paoureux & de bon  
manger foyent grandement feconds, afin que par  
eſtre ſouuent mangez, ils ne defaillifſent ainſi que  
beſtes nuifibles & malfaiſantes, leſquelles ſont d'elles  
meſmes peu lignageres. Partant || le lieure eſt fort 725  
fecund, & ſeul de toutes les beſtes de venaiſon ſur-  
charge ſa portée, à cauſe que l'homme, beſtes & oy-  
ſeaux le pourſuiuent à mort. Pareillement la haze  
des connils ſe trouue ſi pleine de lapins, que les uns  
ſont encor ſans poil, les autres ſont un peu plus for-  
mez, & les autres fortent du ventre. Entrons dans  
les colombiers & nous chargeons de pigeonneaux,  
dans un mois d'icy nous y en trouuerons encores au-  
tant, de meſmes des moluës, & harancs (choſe prodi-  
gieuſe) deſquels on fait de ſi furieuſes peſches tous  
les ans, & ſi on ne ſçauroit eſpuifer la mer, ny les ri-

uieres de toutes autres espèces de poissons, non plus que l'air & la terre des oyseaux & bestes de bon manger, de quoy nous devons grandement louer le Createur, & faire icy une bonne meditation, puis que nous voyons mesmes les bestes & animaux nuisibles estre en moindre nombre, & moins lignageres que ceux qui seruent à la vie & nourriture de l'homme, comme est de la lyonne qui est la plus forte & la plus hardie de toutes les autres bestes, laquelle, selon les Egyptiens, ne porte qu'une fois en sa vie, & un seul faon seulement, mais bien dauantage on nous assure que le lyon n'a point de sentiment, & mourroit de faim si la diuine Prouidence ne l'auoit pourueu d'un petit compagnon ressemblant au chat que les Italiens appellent Gati. Ce petit animal esuente la proye, 726 estant descouuerte || il court, il glapit pour aduertissement au lyon, lequel le suit iusques à la veüe de la beste qu'il va estrangler, & en fait part à son bienfaicteur, car entre tous les animaux le lyon est recognoissant.

Certes il y en a qui se plaisent bien en la iouissance de toutes ces choses, mais ils en recognoissent mal celuy qui leur a donné, d'où il adient qu'ils en usent comme bestes sans esleuer leur pensée à Dieu qui a créé tout ce qui est de ce monde pour le seruice & la gloire de l'homme, comme l'homme pour sa gloire & son seruice. Mais comme nous nous sommes rendus rebelles à Dieu par le peché, le mesme peché a rendu les bestes rebelles à l'homme, qu'elles offencent comme nous offençons Dieu.

Plusieurs grands Saincts ont neantmoins com-

mandé aux plus ferores & cruelles, & ont esté obeys, comme un Sainct François qui deffendit à un loup enragé de plus faire de mal, & se rendit doux comme un agneau, mais ce font graces qui n'appartiennent qu'à ceux qui ont la mesme innocence de nostre premier Pere auant son peché, & ne deuons en traiter les animaux plus cruellement, puis que leur cruauté n'a pris naissance que de nos pechez.

Je ne scay dans qu'elle \* cognoissance plusieurs Nations Payennes n'ont pas voulu nuyre aux animaux & se font abstenues mesmes d'en manger, peur de nuire à ceux || qui ne les offensoient pas ; mais ce font simplicité Payennes, lesquelles on n'est point obligé d'enfuiure, sinon en la compassion enuers icelles pour s'apprendre à l'estre enuers les hommes. Les Atheniens mesmes ne faisoient pas mourir les mulets qui auoient longtemps seruy à leur Republique, & donnoient liberté à leur vieilleffe de paistre & se nourrir où elle pourroit, sans qu'il fust permis à aucun de leur nuyre ou offencer.

727

Il y a une sorte de gens qui habitent une Prouince du grand Mogor qu'on appelle Bayennes, lesquels ne mangent d'aucune chose qui aye eu vie, & bien qu'ils adorent en chaque famille, les uns des arbres, les autres des oyseaux & autres bestes, ils ont tous en singuliere veneration la vache, laquelle ils mettent chacun en la meilleure chambre de leur logis comme une Deesse, de laquelle ils boient le lait, & le pisfat, avec de son beure fondu, & n'en mangent point la chair. Et quand on leur demande pourquoy, puisqu'ils en boient bien le lait qui en prouient, ils ref-

pondent que nous beuons bien le laiçt de nostre mere, & n'en mangeons point la chair.

728 Mais l'excellence & la rareté de leur humeur est qu'ils ne peuuent voir faire de mal à une beste, quelle qu'elle soit, ny à un rat mesme, lequel s'il s'approche d'eux lorsqu'ils mangent, ils le caressent & luy donnent à manger, & hayssent fort les Chrestiens, d'autant qu'ils font du mal aux bestes, || sur lesquelles ils deschargent souuent leurs passions, & la furie de leur humeur cholérique. Ils ont un Hospital (chose admirable) pour penser \* & guerir les bestes malades, où il y a des Medecins & Chirurgiens entretenus, qui en ont le soin iusques à entiere guérison, puis les rendent à ceux à qui elles appartiennent.

Voyci un autre traict de leur douceur enuers icelles, qui me fait refouuenir de celle de nostre Pere Saint François, lequel donna son manteau à un payfan pour sauuer la vie à deux agnelets qu'il portoit vendre, ne pouuant souffrir qu'on les esgorgeast à cause du vray Agneau Iesus. Il y a une si grande quantité d'oyseaux dans cette Prouince Bayennes qu'ils vous creuent presque les yeux (comme i'ay dit de l'Isle aux oyseaux), aussi ne s'enuellent-ils point pour lesdits Bayennes. Quelqu'uns d'eux ayans veu un François nommé le sieur Charles Fournier (qui est celuy mesme duquel i'ay appris cecy) tirer aux oyseaux, il en fut fort mal satisfait & en rachepta de luy deux de fort bleffez qu'il fit mettre dans un trou de muraille avec de l'eau & du ris & commanda à l'un de ses esclaves d'y passer la nuict pour y prendre garde iusques au lendemain matin qu'il les fist porter à l'Hospital. Il vouloit aussi

donner audit sieur Fournier 60 Mamodies (c'est une piece d'argent qui vaut dix sols) de son arquebuzé afin qu'il n'en tuast plus, & assurent que c'est un malheur de faire mal aux bestes, ne nous en faisant point.

|| Je ne suis pas Payen & ne voudrois pas ensuivre 729  
les actions des Payens, mais ie suis d'avec eux de ne faire de mal à aucune creature, sinon aux venimeuses & à celles qui nous attaquent, contre lesquelles il se faut deffendre, autrement il faut estre humain envers elles pour s'accoustumer à l'estre envers les hommes, car qui ne se peut commander en une passion s'emporte facilement en une autre.

Ie me suis quelquefois rencontré avec un fort honneste homme Egyptien de Nation & natif du grand Caire, & comme il est homme qui a grandement voyagé par toutes les terres du grand Seigneur, il m'a raconté diuerses fois comme ceux de son païs prennent les Cocrodilles qui habitent le Nil, lesquels autrefois il\* tenoient pour des Dieux ou pour monstrer la puissance des Dieux à cause de leurs forces\*, qui gist principalement à la queue, laquelle ils adoroient, enfermée dans une cage de fer, & donnoient à manger à cet animal comme à une beste diuine & representant ou estant la Deité mesme. Il y auoit mesme des particuliers qui en nourrissoient des ieunes dans leurs maisons, & leur donnoient toute liberté, ce qui n'en prit pas bien à un certain Egyptien, lequel en ayant esleué une en son logis, luy deuora son fils & puis s'ensuit un iour que le pere estoit absent, tant il fait dangereux domestiquer un animal naturellement cruel & ennemy de l'homme.

730 Le chasseur armé d'un habit de maille de fer qui luy couvre tout le corps, fait une fosse || profonde & étroite comme un petit puits, dans lequel il se met iusques au col, environné de mouffes & feuillages pour n'estre apperceu, puis il enferme sa teste dans l'escorce d'un gros fruit ressemblant au melon, que les Egyptiens sement en quantité par les champs, & dans ceste escorce il y fait deux trous comme un masque pour voir & n'estre veu, ayant au préalable attaché à un long chable, qui tient par un bout à un tour ou moulinet à bras, une chaine de fer, au bout de laquelle est attaché à de gros harpons & crochets quelque chien mort ou autre charogne qui sert d'amorce à l'animal.

Le Cocrodille sortant de l'eau pour chercher sa nourriture, ne se donne pas garde du piege ny de l'homme caché, & rodant çà & là en rugissant, trouue enfin l'amorce qu'il auale auidement, puis se retire dans le Nil, pendant que le chasseur luy file sa corde, iusques au point qui le \* tient arresté au moulinet qui fait par ceste violence prendre ferme aux crampons & crochets aualez dans le corps de ceste beste. Cela estant fait, le chasseur sort de sa fosse, oste son melon, & crie par tout à l'ayde aux laboureurs des champs, qui vont à son secours & tournent tous ensemble le moulinet, qui fait approcher la beste comme un cabestran les anches de la mer, estant là trainé la gueule beante & esleuée, le chasseur luy saute sur le dos, & luy fait passer un fer par la gueule, comme un mors à cheual, qui luy reuiet prendre par derriere 731 la teste, où il est attaché avec des || vis, & ferré de si près que l'animal ne peut offencer de sa dent, il n'y a

plus que sa rude queue à craindre de laquelle ils se donnent de garde, comme d'un dangereux coup, qui ne guerit point, car ceste rude peau est dure au possible. Et en cest équipage le conduisent au grand Caire attaché à la queue d'un chameau pour estre veu, ou pour estre vendu.

Pour le cheual marin (desquels j'ay veu une furieuse teste), il gaste tous leurs bleds, & se prend de mesmes que nous prenons icy les loups dans les louviers, il apprehende tellement le feu, qu'à la seule veüe d'iceluy, il s'enfuit comme fait aussi le Lyon, ainsi que j'ay veu quelque part, de ceux que les estrangers nous amènent.

J'ay appris d'un Religieux nommé frere Ange Deluan, pour lors nostre compagnon, qu'estant en terre sainte en l'an 1626, quelqu'uns de nos freres, desirans passer de l'Egypte dans les deserts pour la Palestine se ferirent de l'occasion d'une caravanne, qui alloit aux saints lieux. Mais comme ils furent un soir campez & assis aupres d'un bon feu, ils entendirent iapper le Gati, qui leur fust un assuré signal du voisinage de quelque Lyon, qui parut incontinent apres, & les regarda fixement un long temps, assis sur son derrière sans ozer neantmoins les approcher, car les hommes s'estoient munis de leurs armes & chargé leurs arquebuzes, ce que voyant le petit compagnon tourne bride & le Lyon apres sans qu'aucun tirast sur eux, pour nous apprendre || que nous ne devons pas mépriser les petits, & que si quelqu'un ne nous peut nuyre, il nous peut assister au besoin & empêcher qu'on ne nous nuyse par leur aduertissement.

*Des oyseaux plus communs du Canada.*

CHAPITRE II.

Au commencement que les François allerent en Canada, ils y trouuerent tant d'oyseaux de toutes especes, & si faciles à prendre, que celuy ne le croiroit qui ne l'auroit veu, ils les affommoient à coups de bastons sur les arbres, comme i'ay veu faire à des Sauvages dans les Isles de la mer douce au delà des Hurons, où nous estions cabanez pour la pesche, & les perdrix estoient si peu battuës, qu'elles se laissoient mettre le lasset au col, attaché au bout d'une baguette. Quand on alloit giboyer, le chasseur estoit asseuré de rapporter autant d'oyseaux qu'il en pourroit porter, car ils n'estoient pas encore faits à nos arquebuzes, comme ils sont à present que ces foudres les ont esclaircis & un peu aduifés. Il y en reste tousiours neantmoins une si grande quantité en quelques Isles qu'elle semble egaler le sable de la terre, & 733 qui seruiroient d'une douce || manne aux Sauvages, s'ils auoient nos inuentions & nos armes, mais ils ont si peu d'industrie pour les attraper, & par ainsi ils en iouïssent de peu & en nourrissent encore moins, car comme i'ay dit ils n'ont d'animaux domestiques que des chiens, & au plus quelques ours ou quelques aigles.

Entre tous les oyseaux que i'ay veu dans le país, il me semble que le plus beau, le plus rauissant & le

plus petit qui soit peut estre au monde, est le Vicilin, ou oyseau moufche, que les Indiens appellent en leur langue resuscité. Cet oyseau, en corps, n'est pas plus gros qu'un grillon, il a le bec long & tres-delié, de la grosseur de la pointe d'une aiguille, & ses cuisses & ses pieds aussi menus que la ligne d'une esécriture. L'on a autrefois pesé son nid avec les oyseaux & trouué qu'il ne peze dauantage de 24. grains, il se nourrit de la rosée du Ciel, & de l'odeur des fleurs qu'il succe sans se poser sur icelles, mais seulement en voltigeant par-dessus. Sa plume est aussi deliée que duet, & est tres-plaisante belle à voir pour la diversité de ses couleurs.

Cet oyseau (à ce qu'on dit) se meurt ou pour mieux dire s'endort au mois d'Octobre, demeurant attaché à quelque petite branchette d'arbre par les pieds, & se resueille au mois d'Auril que les fleurs sont en abondance & quelquefois plus tard, & pour cette cause est appellé en langue Mexicaine resuscité. Il en vient quantité en nostre iardin de Kebec, lorsque les fleurs & les poix y sont fleuris, & pre- || nois plaisir de les voir : mais ils sont si petits que n'estoit qu'on en peut 734  
approcher de fort prés, à peine les prendroit-on pour oyseaux, ains pour papillons : on les discerne & reconnoist à leur long bec, à leurs aisles, plumes & à tout le reste de leur petit corps bien formé.

Ils sont fort difficiles à prendre, à cause de leur petiteffe, & qu'ils ne se donnent aucun repos, sinon qu'ils se soustiennent quelquefois un peu en l'air becquetant une fleur. Quand on les veut auoir, il se faut approcher des fleurs & se tenir coy, avec une

longue poignée de verges en main, de laquelle il les faut frapper, si on peut, & c'est l'invention & la maniere la plus ayfée pour les prendre. Nos Religieux en auoient un en vie enfermé dans un coffre & attaché à un filet, mais il ne faisoit que bruire & se tourmenter là dedans, bien qu'il eust des fleurs & confitures à manger, & au bout de quelques iours il mourut, car il n'y a moyen aucun d'en pouuoir nourrir ny conferuer long temps en vie, autrement nous en eussions apporté pour nos amis.

Il venoit aussi quantité de chardonnerets manger les semences & graines de nostre iardin : leur chant me sembloit plus doux & agreable que ceux d'icy, & mesme leur plumage plus beau & beaucoup mieux doré, mais ils sont difficiles à prendre, car leur ayant tendu quelque piege, ie n'en pû attraper aucun, comme i'esperois pour France.

735 Il y a une autre espece d'oyseau un peu plus || gros qu'un Moyneau, qui a le plumage entierement blanc comme albatre, il se nourrit aussi en cage comme le chardonneret, mais son ramage n'en est pas si agreable, bien qu'il ne soit pas à mespriser.

Les Gays que nous auons veus aux Hurons, lesquels ils appellent Tintian, sont plus petits presque de la moitié que ceux que nous auons par-deça, & d'un plumage plus diuersifié, ce qui les rend fort gentils & agreables, mais qui ne s'accommoderoient pas bien à nostre climat.

Ils ont aussi des oyseaux qu'ils appellent Stinondoa, enuiron de la grosseur d'une tourterelle, qui ont leurs plumes entierement rouges ou incarnates, on les

pourroit prendre pour petits perroquets, s'ils en auoient le bec, car tous les perroquets ne font point verts, ny iaunes, ny blancs, i'en ay veu de plumage rouge, & quelques autres tirans sur le bleu ou violet, egalement gentils & de meſme nature des communs. On donna à nos Religieux de Kebec un Stinondoa qui n'estoit guere plus gros qu'un moyneau, mais un peu plus long, lequel pour estre trop gras ils ne purent nourrir, non plus que moy un autre oyseau que les Hurons m'auoient donné : il auoit la teste & le col rouge, les aisles noires, & tout le reste du corps blanc comme neige.

Ils m'en auoient aussi donné quatre d'une autre espee, gros comme tourterelles, lesquels auoient par tout sous le ventre, sous la gorge & sous les aisles, des soleils bien faicts de di- || uerses couleurs, & le reste 736 du corps estoit d'un iaune meslé de gris : desquels les Sauvages font un tel estat, que quelqu'uns d'eux en conseruent les peaux comme d'autres especes rares. L'eusse bien desiré d'en pouuoir apporter en vie par deça, pour la beauté & rareté que i'y trouuois; mais il n'y auoit aucun moyen, pour le tres-penible & long chemin qu'il y a des Hurons en Canada, & de Canada en France.

L'Aigle, que nos Hurons appellent Sondaqua, est un animal genereux, & comme le roy entre tous les autres oyseaux; mais royauté tyrannique, car avec ce qu'elle leur commande, elle leur faict une guerre immortelle\*, & les deuore : comme les plumes d'une Aigle morte le tesmoignent, en ce que si l'on mesle avec elles des plumes d'autres oyseaux, elles les de-

uorent & consomment, ainsi que dit Pline. C'est une chose qu'aucun ne sçauroit exprimer que les plumes usent de la mesme tyrannie dont l'oyseau uoit : sinon que Dieu nous voulut faire voir qu'il fait dangereux viure sous un Prince sanguinaire, & qui a des Ministres qui surchargent les peuples.

737 Il y a quantité d'Aigles au païs des Âlgoumequins, comme plus montagneux & froids \* que celui de nos Hurons, lesquelles font leurs nids sur le bord des eaux ou de quelque precipice, tout au coupeau des plus hauts arbres & rochers ; de maniere qu'elles font fort difficiles à desnichier : nous en desnichâmes neantmoins plusieurs nids à nostre retour, ausquels nous ne trouuâmes en aucun plus d'un ou || deux Aiglons, que nous mangeames apres que ie fus las de les porter, & les trouuâmes tres-bonnes, car elles estoient encores ieunes & tendres. Elles ont une propriété que se cognoissant estre estroites, & qu'elles font leurs œufs avec difficulté, elles cherchent une pierre nommée aerites, autrement pierre aquilin, qu'elles apportent en leur nid pour se rendre plus larges & pour pondre plus aysement, laquelle est pour le iourd'huy en usage chez plusieurs dames d'Italie & de France pour soulager leur enfantement.

Il est une fois arriué qu'un de nos Religieux, estant allé seul dans les bois enuiron une lieuë de nostre Conuent de Kebec, une tres-grande Aigle ou peut estre un Griffon vint pour s'abatre sur luy de telle furie, que ce pauvre Religieux s'estant promptement ietté dans un gros buisson le ventre contre terre, cet oyseau ne pouuant auoir sa proye, debattit long-

temps des aisles par dessus ce buiffon, & puis fut contraint de s'en aller, de quoy le Religieux rendit graces à Dieu.

Il ne faut point que ie passe sous silence (puis que ie suis dans le suiect) une belle proprieté entre toutes, que les Naturalistes attribuent à l'Aigle, pour ce peut estre que quelqu'un en pourra faire son profit, comme font les vieux pecheurs & ceux qui frequentent peu le Sacrement de la penitence, necessaire pour renouveler sa vie. Ils vous apprennent donc, qu'estant chargée de vieillesse, & ne || pouuant supporter la grosseur 738 de son bec crochu (comme celuy d'un perroquet) qui l'empesche de manger & la pesanteur de ses vieilles plumes, qui ne lui peuuent plus permettre de voler haut, ressentant aussi beaucoup d'incommoditez, à cause de la debilité de sa veuë, qui fait qu'elle ne peut plus fixement regarder le soleil, comme elle souloit, elle se jette dedans une claire fontaine, qu'elle cherche pour ce suiect; elle rompt son bec crochu à quelque dure pierre: elle despoüille ses vieilles plumes; & par tels moyens elle renouuelle si bien sa ieunesse & ses forces, que changeant de bec, de plumes & de veuë, elle commence à manger, voler aussi haut, & contempler aussi fixement les rayons du soleil qu'elle faisoit en sa pristine ieunesse. O pauvres pecheurs enuieillis dans le peché, faites icy vostre application, & imitez l'Aigle en vous reuefians du nouuel Adam.

Mes Sauvages me vouloient aussi desnichier des oyseaux de proye, qu'ils appellent Ahoïatantaque, d'un nid qui estoit sur un grand arbre assez proche de la riuere, desquels ils faisoient grand estat, mais ie les

en remerciay, & ne voulut \* point qu'ils en prissent la peine; neantmoins ie m'en fuis repenty du depuis, car il pouuoit estre que ce fussent Vautours, desquels la peau est excellente pour un estomac refroidy.

739 En quelque contrée, & particulièrement du costé des Petuneux, il y a des poules d'inde qu'ils nomment Ondettontaque, lesquelles || sont champestres & non domestiques, car les Sauvages, comme i'ay dit, ne nourrissent que des chiens, & presque point d'autres bestes. Le gendre du grand Capitaine de nostre bourg, en poursuiuit une fort long temps és environs de nostre cabane, mais il ne la peut tirer, pour ce qu'encor bien qu'elle fust lourde & massiue, si est-ce qu'elle gaigna d'arbre en arbre & par ce moyen euita la fiesche.

Ie ne m'estonne point si tant d'Autheurs escriuent que les Gruës font la guerre aux Pigmées, qui sont petits hommes de la hauteur d'une coudée, residans vers la source du Nil, puis qu'il y en a si grande & forte, que sans un baston un homme parfait ne la sçauroit surmonter. Au mois d'Auril quand on seme les bleds & en Septembre quand ils sont meurs, les champs de nos Hurons en sont presque tous couuerts, ils leur tendent des collets, mais ils y en prennent peu souuent, & n'en tuent guere dauantage avec la fiesche, car ces animaux sont de bon guet, & s'ils ne sont frappés mortellement ou qu'ils n'ayent les aisles rompuës, ils emportent facilement la fiesche dans la playe, qui se guerit avec le temps, ainsi que nos Religieux du Canada l'ont veu par experience d'une Gruë prise à Kebec, qui auoit esté frappée d'une

flèche Huronne 300. lieuës au delà, & trouerent sur sa crope la playe guerrie, & le bout de la flèche avec sa pierre enfermée dedans. Nos François en tuent aussi avec leurs arquebuses, plus que les Sauvages avec leurs flèches, mais ie vous assure qu'il y en a || qui se sont souuent trouuez bien empeschez de combattre celles qui se sentant frappées tiroient droit à leurs hommes pour les defigurer, sinon elles courent de la vitesse de l'homme. 740

Il y a aussi un tres-grand nombre d'outardes & d'oyes blanches & grises nommées Ahonque, par tout le pais du Canada, qui font le mesme detrimement des Gruës dans les bleds de nos Hurons, ausquelles on fait de mesme la guerre, mais elles ont bien peu de deffence.

Ie me suis estonné que nos Hurons ne mangent point du corbeau, qu'ils nomment Oraquan, desquels ie n'eusse fait aucune difficulté de manger si i'en eusse pû attraper, car il n'y a rien de sale en ces pais-là, qui en doive donner horreur. Au contraire ils ne bougent presque des bleds, qu'ils grattent comme poules, de quoy ils nous en faisoient souuent de grandes plaintes, & nous demandoient le moyen de les en chasser, mais il eut esté bien difficile sans une continuelle guerre.

Tout de mesme que le corbeau qui au commencement est blanc, & puis prend la couleur noire\*. Les pouffins du cygne sont noirs, & apres deuiennent blancs. Nos Hurons les appellent Horhey, mais il s'en trouue peu dans leur pais, c'est principalement vers les Ebicerinys où il s'en voit plus grande quantité dans les terres & en Canada en quelque \* lacs.

Il y a presque par tout des perdrix blanches & grises nommées Acoiffan, qui ont leur retraite dans les sapinieres, & une infinie multitude de tourterelles, qu'ils appellent Orit- || tey, lesquelles se nourrissent en partie de glands, qu'elles auallent facilement entiers. Au commencement elles estoient si fortes, qu'elles se laissoient abbatre à coups de pierres ou de gaules de dessus les arbres, mais à present elles sont un peu plus aduifées.

Il seroit bien difficile & non necessaire de descrire de toutes especes d'oyseaux, qui sont dans l'estenduë de ces vastes Prouinces : ce peu que i'en ay descrit peut suffire pour faire voir que le Ciel a là ses habitans pour louer Dieu aussi bien que nous en auons icy, & que par tout retentissent les louanges du Createur, qui a encor peuplé le país de nos Sauuages de plusieurs oyseaux de proye, de ducs, faucons, tiercelets, esperuiers & autres : mais sur tout de bon \* gibiers, comme canars de plusieurs especes, margaux, raquettes, outardes, mauues, cormorans, & autres.

---

*Des animaux terrestres qui se trouuent communement en Canada, & de ceux qu'on y a fait passer d'icy.*

### CHAPITRE III.

Ce n'est pas merueille qu'il se trouue de certains animaux en quelques contrées qui ne se voyent point en d'autres, car il y en a qui ne se plaisent qu'au froid,

& les autres à la chaleur : c'est pourquoy en quelque Royau- || mes d'Affrique, il n'y a nulles bestes à 4. 742  
pieds, lesquelles n'y peuuent viure pour l'extreme  
chaleur qu'il y faiçt : pour ce mesme suieçt on n'y voit  
ny sanglier, ny cerf, ny cheure, ny ours, au rapport  
de quelques Autheurs, sinon que les Espagnols y en  
ayent faiçt passer.

Et ceux qui ont traicé du nouveau monde ou de  
l'Amerique entiere, assurent qu'auant que les mesmes  
Espagnols l'eussent conquise, il n'y auoit ny chiens,  
ny moutons, ny brebis, ny cheures, ny pourceaux,  
ny chats, ny asnes, ny bœufs, ny cheuaux, chameaux,  
mulets, ny elephans, de tous lesquels il n'y en auoit  
non plus dans tout le Canada, excepté des chiens, les-  
quels sont encores un peu differens des nostres de  
deça.

Mais à present & depuis longues années, il se trouue  
dans ce nouveau monde ou Merique \*, une presque  
infinie multitude de toutes les especes d'animaux ne-  
cessaires au seruice & nourriture de l'homme, que les  
Espagnols y ont faiçt conduire des parties d'Europe,  
d'Asie & d'Afrique.

Il n'y a que nostre pauvre Canada qui en est tres  
mal pourueu. On y a seulement faiçt passer quelques  
vaches, cheures, pourceaux & volailles communes &  
rien plus. Nos Religieux y ont eu faiçt passer un  
asne & une asnesse, tant pour peupler, que pour le  
seruice qu'on en pouuoit esperer en un pais où il n'y  
a d'animaux de charge, mais les hyuernans de Kebec,  
les ont tellement fatiguez qu'enfin ils y ont fait mou-  
rir l'asne, & n'y reste plus que || l'asnesse, que nous 743

laissons tout l'Esté coucher emmy les champs, & en liberté de se nourrir ou elle veut, sinon pendant l'Hyuer, qu'elle se retire en une petite estable que nos Religieux luy ont fait accommoder à la basse court de nostre petit Couuent.

Il arriua un petit traict gentil en la descente de ces deux animaux, car comme les Sauvages furent aduertis qu'il y auoit aux barques deux bestes estrangeres, tous accoururent au port pour en auoir la veuë; & se tindrent là coy tandis qu'on les débarquoit, qui ne fut pas sans peine, mais le plaisir fut à leur beau ramage, car quand ils commencerent d'entonner leur notte, qu'ils rehaussoient à l'enuie à mesure qu'ils sentoient le doux air de la terre, tous les Sauvages en prirent telle espouuante qu'ils s'enfuyent tous à vauderoute emmy les bois, sans qu'aucun regardast derriere soy, pour se deffendre de ses demons. Oque voylà de furieuses bestes, disoient-ils, que les François nous ont amenez, ou pour nous deuorer, ou pour nous resioüir de leurs airs musicaux.

744 Le ne sçay si on les eut voulu vendre aux Sauvages, combien de castors ils en eussent bien offerts, pour estre les premiers qui ayent entré dans le país, mais i'ay appris (dans l'histoire) que les premiers que les Espagnols firent passer au Peru, il s'en vendit un dans la ville de Huamanca, en l'an 1557. quatre cens huic-tante ducats & trois cens septante six marauedis à Garcillaffo de la Vega, pour en || faire faillir ses iuments & en auoir des mulets. Il en fist depuis acheter un autre huit cens quarante ducats, & il n'eust pas valu en Espagne plus de six ducats, tant les

choses rares sont estimées, comme une cheure, qui a esté vendue iusques à cent & dix ducats, mais maintenant elles y ont si bien multiplié depuis ce temps-là, que si l'on en fait cas auioird'huy, ce n'est seulement que pour en auoir la peau, & si on auoit le soin de passer de mesme de toutes nos especes d'animaux dans le Canada, on en verroit avec le temps la mesme multitude, mais il y faudroit aussi des familles pour les gouverner.

Or bien que le país de nos Hurons soit desnudé de beaucoup d'especes d'animaux que nous auons icy, Dieu le Createur leur en a pourueu de plusieurs autres sortes qui leur sont utiles, & desquels le país ne manque non plus que l'air & les riuieres d'oyseaux & de poissons.

Ils ont trois diuerses especes de renards tous differens en poil & en couleur, & non en finesse & cautele, car ils ont la mesme nature des nostres de deça, mais beaucoup plus estimez pour leurs fourrures, tres-excellentes & riches.

L'espece la plus rare & la plus riche des trois, sont ceux qu'ils appellent Hahyuha, lesquels ont tous le poil noir comme gey, & pour ceste cause grandement estimez, iusques à valoir plusieurs centaines d'escus la piece || entre les Allemands & peuples Septentrionaux pour des fourrures, ou bords à leurs bonnets. 745

La seconde espece la plus estimée sont ceux qu'ils appellent Tsinantontouque, lesquels ont une barre ou liziere de poil noir qui leur prend le long du dos, & passe par dessous le ventre, large de quatre doigts ou enuiron, le reste est aucunement roux & grisastre.

La troisieme espece font les communs, appelez Andafaley, ceux-cy font presque de mesme grosseur, & du poil des nostres, sinon que la peau semble mieux fournie, & le poil un peu plus grisastre. De toutes lesquelles especes, il nous en fut donné quelque \* peaux par des Sauvages estrangers, nous venans visiter en nostre maison Huronne, lesquelles font demeurées à nos François apres nous en estre seruy pendant les grands froids.

Ils ont aussi trois fortes d'escurieux differends, & tous trois plus beaux & plus petits que ceux de nostre Europe. Les plus estimez & rares font les escurieux volans, nommez Sahoüesquanta, qui ont la couleur cendrée, la teste un peu grosse, le poil doux & court & les yeux petits. Ils sont appelez volans, non qu'ils ayent des aysles, mais à raison qu'ils ont une certaine peau aux deux costez prenans de la patte de derriere à celle de deuant, qu'ils replient fort proprement contre leur ventre quand ils marchent, puis l'esten-  
746 || dent quand ils volent, comme ils font aysement d'arbre en arbre, & de terre iusques au dessus.

Les premiers que ie vis furent trois ieunes qui nous furent apportez par l'une des filles du grand Capitaine Auoindaon, que ie receus sans sçauoir que c'estoit, iusques à l'arrivée du Pere Joseph à qui ie les donnay à nourrir, comme il fit un assez long temps, mais qui à la fin se laisserent mourir, ou par trop de froid, ou pour ne les sçauoir accommoder, de quoy nous eufmes quelque regret, car c'estoit un present digne d'une personne de condition, ioint qu'ils sont assez rares dans le pays.

La seconde espece qu'ils appellent Ohihoin, & nous Suiffes, à cause de leur bigarure, sont ceux qui sont rayez & barrez uniuerfellement par tout le corps, d'une raze blanche, puis d'une rouffe, grize & noirastre, qui les rendent tres-beaux & agreables, mais qui mordent comme perdus s'ils ne sont appriuoifez, ou que l'on ne s'en donne de garde.

La troisieme espece sont ceux qui sont presque du poil & de la couleur des nostres, qu'ils appellent Arouffen, & n'y a presque autre difference, sinon qu'ils sont plus petits.

Au temps de la pesche, que i'estois cabané dans une Isle de la mer douce, i'y vis un grand nombre de ces animaux profiter de nostre pesche, desquels i'eu plusieurs de ceux que || mes Sauuages tuerent à coups de 747 fleches, & en pris un Suiffe dans le creu d'un arbre tombé.

Ils ont en plusieurs endroits des lieures & lapins qu'ils appellent Quetonmalisla, les Sapinieres & petits bois sont les lieux de leur retraite, à la sortie desquels les Sauuages tendent des lacets, mais ils en prennent bien peu souuent, quoy qu'il y en ait en quantité sur le chemin des Quieunontateronons, car les cordelettes n'estant ny bonnes ny assez fortes, il les coupent aysement quand ils s'y trouuent attrappez, ou bien en autre façon, les Sauuages les tuent avec leurs arcs ou matras.

Les loups ceruiers, nommez Toutfitsoute, de la peau desquels les grands font tant d'estat pour leurs fourrures plus riches, en quelque Nation sont assez frequens. Mais les loups communs, qu'ils appellent

Anatifqua, font assez rares par tout, aussi en estiment-ils grandement la peau, de laquelle ils font de riches robes de Capitaines, comme de celle d'une espece de leopard ou chat fauusage qu'ils appellent Tiron. Il y a un pays en ceste grande estenduë de terre que nous furnommons la Nation de Chat, pour raison de ces chats, petits loups ou leopards qui se retrouuent dans leur pays, desquels ils font leur \* robes qu'il parfontement & embellissent de quantité de queuës d'animaux coufuës tout à l'entour des bords, & par le milieu du corps, és endroits où elles paroissent le  
748 il plus. Ces chats ne sont gueres plus grands que renards, mais ils ont le poil du tout semblable à celui d'un loup commun, car i'y fus moy mesme trompé au choix.

Ils ont vers les Neutres une autre espece d'animaux nommez Otay, ressemblant à un escurieux grand comme un petit lapin, d'un poil tres-noir, & si doux, poly & beau qu'il semble de la panne. Ils font grand cas de ces peaux desquelles ils font des robes & couuertes, où il y en entre bien une soixantaine qu'ils embellissent par tout à l'entour, des testes, & des queuës de ces animaux qui leur donnent bonne grace, & rendent riches en leur estime.

Les enfans du diable, que les Hurons appellent Scangareffe, & le commun des Montagnais Babougi Manitou, ou Ouinesque, est une beste fort puante, de la grandeur d'un chat ou d'un ieune renard, mais elle a la teste un peu moins aiguë, & la peau couuerte d'un gros poil rude & enfumé, & sa grosse queuë trouffée de mesme, elle se cache en Hyuer sous la

neige, & ne fort point qu'au commencement de la Lunedu mois de Mars, laquelle les Montagnais nomment Ouinifcon pifmi, qui signifie la Lune de la Ouinesque. Cet animal, outre qu'il est de fort mauuaife odeur, est tres-malicieux & d'un laid regard, ils iettent aussi (à ce qu'on dit) parmy leurs excremens des petits serpens, longs & deliez, lesquels ne vivent neantmoins gueres long temps. I'en pensois apporter une peau passée, || mais un François passager me 749 l'ayant demandée ie la luy donnay.

Les eslans ou orignats, en Huron Sondareinta, sont frequents & en grand nombre au pays des Montagnais, & fort rares à celuy des Hurons, finon à la contrée du Nort, d'autant que ces animaux se plaisent dans les pays froids & montagneux plus qu'aux pays chauds & temperés. C'est l'animal le plus haut qui soit apres le chameau : car il est plus haut que le cheval, il a le poil ordinairement grison, quelquefois fauve, & assez long, mais un peu rude, sa teste est fort longue & porte son bois double & branchu comme le cerf, mais large & plat en quelque façon comme celuy d'un dain, & long de trois pieds ou enuiron. Le pied en est fort fourchu comme celuy du cerf, mais beaucoup plus plântureux, la chair en est courte & fort delicate, & la langue tres-excellente, il paist aux prairies, & vit aussi des tendres pointes des arbres. C'est la plus abondante manne des Canadiens & Montagnais pendant l'Hyuer, comme le poisson pendant l'Esté. L'on en nourrissoit un ieune au fort de Kebec destiné pour la France, que ie fus voir, mais il ne pû estre guery de la morsure des chiens qui

750 l'auoient arresté, & mourut quelque temps apres. On tient que la femelle porte tousiours deux petits & tousiours masle & femelle, neantmoins la chose n'est pas tellement infaillible qu'on n'aye quelquefois veu le contraire. || Il y a en plusieurs contrées des Caribous, ou asnes Sauuages, que quelqu'uns appellent Aufquoy à mon aduis, les Montagnais en prennent assez souuent, desquels ils nous donnerent un pied, qui estoit creux & si leger de la corne & fait de telle forte, qu'on peut aysement croire ce qu'on dit de cet animal, qu'il marche sur les neiges sans enfoncer, mais ie n'en ay point veu l'experience, & me contente de dire que ie donnay ce pied à un François, qui me le demanda avec importunité, autrement ie l'aurois apporté icy.

Les ours, nommez Agnouin, sont plus communs dans le Canada que les loups, & y en a de deux fortes, sçauoir noirs & blancs, mais les blancs sont beaucoup plus grands & plus dangereux que les noirs, car ils combattent les hommes & les deuorent, ils habitent particulierement (à ce qu'on dit) vers l'Isle Danticoffi à l'embouchure du fleue S. Laurent, qui n'est frequenté que de bien peu de Sauuages, mais les contrées plus ordinaires où se nourrissent ces animaux farouches sont les hautes montagnes & les pays tres-froids.

On tient qu'au Temple de Saint Olaus en Normandie, qui despend de l'Archeuesche de Trudun \*, & aux pieds du Siege Pontifical, on y voit la peau d'un ours, qui surpasse en blancheur la neige où le lis, elle est large de quatorze pieds. Marc Pole assure  
751 auoir veu en Tartarie des ours blancs de vingt || aul-

nes de longueur, ce que i'ay peine à croire, encore qu'Olaus en fasse mention, pour ce qu'il semble que le conte soit hors de raison, & dit pour faire admirer simples. Albert le Grand & plusieurs autres avec luy, racontent que les ours blancs nagent au profond de la mer & qu'ils y peschent & mangent les poissons, ce qui nous est facile à croire en ce que nous voyons les communs mesmes, entrer librement dans les eaux, se plonger & nager comme les poissons, tesmoin celuy que ie conduis\* au pays des Hurons, lequel se vouloit ietter dans toutes les eaux qu'il rencontroit en chemin, ou pour se sauuer, ou pour s'esgayer, & auois de la peine assez de l'en retirer avec la corde qui tenoit à son col, lequel pour reuanche (malicieuse beste) se vouloit ietter à mes iambes, mais à mesme temps ie luy releuois la teste en haut, & ayant bien grondé il s'appaisoit & continuoit son chemin à costé de moy.

Les ours sont tres-bons à manger, c'est pourquoy nos Sauvages en font un grand estat, & tiennent sa chair fort chere, ie ne sçay à quoy l'accomparer, car elle ne sent ny le bœuf, ny le mouton, & encores moins le cerf, mais plustost le cheureau, les vieux ont un autre goust, & sont gras comme lard. Il m'arriua de dire à Monsieur le Mareschal de Bassompierre, que i'auois mangé de la chair d'ours, & l'auois trouuée bonne. Il m'asseura que au dernier voyage qu'il fit en Suisse pour le Roy il en auoit aussi mangé en un  
|| festin que luy firent les Suisses, & ne l'auoit point  
trouuée mauuaise. Nos Sauvages les engraisent (car  
la graisse est leur sucre) avec une maniere facile, ils

font une petite tour au milieu de leurs cabanes, avec des pieux picquez en terre, & là ils enferment la beste, à laquelle ils donnent à manger par les entredeux des bois, des restes de sagamité, sans crainte des pattes & de leurs dents, & estant bien grasse, ils en font un bon festin à tout manger.

Le Pere Ioseph le Caron m'a raconté dans le pays, qu'hyuernant avec les Montagnais, ils trouuerent dans le creux d'un chefne, une ourse avec ses petits couchés sur quatre ou cinq petites branches de cedre, environnées de tous costez de tres-hautes neiges, sans auoir rien à manger, & sans aucune apparence qu'ils fussent sortis de là pour aller chercher de la prouision depuis trois mois & plus que la terre estoit par tout couuverte de ces hautes neiges : cela m'a fait croire avec luy, ou que la prouision de ces animaux estoit faillie depuis peu, ou que Dieu, qui a soin & nourrist les petits corbeaux delaissez, substente par une maniere à nous incognuë ces pauvres animaux au temps de la necessité : ils les tuerent sans difficulté, car ils n'eussent sceu s'eschapper ou se deffendre, & en firent bonne chere, avec les ceremonies accoustumées entr'eux, qui sont telles (à ce que j'ay ouy dire) que toutes les filles nubiles & les ieunes femmes mariées qui n'ont point  
753 encore // eu d'enfans, tant celles de la cabane où l'ours doit estre mangé que des autres voisines, s'en vont dehors, & ne rentrent point tant qu'il y reste aucun morceau de cet animal, dont elles ne goustent point, & ne scay pourquoy.

Les cerfs, qu'ils appellent Sconoton, sont plus communs dans le pays des Neutres qu'en toutes les autres

contrées Huronnes, mais ils font un peu plus petits que les nostres de deça, & tres-legers du pied, neantmoins ces Attiuoindarons avec leurs petites raquettes attachées sous leurs pieds, courent sur la neige avec la mesme vitesse des cerfs, & en prennent en quantité par d'autres inuentions qui ne sont pas en usage en nostre Europe. Ils en font boucaner d'entiers pour leur Hyuer, & n'ostent point les fumées des entrailles qu'ils font cuire ensemble avec les intestins dans la Sagamité. Cela faisoit un peu estonner nos François au commencement, mais il falloit auoir patience et s'accoustumer à manger de tout, car il n'y auoit pas de viande à choisir, ny de ruë aux Ours pour auoir du rosty.

Il y a quantité de porcs-epics, lesquels les Canadiens sçauent attraper pour leur nourriture, & des pointes pour leurs matachias. J'ay dit ailleurs comme ils leur sçauent donner couleur, & s'en seruir, par quoy ie ne le repeteray point icy. Ils ont aussi des martes assez belles, desquelles ils font de bonnes fourrures pour se couvrir en Hyuer, & apres les traittent aux François.

|| On tient qu'il y a des dains en quelque\* contrées, mais pour les Buffles, le P. Ioseph m'a asseuré 754 en auoir veu des peaux entieres entre les mains d'un Sauvage de pays fort esloigné, ie n'en ay point veu, mais ie croy ce bon Pere.

Parlons à present des chiens & de leur naturel, car entre tous les animaux qui seruent à l'homme, il tient le premier rang pour la fidélité, nous en auons des exemples tres-remarquables, & qui nous font admi-

rer; tefmoin celuy qui portoit à la bouche de fon maiftre eftendu mort fur un efchafaut, le pain que les paffans luy donnoient par compaffion, & qui apres fe noya voulant fauver fon maiftre ietté dans le Tibre 3. iours apres fon execution. Voicy une autre exemple prefque pareille, & plus recente que nous apprend l'ordinaire arriué de la ville de Minden en Allemagne, datté du 13. Mars 1635. Un caualier que fon cheual auoit ietté dans la riuere, pendans ces grandes inondations d'eaux, eftoit defia à fond, & fe noyoit, lorsqu'un chien qu'il nourriffoit de longue main & luy tenoit toufours compagnie, faifant le plongeon, le prit à belles dents par les cheueux, & luy tint la tefte hors de l'eau, tant que les bateliers de là auprès le tirerent de ce peril, & luy firent confeffer qu'il deuoit à fon chien la vie, que fon cheual luy auoit oftée.

755 Le rapporteroyz icy tout plein d'autres exemples de cette fidelité canine, n'estoit la brieueté que ie me fuis propofée, & qui m'oblige de paffer beaucoup de chofes fous filence, || mais encore ne veux-ie point obmettre de dire que comme ie paffois un iour par une bourgade chez un Gentilhomme denos amis, fon chien s'efgayant feul dans la campagne prit un lieure à la courfe, lequel un certain payfan sceut fi bien caioler qu'il luy enleua fa prife & l'emporta en fa maifon, de quoy le chien indigné au poffible le fuiuit & l'attaqua diuerfes fois, mais n'en ayant pû tirer raifon, il en fut faire fes plaintes à fon maiftre, avec des fouspirs & abayemens qui tefmoignoient assez ses reffentimens, & que quelque malheur luy eftoit arriué; enfin le fleur Morifet, ainfi s'appelloit ce Gentilhomme, vou-

lut s'esclaircir des plaintes de son chien, & pourquoy il le tiroit & monstroit de sortir à la porte, il fuiuit donc cette beste qui le conduit droit au logis de ce payfan, lequel se croyant descouuert s'accusa de luy mesme, disant qu'il luy alloit porter un lieure qu'il auoit osté de son chien, peur qu'un autre le prist. Je scauois bien, dit alors le Gentilhomme, que mon chien auoit raison de m'amener icy, une autre fois n'usez plus de pareille courtoisie.

Fidelité & recognoissance telle quelle \* fait honte à celle de l'homme, qui n'a d'amitié que pour ses interests particuliers, ou \* le chien n'a pour tout espoir qu'un morceau de pain souuent meslé des effets de vostre cholere, sans que les coups le fassent bouger de vos pieds, couché contre terre, les pattes esleuées comme vous demandant pardon, innocent qu'il est à vous son criminel. Que pleust || à Dieu que nous fus-  
756  
sions ainsi humble \* deuant Dieu au temps de sa visite, & que les miseres ausquelles l'homme est suiet fussent un affermissement de nostre fidelité enuers ce Dieu de qui nous dependons.

Tout ce qu'on peut trouuer de blasmable au chien, & qui ternit sa fidelité, est un mauuais naturel qu'il a enuers son semblable affligé, car si un chien est accablé, ou maltraité d'un autre, incontinent tous les autres chiens se jettent dessus, sans s'informer s'il a tort ou non, c'est assez qu'ils le voyent abayé pour l'accabler s'ils peuuent, ainsi en font les cruels politiques en ce monde enuers les gens de bien ordinairement affligez. On dit du pourceau tout au contraire du chien, que si l'un d'eux crie à l'aide, tous les autres

vont au secours, cela estant, le pourceau a donc le naturel meilleur que l'homme meschant, & Dieu vueille que dans des congregations bien sainctes, aussi bien que dans le monde, on n'y voye point ce malheureux naturel du chien, d'affliger l'affligé, & mespriser celuy qui n'est point fauorisé, ce que font ordinairement les gausseurs & ceux qui n'ont iamais sceu que c'est d'honesteté au monde.

757 Les chiens du Canada sont un peu differens des nostres, sinon au naturel & au sentiment qui ne leur est point mauuais. Ils hurlent plustost qu'ils n'abayent, & ont tous les oreilles droictes comme renards, mais au reste tout semblables aux matins de mediocre grandeur de nos villageois, ils arrestent l'eslan || & descouurent le giste de la beste, & sont de fort petite despence à leur maistre, mais au reste plus propres à la cuisine qu'à tout autre seruice.

La chair en est assez bonne & sent aucunement le porc, peut estre à cause des salletez des ruës de quoy ils se nourrissent principalement, i'en mangeois assez peu souuent, car une telle viande est fort estimée dans le pays, c'est pourquoy ie n'en auois pas si souuent que i'eusse bien desiré. Ils sont fort importuns dans les cabanes, marchent sur vous, & s'ils rencontrent le pot au descouuert, ils ont incontinent leur museau aigu dans la Sagamité, qui n'en est pas estimée moins nette.

Il y a une espece de grosses fouris aux Hurons que ie n'ay point veue ailleurs. Ils les appellent Tachro, une fois plus grosses que les communes qu'ils appellent Tsongiatan, & moins puissantes que les rats, desquels ie n'ay point veu aux Hurons, & ne sçay s'il y

en a aucun, non plus qu'au Peru auant la venuë des Espagnols ; où on dit qu'il y en a à present dans les villes basses, & par la campagne, de si prodigieux, qu'il n'est point de chat, si hardy soit-il, qui les oze combatre, & non pas mesme les regarder, cela estant on peut croire que l'origine en est venuë de ceux qui s'engendrent dans les Nauires, qui pourroient auoir esté portés à terre dans les hardes des Espagnols lorsqu'ils y descendirent pour la conqueste du pays, & que le climat, où toutes autres choses viennent dans leur plus grande || perfection, ait fait grossir ces animaux au delà de l'ordinaire. 758

Mais ce qui est plus probable, ie croy que ces rats sont entrez dans les Indes & le Peru, comme ils entrent aux ports de France, où vous voyez que peu de temps apres que les Nauires ont esté deschargez, & qu'il n'y a plus de quoy manger, ils sçauent trouuer les cables sur lesquels ils se coulent à terre file à file, & puis se logent aux premieres hostelleries sans fourier, s'ils ne sont empeschés par les petits garçons, qui à coups de bastons leur font furieusement la guerre, mais de iour, car la nuict ils sont mieux leur debarquement.

Il est vray que si nos Hurons sont exempts de rats, ils ont des fouris communes en grand nombre qui leur font un merueilleux degast de bled & de poisson sec, quand elles y peuuent atteindre. Les Sauuages mangent le tachro sans horreur, aussi faisoient mes confres ceux que nous prenions la nuict sous des pieges dans nostre cabane, sans que nous les peussions autrement discerner des souris communes qu'à la grosseur

& à la rareté, car nous en prenions peu souuent, & quantité des autres que l'on iettoit aux champs comme nuisibles.

S'ils ont des souris fans nombre, ils ont des puces à l'infiny, qu'ils appellent Touhauc, & particuliere-ment pendant l'Esté, desquelles ils seroient fort tourmentez s'ils estoient chargez d'habits, mais ils sont vestus à la legere, un petit brayer de cuir, & la robe quand ils veulent.

759 || Pour les petits vermisseaux qu'ils nomment Tsiuoy, les femmes les mangent avec delectation & plaisir, & y font une chasse aussi exacte qu'on pourroit faire à un excellent gibier, mais ils en ont très-peu, en comparaison des puces. Quelqu'uns ont voulu dire que les Sauvages ne mangent ces petits vermisseaux que par vengeance, disans: ie morderay qui m'a mordu, mais ils se font trompez, car il n'y a ordinairement que les femmes qui en mangent, & ce par delice, & non point les hommes, du moins ie ne leur en ay point veu manger, ny faire estat comme font les femmes & les filles indifferemment.

L'inuention qu'elles ont pour les auoir de leurs fourures est gentille, elles picquent 2. bastons en terre, l'un d'un costé, & l'autre de l'autre deuant le feu, puis elles y attachent le poil en dehors, or ces vermisseaux sentans la chaleur, sortent du fond du poil, & se tiennent à l'extremité, où ils sont pris par les Sauvageffes, & croquez entre leurs dents. Une merueilleuse coustume s'obseruoit iadis en quelque \* Prouinces des Indes Occidentales, où l'oïfieté n'auoit point de lieu. Les pauvres impotens qui n'a-

uoient ny moyens pour viure, ny fanté pour en gagner, deuoient payer au Roy un nombre de cornets de ces vermisseaux qu'il leur auoit enioint, afin de les obliger à occuper leur temps & à se tenir nettement.

---

*Des poissons & bestes aquatiques.*

760

CHAPITRE IV.

Dieu, qui a peuplé la terre de diuerfes especes d'animaux, tant pour le seruice de l'homme, que pour la decoration & embellissement de cet uniuers, a aussi peuplé la mer & les riuieres d'autant, ou plus, de diuersité de poissons, qui tous subsistent dans leurs propres especes, & en nombre presque infiny, bien que tous les iours l'homme en retire une partie de sa nourriture, & les poissons gloutons qui font la guerre aux autres dans le profond des abysses, en engloutissent & mangent à l'infiny: ce sont les merueilles de Dieu.

Il est vray que les poissons n'ont rien de commun avec les hommes & qu'il y en a bien peu qui s'accoustument & adoucissent avec eux, & entendent quand on les appelle, & prennent à manger de leur main, comme la Murene du Romain Craffus tant celebrée de tous; & toutesfois ils ont esté creez auant les autres animaux, & auant l'homme mesme, & n'ont

iamais esté fuiets à la malediction non plus que les 'eauës qui les environnent, car Dieu maudissant Adam n'a maudit les eaux, pour ce qu'il n'a beu de l'eau contre le commandement de Dieu, mais bien mangé du fruiçt de la terre, qui luy estoit deffendu.

761 || On sçait par experience, que les poissons marins se delectent aux eaux douces, aussi bien qu'en la mer, puis que par fois on en pesche dans nos riuieres. Mais ce qui est admirable en tout poisson, soit marin ou d'eau douce, est qu'ils cognoissent le temps & les lieux qui leur sont commodes : & ainsi nos pescheurs de moluës iugerent à trois iours près le temps qu'elles deuoient arriuer, & ne furent point trompez, & en fuite les maquereaux qui vont en corps d'armée, ferrez les uns contre les autres comme un bataillon bien rangé, le petit bout du museau à fleur d'eau, pour descourir les embusches des pescheurs.

Cela est admirable, mais bien plus encore de ce qu'ils vivent & se resiouissent dans la mer salée, & neantmoins s'y nourrissent d'eau douce, qui y est entre-meslée, que par une maniere admirable ils sçauent discerner & succer avec la bouche parmy la salée, comme dit Albert le Grand : voire estans morts, si l'on les cuit avec l'eau salée, ils demeurent neantmoins doux. Mais quand aux poissons qui sont engendrez dans l'eau douce & qui s'en nourrissent, ils prennent facilement le goust du sel, lorsqu'ils sont cuits dans l'eau salée. Ce sont secrets de la nature.

Or, demesme que nos pescheurs ont la cognoissance de la nature de nos poissons, & comme ils sçauent choisir les saisons & le temps pour se porter dans les

contrées qui leur font commodes, auffi nos Sauvages, aydez de la raifon & de l'experience, fçauent auffi fort bien \* || bien\* choisir le temps de la pefche, quel poiffon vient en Automne ou en Efté, ou quel en l'une ou en l'autre faifon. 762

Pour ce qui eft des poiffons qui fe retrouuent dans les riuieres & lacs au païs de nos Hurons, & particulièrement à la mer douce, les principaux font l'Affihendo, duquel nous auons parlé ailleurs, & des Truictes, qu'ils appellent Ahouyoche, lesquelles font de defmefurée grandeur pour la plupart, & n'y en ay veu aucune qui ne foit plus groffe que les plus grandes que nous ayons par deçà : leur chair eft communement rouge, finon à quelqu'unnes qu'elle fe voit iaune ou orangée, mais excellemment bonne.

Les Brochets, appelez Soruiffan, qu'ils y pefchent auffi avec les Efturgeons, nommez Hixrahon, eftonnent les perfonnes, tant il s'y en voit de merueilleufement grands, & friands au delà de toutes nos efpeces de poiffons : ie le fçay par experience, car i'en ay fait les epreuues dans la neceffité, qui me faifoit trouuer la fauce à l'eau, douce & bonne comme beure fraiz ; & puis on dira qu'on ne fçauoit manger le poiffon fans le fel, l'efpice ou le vinaigre, on fe trompe, car ie le mangeois fortant de l'eau feule & le trouuois bon.

Quelques fepmaines apres la pefche des grands poiffons, ils vont à celle de l'Einchataon, qui eft un poiffon un peu approchant aux barbeaux par deçà, long d'enuiron un pied & demy, ou peu moins : ce poiffon leur fert pour donner gouft à leur fagamité

763 pendant || l'Hyuer, c'est pourquoy ils en font autant d'estat comme du grand poisson, & afin qu'il fasse mieux sentir leur potage, ils ne l'esuentrent point & le conferuent pendu par morceaux aux perches de leurs cabanes; mais ie vous assure qu'au temps de carefme, ou quand il commence à faire chaud, qu'il put \* & sent si extremement mauuais, que cela nous faisoit bondir le cœur, & à eux ce leur estoit mux & ciuette.

En autre saison ils y peschent à la ceine une certaine espece de poissons, qui semblent estre de nos harangs, mais des plus petits, lesquels ils mangent frais & boucauez. Et comme ils font tres-sçauants, aussi bien que nos pescheurs de moluës, à cognoistre un ou deux iours prés, le temps que viennent les poissons de chacune espece, ils ne manquent point d'aller au petit poisson, qu'ils appellent Auhaitique, & en peschent une infinité avec leur ceine, & cette pesche du petit poisson se fait en commun, qu'ils partagent entr'eux par grandes escuellées, duquel nous auions nostre part comme bourgeois de leur bourgade saint Ioseph au Quieunonascaron.

Ils peschent aussi de plusieurs autres especes de poissons, mais comme ils nous font incognus, & qu'il ne s'en trouue point de pareils en nos riuieres, ie n'en fais point aussi de mention.

L'anguille en sa saison est une manne qui n'a point de prix chez nos Montagnais. J'ay admiré l'extreme  
764 abondance de ce poisson, en || quelqu'unes des riuieres de nostre Canada, où il s'en pesche tous les ans vers l'Automne une infinité de centaines, qui

viennent fort à propos, car n'estoit ce secours on se trouueroit bien souuent empesché, en quelques mois de l'année principalement; les Sauuages & nos Religieux en usent comme viande enuoyée du Ciel pour leur soulagement & consolation. Ils la peschent en deux façons, avec une nasse, ou avec un harpon, ce qui se faiçt la nuit à la clarté du feu. Ils font des nasses avec assez d'industrie, longues & grosses, capables de contenir cinq & six anguilles : la mer estant bassé, ils les placent sur le sable en quelque lieu propre & reculé, les asseurent en sorte que les marées ne les peuuent emporter: aux deux costez ils amassent des pierres, qu'ils estendent comme une chaisne ou petite muraille de part & d'autre, afin que ce poisson qui va tousiours au fond rencontrant cet obstacle, se glisse doucement vers l'emboucheure de la nasse où le conduisent ces pierres: la mer venant à se grossir, couure la nasse, puis se rabaisant, on la va visiter: par fois on y trouue cent ou deux cens anguilles d'une marée, quelquefois plus, & d'autres fois point du tout, selon les vents & les temps. Quand la mer est agitée, on en prend beaucoup, quand elle est calme, peu ou point, mais alors ils ont recours à leur harpon, comme ie vis faire en la mer douce, proche un village des Cheueux releuez, tirant aux Hurons.

Voicy comment les Sauuages font seicher de ces poissons. Ils les laissent un peu esgoutter, || puis leur couppent la teste & la queuë, ils les ouurent par le dos, puis les ayant vuidés ils les tailladent, afin que la fumée entre par tout : les perches de leurs cabanes en sont toutes chargées. Estans bien boucanez, ils

les accouplent & en font de gros paquets enuiron d'une centaine à la fois. Voylà leurs viures principaux iusques à la neige, qui leur donne de l'orignac & d'autres animaux.

Comme i'estois en nostre Conuent de Kebec prest à partir pour les Hurons, nos freres eschaperent un loup marin s'efgayant au soleil sur le bord de l'eauë, car leur canot n'ayant pû assez tost ranger la terre à cause de la violence du flux, il s'eschappa, autrement il estoit à eux pour quelque \* coups de baston, qui est la maniere de les tuer, car ne pouuans courir ils sont aysement pris s'ils sont tant soit peu esloignez de leur element naturel. Voilà comment les Montagnais en prennent souuent & en font de bons festins, mais ils ne se prennent qu'en de certaines saisons.

Au lieu nommé par les Hurons Anthrandéen, & par nous le Cap de Victoire, ou \* diuerses Nations des Sauvages s'estoient assemblées, ie vis en la cabane d'un Montagnais un certain poisson, que quelqu'uns appellent Chaoufarou, gros comme un grand brochet, il n'estoit qu'un des mediocres, car il s'en voit de beaucoup plus grands & qui ont iusques à 8. 9. & 10. pieds, à ce qu'on dit : il auoit un bec d'enuiron un pied & demy de long, fait à peu prés comme celui d'une becasse, sinon qu'il a l'ex- || tremité mouffe & non si pointue, gros à proportion du corps.

Il a double rang de dents fort aiguës & dangereuses. D'abord ne voyant que ce long bec qui passoit au trauers une fente de la cabane en dehors, ie croyois que ce fust de quelque oyseau rare, ce qui me donna la curiosité de le voir de plus prés, mais ie trouuay que

c'estoit un poisson qui auoit toute la forme du corps tirant au brochet, mais armé de tres-fortes & dures escailles, de couleur gris argenté, & difficile à percer.

Ce poisson a une industrie merueilleuse (à ce qu'on dit) : quand il veut prendre quelque \* oyseaux, il se tient dedans des ioncs ou roseaux, qui sont sur les riués du lac, & met le bec hors de l'eau sans se bouger : de façon que lorsque les oyseaux viennent se reposer sur le bec, pensant que ce soit un tronc de bois, il est si subtil, que ferrant le bec qu'il tient entr'ouuert, il les tire par les pieds sous l'eau & les deuore. Il ne fait pas seulement la guerre aux oyseaux, mais à tous les autres poissons qui ne luy peuuent resister. Les Sauvages font grand estat de la teste, & se saignent avec les dents de ce poisson à l'endroit de la douleur, qui se passe soudainement, à ce qu'ils disent.

Les Castors, nommez par les Montagnais Amiscou, & par nos Hurons Tfoutayé, sont la cause principale que plusieurs marchands François trauerfent ce grand Ocean, pour s'enrichir de leur \* despouilles, & se reuestir de leurs superfluités, desquels ils apportent si grande || quantité toutes les années, que ie ne sçay 767 comment on n'en voit la fin.

Ces animaux, à ce que l'on tient, sont fort feconds, les femelles portent iusques à cinq & six petits & masles & femelles : il y a danger qu'enfin ils n'exterminent tout-à-fait l'espece en ces païs, comme il est arriué aux Hurons.

Cet animal est à peu près gros comme un mouton tondu, ou peu moins, & qui se peut appruiuifer, car nos Religieux de Kebec en auoient un qui les suiuiot

comme un petit chien, & moy mesme en ay veu un autre pareil qu'on nourrissoit de tendrons de vigne. Il a le poil fort doux & le duvet plus que le velours, de couleur chaffaignée, & y en a peu de bien noirs. Il a les pieds fort courts & fort propres pour nager, particulièrement ceux de derriere, car ils ont une peau continuë entre les ongles, à la façon des oyseaux de riuieres ou des loups marins; sa queuë n'a point de poil, ny d'escaïlles qui se puissent leuer, elle est toute platte & faicte presque comme une sole, sinon qu'elle est plus en ouale & n'a point de bouquet au bout; elles sont de diuerfes longueurs & grosseurs selon l'animal, ie n'en ay point manié ny mangé qui passent un pied, mais d'un manger fort bon & plus excellent que la chair du corps, qui est tenu pour amphibie, c'est à dire qu'on en peut manger en tout temps, quoy que i'en aye veu faire quelque difficulté

768 en quelque lieu de nostre Europe, car un gen- || til-  
homme de ma cognoissance, en ayant tué un en ca-  
refme proche de Nancy, nous n'en mangeames que  
la queuë & les pattes de derriere, qu'on tenoit pour  
poisson & le reste viande. Quant à la teste, elle est  
courte & presque ronde, ayant en gueule sur le de-  
uant quatre grandes dents tranchantes comme ra-  
soirs, scauoir deux en haut & deux en bas, desquelles  
un certain pensa auoir le bras coupé, en en voulant  
prendre un qu'il auoit blessé à mort d'un coup d'ar-  
quebuse au bord de la riuere.

De ces dents il coupe aysement des petits arbres &  
des perches en plusieurs pieces, dont il bastit sa mai-  
son, & mesme a succession de temps il en coupe par

fois de bien gros, quand il s'y en trouue qui l'empeschent de dresser son petit bastiment, lequel est fait de sorte (chose admirable) qu'il n'y entre nul vent, d'autant que tout est couuert & fermé avec du bois & de la terre, si bien liez & unis par ensemble qu'il n'y a mousquet qui la transperce, à ce qu'on dit: il y a un trou qui conduit deffous l'eau, & par là se va promener le castor où il veut; puis une autre sortie par où il va à terre & trompe le chasseur. En cela cômme en toute autre chose, se voit appertement reluire la diuine Prouidence qui donne iusqu'aux moindres animaux de la terre l'instinct naturel & le moyen de leur conseruation.

Or ces animaux voulans bastir leurs petites cavernes, ils s'assemblent par troupes dans les forests sombres & espaisées: s'estant assemblez ils vont couper des rameaux d'arbres à belles || dents, qui leur seruent à cet effect de coignées, & les traînent jusques au lieu où ils bastissent, & continuent de le faire iusqu'à ce qu'ils en ayent assez pour acheuer leur ouvrage. 769

Quelques-uns tiennent que ces petits animaux ont une inuention admirable à charier le bois, & disent qu'ils choisissent celuy de leur troupe qui est le plus faineant ou accablé de vieillesse, & le faisant coucher sur son dos, vous disposent fort bien des rameaux entre ses iambes, puis le traînent comme un chariot iusqu'au lieu destiné, & continuent le mesme exercice tant qu'il y en ait à suffisance. I'ay veu plusieurs de ces cabanes sur le bord de la grand\* riuere, au país des Algoumequins; mais elles me sembloient admi-

rables, & telles que la main de l'homme n'y pourroit rien adiouster : le dessus sembloit un couuercle à lesciue, & le dedans estoit departy en 2. ou 3. estages, l'estage d'embas sur le bord de l'eau, celuy d'enhaut est au-dessus du fleuve; quand le froid a glacé les riuieres & les lacs, le castor se tient retiré en l'estage d'enhaut, où il a fait sa prouision de bois pour manger pendant l'Hyuer; il ne laisse pas neantmoins de descendre de cet estage en celuy d'embas, il se glisse sous les glaces, mais sa retraite plus ordinaire est en l'estage d'enhaut, d'autant qu'il craint l'inondation & la pluye.

770 La chasse du Castor se fait ordinairement en Hyuer, pour ce principalement qu'il se tient dans sa cabane, & que son poil tient en cette saison là, & vaut fort peu en esté. Les Sauua- || ges voulans prendre le Castor, ils occupent premierement tous les passages par où il se peut eschaper, puis percent la glace du lac gelé, à l'endroit de la cabane, puis l'un d'eux met le bras dans le trou attendant sa venuë, tandis qu'un autre va par dessus cette glace frappant avec un baston sur icelle pour l'estonner & faire retourner à son giste : lors il faut estre habile pour le prendre au collet, car si on le happe par quelque endroit où il puisse mordre, il fera une mauuaise blessure, comme i'ay dit. Ils le prennent aussi à la \* rets & sous la glace par cette autre inuention : on fend la glace en long proche de la cabane du Castor, on met par la fente un rets & du bois qui sert d'amorce, ce pauure animal venant chercher à manger s'enlace dans ces filets faits de bonne & forte ficelle double, & encor ne

faut-il pas tarder à les tirer, car ils seroient bien tost en pieces, estant forty de l'eau par l'ouuerture faite en la glace, ils l'assomment avec un gros baston.

Au Printemps le castor se prend à l'attrappe amorcée du bois dont il mange, les Sauvages font tres-bien entendus en ces attrappes, & nous en monstrent de plusieurs fortes au país des Hurons, pour diuerses fortes d'animaux, dont i'admirois les inuentions que nous n'auons pas icy, de l'une desquelles le P. Ioseph se seruit pour attraper deux renars qui glapissoient toutes les matinées & au soir és enuirons de nostre cabane, d'où ils ne pouuoient auoir rien à manger. Quelquefois les chiens rencontrent le castor hors la cabane d'où il fort || souuent pour paistre ou pour 771 s'aprouisionner, le poursuient & le prennent aisement, car il ne peut courir viste & n'a de desfence que sa dent.

Il y en a quelqu'uns qui disent que si l'on prend du castor trempé en eau, & qu'on le respande sur la mer, c'est un remede assure pour faire fuyre la troupe des baleines, & les faire enfoncer dans la mer, combien qu'elles rugissent horriblement, & que cela s'observe en Laponie & Noruegie, mais comme ie n'en ay point veu l'experience, ie ne le veux assurer, ny maintenir une chose que ie tiens fort douteuse.

Ils ont aussi des rats musqués qu'ils appellent Ondathra, qui ne sont de nostre Europe, ny de ceux d'Egypte, desquels on dit comme des musquez qu'ils se seruent des deux pieds de deuant comme de mains, & marchent debouts des deux pieds de derriere comme les Singes. Le rat d'Inde

est aussi differant de tous ceux-là, duquel ie diray un petit mot.

On l'appelle rat musqué, pour ce qu'en effet une partie de son corps prise au Printemps sent le musc, en autre temps elle n'a point d'odeur. Les Sauvages en mangent la chair qu'ils font rostir deuant le feu, & conferuent les peaux & roignons musquez: ils ont le poil noir, court & doux, presque comme celuy d'une taupe, & les yeux fort petits, ils mangent comme les escurieux, avec leurs deux pattes de deuant, ils paissent l'herbe sur terre, & le blanc des ioncs au fond des lacs & riuieres. Il y a plaisir à les voir manger & faire leurs petits tours pendant || qu'ils sont ieunes; car quand ils sont à leur entiere & parfaite grandeur qui approche celle d'un ieune leuraut, ils ont une longue queue de guenon, qui ne les rends\* point agreables. I'en auois un tres-ioly, grand comme un escurieux suisse, que j'apportay de la petite Nation à Kebec; ie le nourrissois du blanc des ioncs, & d'une certaine herbe ressemblant au chiendent, que ie cueillois sur les chemins, & faisois de ce petit animal tout ce que ie voulois, sans qu'il me mordit, aussi n'y font-ils pas suiets; il estoit si mignard qu'il vouloit toutes les nuits coucher dans l'une des manches de nostre habit, & cela fut la cause de sa mort: car ayant un iour cabané dans une Sapiniere, & porté la nuit loin de moy ce petit animal pour la crainte que j'auois de l'estouffer (car nous estions couchez à platte terre sur un costeau fort penchant, où à peine nous pouuions nous tenir couchez sans rouller), le mauuais temps nous ayant contraincts de cabaner en lieu si

incommode), ceste bestiole, apres auoir mangé ce que ie luy auois donné, me vint retrouver à mon premier sommeil, & ne pouuant trouuer l'ouuerture de nos manches, il se mit dans le replis de nostre habit, où ie le trouuay mort le lendemain matin, & seruit pour le petit desieuner de mon aigle, qui en eut bien deuoré d'autres, car comme disoient mes Sauuages, il estoit un demon qui ne pouuoit estre rassasié.

En plusieurs riuieres & estangs, il y a grande quantité de tortuës, qu'ils appellent Angyahouiche, ils en mangent la chair cuite dans de || l'eau, ou sous 773 les cendres chaudes, les pattes contre-mont, ce qui me faisoit horreur, & reprenois mes barbares de cette rudesse, car i'eusse mieux aymé les tuer auparauant, que de les mettre sous les braziers & les voir debattre. O mon Dieu, ce n'est pas vertu en moy, mais ie ne peux faire de mal à une beste innocente. Elles sortent ordinairement de l'eau quand il fait soleil, & se tiennent arrangées sur quelque longue piece de bois tombée, mais à mesme temps qu'on pense s'en approcher, elles s'eslancent toutes dedans l'eau comme grenouilles, & trouuay par experience que ie n'estois pas assez habile pour les prendre & n'en scauois l'invention.

Il y a dans le país de grandes couleures de diuerses sortes, qu'ils appellent Tioointfique, desquelles ils prennent les peaux des plus longues, & en font des frontaux de parade, qui leur pendent par derriere une bonne aulne de longueur, & plus de chacun costé: c'estoit bien n'apprehender point la falleté de ces animaux veneneux que de les escorcher, & s'en

feruir à un tel ufage, mais ie me fuis plufieurs fois eftonné de voir les petits garçons fe jetter l'un l'autre en fe iotians de petits ferpens tout en vie & n'en efre point offencé, & plus encore du deffunçt fieur Herbert, habitant de Kebec, lequel trouuant des couleures en fon chemin, les iettoit dans fon defert pour en nettoyer les crapaux & autres venins qui gattoient les plantes.

774 Outre les grenouilles que nous auons par- || deça, qu'ils appellent Kiotoutfiche, ils en ont encore d'une autre efpece, qu'ils appellent Ouraon, quelqu'uns les appellent crapaux, bien qu'ils n'ayent aucun venin & foient de la couleur des grenouilles ; mais ie ne les tiens point en cette qualité, quoy que ie n'aye veu en tous les païs Hurons aucune efpece de nos crapaux, ny ouy dire qu'il y en ait, finon en Canada, où i'en ay veu plufieurs avec aduerfion pour l'horreur naturelle que i'ay contre ces animaux, telle que quand il n'y auroit point d'autre punition du peché que d'habiter en lieux remplis de crapaux, ie ne fçay comment on fe pourroit iamais porter à un feul peché mortel volontairement, & cependant l'enfer eft bien autre chofe, car ce mal n'en eft que le moindre. Ie viens de dire que ie n'ay point veu de ces vilaines beftes en la Prouince des Hurons, il ne s'enfuit pas neantmoins qu'il n'y en puiſſe auoir, car une perſonne pour exacte qu'elle foit ne peut entierement ſçauoir ny obferuer tout ce qui eft d'un païs, ny voir ny ouyr tout ce qui s'y paſſe, & c'eſt la raifon pourquoy les hiftoriens & voyageurs ne ſe trouuent pas touſiours d'accord en plufieurs chofes.

Ces Ouraons ou grosses grenouilles sont verdes, & deux ou trois fois grosses comme les communes ; mais elles ont une voix si puissante qu'il sembleroit (à qui n'en auroit point veu), que ce fust d'animaux 20. fois plus gros : pour moy ie confesse ingenuëment que ie ne sçauois que penser au commencement, entendant de ces grosses voix le soir sur le bord des || eaux à plus d'un quart de lieuë de moy, & m'imaginois que c'estoit de quelque dragon, ou bien de quelqu'autre animal gros comme un bœuf. P'ay ouy dire à nos Religieux dans le païs, qu'ils ne feroient aucune difficulté d'en manger, en guise de grenouilles, mais pour moy ie doute si ie l'aurois voulu faire, n'estant pas encore bien assureé de leur netteté. 775

L'on m'a souuent fait recit du poisson remora, à qui l'on attribue la vertu naturelle de pouuoir arrester les plus grands vaisseaux voguans en pleine mer, mais ie n'en ay veu aucun en toute nostre trauerse, ny en la mer, ny dans les fleuues & riuieres de tout nostre Canada, qui me fait croire ou que c'est une fable faicte à plaisir ou qu'ils sont rares, & ne se retrouuent qu'en certaines mers : i'en ay veu seulement un de mort à Paris que ie contemplay à loisir, admirant qu'en un si petit animal Dieu ait logé tant de vertu, car il n'est pas plus grand qu'un haranc, a le corps fait comme un rouget avec de certaines petites scies ou rateliers faits de petites pointes comme aiguilles, qui leur prennent par mesure & en droicte ligne, depuis la teste iusques à la queuë. Que ce soit en ces petites scies que gist sa force, ie n'en sçay rien, car Dieu seul le cognoist, mais nous pouuons admirer le Createur en ceste mer-

ueille & dire en nous humiliant que la foiblesse de l'homme est bien grande & qu'il ne se doit point prendre à Dieu, puis qu'un si petit animal a assez de force pour arrester un million d'hommes, & faire perir les plus grands Roys.

776

|| O pauures petits vermisseaux que nous sommes. Le dis que vous autres les grands de la terre & qui faites trembler tout l'univers, auez un grand fuyet de vous abaisser deuant Dieu, car estant hommes, vous estes moins que poussiere deuant luy, qui vous peut tous aneantir en un seul clin d'œil de sa diuine volonté. Ne mesprifez donc personne de peur qu'un moindre que vous ne vous surmonte : ne foyez pas comme ce grand Empereur des Turcs, lequel mesprisant le petit Scanderbeque, fut surmonté par sept fois d'iceluy (iuste punition de Dieu) : ainsi voyons-nous ce petit remora arrester le cours des plus grands Nauires qui sembloient se moquer des plus grandes tourmentes de la mer; autant en dit-on d'un autre petit poisson qu'on nomme Achan, si bien qu'outre le remore\* il y a un autre poisson capable de rendre les vaisseaux immobiles.

On dit aussi du rat d'Inde qu'il fait mourir les plus grands cocrodilles, c'est ce qui est merueilleux, car il n'est pas plus grand qu'un lapin, & cependant il emporte le dessus de ce grand, furieux & tres-cruel animal. l'en ay veu un duquel un castor beaucoup plus grand n'ozoit approcher pour auoir esté une fois touché de sa dent. Il est d'un poil gris argenté fort beau, & a un museau pointu comme un renard, & la queue longue & estendue comme une guenon, mais non pas si difforme,

|| *Des fruits, plantes, arbres, & richesses du pays.* 777

CHAPITRE V.

Il est presque impossible que ceux qui font profession de deſcrire les choſes qui ſe retrouvent dans l'eſtenduë d'un grand pays ne ſe trompent quelquefois, comme ont fait ceux qui ont dit que dans l'Amerique il n'y auoit anciennement aucuns cedres ny vignes, car nous en auons veu en abondance, & meſmes des Isles qui en eſtoient toutes couuertes dans le pays de nos Hurons & és contrées Algoumequines, qui n'y ont iamais eſté apportées d'ailleurs; bien eſt-il vray qu'il n'y auoit auant la venuë des Eſpagnols, aucuns oranges, limoniers, grenadiers, figuiers, poiriers, de coings, ny oliuiers, & entre les grains, il n'y auoit non plus de froment, ſeigle, n'y \* de toutes les fortes de bleds, excepté de celui que nous appellons d'Inde, ny du ris, des melons, ny beaucoup d'autres eſpeces de fruits, de plantes, & de racines que nous auons en nos iardins, & par la campagne, & és foreſts de noſtre Europe, auſſi en ont-ils pluſieurs autres fortes, & eſpices \* que nous n'auons pas icy & qui nous ſon \* auſſi rares qu'à eux les noſtres.

|| Parlant en general & naïſſement des choſes 778  
comme elles ſont, il faut aduoüer qu'il n'y a aucun fruit en tout le pays de nos Canadiens, Montagnais, Algoumequins & Hurons, qui merite le nom d'excellent, & deſquels l'on doie faire eſtat; il y en a bien quelque \* petits, comme ie diray preſentement, mais

c'est peu de chose en comparaison d'une bonne poire, ou d'une bonne pomme, que nostre Europe nous fournit à foison. Dieu l'a ainsi voulu, sa diuine Maieité l'a ainsi ordonné, qui sçait qu'en y plantant la foy, il est necessaire qu'on leur fasse gouster des douceurs dont iouissent en leur pays ceux qui font profession de la mesme foy, pour leur rendre nostre ioug plus aymable, & leur feruitude plus tolerable. O Dieu, i'ay tousiours peur que nos malices avec nos delices y passent aussi tost que la foy.

Au pays des Algoumequins, & dans celuy de nos Hurons, il y a en beaucoup d'endroits, contrées, Isles, le long des riuieres & parmy les bois, si grande quantité de blüets, que les Hurons appellent Ohentagué, & autres petits fruitçs qu'ils appellent d'un nom general Hahiques, que les Sauuages en font seicheries pour leur Hyuer, comme nous faisons icy des prunes seichées au Soleil pour nos malades, & cela fert de confitures, de sel & d'espices, pour donner goust à leur sagamité, & pour mettre dans leurs petits pains qu'ils font cuire sous les cendres. Nous en mangeâmes en  
779 quantité sur les chemins, || comme aussi des fraises, qu'ils nomment Tichionte, avec certaines graines rougeâtres, & grosses comme un gros pois, que ie trouuois tres-bonnes, mais ie n'en ay point veu en Canada, ny en France de pareilles, non plus que de plusieurs autres petits fruitçs & graines incogneüs pardeça, desquelles nous mangions comme mets delicieux quand nous en pouuions trouuer, ce qui se fait en la faison.

Il y en a de rouges qui semblent presque du corail,

& qui viennent quasi contre terre par petits bouquets, avec deux ou trois feuilles ressemblans aux lauriers qui luy donnent bonne grace, & semblent de tres-beaux bouquets, & seruiroient pour tels s'il y en auoit icy. Il y a de ces autres grains plus gros encore une fois, comme i'ay tantost dit, de couleur noirastre, & qui viennent en des tiges, hautes d'une coudée. Il y a aussi des arbres qui semblent de l'espine blanche, qui portent de petites pommes dures, & grosses comme auelines, mais non pas gueres bonnes. Il y a aussi d'autres graines rouges, nommées Toca, ressemblans à nos cornioles; mais elles n'ont ny noyaux, ny pepins; quelqu'un peut estre en pourra douter, mais il doit estre satisfait en ce que ie l'asseure y auoir pris garde, & qu'il n'y en a point du tout, bien que ce fruit soit assez gros; les Hurons les mangent crus, & en mettent aussi dans leurs petits pains.

Ils ont aussi des noyers en plusieurs en- || droits qui 780  
portent des noix peu differentes aux nostres, i'en ay veu qui sont comme en triangle, & l'escorce verte exterieure sent un gouft comme terebentine, & ne s'arrache que difficilement de sa coque dure, mais le mal est qu'elles ont peu de chair, & le noyau petit comme une amande, faute de culture.

Ils ont aussi en quelque contrée des chatainiers & des cerifiers, dont les cerifes ne sont gueres plus grosses, que grozelles de tremis, à faute d'estre antées & labourées; il y en a en beaucoup de lieux, & par les bois & par les champs, desquelles neantmoins on fait assez peu d'estat. Pour les prunes, nommées Tonestes, qui se trouuent au pays de nos Hurons, elles ressemblent à

nos damas violets, ou rouges, sinon qu'elles ne font pas si bonnes de beaucoup, car la couleur trompe, & font aspres & rudes au goust, si elles n'ont senti de la gelée : c'est pourquoy les Sauvageſſes, apres les auoir ſoigneuſement amaſſées les enfouyent en terre quelques ſepmaines pour les adoucir, puis les en retirent, les effuyent & les mangent. Mais ie croy que ſi ces prunes eſtoient antées, qu'elles perdroient leur acrimonie & rudeſſe qui les rend deſagreables au goust, auparauant la gelée, car elles font tres-belles, fort rondes, & d'un rouge violet comme nos plus gros damas violet\*.

781 Il ſe trouue des poires, ainſi appellées poires, certains petits fruitſ, un peu plus gros que des pois, de couleur noiratre & || mols, tres-bons à manger à la cueillier comme bluës, qui viennent ſur de petits arbres qui ont les fueilles ſemblables aux poiriers ſauuages de deça, mais leur fruit en eſt du tout different. Pour des framboites, & meures champeſtres, grozelles & autres ſemblables fruitſ que nous cognoiſſons, il s'en trouue aſſez en des endroits, comme ſemblablement des vignes & raiſins, deſquels on pourroit faire de fort bon vin au pays des Hurons, s'ils auoient l'inuention de les cultiuier & façonner, mais faute de plus grande ſcience, ils ſe contentent d'en manger le raiſin & les fruitſ ſans en faire du vin.

Les racines que nous appellons Canadiennes ou pommes de Canada, qu'eux appellent Oraſqueinta, ſont aſſez peu communes dans le pays; ils les mangent auſſitoſt cruës que cuites, comme ſemblablement d'une autre ſorte de racine, reſſemblant aux panays,

qu'ils appellent Sondhratates, lesquelles sont à la verité meilleures de beaucoup ; mais on nous en donnoit peu souuent, & lors seulement que les Sauvages auoient receu de nous quelque présent, ou que nous les visitions dans leurs cabanes.

Dans le Nauire Anglois que nous prîmes sur mer, il y auoit quantité de patates fort grosses, & tres-excellentes, les unes iaunes, violettes, blanches, & d'autres de diuerses couleurs, desquelles nous nous seruimes tres à propos, car en toutes sauces qu'on les mettoit elles estoient tres-bonnes & rauis- || fantes \*. 782  
l'en cherchay aux Hurons & n'en pû trouuer, ny n'en pû dire le nom aux Sauvages, ce qui me fit repentir de n'en auoir porté avec moy, car bien que cette racine ne porte point de graine, estant couppee par morceaux, & plantée en terre, elle grossit en peu de temps, & multiplie comme les pommes de Canada, à ce qu'on dit.

Nos Hurons ont de petits oignons blancs nommez Anouque, qui portent seulement deux feuilles semblables à celles du Muguët: ils sentent autant l'ail que l'oignon sans qu'on puisse dire proprement auquel ils ressemblent le plus quant au goüst; nous nous en seruions dans nostre sagamité pour luy donner quelque faueur, & d'une espece de Marioline sauvage qu'ils appellent Ongnehon, de laquelle les Sauvages ne vouloient point manger lors qu'il y auoit de ces herbes, & encor moins sentir l'haleine, si tant soit peu nous auions mangé de ces oignons, ou ails crus, comme nous faisons aucunes fois (contraincts de la necessité) avec un peu de pourpier, & de sel, sans pain, sans huyle & sans vinaigre.

Les Sauvages en mangent neantmoins de cuits sous la cendre, lorsqu'ils sont en leur vraye maturité & grosseur, & non jamais dans leur menestre, non plus que d'aucune autre sorte d'herbes, desquelles ils sont tres-peu d'estat, bien que le pourpier, ou pourcelaine, leur soit commun, & que naturellement il vienne dans leurs champs labourez parmy le bled & les citrouilles.

783 || Dans les forests il se voit quantité de cedres, nommez Asquata, l'odeur duquel est contraire aux serpens, c'est pourquoy les Sauvages se seruent souvent de leurs rameaux allans en voyages pour se coucher dessus, il y a aussi de tres-beaux chesnes gros à merueilles, des fouteaux, herables & merifiers ou gwyniers, & un grand nombre d'autres bois de mesme espece des nostres, & d'autres qui nous sont incognus: entre lesquels ils ont un certain arbre nommé atti, duquel ils reçoivent des commoditez nompareilles.

Premierement ils en tirent de grandes lanieres d'escorces, qu'ils appellent Ouhara, lesquelles ils font bouillir, & les rendent en fin comme chanure, de laquelle ils font leurs cordes, & leurs sacs, & sans estre bouillie ny accommodée, elle leur sert encore à coudre leur \* robes, plats & escuelles d'escorce de bouleaux & toute autre chose lors que les nerfs d'eslan leur manquent. Ils en lient aussi les bois & perches de leurs cabanes, & en enuelopent leurs playes & blessures, & cette ligature est tellement bonne & forte qu'on n'en scauroit desirer une meilleure & de moindre coust.

Le Muguet qu'ils ont en leur pays a bien la fueille

du tout semblable au nostre, mais la fleur en est du tout differente, car outre qu'elle est de couleur tirant sur le violet, elle est faite en façon d'estoile, grande & large comme petit Narcis ; mais la plus belle plante que j'aye veüe aux Hurons, est (à mon aduis)

|| celle qu'ils appellent Angyahouiche Orichya, c'est à dire chauffe de tortuë : car sa fueille ressemble en tout (excepté à la couleur) au gros de la cuisse d'un homard, ou escreuice de mer, & est ferme & creuse en dedans comme un gobelet, duquel on se pourroit servir à un besoin pour en boire la rosée qu'on y trouue tous les matins en Esté. 784

J'ay veu en quelque endroit sur le chemin des Hurons, de beaux lys incarnats, qui ne portent sur leur tyge qu'une ou deux fleurs; & comme ie n'ay point veu en tout le pays Huron aucuns martagons, ou lys orangez, comme ceux du Canada, ny de cardinales, aussi n'ay-ie point veu en tout le Canada aucuns lys incarnats, ny chauffes de tortuë, ny plusieurs autres especes de plantes que j'ay veües aux Hurons, ou s'il y en a ie ne l'ay point sceu.

Pour les roses, qu'ils appellent Eindauhatayon, nos Hurons en ont de simples, mais ils n'en font aucun estat, non plus que d'aucunes autres fleurs qu'ils aient dans le pays : car tout leur déduit est d'auoir des parures & affiquets qui soient de durée, & non des chappeaux & bouquets de fleurs, qui fletrissent si tost qu'elles ont paru belles : ainsi est-il de tous les beautez de ce siecle, qui ne doiuent raurir nos yeux & nostre entendement que pour y contempler la beauté d'un Dieu & les richesses de sa gloire.

785 Ils font estat du tourne-foi qu'ils sement en quantité en plusieurs endroits, à cause de || l'huyle qu'ils tirent de la graine, laquelle leur fert non seulement à greffer leurs cheueux, mais aussi à manger, & en plusieurs autres usages, & voicy l'invention comme ils la tirent. La graine estant bien meure, & arrachée nettement de sa tige, les filles la reduisent en farine dans le grand mortier, puis la font bouillir avec de l'eau dans une grande chaudiere, & à succession de temps elle rend son huyle qui nage par dessus le bouillon, que les Sauvages amassent avec des cueillieres propres & ferment dans leurs calabasses, & non seulement cette huyle est bonne à manger comme i'ay dit, mais aussi la graine pillée, que les Sauvages mangent comme chose qu'ils estiment excellente, & que i'ay gousté avec admiration. Mais comment est-ce que ce peuple sauvage a pû trouver l'invention de tirer d'une huyle que nous ignorons, sinon à l'ayde de la diuine Prouidence, qui donne à un chacun le moyen de sa conseruation, ce qu'autrement n'estant point policé ny instruit, ce peuple resteroit miserable où les brutes mesmes trouuent leur consolation & entretien.

Il y a tout plein d'autres fleurettes, plantes, arbres & racines, mais comme la chose est de si petite importance qu'elle ne merite pas l'écriture, nous n'en faisons point icy de mention, pour donner lieu au traité des autres richesses qui se retrouuent en cette grande estenduë de pays, non encores entierement connus, car la misere de l'homme est telle, & particulierement 786 de ceux qui || n'ont la gloire de Dieu & le salut du prochain pour but & reigle de leurs actions, que s'il

n'y a dans un pays quelque chose de valeur qui les amorce, ils n'en font iamais d'estat, yeust-il à gagner le Ciel, & un monde d'ames pour le Paradis, comme l'experience nous l'a souuent fait voir & experimenter à nostre regret.

Au retour de mon voyage, lors que ie m'efforçois de faire entendre aux courtisans la necessité que nos pauvres Sauvages auoient d'un secours puissant, qui fauorifast leur conuersion, & qu'il y auoit cent mille ames à gagner à Iesus Christ, plusieurs, mal deuots, me demandoient s'il y auoit cent mille escus à gagner aupres, & que le reste leur estoit de peu de consideration. O cœurs de bronze, vous n'estes point du party de Dieu, non plus que plusieurs autres de vostre condition, qui vivent dans des maximes bien contraires à celles de Dieu, & pour dire vray il y a bien peu de salut dans la cour, où par flatterie on y fait des saincts qui auront l'Enfer pour leur gloire.

Helas si le bon S. Denys & les autres Ss. Martyrs qui nous ont les premiers apporté la parole de Dieu, eussent eu ces basses pensées de la terre, nous serions encores à estre Chretiens: ils auoient la charité & nous n'en auons point, ils sont morts en procurant nostre salut, & nous ne voulons rien contribuer en procurant celuy des Sauvages, desquels on fait estat comme de bestes brutes, à la condamnation de si mauvais Iuges.

|| Voicy, ô mal deuots, bien des richesses que ie vay 787  
vous mettre deuant les yeux, auxquelles vous aspirez, souspirez, & aspirez continuellement avec tant d'inquietudes, mais elles ne font point pour vous, ny

pour tous ceux qui comme vous n'ont autre pensée que le luxe, & la vanité de gens douïllets qui n'ont point de courage.

Le Peru est la plus fameuse partie de toutes les Prouinces du Nouveau Monde, d'un air temperé, & bien peuplé, voire le\* plus riche en or, & en argent qui soit peut-estre au monde. Lorsque les Espagnols prindrent possession de ce pays, & tindrent le Roy Atabaliba prisonnier, ce prince offrit pour sa rançon, de remplir tout d'or le lieu auquel il estoit detenu prisonnier, qui estoit long de 22. pieds, & large de 17. & de telle hauteur que luy mesme pourroit atteindre du bout de ses doigts, se tenant sur le bout de ses orteils, ou s'ils aymoient mieux de l'argent, il en donneroit deux fois cette place pleine iusque au plancher.

Et bien, messieurs, vous voudriez bien que le Canada fust en mesme paralelle, vous donneriez volontiers cinq sols pour auoir une chartée d'escus, ouy, mais cela ne se peut faire, car les richesses de la Nouvelle France ne montent pas à si haut pris, neantmoins encores ne doivent-elles pas estre mesprisées pour si peu qu'il y en aye.

788 Premierement il y a quantité de pelleteries de diuerses especes d'animaux terrestres & amphibies, comme vous auez pû remarquer || dans le chapitre qui traite des animaux terrestres & aquatiques. Il y a des mines de cuiure desquelles on pourroit tirer du profit, s'il y auoit du monde & des ouuriers qui y voulussent trauailler fidèlement, ce qui se pourroit faire, si on y auoit estably des Collonnies : car environ 80. ou 100. lieuës des Hurons, il y a une mine de cuy-

ure rouge, de laquelle le Truchement Bruslé me monstra un lingot au retour d'un voyage qu'il fit à la Nation voisine avec un nommé Grenolle.

On tient qu'il y en a encore vers le Saguenay, & mesme qu'on y trouue de l'or, des rubis & autres pierres. De plus quelqu'uns assurent qu'au pays des Souriquois, il y a non seulement des mines de cuiure, mais aussi de l'acier, parmy les rochers, lequel estant fondu, on en pourroit faire de tres-bons tranchans, puis de certaines pierres bleues transparentes, lesquelles ne vallent moins que les Turquifes, & c'est ce qui nous a donné le plaisir de voir quelquefois de nouveaux venus, aussi simples que neufs, auoir tousiours les yeux attachez sur le galay, & partout \* les chemins où ils passoient, pour voir s'ils pourroient rencontrer parmy les pierres & les cailloux quelque pierrerie rare & de prix.

Aux rochers de cuyure & en quelque \* autres se trouuent aussi aucune fois des petits rochers couuerts de diamants y attachez : & peut dire en auoir amassé & recueilly moy mesme vers nostre Couuent de Nostre Dame des Anges dont quelqu'uns sembloient sortir || de la main du Lapidaire, tant ils estoient beaux, lui-  
789  
sans & bien taillez, mais entre tous ceux que j'ay iamais veu de ces pays-là, ie croy que celuy que Monsieur le Prince de Portugal m'a fait voir est le plus beau, le plus net, le plus grand, & le mieux taillé de tous. Je ne veux neantmoins assurer qu'ils soient fins, mais seulement qu'ils sont tres-beaux, & escriuent sur le verre.

Il me semble qu'on pourroit encor trouuer des mi-

nes de fer en quelque endroit, & plusieurs autres minéraux, si on y vouloit chercher, & faire la despence necessaire. Pour du bois il y en abondance \*, & des forests tres-estenduës, des pierres, de la chaux, & de toutes autres sortes de materiaux propres à construire maisons & edifices. Je pourrois aussi faire mention de beaucoup d'autres petites commoditez qui se retrouvent dans le pays, mais la chose ne le merite pas, non plus que de parler du profit qui pouenoit des cendres qui se transportoient en France, puis qu'elles ont esté delàissées comme de peu de rapport, en comparaison des fraiz qu'il y conuenoit faire, bien qu'elles fussent meilleures & plus fortes de beaucoup que celles qui se font en nos foyers, dont on a veu l'experience une infinité de fois.

---

790 || *De nostre partement du pays des Hurons pour le Canada, & de ce qui nous arriua en chemin iusques au lac des Epicerinyens.*

#### CHAPITRE VI.

Un an entier s'estant escoulé, le pain à chanter & beaucoup d'autres petites choses nous manquans, il fut question d'auiiser pour en r'auoir d'autres. Or en ce temps-là les Hurons se dispoioient pour descendre à la traite, qui nous eut esté une commodité propre, s'ils eussent esté capables de cette commission, mais comme ils sont par trop curieux de voir les petits em-

meublemens & autres commoditez qui nous viennent de France, nous apprehendames qu'en fouillans nos paquets pour voir ce que nos freres de Kebec nous enuoyeroient, ils ne consommassent nostre pain à chanter, & se seruissent du linge de l'Autel.

Je me resolu donc à cette commission, bien que tres-penibles\* pour estre un voyage de six cens lieüs de chemin, & traitay avec un Capitaine de guerre, nommé Angoiraste, & deux autres Sauuages de sa bande, l'un nommé Andatayon, & l'autre Conchionet, qui me promirent place ¶ dans leur canot. Or comme leur ordre porte de n'entreprendre iamais aucun voyage de long cours, sans en auoir premierement donné aduis au Conseil, & sceu leur volonté, ie fus appellé à cette celebre assemblée, deux iours auant que ie deu partir, non dans une cabane, ou maison bien ornée, ains sur l'herbe verte en dehors du village. 791

Les harangues faites, & toutes choses conclües au contentement d'un chacun, ie fus supplié par ces Messieurs de leur estre fauorable enuers les Capitaines de la traite, & de faire en forte qu'ils peussent auoir d'eux les marchandises necessaires à prix raisonnable, & que de leur costé ils leur rendroient de tres-bonnes pelleteries en eschange. Ils me dirent aussi qu'ils desiroient fort se conseruer l'amitié des François, par mon moyen, ce qu'ils esperoient d'autant plus facilement qu'ils me croyoient de consideration entr'eux, & puis l'honneste accueil & bon traitement qu'ils m'auoient tousiours fait meritoit bien cette recognoissance & ce seruice de moy pour leur Nation.

Je leur promis là dessus tout ce que ie deuois &

792 pouuois, & ne manquay point de leur satisfaire, & assister en tout ce que ie pû, & le deuois ainfi, car de vray nous auions trouué en eux la mesme courtoisie & humanité que nous eussions pu esperer des meilleurs Chrestiens, & peut-estre le faisoient-ils neantmoins sous esperan- || ce de quelque petit present, ou pour nous obliger de ne les point abandonner, ce qui estoit plus probable, car la bonne opinion qu'ils auoient conceuë de nous leur faisoit croire que nostre presence, nos prieres & nos conseils leur estoient utiles & necessaires en toutes choses.

Faisans mes adieux par le bourg, plusieurs apprehendans que ie les delaislasses\* pour tousiours, taschoient de me dissuader de mon voyage, mais voyant ma resolution & la necessité qui m'en pressoit, me prioient au moins de reuenir bien-tost, & ne les abandonner point, & aucuns me montrans de leurs enfans malades me disoient d'une voix assez triste & pitteufe: Gabriel, ferons-nous encore en vie, & ces petits enfans, quand tu reuiendras icy, tu scay comme nous t'auons tousiours aymé & chery, & nous es precieux au delà de toutes les choses du monde, ne nous abandonne donc point, & prend courage en nous instruisant, & enseignant le chemin du Ciel, à ce que nous y puissions aller avec toy, & que le diable qui est meschant ne nous entraîne après la mort dans la maison de feu, & ie les consolais au mieux que ie pouuois dans la croyance d'un bref retour, & que Dieu auroit en fin pitié d'eux.

Comme les sentimens sont diuers, ils produisent diuers effects: parmy un si grand nombre de Sau-

uages qui s'affligeoient de mon depart, plusieurs entremeslans || des demandes parmy leurs pleurs, me disoient : Gabriel, si en fin tu és resolu de partir pour Kebec, & que ton dessein soit de reuenir (comme nous t'en supplions), rapporte-nous quelque chose de ton païs, des rassades, des prunes, des aleines, des couteaux, ou ce que tu voudras, car comme tu sçais, nous sommes fort pauvres en meubles, & autres choses que vous auez en abondance. Et si de plus tu pouuois, disoient quelqu'uns, nous faire present de tes fendales de bois, nous t'en aurions de l'obligation & te donnerions quelque chose en eschange, car elles nous semblent fort commodes, & puis nos Moyenti tascheroient d'en faire de mesme pour nous exempter de l'incommodité du pied nud & des espines qui nous blessent en marchans, & ie taschois de les contenter tous, de parolle ou autrement, & les laisser avec cette esperance que ie les reuerrois en bref, & leur apporterois quelque chose, comme en effect c'estoit bien mon dessein, si Dieu n'en eust autrement disposé.

Ayant pris congé du bon Pere Nicolas avec promesse de le reuoir au plustost (si Dieu & l'obeissance me le permettoient), ie partis de nostre cabane un soir assez tard avec mes Sauuages & allames coucher sur le bord du lac, d'où nous partimes le lendemain matin moy sixiesme, dans un canot tellement vieil & rompu, qu'à peine eusmes-nous aduancé deux ou trois heures de chemin, qu'il fist eau partout, nous contraignit de prendre terre, & nous cabaner en un cul de sac (avec d'autres Sauuages || qui alloient au Saguenay) d'où nous renuoyames querir un canot en nostre

793

794

bourgade de S. Ioseph, par deux de nos hommes auxquels ie donnay un petit mot de lettre pour le P. Nicolas que ie leur expliquay, & attendant leur retour (apres auoir feruy Dieu) i'employay le reste du temps à visiter tous ces pauvres voyageurs, desquels i'appris la paix, la patience & la sobriété qu'il faut auoir en voyageant, lesquels ils pratiquoient merueilleusement bien.

Leurs canots estoient fort petits & aysez à tourner, aux plus grands il y pouuoit trois hommes, & aux plus petits deux avec leurs viures & marchandises. Je leur demanday la raison pourquoy ils se seruoient de si petits canots; mais ils me firent entendre qu'ils auoient tant de fascheux chemins à faire, & des detroits parmy les rochers si difficiles à passer, avec des fauts de sept à huit lieuës où il falloit tout porter, qu'avec de plus grands canots ils ne pourroient passer. Je louë Dieu en toutes choses, & admire sa diuine Prouidence, que si bien il nous donne les choses necessaires à la vie du corps plus abondamment qu'aux Sauvages, il douë aussi ces pauvres gens d'une patience au dessus de nous, qui supplée au deffaut des petites commoditez qui leur manquent plus qu'à nous.

795 Nostre canot estant arriué, ie ne vous scaurois expliquer l'admiration que nos Sauvages firent du petit mot de lettre que i'auois enuoyé au P. Nicolas, disant que ce petit papier auoit parlé à mon frere, & luy auoit dit || tout le discours que ie leur auois tenu par deça, & que nous estions plus que tous les hommes du monde, & en contoient l'histoire à tous, qui pleins d'estonnement admiroient ce secret, qui en effet est admirable. Cela me seruit bien à Kebec lors que ie

leur mis en main les petites necessitez que i'enuoiay audit Pere avec un mot de lettre, car leur ayant dit que s'ils y faisoient faute ce petit papier les accuse-roit, ils le creurent tellement que sans regarder au paquet, ils le rendirent fidellement au Pere.

Nous lisons presque une semblable histoire au sommaire des choses des Indes de Pierre Martyr, & d'autres en plusieurs endroits es histoires de ceux qui ont voyagé & conuersé parmy les peuples Sauuages, mais comme la chose est de soy assez commune & triuiale, ie me deporte d'en dire dauantage pour ce coup.

\* Toutes nos petites affaires estant faictes & disposées pour partir, nous fismes voile avec telle diligence, qu'enuiron le midy nous rataignimes le Truchement Bruslé, accompagné de cinq ou 6. canots du village de Toenchain, qui vogoient pour Kebec, avec lesquels nous fumes loger au plus prochain village des Al-goumequins, où dés que nous fumes cabanez, ie fus par tout visiter ces bonnes gens qui estoient assez bien aprouisionnez de poisson, particulierement de grands esturgeons gros comme de petits enfans, de quoy ie demeuray estonné.

|| Entrans dans le village, ie trouuoy presque par tout deuant les cabanes une quantité de sang de plusieurs grands esturgeons qui y auoit \* esté esuentrez; i'eusse bien desiré en traicter quelque morceau, mais ie n'auois pas de quoy; à la fin la fortune m'en voulut & trouuay un bon homme chantant auprès d'un grand feu où cuisoit un esturgeon decouppé par morceaux dans la chaudiere qui estoit sur le feu; m'ap-prochant de luy il interrompit sa chanson, s'informa

qui i'estois & qui m'auoit là conduict: apres luy auoir rendu responce & satisfait à sa demande (car il parloit Huron) il me pria du festin, de quoy ie fus fort ayse, & luy promis de m'y trouuer plus pour auoir suiet de leur parler de Dieu & apprendre quelque chose de leurs ceremonies, que pour le desir de la bonne chere, quoy qu'elle me vint bien à propos pour les grands ieufnes que la necessité m'auoit enioints depuis long-temps d'un tel rencontre.

A peine fus-ie de retour dans nostre cabane, que le semoneur du festin s'y trouua, lequel donna à chacun de ceux qu'il inuitoit une petite buchette, de la longueur & grosseur du petit doigt, pour marque qu'ils estoient du nombre des inuités, & non les autres qui n'en pouuoient monstrier autant, qui est un ordre qui ne se pratique point entre les autres Nations, non plus que de porter par les inuitez des farines au festin, comme firent nos Hurons pour le boüillon.

797 Il se trouua prés de 50. hommes à ce festin, || lesquels furent tous rassasiez plus que suffisamment de ce grand poisson, duquel chacun eut un bon morceau & une escuellée de la sagamité huylée. Pendant qu'on vuidoit les chaudieres, les Algoumequins les uns apres les autres firent l'exercice des armes pour faire voir à nos Hurons leur adresse & vaillantise aussi bien aux armes qu'au plat, & que s'ils auoient des ennemis, ils auoient aussi de la force & du courage pour les surmonter. A la fin ie leur parlay un peu de Dieu & de leur salut, à quoy ils sembloient prendre un singulier plaisir, & puis nous nous retirames tous chacun à son quartier & pensames de nostre voyage.

Le lendemain matin, apres auoir prié & desieuné, nous nous embarquames, & fumes loger sur un grand rocher ioignant la riuere, où ie m'accommoday dans un lieu caué dans le roc, qui estoit là en forme de cercueil; le liçt & le cheuet en estoient bien durs à la verité, mais ô mon Dieu, vostre sacré corps, & vostre chef couronné d'espines, estoient encores bien plus durement accommodés sur l'arbre de la sainte Croix, où mes pechez vous auoient attachez : pour l'amour de vous Monseigneur, ie me fouciois assez peu de ma peine & m'y accoustumois, il n'y auoit que les piqueures des moufquites & mouchérons, en nombre presque infiny dans ces deserts, qui me faisoient souuent crier à vous, & vous demander patience & la deliurance de ces importuns animaux, qui ne me donnoient aucun relasche ny le iour ny la nuict.

|| Enuiron l'heure du midy apparut l'arc en Ciel à 798  
l'entour du Soleil, avec de si viues & diuerfes couleurs, qu'elles attirerent long-temps mes yeux en admiration, puis un de nos Sauvages nommé Andatayon, passant prés d'un petit islet, tua d'un coup de fleche un animal ressemblant à une fouyné ou martre, elle auoit ses petites mamelles pleines de laiçt, qui me fait croire que ses petits n'estoient pas loin de là : & cet amour que la nature luy auoit donné pour sa vie & pour ses petits luy donna aussi le courage de trauffer les eauës & d'emporter la fleche qu'elle auoit au trauers du corps, qui luy fortoit également des deux costés, de forte que sans la diligence de nos Sauvages qui luy couperent chemin, elle estoit perduë pour nous; ils l'escorcherent, en ietterent la chair,

qu'ils n'estimoient pas bonne, & se contenterent de la fourrure, de laquelle ils firent un petit sac à petun, & de là continuans nostre chemin, nous allasmes à l'entrée de la riuere qui vient du lac des Epicerinys se descharger dans la mer douce.

Le iour ensuiuant, apres auoir passé un petit saut, nous trouuames deux cabanes d'Algoumequins dresfées sur le bord de la riuere, desquels nous traitames une grande escorce à cabaner & un morceau de poisson frais pour du bled d'Inde, duquel nous auions assez & trop de l'autre. De là nous nous egarames aussi bien que le iour precedent, par des sentiers detournez & dans des pais fort aspres & montagneux, couuerts de bois, desquels nous eumes || bien de la  
799 peine nous retirer & remettre dans le droit chemin.

Nous portames apres à six sauts assez proches les uns des autres, puis à un septiesme assez grand, au bout duquel nous trouuames quatre cabanes d'Algoumequins desquelles \* nous primes langue, & sceumes apres nous estre un peu rafraischis avec eux, qu'ils estoient partis pour un voyage de long cours, & neantmoins ils n'auoient aucune prouision de viures, que ce qu'ils pouuoient chasser & pescher chemin faisant, qu'estoit proprement marcher à l'Apostolique s'ils eussent esté Chrestiens.

Nous partimes de là sur le soir & allasmes cabaner sur une montagne proche le lac des Sorciers, où nous fumes visitéz de plusieurs Sauuages passans, car ils ont par tout ceste coustume de visiter les cabanes qu'ils rencontrent & les autres de les receuoir courtoisement & amiablement, du moins de visage, s'ils ne peuvent

dauantage, car pour le viure ils n'en ont iamais gueres trop.

Dés le lendemain matin que nous eumes fait chaudiere, nous nous embarquames dans nostre Nauire d'escorce, guers plus asseuré que la gondole de ioncs du petit Moÿse, & trauerfames assez fauorablement le lac Epicerinyen de 10. ou 12. lieuës de traict, lequel pour sa beauté & bonté merite bien que ie vous en fasse une description particuliere, apres que nous nous ferons cabanez sur la riue du canal de nostre lac Epicerinyen assez proche de leur village, & de plusieurs cabanes de passagers.

---

|| *Du lac & pays des Epicerinyens. — Des armoiries 800 des Sauuages. — Du P. Nicolas submergé, & de la Nation de l'Isle.*

#### CHAPITRE VII.

Le lac des Skecaneronons est un lac beau à merueille, profond & fort poissonneux, duquel les Sauuages qui habitent les riuës tirent une bonne partie de l'année leur principale nourriture & aliment, car les esturgeons, brochets & autres diuerses especes de poissons qu'il y a en grand nombre sont tres-excellens & delicats au possible, pour estre l'eau fort claire & nette. Il est de forme sur-ouale, c'est à dire un peu plus long que large, ayant de circuit plus de 25. lieuës, selon que ie pu iuger à la trauerse. Les petites Isles

qu'il enceint seruent fort à propos de retraicte aux Sauvages du pays, pour le temps de la pesche, où ils ont la commodité du bois pour faire chaudiere & de la prairie pour faire seicherie.

801 Quant il fait tant soit peu de vent, les Sauvages le trauerient avec grandes apprehensions, pour ce qu'il s'enfle alors comme une petite mer, mais ce qui est le plus admirable & de quoy ie m'estonnois le plus en ce lac, est (si ie ne me trompe) qu'il se descharge par les deux extremités opposites : car du costé des || Hurons il degorge cette grande riuere qui se va rendre dans la mer douce, & du costé de Kebec, il se descharge par un canal de sept ou huit toises de larges \*, mais tellement embarrassé du bois que les vents y ont fait tomber à succession de temps, qu'on n'y peut passer qu'avec peine, & en destournant continuellement les bois de la main ou des auirons.

On dit que la chasse est abondante dans le país, mais il me semble que sans ce lac les Sauvages Epicerinyens auroient de la peine à viure, car le poil & la plume ne se prennent pas aysement, si les neiges ne sont hautes pour le poil, & la saison propre pour la plume.

Le país n'est pas beaucoup agreable à cause des rochers & terres sablonneuses qui se voyent en beaucoup d'endroits, & neantmoins ses habitans en sont estat comme de l'Arabie heureuse, & pour ce disoient de fort bonne grace à Iean Richer leur truchement, que c'estoit la seule beauté de leur país qui l'auoit attiré, dont ils inferoient de là que la France estoit peu de chose en comparaison, puis qu'il l'auoit quittée & vouloit viure avec eux.

Tout nostre petit fait estant dressé, ie fus visiter le village des Sorciers, à la portée du pistolet, desquels ie traictay un morceau d'esturgeon pour un petit couteau fermant, car ils ne firent point estat de rassade rouge, qui est celle que toutes les autres Nations estimoient principalement.

Le matin venu nous nauigeames par le canal enuiron un petit quart de lieuë, puis nous || primes terre, & marchames par des chemins tres-fascheux & difficiles plus de quatre bonnes lieuës, excepté deux de nos hommes qui pour se soulager d'une partie du chemin conduirent leur canot par un ruisseau, auquel neantmoins ils se trouuerent souuent fort embarrassés & fort en peine, tant pour son peu d'eau, que pour le bois tombé dedans qui les empeschoit de passer, ce qui les contraignit à la fin de quitter ce ruisseau, prendre le canot & les marchandises sur leurs espauls, & d'aller par les terres comme nous.

Ie portoies les auirons du canot pour ma part du bagage, avec quelqu'autre petit paquet, avec quoy ie pensay tomber dans un profond canal, marchant sur des boises mal assurees; mais nostre Seigneur qui me voyoit des-ia assez en peine, m'en garentit, & tombay fauorablement sur le sable sans me blesser, & puis ie me releuay un peu motuillé & en peine qu'estoient deuenus mes gens, car ils estoient si legers du pied que ie les perdois de veuë à tout moment, à cause des bois, vallées & montagnes, & qu'il n'y auoit point de sentiers battus, mais à leur appel ie me remettois & allois à eux, lesquels au lieu de me crier m'encourageoient & excusoient ma lassitude qu'ils eussent bien

désiré foulager, & ne me contraignoient en rien; d'une chose estois-je bien assuré qu'ils ne m'abandonneroient pas, ne me laisseroient à la mercy des ours, plus-tost ils m'eussent porté sur leurs espaules que de me laisser malade, ou miserablement mourir sur les  
803 champs, comme || font les Sauvages errans leurs parens malades, trop vieux, ou du tout impotans.

Ce long & penible chemin fait, nous trouuames un lac, long d'une lieuë ou enuiron, au bout duquel ayant porté à un petit faut, nous rencontrames la grand\* riuere des Algoumequins qui descend à Kebec, sur laquelle nous nous embarquames.

Depuis le país des Hurons sortans de la mer douce iusques à l'entrée du lac des Epicerinys, nous auions tousiours eu le courant de l'eau contraire, mais depuis le canal du mesme lac qui se descharge par deça iusques à Kebec, nous l'eumes tousiours & les ruisseaux & riuieres fauorables, tellement qu'on peut inferer de là, que la terre des Epicerinys est plus haute que celle des Hurons & de Kébec.

Nous ne fuiimes pas tousiours, en descendant, le mesme chemin que nous prîmes en montant, comme ie remarquay tres-bien en ce que nous fusmes un long temps desfournez par les terres & les lacs, sans tenir de riuieres, ie ne sçay par qu'elle\* consideration, car le chemin en estoit plus long & penible, sinon que nous euitames le faut des Cousteaux, que les Sauvages nomment ainsi à cause que les pierres dures y coupent les piëds nuds comme cousteaux, ny par beaucoup d'autres endroits que nous auions passé en montant.

En fin après auoir bien trainé, heurté & porté, nostre pauvre canot, il fallut luy donner congé, car il n'en pouuoit plus, faisoit force eau, & nous menaçoit de couler à fond si on ny\* reme- || dioit promptement. 804  
Il fut donc question d'en faire un autre pour le reste du voyage, car de demeurer en chemin il n'y auoit point d'apparence, & d'auancer il n'y auoit plus moyen. Mes Sauuages furent donc chercher des escorces de bouleaux dans les plus prochaines forests pour y trauailler en toute diligence, pendant que ie restay seul en nostre cabane ioignant deux autres d'Aigoumequins avec lesquels ie m'entretins.

Ces Aigoumequins auoient deux ieunes ours priuez, gros comme moutons, qui continuellement lutoient, couroient & se ioüoient par ensemble, puis c'estoit à qui auroit plustost monté un arbre qu'ils embrassoient comme un homme & descendoient de mesme : mais l'heure du repas venuë, ces meschans animaux ne nous donnerent aucun repos, car de leur\* dents & de leurs pattes, ils nous vouloient arracher nos escuelles pour en manger la sagamité.

Mes Sauuages rapporterent avec leurs escorces, une tortuë pleine d'œufs, qu'ils firent cuire viuë les pattes contre-mont sous les cendres chaudes, & m'en firent manger les œufs gros & iaunes comme le moyeu d'un œuf de poule, sa chair sembloit veau, mais i'eusse esté fort ayse de m'en priuer, plustost que de voir enseuelir dans les brasiers ardans cette pauvre beste en vie, qu'ils accommoderent de la sorte, peut-estre en sacrifice, car comme i'ay dit ailleurs ils en ont quelque espece.

Ce lieu estoit fort plaissant & agreable, accommodé  
805 d'un très-beau bois de gros pins fort || hauts, droits  
& presque d'une egale grosseur & hauteur, sans mes-  
lange d'aucun autre bois que de pins, net & vuide de  
brossailles & halliers, de sorte qu'il sembloit estre  
l'œuvre & le travail d'un excellent iardinier.

Auant partir de là, mes Sauvages y affichèrent les  
armoiries du bourg de S. Joseph, autrement Quieu-  
nonascaran; car chacun bourg ou village des Hurons  
a ses armoiries particulieres, qu'ils affichent sur les  
chemins faisans voyages, lorsqu'ils veulent qu'on sça-  
che qu'ils ont passé celle part, ou pour autre raison  
qu'ils ne m'ont pas fait sçavoir.

Les armoiries de S. Joseph furent peintes sur  
un morceau d'escorce de bouleau, de la grandeur  
d'une feuille de papier, où il y auoit un canot gros-  
sierement crayonné avec autant de traits noirs tirez  
dedans comme ils estoient d'hommes, & pour mar-  
que que l'estoient leur compagnie, ils auoient grossiere-  
ment peint un homme au-dessus des traits du mi-  
lieu, & me dirent qu'ils faisoient ce personnage ainsi  
haut esleué par-dessus les autres, pour donner à en-  
tendre aux passans qu'ils auoient un Capitaine Fran-  
çois avec eux (car ainsi m'appelloient-ils), & au bas  
de l'escorce pendoit un morceau de bois sec, d'enui-  
ron demy-pied de longueur & gros comme trois  
doigts, attaché d'un brin d'escorce, puis ils pendirent  
cette armoire au bout d'une perche fichée en terre,  
un peu penchante sur le chemin.

Toute cette ceremonie estant acheuée, nous parti-  
806 mes avec nostre nouveau canot, & por- || tames en-

cores ce iour-là mesme tout nostre equipage à 6. ou 7. fauts , mais comme nous pensâmes apres descendre un courant d'eau, nous fûmes portez si rudement contre un rocher, qu'il fist un trou dans nostre canot, qui le pensa couler à fond, si la diligence de nos hommes ne nous eust mis promptement à terre, où nous recoufimes une piece à la blessure.

Je ne fay point icy mention de tous les hazards & dangers que nous courûmes en chemin, ny de tous les fauts où il nous fallut porter tous nos pacquets par de tres-longs & fascheux chemins, ny comme beaucoup de fois nous courûmes risque de nostre vie, & d'estre submergez dans les cheutes d'eau espouventables, comme a esté du depuis le bon P. Nicolas & un ieune garçon François nostre disciple, qui le suyvoit de près dans un autre canot, pour ce que ces dangers & perils sont si frequens & ordinaires, qu'en les descruans tous, ils sembleroient des redites par trop rebatues, c'est pourquoy ie me contente d'en rapporter icy quelqu'uns, & lors seulement que le sujet m'y oblige.

Le soir, apres un long trauail, nous cabanames à l'entrée d'un faut, d'où ie fus long-temps en doute que vouloit dire un grand bruit accompagné d'une grande & obscure fumée qui s'eleuoit iusques à perte de veuë. Je disois, ou qu'il y auoit là un village ou que le feu estoit dans la forest à une lieuë de nous, mais ie me trompois en toutes les deux sortes, car ce grand bruit & ces fumées prouenoient d'une cheute || d'eau de 25. ou 30. pieds de haut entre des rochers que nous trouuames le lendemain matin. Apres ce faut,

environ la portée d'une arquebuzade, nous rencontrames sur le bord de la mesme riuere ce puiffant rocher, duquel i'ay fait mention au chapitre 30. de ce 2. livre, que mes Sauvages croyoient auoir esté homme mortel comme nous, & puis metamorphosé en ceste pierre par la permission & le vouloir du Createur. A un quart de lieuë de là, nous trouuames encore une terre haute, entremeslée de rochers, plate & unie au dessus & qui seruoit comme d'une haute muraille à ceste riuere Algoumequine.

Ce fut icy où mes gens, pour ne me pouuoir persuader que ceste montagne eust un esprit viuant dans ses entrailles, qui la regit & gouuerne, m'en monstrent un visage assez austere contre leur ordinaire. Apres nous portames encores tout nostre equipage à 3. ou 4. sauts, au dernier desquels nous nous arrestames un peu à couuert sous des arbres pendant un grand orage qui nous auoit des-ia percés, de toutes parts iusques aux os, puis apres auoir encore passé un grand saut où le canot fut en partie porté & en partie traîné, fumes cabaner sur une pointe de terre haute esleuée contre la riuere qui vient du Saguenay & va à Kebec, & celle-cy qui se rendoit & perdoit dedans tout de trauers.

Les Hurons descendent iusqu'icy pour aller au Saguenay, & vont contre-mont l'eau, & neantmoins la  
808 riuere du Saguenay qui entre dans || la grande riuere S. Laurens à Tadoussac, à \* son fil & courant tout contraire, tellement qu'il faut necessairement que ce soient deux riuieres distinctes, & non une seule, puisque toutes deux se rendent & se perdent dans le

mesme fleuve S. Laurens, il est vray qu'il y a de la distance d'un lieu à l'autre près de 200. lieuës, c'est pourquoy ie n'asseure nullement de rien, puis mesmes que nous changeames si souuent de chemin, allans & reuenans des Hurons à Kebec, que cela m'a fait perdre l'entiere certitude & la vraye cognoissance du droit chemin & de la situation des lieux, autrement ie l'aurois mieux obseruée.

Nous laissames le chemin de main gauche qui conduit en la Prouince du Saguenay, & prismes celui qui est à droite pour Kebec, mais il me resouient encore de l'estonnement admirable que causoit en nos yeux ce meslange de riuieres, car nous fismes plus de 6. ou 7. lieuës de chemin que ie ne pouuois encore sortir de l'opinion (ce qui ne pouuoit estre) que nous allions contre-mont l'eau, & ce qui me mit en ceste erreur fut la grande difficulté que nous eumes à doubler la pointe & que le long de la riuiere iusqu'au faut l'eau se soustenoit, s'enflloit, tournoyit & bouillonnoit par tout comme une chaudiere sur un grand feu, puis des raports & traînées d'eau qui nous venoient à la rencontre un fort long espace de temps, & avec tant de vitesse, que si nous n'eussions esté habiles de nous en destourner avec la mesme promptitude, nous estions pour nous y perdre & submerger. Je demanday à mes Sauvages que c'estoit, & || d'où 809 cela pouuoit proceder; ils me respondirent que c'estoit un œuure du diable ou le diable mesme.

Approchans du faut, un tres-mauuais & dangereux endroit, nous receumes des grands coups de vagues dans nostre canot, & encor en danger de pis si les

Sauvages n'eussent esté silez & habiles à la conduite d'iceluy. Pour leur particulier ils se foucioient assez peu d'estre mouillez, car ils n'auoient point d'habits sur le dos qui les empeschat de dormir à sec, mais pour moy cela m'estoit un peu incommode, & craignois fort pour nos liures particulièrement, mais cette crainte ne m'empeschoit pas d'estre bien mouillé, & de me leuer le matin sans estre seiché.

Nous nous trouuâmes un iour bien empeschés dans des grands bourbiers & profondes fanges, approchant d'un lac, où il nous fallut passer avec des peines nonpareilles, & si subtilement & legerement du pied que nous pensions à toute heure enfoncer iusques par dessus la teste au profond du lac, qui portoit en partie cette grande estenduë de terre noire & fangeuse : car en effet tout trembloit sous nous.

De là nous allâmes prendre nostre giste en une ancre de terre, où desia estoient cabanez depuis quatre iours un bon vieillard Huron, avec deux ieunes garçons, qui estoient là attendans compagnie pour passer à la traite par le pays de Honqueronons ; car || ils n'y osoient passer seuls, pour ce que ce peuple est malicieux iusques là que de ne laisser passer par leurs terres au temps de la traicte un ou deux canots seulement, mais veulent qu'ils s'attendent l'un l'autre, & passent tous à la fois, pour auoir leurs bleds & farines à meilleur prix, qu'ils leur contraignent de traiter pour des pelleteries.

Le lendemain arriuerent encore deux autres canots Hurons, qui cabanerent auprès de nous ; mais pour cela personne n'osoit se hasarder de passer, peur d'un

affront. A la fin mes hommes, qui n'estoient pas en resolution de faire là un si long seiour, me supplierent d'accepter la charge de Capitaine de leurs canots, & d'auoüer pour miennes toutes leurs marchandises, bleds & farines, ce que ie fis par charité & pour leur conseruation, car sans cette inuention ils n'eussent pas ozé passer, & passants ils eussent peut estre esté aussi maltraitez de ce peuple superbe que deux autres canots Hurons qui n'estoient point de nostre bande, & voulurent tenter la fortune contre nostre aduis, mais à leur despens, car leurs marchandises leur furent ostées & en partie vollées, & le reste payé à vil prix.

---

|| *Des Honqueronons ou Sauvages de l'Isle, & de leur humeur, & d'un lac couuert de papillons.* 811

#### CHAPITRE VIII.

Nous partîmes donc de cette ancre de terre, mais ayans à peine aduancé une demie-heure de chemin, nous aperceumes deux cabanes que nous creumes estre de l'Isle, dressées en un cul de sac, en lieu eminent, d'où on pouoit descourir de loing tous ceux qui entroient dans leurs terres. Mes Sauvages les voyans eurent opinion que c'estoient sentinelles posées pour leur en empêcher le passage, & qu'il estoit nécessaire de les aller recognoistre, & sçauoir d'eux si c'estoit à nous à qui ils en vouloient, & là-dessus me

prierent de me cacher dans le canot, afin que n'estant aperceu d'eux, ie peusse estre tesmoin auriculaire de leur discourtoisie & dispute, pour leur en faire après une reprimande, & m'ils \* n'auroient garde, car disoient-ils, s'ils vous apperceuoient auant de nous parler, ils n'auroient garde de nous gourmander, & par ainsi vous feriez en doute de leur malice & de nostre iuste apprehension.

812 Nous approchames de ces deux cabanes || en la posture qu'ils desirerent, & leur parlames un assez long-temps, mais ces pauures gens ne songeoient à rien moins qu'à nous, & ne s'estoient là cabanez que pour la pesche & la chasse, à quoy ils s'occupoient pour viure, & par ainsi nous reprîmes promptement nostre route, & allames passer par un lac assez grand, & de là par la riuere qui conduit au village, laissant à main gauche le droit chemin de Kebec, d'où on comptoit de là enuiron cent quatre vingts lieuës.

Le louë mon Dieu de toutes choses, & le prie que ma peine & mon traual luy soient agreables, mais il est vray que nous pensames perir ce iour-là en deux tres-mauuais endroits proche la cheute du lac dans la riuere, où l'eau par ses soudains sousleuemens & ses ondes inopinées nous pensa engloutir & couler à fond.

Ces perils passés, nous fumes descendre dans un petit bois taillis, tout couuert de fraizes, desquelles nous fîmes nostre meilleur repas, & reprîmes nouvelles forces pour passer iusques à nos Quieunontateronons, où nous arriuames ce iour-là mesme, apres auoir fait vingt lieuës & plus de chemin.

Ce village estoit placé sur le bord de la riuere dans une belle pleine, d'où nous fumes apperceus à plus d'une lieuë du port, où presque tous les Sauvages se rendirent avec de grandes huées & des bruits qui nous || estourdissoient, car on n'entendoit partout 813 qu'une voix, ou par complimens, ou pour se moquer de nous, qui nous rengions à leur mercy, ie croy neantmoins le premier par une raison qu'ils esperoient profiter de nos viures, car à mesme temps que nous eumes mis pied à terre, ils sauterent dans nostre canot, & se faisirent de nos bleds & farines, pour les eschanger à leur deuotion contre des pelleteries qu'ils ont à foison; mais comme la charité bien ordonnée commence à foy-mesme, sçachans que nos viures nous faisoient besoin, i'y mis le hola (car mes gens n'osoient dire mot), & par ce moyen tout nous fut conserué, & porté au lieu que choisimes pour cabaner, un petit iet de pierre esloigné du village, pour euter leurs trop frequentes visites.

Il ne faut point douter neantmoins que ces Honqueronons ne vissent bien (comme ils nous en firent quelque \* reproches) que les bleds & farines n'estoient point à moy, & que ce que ie m'en disois le maistre estoit de l'inuention de mes gens, qui m'en auoient prié pour les conseruer, & s'exempter de leur violence & importunité, mais il leur fallut auoir patience & mortifier leur sentiment, car ils n'osoient m'attaquer ou me faire du desplaisir, peur du retour à la traite de Kebec, où ils ont accoustumé d'aller tous les ans faire leur emploite, & rapporter des marchandises.

Ce peuple est (à mon aduis) le plus reue- || che, le 814

plus superbe & le moins courtois de tous ceux que j'ay iamais conuersé en toutes les terres du Canada, du moins me l'a-il semblé pour le peu que ie les ay pratiqués, mais aussi est-il le mieux couuerte,\* le mieux matachié, & le plus iolüement paré de tous, comme si la brauerie estoit inseparablement attachée à la superbe & la vanité, comme nous voyons en quelque \* parens de nos Religieux, lesquels semblent auoir honte de s'aduoüer pour tels, pour les voir pauvement habillez, mesprisez des gens du neant, crottez, mal chauffez, & mandier par les ruës avec la besace, comme pauvres de Iesus Crist. O siecle peruertü, o vanité déplorable, vous mesprisez ceux qui ont choisi la basseffe pour l'amour de Iesus-Christ, mais ce sera à vostre confusion, car ils feront un iour vos Iuges & condamneront vostre mespris, car pourquoy en faites-vous moins d'estat que s'ils estoient feculiers?

Les ieunes femmes & filles sembloient des Nymphes, tant elles estoient bien aiustées, & des Comediennes, tant elles estoient legeres du pied; vous les voyez la teste leuée par le village, couuertes de matachias, sauter, courir, & se resioüir plaisamment comme si elles eussent esté assurees d'une éternelle felicité, ainsi au vray dire elle \* n'ont pas peur d'un Enfer, ny de perdre un Paradis: qu'elles ayent quelque chose à manger, les voylà contentes, si elles n'ont rien  
815 elles ont la patience. || Nous passames tout le reste du iour dans nostre cabane, & encore le suiüant, pour la venuë du Truchement Bruslé, puis nous trouffames bagage dés le lendemain matin, car nous mourions de faim sans pouuoir obtenir un seul morceau de pois-

son qu'à prix desraisonnable, peut-estre par un ressentiment de ne leur auoir laissé nos bleds & farines à l'abandon, comme ils s'estoient promis. Ils ne laissoient pourtant de nous venir voir en nostre cabane, mais plustost pour nous obseruer que pour s'instruire de leur salut, & nous faire offre de leur seruice.

Au partir du village, nous allames cabaner en un lieu tres-propre pour la pesche, d'où nous eumes du poisson de diuerfes especes plus que suffisamment pour tout ce iour-là, nous en fismes de rostis & de bouillies, sans autre sauce que du bon appetit, mais mes gens qui n'escailloient point celuy qu'ils deminssioient dans le brouët, non plus que celuy qui se mangeoit en autre façon (telle estant leur coustume), estoit la cause qu'à chaque cueillerée de sagamité qu'on prenoit, il en falloit cracher une partie dehors, & pour une autre inciuilité, s'ils auoient un morceau de viande à deminsser, ils se seruoient de leur \*pieds crottez pour la tenir, & d'un meschant cousteau pour la couper.

Les grands orages qu'il fit ce iour-là, & qui durent iusques au lendemain matin, nous || firent loger 816 fort incommodement dans un maret, où d'auanture nous trouuames un chien égaré, que mes Sauvages prirent & tuerent à coups de haches, puis le firent bouillir pour nostre soupper. Comme au Chef ils me presenterent la teste, mais ie vous asseure que sa grand'gueule beante la rendoit si hideuse & de mauuaise grace, que ie n'eus pas assez de courage pour en manger, & me contentay d'un morceau de la cuisse, que ie trouuay tres-bonne.

Ces bons Sauvages me desnichioient parfois des aigles, mais comme cestoyseaux tres-lourds, quand i'estois las de les porter, nous en faisions chaudiere, & nous seruoient de pitance, excepté d'une qu'ils ne voulurent point manger, ie ne sçay par qu'elle \* superstition, car comme i'estois occupé hors dela cabane avec quelque \* Sauvages, ils luy tordirent le col pour auoir ses cousteaux, & la ietterent au loing, me donnant à entendre qu'elle estoit morte d'elle-mesme, & qu'ils n'y auoient pas cooperé, cè que ie ne pû croire, & pour preuue ie leur monstray le col rompu, & neantmoins ils n'en voulurent iamais manger, ny prendre la peine de la faire cuire, peut estre pour auoir esté estouffée.

Le iour ensuiuant, apres auoir tout porté à cinq ou six fauts, & passé par des lieux tres-perilleux, nous primes giste en un petit hameau d'Algoumequins, sur le bord de la riuere, qui a en cet endroit plus  
817 de || cabanes qu'il y auoit là, faites en rond, & desquelles l'entrée estoit fort estroite, bouchée d'une petite peau d'eslan, mais si pauvres au dedans, qu'elles me sembloient les hermitages des anciens peres hermites de la Thebayde, selon qu'on les despeint.

Le lieu estoit aussi pauvre & sterile comme les maisons, car ce n'estoit qu'un rocher couuert d'un peu de sable par endroits, & de quelque \* petits arbrisseaux qui seruoient de retraite aux oyseaux, ie fus par tout chercher des fraizes & des bleuëts, mais tout estoit desia dissipé, car comme ces petits fruiçts seruent de manne aux Algoumequins, ils les amassent

soigneusement pour en faire seicherie. Le Truchement Bruslé, qui nous suiivoit de prés, nous y vint trouver & s'y logea, mais aussi incommodement que nous.

Le matin venu, nous batimes aux champs sans tambour, car il n'y auoit point de plaisir en lieu si miserable, & vismes environ midy deux arcs-en-ciel, fort visibles & apparens, qui tenoient deuant nous les deux bords du fleuve, comme deux arcades sous lesquelles il sembloit à tout moment que deussions passer. Il y a eu de certains peuples qui l'ont eu en telle veneration, que s'ils le voyoient paroistre en l'air, ils fermoient la bouche aussi tost, & y portoient la main deuant, pour ce qu'ils s'imaginoient que s'ils pouuroient tant soit peu, leurs dents en seroient pourries & gâtées. Je n'ay point veu pratiquer cette sottise entre nos Hurons, || mais ils en croyoient bien d'autres 818 qui ne valent guere mieux.

Le soir arriué, mes Sauvages mangerent un \* aigle de laquelle ie ne mangeay pas seulement du bouillon, & encor moins de la chair, car il estoit iour de Vendredy; ces pauvres gens m'en demanderent la raison, car ils sçauoient bien ma necessité, & le peu que nous auions pris le matin au partir, & ayant sceu que ie le faisois pour l'amour du bon Iesus, ils en resterent fort edifiez & contents, car comme ils sont exacts obseruateurs de leurs ceremonies, ils trouuoient aussi tres-bon que nous fissions selon nostre croyance, & eussent trouué mauuais qu'eussions fait du contraire pour aucun respect.

Si tost qu'il commença à faire iour, nous nous mis-

mes sur l'eau, couvertes \* par tout d'un nombre presque infiny de papillons, en l'estenduë de plus de trois heures de chemin, & la riuere qui sembloit un lac en cet espace, large de plus de demye-lieuë, estoit de mesme partout couuerte de ces petits animaux, de sorte que i'eusse auparauant douté, s'il y en auroit bien eu autant en tout le reste du Canada comme il s'y en estoit noyé dans cette seule riuere. De dire quel vent les auoit là amenez, & comme il s'y en est pû trouuer un si grand nombre en un seul endroit, c'est ce que ie sçay moins que des mousquites & coufins \*, qui sont engendrez de la pourriture des bois.

819 Passé cette mer de papillons, nous trouuames une || cheute d'eau dans laquelle un François nommé la Montagne, pensa tomber avec tous ses Sauvages, d'où ils ne se fussent iamais retirez que morts & brisez des rochers. Leur imprudence les auoit mis dans ce danger, pour n'auoir pas assez tost pris terre, & s'ils ne se fussent promptement iettez dans l'eau, le courant les iettoit infailliblement dans le precipice, & de là à la mort, qu'estoit la fin de leur voyage.

---

*Du saut de la Chaudière, de la petite Nation, & de la difficulté que nous eumes avec les Algonmequins & Montagnais, du tresor publicque des Hurons, & la suite de nostre voyage iusques à Kébec.*

CHAPITRE IX.

Nous auons cy deuant fait mention de plusieurs

cheutes d'eau, & de quantité de sauts tres-dangereux, mais en comparaifon de tous ceux-là, celuy de la Chaudiere, que nous trouuames demye-heure de chemin apres celuy de la montagne, est le plus admirable & le plus perilleux de tous : car outre le grand bruit que caufe la chute de || plus de sept ou huit brasses de haut entre des rochers, qui se fait entendre de plus de deux lieuës de loin, il est large d'un grand quart de lieuë, traufferfé de quantité de petites Isles, qui ne font que rochers afpres & difficilles, couuerts en partie de petits bois, le tout entrecoupé de concautez & precipices, que ces boüillons & cheutes ont fait à fucceffion temps \*, & particulierement à un certain endroit où l'eau tombe de telle impetuofité fur un rocher au milieu de la riuiera, qu'il s'y est caué un large & profond baffin : fi bien que l'eau courant là dedans circulairement, y fait de tres-violans & puiffans boüillons, qui envoient en l'air de telles fumées du poudrin de l'eau qu'elles obscurciffent partout l'air où elles paffent.

Il y a encore un autre femblable baffin, ou chaudiere, prefque auffi large, impétueux & furieux que le premier, & de mefme rend fes eauës en des grands precipices, & cheutes de plusieurs toifes de haut. Les Montagnais & Canadiens, à raifon de ces deux grandes concautez qui boüillonnent & rendent ces grandes fumées, ont donné à ce saut le nom Afticou, & les Hurons Anoo, qui veut dire chaudiere en l'une & en l'autre langue.

Or, comme ie m'amufois à contempler toutes ces cheutes & precipices pendant que mes Sauuages def-

821 chargeoient le canot || & portoient les paquets au delà du faut, ie me prins garde que ces rochers où ie marchois sembloient tous couuerts de petits limas de pierre, & n'en peux donner autre raison, sinon que c'est, ou de la nature de la pierre mesme, ou que le poudrin de l'eau qui donne iusques là-dessus, peut auoir causé tous ces effects, ou comme il y a quelque apparence, qu'une quantité de limas estans venus là mourir (comme cette infinie multitude de papillons que ie vis noyez dans la riuere) se soient conuertis en pierre, par le continuel arrousement de la fraicheur, ou froideur de ce poudrin, & ce qui me donne quelque croyance est, d'auoir veu & manié autrefois des poires & un morceau de pain conuertis en pierre, ce qui ne se peut neantmoins qu'avec une grande longueur de temps, & en des lieux particulieres\* & fraiz, comme sont les quarrieres où les poires & le pain auoient esté metamorphosez, au rapport du Matematicien du Roy qui me les fit voir enuiron l'an 1604.

Ce fut aussi en ces contrées où ie trouuay des plantes de lys incarnats, ils n'auoient que deux fleurs au coupeau de chacune tige, mais elles estoient rauissantes, de plus curieux que moy en eussent apporté en France, mais ie me contentay de louer Dieu en les admirans, & de les laisser pour l'amour du mesme Dieu.

822 MesSauuages, arriuans à ce faut, me \* firent || point les ceremonies ordinaires, ou pour auoir trop de haste, ou à raison que ie les auois repris de semblables superstitions, lesquelles sont telles selon que nous auons appris du sieur Champlain.

Après que les Hurons & Sauvages ont porté tous leurs paquets & les canots au bas du faut, ils s'assemblent en un lieu, où un d'entr'eux avec un plat de bois va faire la quête, & chacun d'eux met dans ce plat un morceau de petun. La quête faite, le plat est mis au milieu de la troupe, & tous donnent à leur tour \* en chantans à leur mode ; puis un des Capitaines fait une harangue, remontrant que dés longtemps ils ont accoustumé de faire une telle offrande, & que par ce moyen ils sont garantis de leurs ennemis, qui les attendent souuent au passage, & qu'autrement il leur arrieroit du desplaisir.

Cela fait, le harangueur prend le plat & va ietter le petun au milieu de la chaudiere du dessus les rochers, puis tous d'une voix font un grand cry & acclamation, en finissant la ceremonie.

A une petite lieuë de là, nous passames à main droite deuant un autre faut, ou cheute d'eau admirable, d'une riuere qui vient du costé du Su, laquelle tombe d'une telle impetuosité de 20. ou 25. brasses dans la grande riuere où nous estions, qu'elle fait deux arcades, qui ont de largeur près de deux ou trois cens pas. Les ieunes hommes Sauvages se donnent quelquefois le plaisir de passer avec leurs canots || par dessous la plus large, & ne se mouillent 823 que du poudrin de l'eau, mais ie vous assure qu'ils font en cela un acte de grand \* folie & temerité, pour le danger qu'il y a assez eminent : & puis à quel propos s'exposer sans profit, dans un suiet qui leur peut causer un iuste repentir, & attirer sur eux la risée & moquerie de tous les autres?

Autrefois les Hiroquois venoient iusques là surprendre nos Hurons allans à la traite, mais à present ils ont comme désisté d'y plus aller, iusques en l'an 1632, qu'ils firent des courtes iusques à Kebec, pensans surprendre de nos François & Montagnais au despourueu, & l'année suiuate le second iour de Iuin, furent aux trois riuieres, où ils tuerent deux François à coups de haches, & en blefferent cinq autres à coups de fleches, dont l'un mourut bientoft apres. Ils eurent bien la hardiesse d'aborder encore la chaloupe avec leurs canots, & sans qu'un François les coucha en iouë avec son harquebuze où il n'y auoit ny balle ny poudre, il est croyable que pas un n'en fust eschappé, & qu'ils se fussent rendus maistres de la chaloupe & de tout l'equipage des François.

Le sieur Goua, qui commandoit à la barque à demye-lieuë de là, ayant ouy les cris du combat, despescha aussitost une chaloupe au secours, & luy mesme suiuit apres avec sa barque, mais trop tard, car quand ils arriuerent là, les Hiroquois auoient desia fait leur  
824 coup || & faisoient leur retraite dedans les bois, où aucun François n'eust ozé les suiure pour aucun commandement de leur Chef, s'excusant sur le danger trop eminent, & par ainsi ces Hiroquois nous ayans braués & battus iusques dans nos terres, s'en retournerent glorieux avec les testes des meurtris.

On peut admirer en cecy la hardiesse de ces Sauuages, d'auoir ozé, sans crainte des espées ny des mouffquets, trauerfer tant de pays & de forests, & attaquer de nos François és contrées de l'habitation sans que iamais on en aye pû tirer de reuanche, & puis il y en

a qui veulent dire qu'ayans leur harquebuze chargée, ils tiendroient teste à dix Sauvages; ce seroit bien assez à deux bien deliberez, car ils sont prompts de l'œil, & du pied pour s'esquiver, & grandement adroits du bras pour vous tirer, & puis gard les surprises.

Mes Hurons à tout euenément se tindrent tousiours sur leur garde, peur de surprise, & s'allèrent cabaner hors du danger, & comme nous souffrimes les grandes ardeurs du soleil pendant le iour; il nous fallut de mesme endurer les orages, les grands bruits de tonnerre, & les pluyes continuelles pendant la nuit, iusques au lendemain matin, qu'elle nous perça iusques aux os.

Qui fut alors bien empesché de sa contenance, ce fut moy, car ie ne sçauois mesme pas comment me gouverner dans nostre habit trempé, qui m'estoit fort lourd & froid sur || les espauls où il fut deux iours à seicher, dont ie m'estonne que ie n'en tombé \* ma-  
825

lade, mais Dieu tres-bon me fortifiait tousiours au plus fort de mes peines & labeurs.

Un surcroy d'affliction nous arriua dans nos incommoditez de deux Algonmequins, lesquels nous estans venus voir apres la pluye passée, nous firent croire, du moins à mes gens, que la flotte Françoisé estoit perie en mer, & que c'estoit perdre temps de vouloir passer outre. Mes Hurons furent viuement touchez de cette mauuaise nouvelle, & moy d'abord avec eux, mais ayant un peu ruminé à par moy & considéré ce qui en pouuoit estre, ie me doutay incontinent de la malice des Algonmequins, qui auoient controuué ce mensonge pour nous faire rebrousser

chemin & ensuite persuader à tous nos Hurons de n'aller point à la traite, pour en auoir eux-mêmes tout le profit, ce que ie fis sçauoir à mes gens qui reprirent courage & continuerent leur voyage avec esperance de bons succès.

De là nous allames cabaner à la petite Nation, que nos Hurons appellent Quieunontateronons, où nous eumes à peine pris terre & dressé nostre cabane, que les deputez du village nous vindrent visiter, & supplierent nos gens d'essuyer les larmes de 25. ou 30. pauvres femmes veufues, qui auoient perdu leur marys l'hyuer passé, les uns par la faim & les autres de diuerses maladies. Voyant mes hommes un peu trop retenus à faire plaisir à ces estrangers, ie les priay de

826 || ne les pointesconduire & que tout ne consistoit qu'à quelque petit present qu'il falloit faire à ces pauvres veufues, comme il se pratiquoit mesme entr'eux pour semblables occasions. Ils en firent en effect leur petit deuoir & leur donnerent une quantité de bled d'Inde & de farine, qui les resioût fort, & en fus moy mesme bien ayse, tant elles me faisoient compassion, & puis c'est une nation si honneste, douce, & accommodante d'humeur, que ie m'en trouuay fort edifié & fatisfait.

Ce fut icy où ie trouuay dans les bois, à un petit quart de lieü du village, ce pauvre Sauvage malade, enfermé dans une cabane ronde, couché de son long auprès d'un petit feu, duquel i'ay fait mention cy-deuant au chapitre des malades.

Me promenant par le village de cabane en cabane pour mon diuertissement, un ieune garçon me fit pre-

sent d'un petit rat musqué, pour lequel ie luy donnay en eschange un autre petit present duquel il fist autant d'estat que moy de ce petit animal.

Le Truchement Bruslé, qui s'estoit là venu cabaner avec nous, traicta un chien, duquel nous fismes festin le lendemain matin en compagnie de quelques François, puis nous partimes encores dans de nouveaux doutes de la perte des nauires de France, que les Algoumequins nous asseuroient indubitablement, comme en effet il y avoit pour lors quelque apparence en ce qu'ils tardoient à venir beaucoup plus qu'à l'ordinaire; ie tenois neantmoins tous- || iours bonne mine à mes gens & les asseurois du contraire peur qu'ils s'en retournassent, comme ils en faisoient souvent le semblant. 827

Passans au faut S. Louys, long d'une bonne lieue & tres-furieux en plusieurs endroits, mes Sauvages ne voulurent pas tousiours tenir la terre, comme on a accoustumé, mais aux endroits moins dangereux, ils remettoient leur canot dans l'eau, où nostre Seigneur me preferua d'un precipice & cheute d'eau, où ie m'en allois tomber infailliblement : car comme mes Sauvages en deseaux basses conduisoient le canot à la main, estant moy seul dedans, pour ce que ie ne les pouvois fuiure dans les eaux à cause de mon habit, ny par terre où les riués estoient trop hautes & embarrassées de bois & de rochers, la violence du courant leur ayant fait eschapper des mains, ie me iettay fort à propos (aydé de Dieu) sur un petit rocher en passant, puis en mesme temps le canot tomba par une cheute d'eau dans un precipice, parmy les bouillons & les

rochers, d'où ils le retirèrent fort blessé avec la longue corde que (preuoyant le danger) ils y auoient attachée, & apres ils le raccommoderent avec des pieces d'efcorces qu'ils chercherent dans le bois & me vindrent requerir sur mon rocher.

Depuis nous souffrimes encores plusieurs petites disgraces & des coups d'eau dans nostre canot, avec des grandes, hautes & perilleuses eleuations, qui faisoient dancier, hauffer & baisser nostre vaisseau d'une merueilleuse façon, pendant que ie m'y tenois couché  
828 & ra- || courcy, pour ne point empecher mes Sauvages de bien gouverner, & voir de quel bord ils deuoient prendre.

De là nous allames cabaner assez incommodement dans une sapiniere au pied dudit faut, d'où nous partimes le lendemain matin encore tout mouillez & continuames nostre chemin entre deux Isles, par le lac dans lequel se descharge ledit faut, & de ce lac par la riuere des Prairies, autrement des Algoumequins, d'où il y a iusqu'au lac des Episceriny, plus de 80. fauts à passer tant grands que petits, dont les uns sont très-dangereux, principalement à descendre, car à monter cela ne se peut, sinon à bien peu, par le moyen d'une corde attachée au canot.

Nous auions esté fort mal couchez la nuist passée, mais nous ne fumes pas mieux la suiuate, car il nous la fallut passer à deux lieuës du Cap de Victoire, sous un arbre bien peu à couverts des pluyes, qui durerent iusques au lendemain matin, que nous nous rendimes audit Cap, où desia estoit arriué depuis deux iours le Truchement Bruslé, avec deux ou trois ca-

nots Hurons, duquel i'appris la deffence que les Montagnais & Algoumequins leur auoient faites \* de passer outre, voulans à toute force qu'ils attendissent là avec eux les barques de la traicte, & qu'ayans pensé leur resister ils s'estoient mis en hazard d'estre tous affommez, particulièrement luy Truchement Bruslé, qui en auoit esté pour son sac à petun, & craignoit encore un autre plus mauuais || party, s'y \* on n'y ap- 829  
portoit quelque remède.

Je trouuay ce procedé fort mauuais & en fis quelque \* reproches à ces mutins, qui me dirent pour excuse que si personne ne descendoit, les barques seroient contrainctes de les venir trouuer, sans auoir la peine de trainer leurs femmes & leur \* enfans iusques à Kebec, où il n'y auoit de quoy disner pour eux. Je leur dis que i'y auois necessairement affaire, & que ie desirois y descendre, & que pour eux qu'ils en fissent comme ils voudroient. Cette resolution ne les contenta pas beaucoup, neantmoins ils ne voulurent pas me violenter comme ils auoient fait le Truchement, mais ils trouuerent une autre inuention plus fauorable pour intimider nos Hurons & tirer d'eux quelque petit present.

Ils firent donc femer un faux bruit qu'ils venoient de receuoir vingt colliers de pourceleines des Ignierhonons (ennemis mortels des Hurons), à la charge de les enuoyer aduertir à l'instant de l'arriuée desdits Hurons, pour les venir tous mettre à mort, & qu'en bref ils seroient icy.

Nos gens vainement espouuentez de cette mauuaise nouvelle, tindrent conseil là-dessus, un peu à l'escart

dans le bois, où ie fus appellé avec le Truchement, qui estoit d'aussi legere croyance qu'eux, & pour conclusion ils se cotizerent tous, qui de rets, qui de petun, bled, farine & autres choses, qu'ils donnerent aux Capitaines des Montagnais & Aloumequins, pour  
830 estre protegez contre leurs enne- || mis. Il n'y eut que mes Sauvages qui ne donnerent rien, car m'ayant demandé d'y contribuer, ie leur dis que ie ne fournissois rien pour autoriser un mensonge, & qu'asseurement les Canadiens auoient inuenté cette fourbe pour auoir part à leur\* commoditez & les empescher de descendre, comme il estoit vray.

Mais puisque nous sommes à parler des presens des Sauvages, auant que de passer outre, nous en dirons les particularitez, & d'où ils tirent principalement ceux qu'ils font en commun, afin qu'un chacun sçache qu'ils ne font pas tout à fait denuez de police.

En toutes les villes, bourgs & villages de nos Hurons, ils font un certain amas de colliers de pourcelaine, rassades, haches, cousteaux, & generalement de tout ce qu'ils gagnent & obtiennent pour le publique, soit à la guerre, traité de paix, rachapt de prisonniers, peages des Nations qui passent sur leurs terres, & par toute autre voye & maniere d'où ils ont accoustumé tirer quelque profit.

Or est-il que toutes ces choses sont mises & déposées entre les mains & en la garde de l'un des Capitaines du lieu, à ce destiné comme Thresorier de la Republique : & lors qu'il est question de faire quelque present pour le bien & salut commun de tous, ou pour s'exempter de guerre, pour la paix ou pour au-

tre service qui concerne le publique, ils assemblent le conseil, auquel apres auoir deduit la necessité urgente qui les oblige de puiser dans le the- || sor & arresté le nombre & les qualitez des marchandises qui en doi- 831 uent estre tirées, on aduise le Thresorier de fouiller dans les coffres de l'espargne, & d'en apporter tout ce qui a esté ordonné, & s'il se trouue espuisé de finances, pour lors chacun se cottise librement de ce qu'il peut, & sans violence aucune donne de ses moyens selon sa commodité & bonne volonté, iusques à la concurrence des choses necessaires & ordonnées, qui ne manquent point d'estre trouuées.

Pour suiure le dessein que i'auois de partir du Cap de Victoire pour Kebec, nonobstant la contradiction de nos Algoumequins & Montagnais, ie fis ietter nostre canot en l'eau dès le lendemain de grand matin que tout le monde dormoit encore, & n'esueillay que le Truchement pour me suivre, comme il fist au mesme instant, & fismes telle deligence, favorisez du courant de l'eau, que nous fismes 24. lieuës en ce iour-là, nonobstant quelques heures de pluyes, & cabanames au lieu qu'on dit estre le milieu du chemin de Kebec au Cap de Victoire, où nous trouuames une barque à laquelle on nous donna la collation, puis des pois & des prunes, pour faire chaudiere entre nos Sauuages, lesquels d'ayse, me dirent alors que i'estois un vray Capitaine, & qu'ils ne s'estoient point trompez en la croyance qu'ils en auoient tousiours eüeu la reuerence & le respect que me portoient tous les François, & les presens qu'ils m'auoient faits, qui estoient ces pois & ces pruneaux, desquels ils firent

832 || bonne expedition à l'heure du souper, ou plustost d'isner; car nous n'auions encore beu ny mangé de tout le iour, tant nous auions peur que les Canadiens nous suiussent à mauuais dessein, pour auoir passé contre leur volonté.

Je diray que le respect que les François nous ont quelquesfois tesmoigné en la presence des Sauvages nous a de beaucoup seruy & donné de l'autorité enuers ces barbares, qui scauent faire estat de ceux que les François, honorent lequel honneur redonde au merite des mesmes François,

Le lendemain dés le grand matin, nous partimes de là, & en peu d'heures trouuames une autre barque, qui n'auoit encore leué l'anchre faute d'un vent favorable, & apres y auoir salué celuy qui y commandoit, avec le reste de l'équipage, & fait un peu de collation, nous passames outre en diligence, pour pouuoir arriuer à Kebec ce iour-là mesme, comme nous fismes avec la grace de Dieu.

Sur l'heure du midy, mes Sauvages cacherent sous du sable un peu de bled d'Inde à l'ordinaire, & firent festin de farine cuite, arroufée de suif d'eslan : mais i'en mangeay tres-peu pour lors, sous l'esperance de mieux au soir : car comme ie ressentois desia l'air de Kebec, ces viandes insipides & de mauuais gouff, ne me sembloient si bonnes qu' auparauant, particulièrement ce suif fondu, qui sembloit propre- || ment à celuy de nos chandelles fondues, lequel seroit là mangé en guyse d'huyle ou de beure frais, & eussions esté trop heureux d'en auoir quelquefois pour nostre pauvre potage au pais des Hurons, où aucune dou-

ceur ne nous enuifageoit, finon le contentement de l'esprit.

A une bonne lieuë ou deux de Kebec, nous passames assez proche d'un village de Montagnais, dressé sur le bord de la riuere, dans une sapiniere, le Capitaine duquel avec plusieurs autres de sa bande nous vindrent à la rencontre dans un canot, & vouloient à toute force contraindre mes Sauvages de leur donner une partie de leur bled & farine, comme estant deu (disoient-ils) à leur Capitaine pour le passage & entrée dans leurs terres; mais les François qui là auoient esté enuoyez exprés dans une chaloupe pour empêcher ces insolences, leur firent lascher prise, & nous donnerent liberté, tellement que mes gens n'en furent de rien incommodez que du reste de nostre sagamité du dîner, laquelle ces Montagnais mangerent à pleine main toute froide, sans autre ceremonie, & la trouuerent tres-bonne, comme n'en ayans pas souuent de telles.

---

*|| De nostre arriüée à Kebec, & du mecontentement des Sauvages que ie les deuois quitter, leur fistmes festin & donnames un chat pour leur pays. Et puis ie m'embarquay pour la France.* 834

#### CHAPITRE X.

Deliurez de ces importuns picoueurs, nous doublames le pas pour arriuer d'heure à Kebec, où nous primes terre avec nos sept ou huit canots, apres auoir esté saluez du fort de deux vollées de canon, & des

sieurs de Caen & de Champlain d'une honneste reception à nostre débarquement, tous deuancez par le bon P. Ioseph qui nous attendoit au port, impatiens de ne nous voir assez tost.

Nous fumes de compagnie dans l'habitation, où nous receumes la collation, pendant laquelle ie les entretins de mon voyage & de nostre gouvernement au païs des Hurons. Apres quoy ie fus voir cabaner mes hommes, puis nous partimes le P. Ioseph & moy pour nostre petit Conuent, où ie trouuoay tous nos confreres en bonne santé Dieu mercy, desquels (apres l'action de graces rendue à nostre Seigneur) ie receu la charité & bon accueil que ma foiblesse & lassitude  
835 pouuoit esperer || d'eux, car i'estoit autant debile qu'a-maigry & bruslé des ardeurs du soleil, tousiours gay & content en mon ame par la diuine prouidence qui me conferua dans cette humeur, pour ce que ie peinois & trauaillois pour luy & à cause de luy, du moins me sembloit-il en auoir le desir & la volonté.

Après auoir eu quelque \* iours de repos & de recollection interieure, ie fis mes petits apprets pour mon retour aux Hurons, car mes Sauvages auoient acheué leur traicte, mais comme tout fut prest & que ie pensay partir, il me fut deliuré lettres & obedience de nostre P. R. Prouincial par lesquelles il me donnoit ordre de m'embarquer au plus prochain voyage pour France, demeurer de communauté en nostre conuent de Paris, où il desiroit se feruir de moy, dont voicy le contenu :

*Mon tres-cher Frere, salut en I. C.*

*J'ay receu les vostres avec ioye & contentement de*

*voſtre heureuſe arriuée dans ces terres Canadiennes, d'où vous auez paſſé à celles des Hurons pour y employer voſtre zele & la bonne volonté qu'auez pour le ſalut des meſcroyans. Je prie le meſme Dieu qui vous a preſté ſon Ange pour vous y conduire, qu'il vous en ramene au pluſtot en pleine ſanté. Pay affaire de voſtre preſence par deça, c'eſt pourquoy ie vous enuoye une obediencie en vertu de laquelle ie vous commande de reuenir au plus prochain voyage qu'il vous ſera poſſible, non que ie doute de voſtre obeif- ſance, mais afin que perſonne ne penſe de vous empecher. Je vous attendray donc en noſtre conuent de Paris, où ie feray prier noſtre Seigneur pour vous, qui ſuis apres m'eſtre recommandé à vos ſainctes prieres,*

836

Mon cher Frere,

Votre affectionné ſeruiteur en I. C.

Frere Polycarpe du Fay,  
Prouinçial.

A Paris ce 9. Mars 1625.

Il me fallut donc changer de batterie & laiſſer Dieu pour Dieu par l'obeiſſance, puis que ſa diuine Maieſté en auoit ainſi ordonné, car ie ne pû recevoir aucune raiſon pour bonne de celles qu'on m'alleguoit de ne m'en retourner point & d'enuoyer mes excuſes par eſcrit, veu la neceſſité & la croyance qu'on auoit de moy dans le païs, pour ce qu'une ſimple obeiſſance eſtoit plus conforme à mon humeur, que tout le bien

que i'eusse pû esperer par mon trauail au salut & conuersion de ce peuple sans icelle.

En delaiissant la Nouvelle-France, ie perdis aussi l'occasion d'un voyage de trois Lunes de chemin au delà des Hurons, tirant au Su, que i'auois promis, avec mes Sauvages, sitost que nous eussions esté de retour dans le païs, pendant que le P. Nicolas eust esté descourir quelque autre Nation du costé du Nord.

837 Mais || Dieu, admirable en toutes choses, sans la permission duquel une seule feuille d'arbre ne peut tomber, a voulu que la chose soit autrement arriuéé.

Prenant congé de mes pauvres Sauvages affligés de mon depart, ie tachay de les consoler au mieux que ie pû, & leur donnoy esperance de les reuoir l'année suiuite, & que le voyage que ie deuois faire en France n'estoit d'aucun mescontentement que i'eu d'eux, ny pour enuie que i'eusse de les abandonner, mais pour quelqu'autre affaire particuliere qui redonderoit à leur contentement & profit.

Ils furent fort ayés lors que ie leur promis de supplier les Capitaines François de bastir une maison au dessous du saut saint Louys, pour leur abreger le chemin de la traicte & les mettre à couuert de ce costé-là de leurs ennemis, qui sont tousiours aux aguets pour les surprendre au passage, & en effect ce leur eust esté une grandissime peine de faire tous les ans tant de chemin & courir tant de risques pour si peu de marchandises qu'ils remportent de Kebec, laquelle leur peut estre ostée avec la vie par les Hiroquois, c'est pourquoy ie dis derechef qu'il seroit necessaire de bastir une habitation au saut saint Louys pour la

commodité des uns & des autres, des Sauvages & des François.

Ils me prièrent de me reffouvenir de mes promesses, & que puisque ie ne pouuois estre diuertie de ce voyage, qu'au moins ie me rendisse à Kebec dans 10. ou 12. Lunes, & qu'ils ne man- || queroient pas de 838  
s'y rendre, pour me reconduire en leur païs, comme ils firent à la verité l'année d'apres, ainsi qu'il me fut mandé par nos Religieux de Kebec, mais l'obedience de nos superieurs qui m'employoit à autre chose à Paris, ne me permit pas d'y retourner, comme l'eusse bien desiré & tenu à faueur singuliere, principalement pour baptizer mon grand oncle Auoindaon & beaucoup d'autres Sauvages Hurons, qui m'en auoient tant de fois supplié, lesquels ie remettois de iour à autre pour les mieux fonder, ne pensant pas que nostre Seigneur me deust si tost tirer de là & ramener en France.

Auant mon depart nous les conduifimes dans nostre Conuent, leur fimes festin d'une pleine chaudiere de pois assaisonnée d'un peu de lard, & les caressames à nostre possible, de quoy ils se sentoient grandement honorez, mais bien dauantage lorsqu'apres le repas nous leur donnames à chacun un petit present, & au Capitaine du canot un grand chat pour porter en son païs, present qui lui agreea tellement pour estre un animal incognu en tout le Canada, qu'il ne scauoit assez nous en remercier à son gré : voylà comme les choses rares sont estimées partout, encores qu'en soy elles soient de peu de valeur.

Ce bon Capitaine estimoit en ce chat un esprit rai-

839 fonnable, voyoit que l'appellant, il venoit & se iouïoit à qui le careffoit, il coniectura de là qu'il entendoit parfaitement bien le François & comprenoit tout ce qu'on luy di- || soit, apres auoir admiré cet animal, il nous pria de luy dire qu'il se laissast emporter en sa Prouince & qu'il l'aymeroit comme son fils. O Gabriel, qu'il aura bien de quoy faire bonne chere chez moy, disoit le bon homme: tu dis qu'il ayme fort les souris & nous en auons en quantité, qu'il vienne donc librement à nous. Ce disant, il pensa embrasser ce chat que nous tenions auprès de nous, mais ce meschant animal, qui ne se cognoissoit point en ses careffes, luy ietta aussi tost ses ongles & luy fist lascher prise plus viste qu'il ne l'auoit approché.

Ho, ho, ho, dit le bon homme, est-ce comme il en use, ongaron, ortiscohat, il est rude, il est meschant, parle à luy. A la fin l'ayant mis à toute peine dans une petite caisse d'escorce, il l'emporta entre ses bras dans son canot & luy donnoit à manger par un petit trou du pain qu'on luy auoit donné à nostre Couuent; mais ce fust bien sa pitié lorsque luy pensant donner un peu de sa sagamité, il s'eschapa & prit l'effor sur un arbre d'où ils ne le purent iamais rauoir, & de le rappeler il n'y auoit personne à la maison, il n'entendoit point le Huron, ny les Hurons la maniere de le rappeler en François, & par ainsi ils furent contraincts de luy tourner le dos & le laisser sur l'arbre, bien marry d'auoir fait une telle perte & le chat bien en peine qui le nourriroit.

La naifueté de ce bon homme estoit encore considerable en ce qu'il croyoit le mesme entendement &

la mesme raison estre au reste des animaux de l'habitation, comme au flux & re- || flux de la mer, qu'il 840  
croyoit par cet effect estre animée, entendre & auoir  
une ame capable de vouloir ou non vouloir comme  
une personne raisonnable, & là-dessus ie brise par cest  
à Dieu que ie fais à nostre pauure Canada, lequel ie  
ne quitte qu'avec un extreme regret & desplaisir de  
n'y auoir acheué le bien encommencé, & veu le Chris-  
tianisme que i'auois esperé.

O mon Dieu! ie vous recommande & remets entre  
les mains ce pauure peuple que nous auiez commis.  
Vous ne m'avez pas iugé capable de vous y seruir  
plus longtemps, Seigneur, puisque si tost m'en auez  
retiré, & auez commandé à l'Ange tutelaire du païs  
de ne point debattre de mon retour avec celuy de la  
France, où il faut que i'accomplisse vos diuines vo-  
lontés.

Ce n'est point à moy de penetrer dans vos secrets  
diuins, mais d'admirer & adorer votre diuine prou-  
idence & vos iugements souuerains. Au moins, ô mon  
Dieu, ayez pour agreable ma bonne volonté & l'affec-  
tion que m'avez donnée de vous seruir en la conuer-  
sion des Hurons & d'y endurer la mort mesme pour  
l'amour de vous, si telle eust esté vostre diuine volonté,  
puisque tout ce que ie puis est d'aduoüer mon impuif-  
sance & mes demerites. Et me prosternant aux pieds  
de vostre diuine Maiesté, vous supplier me donner  
votre benediction auant que ie m'embarque, avec  
celle de vostre Pere celeste & du S. Esprit, qui vit &  
regne au siecle des siecles. Amen.

Nous primes congé de nos pauures Freres & leur

841 dimes à Dieu, non fans un extreme regret de nous separer, car la moisson qui se voyoit || preste à cueillir auoit plus tost besoin de nouveaux ouuriers, que d'en diminuer d'utiles comme le P. Irenée, car pour moy ie ne seruois que de nombre.

Nous entrames dans nostre Chapelle pour offrir nos larmes & nos vœux à nostre Seigneur, puis d'un mesme pas ayans pris congé des François, & de mes pauvres Sauvages auxquels nous confiasmes ce peu de commoditez que nous enuoyons au bon P. Nicolas, nous nous embarquames ledit Pere & moy pour Tadoussac, d'où nous partimes dans le grand Nauire pour Gaspay, où nous seiournames quelques iours, pendant lesquels nous apprimes de quelque \* pefcheurs de moluës que les Anglois nous attendoient à la Manche avec deux grands vaisseaux de guerre pour nous prendre au destroit.

C'estoit là une nouvelle mauuaise à gens mal armez, & encore moins hardis contre des Nauires armez, nous qui n'estions que marchands. On tint conseil de guerre pour aduiser à ce qu'on auoit à faire, & fut iugé expedient d'attendre l'escorte de trois autres Nauires de la flotte qui se chargeoient de moluës, avec lesquels nous fimes voile, & donnames en vain la chasse à un pirate Rochelois, qui nous estoit venu reconnoistre, passant au trauers de nostre armée.

A la verité, la faute que fist nostre auant-garde, le corps d'armée, & l'arriere-garde à la poursuite de ce pirate, me fist bien croire que nous n'estions pas gens pour attaquer, & que c'estoit assez de nous défendre. Et puis c'estoit un plaisir d'entendre auparauant nos

guerriers de vouloir aller attaquer unze Nauires Balques vers Miscou, & de là s'aller saisir des Nauires Espagnols le long des isles Assores. Dieu sçait quelle prouesse nous eussions faite, n'ayans pû prendre un forban de 60. tonneaux qui nous estoit venu brauer iusques chez nous.

Approchans de la Manche, l'on ietta la fonde, & ayant trouué fond à 90. brasses, le Pilote Cananéé eut ordre d'aller à Bordeaux avec une patache de 50. tonneaux, laquelle fut prise des Turcs le long de la coste de Bretagne, & les hommes faits esclaves comme j'ay dit au chapitre 4. du premier liure.

Deux ou trois iours apres, il s'esleua une brume si obscure & fauorable pour nous, qu'ayans à cause d'icelle perdu nostre route, & donné iusques dans la terre d'Angleterre vers le cap appelé Tourbery, nous esquiuames par ce moyen la rencontre de ces deux Pirates Anglois, naturellement ennemis des François.

Nous voylà donc assurez de ce costé-là, tous en rendent graces à Dieu & prient pour le bons succès du voyage, car iusques à ce que l'on soit à terre il ne se faut vanter de rien. Je loue en cela ce qu'on ma dit des Espagnols, qu'ils ne mettent iamais aucun Nauire en mer pour des voyages de long cours, qu'il n'y ait tousiours quelques bons Peres ou Religieux dedans, car quand ils n'y seruiroient d'autre chose que d'empescher les mauuais || discours, ce seroit tousiours beaucoup. Je diray ce mot à la louange des Mariniers qui nous ont conduits qu'à la referue de quelque \* parpaillots, tout le reste nous a fort edifié iusques aux Chefs, desquels si les discours n'ont pas tousiours esté

843

serieux & necessaires, ils ont esté indifferens & non impertinens, comme vous pourrez remarquer au chapitre suiuant, apres que ie uous auray asseuré que le sceau du R. P. Commissaire de cette mission du Canada (que i'ay oublié de mettre en son lieu) porte un saint Louys Roy de France, & un saint François, le champ tout parfemé de lys, autour il y a escrit : *Sigillum R. P. Commissarij Fratrum Minorum Recollegiorum Canadensium.*

---

*De diuers entretiens de nos Mariniers pendant  
nostre trauerse.*

CHAPITRE XI.

844 Ce me seroit chose impossible de pouuoir rapporter icy en detail tous les discours, & les diuerses demandes de nos Mariniers, car comme l'oisiueté regne puissamment sur les Nauires, aussi y agissent-ils ardemment pour charmer leurs ennuyes. J'auois tout fuiet de me contenter du sieur du Pont, nostre Vice-Admiral, & des officiers de son bord, pour ce que ne faisant aucun mal || à personne, aucun ne nous vouloit de desplaisir, & s'abstenoient mesme à nostre consideration de beaucoup de vains discours ordinaires à gens de Marine.

A l'issuë des repas, si autre chose ne les occupoit, les questions rouloient sur le tapis, ou plustost sur le til-

lac, car les tapis n'ont pas là de lieu, il falloit excuser le tout, car la paix n'en a iamais esté interrompuë, ny nos discours alterez, & pour ce qu'en matiere d'entretien il se faut rendre capable de tout, ou fauffer compagnie, & de demeurer muet il ne feroit pas tousiours possible. puis que l'homme est d'une telle nature, que s'il n'a sa consolation en Dieu, il la cherche aux creatures.

Le sieur du Pont, comme Chef, fut le premier qui nous interrogea, car comme il estoit d'un naturel complaisant & iouial, il auoit tousiours le petit mot en bouche pour rire. D'où vient le prouerbe qui dit : l'Affrique n'apporte-elle rien de nouveau?

Il ne luy respondis autre chose sinon auoir leu que cela procedoit de ce que pour le grand deffaut d'eau qu'il y a, à cause des chaleurs excessiues, les animaux y meurent de soif, de maniere que toutes sortes de bestes courans pour boire se meslent ensemble, & de là nouveaux animaux s'engendent.

Qui a esté le premier inuenteur des couriers, dit un autre? Resp. Pirrhe, Roy des Epirotes, car comme il eut trois armées en diuerses parties du monde, & qu'il demeurast || assiduellement en la cité de Tarente, sçauoit les nouvelles de Rome en un iour, celles de France en deux, celles d'Allemagne en trois, & celles d'Asie en cinq. 845

D'où est venuë la coustume de donner les estrennes, à sçauoir le don qu'on presente au commencement de l'année? Resp. Elle est venuë des anciens Romains : car les Cheualiers souloient par chacun an au premier iour de Ianuier offrir au Capitole les estrennes à Cesar

Auguste, qu'oy \* qu'il fust absent, laquelle façon de faire est depuis venuë iusques à nous.

Mais, dit le Cuisinier, qui a esté l'inventeur des masques & momeries, lesquels mesmes sont en usage chez les Hurons, ainsi que m'avez appris? Resp. Je ne vous en puis dire autre chose sinon auoir leu que les Corybantes, prestres de la Deesse Cybele, en auoient esté les inventeurs, & s'embarbouilloient le visage avec du noir, d'où est venu ce mot maschurec, qu'on dit en Italien mascarati.

Un parpaillot d'un \* humeur assez discourtoise, & qui voulut donner son mot, nous demanda d'où venoit la coustume que nous autres Catholiques faisons le signe de la Croix en baillant, & donnions le salut de paix à ceux qui esteruoient.

Resp. L'an de nostre salut 619. en Italie courut une forte de maladie qu'en esternuant on mouroit soudain quelquefois. Ce qui donna dès lors entrée à la coustume que quand on voyoit quelqu'un commencer  
846 à || esterner, on luy disoit, Dieu vous ayde. Le bailler estoit semblablement occasion de mort soudaine, pour remedier à quoy en baillant \* on commença en l'Eglise Romaine à faire le signe de la Croix sur la bouche, & dès lors, comme on dit, tel inconuenient cessa.

Monsieur Goûa. Qui est celuy qu'on doit estimer sage? Resp. Celuy qui mesprise les biens & honneurs de ce monde, pour seruir à Iesus Christ.

Un bon Charpentier bien deuot. Comment peut-on paruenir à cette union de l'ame avec Dieu? Responce. En pratiquant ces quatre mots: Moy, toy, esclau, Roy. En l'Oraison s'imaginer estre seul au monde

avec Dieu. Se faire esclave & valet de tout le monde pour l'amour de Dieu. Estre Roy & dompteur de ses passions & propres affections pour l'amour du mesme Dieu.

Combien de cœurs faut-il auoir pour acquerir la perfection? Resp. Trois, un cœur de fils enuers Dieu, un cœur de mere enuers son prochain, & un cœur de Iuge enuers soy-mesme.

Qu'elle \* est la pensée la plus profitable à salut? Resp. Croire que tous les autres sont dignes du Paradis. & nous seuls dignes de l'Enfer, c'est à dire iuger bien d'un chacun & ne iuger mal que de soy-mesme.

Un certain. Quel est l'estat le plus noble, le plus parfait, & le plus assuré à salut qui soit au monde?

|| Responce. Le Religieux & solitaire.

847

Monsieur Ioubert. Par quelle raison?

Resp. Par la mesme que Iesus Christ a dit: Si tu veux estre parfait, va & vend tous tes biens, & les donne aux pauvres, & me suis. Sainct Laurent Iustinian disoit que Dieu auoit caché la grace de la Religion aux hommes, par ce que si tous la cognoissoient, tous voudroient estre Religieux. I'aymerais mieux une grace en la Religion que douze au monde, disoit le B. Frere Gille, car ma grace peut estre facilement conseruée, & augmentée en la Religion par le bon exemple de mes Freres, & mes douze au monde facilement perdus par les diuers obiets & mauuais exemples qui s'y donnent. Nous donnons l'arbre & le fruit à Dieu, & les mondains que le seul fruit.

Un ieune homme un peu libertin nous demanda

par quelle reigle quelqu'uns tenoient qu'il y a plus de femmes en Paradis que d'hommes, veu la fragilité de leur sexe, & un si grand nombre qui s'adonnent au mal. Mon sentiment fut que la femme estoit plus portée à la pieté que l'homme, & moins fragile, puis qu'elle s'adonnoit moins au mal, & que s'il y en a un grand nombre de mauuaises, il y a un bien plus grand nombre d'hommes vicieux.

848 Le sieur de la Vigne. Pourquoy dit l'escriture que mieux vaut l'iniquité de l'homme, que la femme bien-faisante? Resp. Pour ce qu'il y a plus de danger de tomber en peché en || communiquant trop familièrement avec une belle femme, qu'en fréquentant un homme vicieux.

Le Pilote. Pourquoy les Turcs, gens Infidelles, croyent-ils les femmes bannies du Paradis? Resp. Pour ce qu'elles ne sont point circoncises, disans que personne n'entre dans le Paradis qui ne soit circoncis. Or les femmes ne sont point circoncises entr'eux, & par consequent il n'y a point de Paradis pour elles. Il n'en est pas de mesme des femmes des Perles, lesquels ont trouué l'inuention de les circoncire, & leur faire esperer un Paradis Mahometique.

Un petit parpaillot, changeant de discours, dit que c'estoit grand pitié de voir les Ecclesiastiques seculiers estre si peu portez à la pieté, & à faire du bien aux pauvres, & que parmy les personnes mariées on voyoit plus de charité.

Responce. Vous auez raison, Monsieur, mais encores s'en trouue-il un grand nombre fort gens de bien, & qui abhorrent l'auarice, & s'adonnent à la vertu,

avec une humilité qui me fait honte à moy-mesme, ie ne dis pas seulement des simples Prestres, mais des Cardinaux, Evesques, Curez, Dôcteurs, & Chanoines, que ie noze icy nommer, dont ie prie Dieu me faire la grace d'égalier un iour leur vertu.

J'ay veu, dit un Catholique, beaucoup des Temples des Huguenots, tant en France qu'aux pays estrangers, mais ils sont tous || bastis de neuf. Resp. 849 Une Religion nouvelle ne peut auoir de Temples vieux, & ce fut la raison pour laquelle le villageois ne voulut point escouter le Ministre Huguenot, disant qu'il n'y auoit pas encor de lierre aux murailles de son Eglise, & que les nostres estoient toutes cheues de vieillesse.

Ah! dit un parpillot, nous sommes venus de nouveau pour vous reformer. Vous avez raison, dit un Matelot, car vous mariez les Prestres, vous avez retranché les Caremes, abbez les Autels, & faites les Demons contre les pauvres Catholiques : quels miracles avez vous iamaï faits?

Or, dit un autre, laissons là les disputes de Religion, qui bien fera bien trouuera, car nous sommes asseurez que le Paradis n'est que pour les gens de bien. Mais qu'ont fait ces deux Gentilhommes qui sont là à la chaisne? R. Ils s'estoient voulu battre, dit le Contre-Maistre, & pour les mettre d'accord on les a tous deux mis à la question, dit-il en son Normand.

D'où vient, dit un certain, que nous autres François changeons si souuent de mode en nos habits, & que les Nations estrangeres sont si constantes en leur façon de s'habiller qu'on n'y voit iamaï de change-

ment? Resp. C'est qu'ils ont l'esprit plus solide que nous, ou qu'ils ont moins de curiosité. Nous le voyons mesme aux personnes sages d'entre nous lesquels se tiennent tousiours à la modestie, & n'outre passent  
850 jamais la biensean- || ce deue à leur condition.

Le Chirurgien qui iusques à lors auoit gardé le silence, dit qu'il s'estonnoit fort que nous razions nos barbes, estant l'ornement de l'homme.

Resp. Nostre vie doit estre conforme à celle de nostre Pere, & si un si grand Saint s'est conformé aux anciens & a obserué l'ordonnance de l'Eglise qui enjoit à tous les Ecclesiastiques de razer leur barbe, il ne faut point d'autre raison pour nous faire mespriser cette superfluité.

Ouy, dit un gros Matelot, & s'est-il conformé aux anciens avec son bonnet pointu, comme nous voyons porter à quelques Religieux de vostre ordre? Resp. La consequence n'en est pas bonne, car s'il y en a qui ayent trouué bon de le porter de là sorte, n'est pas à dire que S. François l'ait porté pointu, s'est \* une liberté qu'ils se sont donnée, aussi n'estoit-il point rond, ains de forme quarrée à peu prés comme celuy que nous portons.

Garçon, dit Monsieur du Pont au Matelot, il n'importe pas qu'un capuce soit rond, quarré ou pointu, mais que le Religieux obserue bien sa regle, & pour moy i'ay quelquefois leu les croniques de S. François, & ay tousiours aymé les Religieux de son Ordre; mais à dire vray, l'obseruance qu'on dit autrement les Cordeliers a donné un grand nombre de Saints à l'Eglise, & y a encores parmy eux de grands Serui-

teurs de Dieu. que le monde ne cognoist point, lesquels s'y perfectionnent en bienfaict & non point en regardant à la vie de quelques libertins, desquels le College de Iesus Christ n'a pas esté exempt, ny l'Ordre pendant la vie mesme de S. François. 851

Mais à quel propos tant de sortes de Religieux ? repliqua le Mattelot.

Resp. Le lustre d'un Roy & la grandeur d'un Prince gift en la bonne conduite, & se fait voir en la multitude, & diuersité de ses Serviteurs, comme la beauté de l'Eglise en ses ceremonies, & au grand nombre & union de ses Religieux & Ecclesiastiques.

Vostre raison est tres-bonne, dit lors un passager, mais vous estes beaucoup qui vous dites de Saint François, & si on ne sçait à qui attribuer la Regle. Il y a des Tertiaires qui se veulent dire de l'Ordre, & passent mesme souuent pour Recollects & Capucins, ainsi que i'ay veu en quelques lieux, & cependant ie cognois plusieurs de leurs Couents qui possèdent de bonnes rentes, ont des colombiers & glapiers, & reçoient argent & pecune, & vous dites que cela ne vous est pas permis, ils sont donc transgresseurs de vostre Regle & manquent à cette union.

Responces. Ils ne sont point transgresseurs de nostre Regle, car ils ne l'ont iamais professée ny obseruée, ains une troisieme, qui auoit esté faicte pour les personnes seculiers seulement, laquelle n'a rien de commun avec la nostre, qui est celle mesme || que S. François a obseruée durant sa vie. 852

Ils auroient donc grand tort s'ils se disoient Capucins ou Recollects, car cela seroit vous scandalizer,

& faire passer pour Religieux qui faites profession d'une Regle & ne l'obseruez point.

Responce. Cela est bien véritable, Monsieur, mais pour couper broche à tous ces discours & vous faire une fois sçauant pour toutes, ie vay vous distinguer les Ordres de Sainct François, & puis nous parlerons d'autres choses, ou bien nous prierons Dieu, car desia la chandelle est à l'habitable.

Je feray fort ayse d'apprendre ces distinctions, dit Monsieur du Pont, & est mesme necessaire que chacun les sçache pour beaucoup de raisons, poursuiuez donc vostre discours.

Il faut que vous sçachiez, Messieurs, que Sainct François nostre Chef & Patriarche, establit trois Ordres, le premier qu'il nomme des Freres Mineurs est aujourd'huy diuisé en trois corps, d'Obseruantins, dits Cordeliers, Recollects & Capucins, qui sont tous trois les vray Freres Mineurs & Obseruateurs d'une mesme Regle & Profession. Le second, de pauvres Dames ou filles de Saincte Claire. Le troisieme, qui estoit quasi à la mode des Confrairies d'aujourd'huy, est des penitens de l'un & l'autre sexe, d'hommes & de femmes viuans en leurs propres maisons.

853 . || Les seuls Freres Mineurs sont obligez par leur Regle de viure des seules aumosnes offeretes ou mandées, & ne doiuent receuoir argent, rentes n'y reuenus, sans licence expresse du Sainct Siege, auquel ont eu recours les Freres Mineurs Conuentuels, qui par ce moyen viuent en conscience possedans du reuenu.

Les filles de Saincte Claire doiuent estre pauvres

& mandiantes, sinon celles qui sont priuilegiées, non qu'elles-mesmes puissent sortir de leur Monastere pour mandier leur vie, car ce n'est pas le propre des filles, mais on leur ordonne des Tertiaires ou Freres au chapeau, qui ont soin d'elles en cest office.

Pour les Penitens du troisieme Ordre de l'un & l'autre sexe, mariez & non mariez, viuans en leurs propres maisons, ils n'ont autre \* loix que celle des Chrestiens, & d'observer une Regle fort facile, que Sainct François leur a laissée pour contenter leur deuotion & non pour en faire aucun corps de Religion, comme il est tres-probable en ce que plus de deux cens cinquante ans apres la mort de ce Sainct Pere, il n'y en a point eu d'estably, & n'estoit pas necessaire de faire outre l'intention du Sainct, & apporter trouble en son Ordre par cette multiplication de Religion, desia trop grande auiourd'huy en l'Eglise.

L'Ordre des Peres Tertiaires, que l'on appelle à Paris Picpuces ou Capucins de || Picpuces, est le mesme que Sainct François establit pour les seculiers de 854  
l'un & l'autre sexe, que le R. P. Vincent, premier fondateur de cette Congregation, a accommodé à son usage & à celuy de ses Freres, avec le pied nud & un habit non bleu, ou perse, avec une courroye de cuir pour ceinture, comme j'ay veu en quelques Tertiaires, mais tel qu'il ne differe presque en rien du nostre, qu'à leur long monteau, à leur grande barbe, & à deux grandes moizettes ou pieces de drap attachées à leur capuce qui leur descendent iusque à la ceinture, & à la couleur du drap, lequel ils portent de laine obscure, comme les Minimes, & non ourdy de

blanc & tiffu de noir, comme les Freres Mineurs, ce qui n'empêche pas qu'ils ne passent fouvent pour Recollects ou Capucins, quoy qu'ils ne le soient point, & nous soient tres-differens en Regle & maniere de vie, comme ayant argent, rentes & reuenus, & nous chose qui soit que paureté, à laquelle nostre S. Patriarche nous a réduit par sa Regle, ce que ie dis non pour les blasmer, car ie ne touche pas à leur vertu, mais pour ce qu'il est necessaire que soyez esclaircy, & destromper ceux qui s'estoient laissé persuader qu'ils estoient Freres Mineurs Recollects, ou Capucins, & ne le font point, ains Tertiaires ou Tiercelins, c'est à dire du troisieme Ordre estably par S. François, pour les seculiers, mariez ou non mariez, viuans dans leurs propres maisons.

855 Or, dit le Maistre du Nauire, fort hon- || neste homme, à sa pretenduë Religion prés, car luy mesme s'ofrit de mé montrer la Sphere : vous vous dites d'un mesme Ordre & profession, les Cordeliers, les Capucins & vous, qui sont les premiers, & plus anciens de vous trois, car pour les Tertiaires ou Picpuces, leur fondateur est encore viuant.

Estant ainsi pressé & honnestement obligé, ie fus contraint de rappeler ma memoire, songer à ce que i'auois autrefois leu, & puis ie leur parlay de la sorte:

Messieurs, les Peres Recollects ont eu leur commencement dès l'an 1486, deux cens septante-sept ans apres l'institution de la Regle qui commença en l'an mil deux cens neuf, & septante & un ans apres la reformation des Peres de l'Obsruance, dits Cordeliers, qui ne prennent leur origine de plus haut que

du Concile de Constance, tenu l'an mil quatre cens quinze, duquel ils receurent leur confirmation par les Peres assemblez (le Siege Apostolique vaquant), bien qu'il ayt eu son commencement l'an mil trois cens octante, par le venerable Pere Paul de Trinci, Lay, qui en est le fondateur, Dieu ayant voulu establir cette Sainte Reforme sur la baze & fondement de l'humilité, de laquelle ce Seruiteur de Dieu estoit particulièrement doué, bien qu'il eust esté tres-noble au monde.

Les Peres Capucins qui sont venus du || depuis 856 ont commencé leur Reformation l'an mil cinq cens vingt cinq, laquelle ne prend neantmoins son origine que l'an mil cinq cens vingt huit, le treizieme de Juillet, que le Pape approuua cette Religion, trente-neuf ans apres les Peres Recollets.

Le fondateur ou celuy qui a donné commencement à la Reformation des Peres Recollets a esté le venerable Frere Iean de la Puebla Ferrara, personnage tres insigne en sainteté & merite. Il prit naissance dans l'Espagne, des Ducs de Beiar, il estoit propre nepueu du Roy Catholique Dom Ferdinand V. & possedoit le comté de Benalcazar, & ensemble de grands biens.

Estant touché d'une inspiration diuine, il quitta les grandeurs de la terre, & rompit tout à fait avec le monde, pour se consacrer entierement au seruice de nostre Dieu, sous les enseignes du Seraphique Saint François, & depuis il obtint du Pape Innocent VII, par l'entremise d'Elisabeth, Reyne d'Espagne, licence de bastir quelques Monastères de Recolletion, pour y garder estroitement la Regle de Saint François, avec

ceux qui seroient portez de la mesme volonté que luy. Ce qui arriua l'an de grace mil quatre cens ostant-neuf. Il fut le premier qui porta le titre de Custode, & exerça cette charge depuis l'an mil quatre cens nonante, iusques à l'an 1495 qu'il deceda.

857 || Le fondateur ou celuy qui a donné commencement à la Réformation des PP. Capucins a esté le Venerable Frere Mathieu Basci, personnage tres-insigne en sainteté & merite, natif du Chasteau de Basci, situé aux confins de Monfeltre, en Italie, lequel prit l'habit de Religion en un Monastere appellé Saint Sixte, des Peres de l'Observance, puis les quitta & donna commencement à la Reformation des Peres Capucins l'an 1525.

Et ayant attiré quelque \* compagnons comme le Venerable Frere Louys & quelque \* autres, ils obtindrent du Pape Clement VII, par l'entremise de la Duchesse d'Urbain, la confirmation de leur Ordre par une bulle dattée du 1. Iuillet l'an 1528. les fountant neantmoins tousiours aux Freres Mineurs Conuentuels en la confirmation de leur Prelat, comme nous le sommes au General de tout l'ordre de Saint François.

Or les annales de leur Ordre nous asseurent que ce P. Louys, qui auoit souffert infinis trauaux, pour establir & amplifier cette sainte Reformation par un secret iugement de Dieu, il quitta tout, & s'alla faire Hermite. Et le Pere Mathieu ne mourut point dans l'Ordre, ains s'en retourna quelques années deuant son trespas à Venize, entre les Peres de l'Observance, où il mourut dans la maison du Curé de S. Moyse le

5. Aoust, apres auoir receu ses derniers Sacremens des mains de l'Obseruance & fut enterré dans le Conuent des Obseruantins de Venize, appellé la Vigne.

|| Voylà en general le commencement de ses saincts 858  
Ordres, desquels Dieu a pris un soin tres-particulier, & ne faut point s'estonner si le Pere Louys apres auoir bien peiné pour l'establissement des PP. Capucins, s'est faiçt Hermite, il faut croire que ça \* esté par inspiration diuine, & pour auoir un peu de repos apres le trauail, cela s'est veu en plusieurs autres bons Religieux, ausquels la solitude fauorise la perfection & la vertu de ceux qui ont vieilly en la Religion, comme il est dit en la vie des Peres.

Le bon Frere Mathieu, qui a esté le premier commençant, a esté aussi le premier qui retourna mourir au sein de la mere d'où il auoit tiré les enfans qui ont fuiuy sa premiere pointe, on ne peut en cela qu'admirer les iugemens de Dieu. Le Beat Frere Nicolas Facteur, tres-sainct personnage, qui mourut il y a quelques années, en Espagne auoit esté premierement Cordelier, puis Recollect, se fit apres Capucin & retourna mourir Recollect, & luy ayant esté demandé la raison de tous ces changemens, il respondit: le ne puis faire autre chose que la volonté de Dieu, les Cordeliers & Obseruantins sont saincts, les Recollects sont saincts, les Capucins sont saincts. Et pour moy ie le croy avec luy, & vous donne aduis que i'appercois la terre que l'on appelle de la Heue & que bientoist nous arriuerons à Dieppe moyennant la grace de Nostre Seigneur, comme nous fîmes fort heureusement le mesme iour, & de là de nostre pied à nostre || Con- 859

uent de Paris, où nous rendimes nos actions de graces au tout puissant & receumes la charité de nos Freres, autant confolez de nostre retour que marris de ne nous pouoir assez tesmoigner les effects de leur bienueillance, laquelle ie prie Dieu recompenser dans le Ciel. Amen.

*Fin du troiefme Liure.*

# HISTOIRE DV CANADA

860

ET  
VOYAGES DES PERES RECOLLECTS  
EN LA  
NOUVELLE FRANCE.

---

## LIVRE QVATRIESME.

*Auis de l'Autheur donné à Moneigneur le Duc de  
Montmorency, Viceroy, touchant la preeminence  
que les Huguenots pretendoient leur estre deuë,  
& du choix que les PP. Recolle&ts firent des PP.  
Iesuites pour estre secondés à la mission du Canada.*

### CHAPITRE I.

Le silence est une vertu telle que hors son temps n'est plus vertu. Les desordres que i'auois veus en la nouvelle France m'obligerent puissamment d'en aduertir Monseigneur le || Duc de Montmorency Vice- 861  
roy du païs, pour y apporter les remedes necessaires, car les Huguenots tenoient partout le dessus dans leurs vaisseaux faisans leurs prieres, & nous contrain&ts de tenir la prouë en chantans les louanges de nostre Dieu, qu'estoit proprement mettre le trompeur Baal au-dessus du vray Dieu.

Et la cause de ce desordre procedoit de ce que les principaux de la flotte avec la pluspart des Officiers estoient de la religion pretendue & \* reformée, lesquels auoient esté ozés iusques-là que de chanter de nouveau leurs Marottes, pendant qu'un de nos Freres disoit la Sainte Messe à la Traicte, pour l'interrompre, ou le contrarier ce sembloit, tellement que ce n'estoit pas le moyen de planter la foy où les chefs principaux estoient contraires à la mesme foy, mais plustot une confusion de croyance aux Sauvages, qui s'apperceuoient desia de nos differentes manieres de seruir Dieu, disans que les uns faisoient le signe de la Croix, & les autres non.

Ie dressay donc des memoires lesquels ie presentay à ce Seigneur Duc, qui en desira la lecture & estre luy mesme le gardien de mes cayers pour les presenter à son conseil, auquel il me pria d'assister, mais qui eut tant de remise, qu'à la fin ie ne m'y pû trouuer pour quelque affaire particuliere qui me suruint, & à mon deffaut le Pere Irenée y accompagna nostre R. P. Prouincial qui y receut contentement.

862 || Neantmoins à peine l'ordre necessaire est-il establi par ce Seigneur Duc en son conseil, qu'il est mandé pour le seruice du Roy dans ses gouuernemens, c'est ce qui l'obligea, outre ses autres grandes & serieuses charges, de se deffaire de la Viceroyauté du Canada entre les mains de Monseigneur le Duc de Vantadour, son nepueu, lequel suiuant l'intention dudit Seigneur son oncle, nous fit l'honneur de nous communiquer ses pieux desseins & la volonté qu'il auoit d'establi de grandes colonies dans le païs, si le

mal-heur par l'impuissance ne luy eust empêché d'éclorre ses diuins proiets.

Nous voylà donc dans de grandes esperances, & selon la grandeur des choses qu'on nous despeignoit, nous iugeons avec le mesme Seigneur, que pour entretenir tant de peuplades, continuer la conuersion des Sauages, & establir des Seminaires partout pour l'instruction de la ieunesse, il nous estoit necessaire d'auoir le secours de quelques Religieux rentez, qui puissent par leurs propres commoditez & moyens fournir aux frais & à la nourriture desdits enfans & nouueaux conuertis, puis que la compagnie des marchands s'excufoit sur son impuissance, & nous sur nostre Regle qui nous deffend les revenus.

Entre tous les Religieux nous proposames le RR. PP. Iesuites, lesquels comme personnes puissantes pouuoient beaucoup à ces peuples indigens, où il faut necessairement auoir de quoy donner si on y veut aduancer, car plus || on leur donne plus on les attire, 863  
& n'ayez pas de quoy les nourrir, c'est à dire qu'ils vous admireront & peu vous pourront suiure. Ce n'est pas comme dans les Indes, où les habitans n'auoient à faire que du secours spirituel simplement, là où ceux-cy ont affaire\* de tous les deux, spirituel & temporel, & par ainsi ie peux dire asseurement que la pauureté de S. François a faict un tres-grand fruiçt aux Indes, & que nous auons eu raison d'appeller le secours des RR. PP. Iesuites au Canada.

Ie çay bien que nos Peres establirent des Colleges & Seminaires par toutes les deux Indes auant la venue des RR. PP. Iesuites, ausquels ils les cederent

volontairement à leur arriuée, comme ayans d'ailleurs assez d'autres occupations à prescher, conuertir & confesser par tout où ils estoient appellez. Mais le Roy d'Espagne y pouruoyoit tellement par la main de ses officiers, avec d'autres personnes deuotes, qu'ils n'y auoient autre plus grand soin que de Catechiser les enfans, les instruire aux bonnes lettres & les conuertir à Iesus Christ, sans se mesler des rentes que des personnes honnestes & vertueuses auoient en manient; mais icy, comme i'ay dit, il en va tout autrement, car personne n'a pris soin de nous seconder, que de parole seulement, à la reserue de quelqu'uns de nos amis.

864 Ce choix que nous fimes desdits Pere \* Iesuites pour le Canada fut fort contrarié par beaucoup de nos amis, qui taschoient de nous en dissuader, nous asseurant qu'à la fin du || compte ils nous mettroient hors de nostre maison & du país, mais il n'y auoit point d'apparence decroire ceste mesconnoissance de ces bons Peres: ils sont trop sages & vertueux pour le vouloir faire, & quand bien un ou deux particuliers d'entre eux en auroient eu la volonté, une hirondelle ne fait pas un Printemps, ny un ou deux Religieux la communauté, & par ainsi c'eust esté crime de se messier d'eux, non pas mesme en la pensée, car il paroist que par tout ailleurs nous auons vescu en paix avec eux.

Pour venir au suiet de cette proposition, le P. Irenée estant en l'hostel dudit Seigneur Duc, y arriua fort à propos le R. P. Noiro, Iesuite, auquel ledit P. Irenée ayant fait ouerture de l'affaire, pria ledit Sei-

gneur de l'agreer, comme il fist, apres que ledit P. Noirot eut accepté l'offre d'une affection noppareilles \* (car il estoit fort zelé), protestant au nom de la Compagnie, qu'ils nous en auroient une eternelle obligation. Quelqu'uns d'entr'eux ensuite nous vindrent prier de leur faire part de quelque \* memoires de la langue Huronne que j'auois dressez pour leur seruir, lesquels ie ne pû leur donner pour lors, n'estans pas encores en estat.

Les choses estant en telle disposition, il fut question de faire passer au conseil dudit Seigneur & de la compagnie des Marchands tout ce qui estoit de cet accommodement, & deuions nous y trouuer ensemble avec eux, mais n'ayans pas esté aduertiy du iour, lesdits Peres y || assisterent sans nous, & à mesmes temps partirent pour Dieppe, où desia estoit arriué pour le mesme voyage le Pere Ioseph de la Roche Daillon, Recollect, avec un ieune Sauuage Canadien qui depuis cinq ans auoit esté enuoyé en France par nos Religieux de Kebec, lequel apres auoir esté bien instruit & endoctriné par deffunct Monsieur le Prince de Guimée son parrain, Pierre Anthoine, qu'il entretint aux estudes iusques apres sa mort, que l'enfant fut congru en la langue Latine, & si bon François, qu'estant de retour à Kebec nos Religieux furent contraints le renuoyer pour quelque temps entre ses parens afin de reprendre les idées de sa langue maternelle qu'il auoit presque oubliée, de quoy il fit quelque difficulté au commencement, car comme le P. Ioseph le Caron, Supérieur de Kebec, luy eut proposé cette obediense, il le pria les larmes aux yeux de l'en vouloir dispen-

ser, difant: Comment, mon Pere, vofre Reuerence voudroit-elle bien me renuoyer entre fes \* beftes qui ne cognoiffent point Dieu! Mais le Pere luy repar- tit que c'eftoit pour leur faire cognoiftre, & pour raprendre fa langue maternelle qu'il l'y enuoyoit, afin d'ayder à faouer fes parens & tous ceux de fa Nation, apres quoy il obeit & fe difpofa pour partir, duëment instruit de la maniere comme il fe deuoit gouverner parmy fes gens, fans courir rifque de fon falut.

866 Dés le lendemain matin, eftant en ville, ie || rencon- tray fort à propos une perfonne de qualité inte- reffée dans le party, avec lequel m'abouchant il m'aduertit de tout le refultat du confeil, & comme les RR. PP. Iefuites auoient obtenu la nourriture de deux de nos Religieux; de fix que la compagnie nous entretenoit de tout temps, & par ainfi reduit nostre nombre de fix à quatre, qui ne fut pas pris à bonne augure.

Cet aduertiffement donné, ie fus trouuer Monfei- gneur le Duc de Vantadour, auquel ie fis mes plain- tes, & le priay d'y remedier, comme il fist prompte- ment, commandant au fieur Girard fon Secretaire d'en efcrire de fa part à Messieurs les Directeurs & Chefs de l'embarquement à Dieppe, afin qu'ils aduer- tiffent les RR. PP. Iefuites, que l'intention de la compagnie n'eftoit pas qu'ils priffent part à la nour- riture de fix Recollefts que depuis plufieurs années ença les compagnies anciennes & nouuelles auoient entretenus dans le Canada, autrement qu'il leur reuo- quoit fon consentement, à quoy les Peres obeïrent

promptement, & se submirent aux volontez dudit Seigneur Duc.

Cette petite action n'a neantmoins en rien alteré l'amour & le respect que nous auons à ces grands hommes, ie dis grands pour ce qu'ils le font en effect de prudence & de science, prudens & respectueux dans un point, qui les maintiendra tousiours dans la vertu, & le bon odeur de ceux qui sçauent qu'aux Religions où la ciuilité & le respect reciproque man-  
|| que, la vertu manque aussi; il ne s'enfuit pas pour- 867  
tant qu'il ne se puisse gliffer de petits manquemens dans les compagnies les mieux réglées & les maisons les mieux policées. Les plus grands Saints ont eu quelquesfois des debats, mais qui ont trouué leur mort aussitost que leur naissance.

Toutes ces choses estant en bon ordre & l'equipage dans les vaisseaux, on se mist sous voile apres les prieres accoustumées, mais si fauorablement qu'ils trauerferent ce grand Ocean sans aucun peril, & si heureusement qu'en un temps tres-court en comparaison de l'ordinaire, ils arriuerent avec contentement dans ce desiré port de Kebec, où ils furent receus des hyuernans (c'est ainsi qu'on appelle les habitans de Kebec) avec la ioye & la courtoisie qu'ils pouuoient esperer de ceux qui esperoient encore plus d'eux à cause de leur necessité.

Or comme c'est l'ordinaire que les choses saintes sont tousiours contrariées en leur commencement, & que de tant plus le diable en prenoit de pertes, plus il se roidit contre icelles par toutes fortes de voyes pour les empecher s'il pouuoit, les RR. PP. Iesuites

n'estoient pas encores fortis des barques, qu'ils furent aduertis qu'il n'y auoit point d'ordre de les loger à Kebec ny au fort, & tellement esconduits qu'on parloit desia de les repasser en France. Ce fut un mauvais salut pour eux, & une facheuse attaque, capable d'estonner des personnes moins constantes. Mais nos  
868 Freres || prenans part dans les interests de ces bons Peres, sçachans cette disgrace, leur offriront charitablement, & les mirent en possession cordialement, de la iuste moitié de nostre maison (à leur choix), du iardin, & de tout nostre enclos, qui est de fort longue estenduë, fermé de bonnes pallissades & pieces de bois, qu'ils ont occupez par l'espace de deux ans & demy.

De plus ils leur presterent une charpente toute disposée & prestée à mettre en œuvre pour un nouveau corps de logis d'environ 40. pieds de longueur, & 23. de large, & en l'an 1627. ils leur en presterent encore une autre que nos Religieux auoient derechef fait dresser pour aggrandir nostre Couuent, lesquelles ils ont employées à leur bastiment commencé au delà de la petite riuere sept ou 800. pas de nous, en un lieu que l'on appelle communement le fort de Jacques Cartier.

Et pour vous monstrier comme en effet nos Religieux seuls sont cause apres Dieu que lesdits RR. PP. Iesuites sont establis dans le Canada (ce que nous auons fait pour estre assistés en la conuersion des Sauuages), voicy ce que le R. P. Lalemant, superieur de leurs Peres en Canada, en escriuit au sieur de Champlain, par une lettre dattée du 28. Iuillet 1625. & une autre du mesme iour & an à nostre R. P. Prouincial.

Monſieur,

Nous voicy graces à Dieu dans le reſort de voſtre Lieutenant, où nous ſommes heureuſement arriuez, apres auoir eu une des belles tra- || uerſes qu'on aye 869  
encore expérimenté. Monſieur le General apres nous auoir déclaré qu'il luy eſtoit impoſſible de nous loger ou dans l'habitation ou dans le fort, & qu'il faudroit ou repaſſer en France, ou nous retirer chez les Peres Recolle&ts, nous a contrain&ts d'accepter ce dernier offre. Les Peres nous ont receus avec tant de charité qu'ils nous ont obligez pour un iamais. Noſtre Seigneur ſera leur recompence. Un de nos Peres eſtoit allé à la traicte en intention de paſſer aux Hurons ou aux Hiroquois, avec le Pere Recolle&t qui eſt venu de France, ſelon qu'ils aduiſeroient avec le Pere Nicolas, qui ſe deuoit trouuer à la traicte & conſerer avec eux, mais il eſt arriué que le pauvre Pere Nicolas au dernier ſaut s'eſt noyé, ce qui a eſté cauſe qu'ils ſont retournez, n'ayans ny cognoiſſance, ny langue, ny information : nous attendons donc voſtre venuë pour reſoudre ce qui ſera à propos de faire. Vous ſçaurez tout ce que vous pourrez deſirer de ce pays du P. Ioseph, c'eſt pourquoy ie me contente de vous aſſeurer que ie ſuis, Monſieur, voſtre tres-affectonné Seruîteur Charles Lalemant. De Kebec ce 28 Iuillet 1625.

Mon Reuerend Pere,

Pax Chriſti.

Ce ſeroit eſtre par trop meſcognoiſſant de ne point

870 *escrire à vostre Reuerence, pour la remercier, tant des lettres qui furent dernièrement escrites en nostre faueur aux Peres qui sont icy en || la nouvelle France, comme de la charité que nous auons receue desdits Peres, qui nous ont obligez pour un iamais, ie supplie nostre bon Dieu qu'il soit la grande recompence & des uns & des autres, pour mon particulier i'escris à nos Superieurs que i'en ay un tel ressentiment que l'occasion ne se presentera point que ie ne le fasse paroistre, & les supplie quoy que d'ailleurs bien affectionnez de tesmoigner à tout vostre saint Ordre le mesme ressentiment. Le P. Ioseph dira à vostre Reuerence le suiet de son voyage, pour le bon succez duquel nous ne cesserons d'offrir & priere & sacrifices à Dieu, il faut ceste fois aduancer à bon escient les affaires de nostre Maistre, & ne rien omettre de ce qu'on pourra s'aduiser estre necessaire, i'en ay escrit à tous ceux que i'ay creu y pouuoir contribuer, que ie m'asseure s'y emploieront, si les affaires de France le permettent, ie ne doute point que vostre Reuerence ne s'y porte avec affection, & ainsi Virtus unitas, fera beaucoup d'effet. En attendant le succez, ie me recommande aux saints sacrifices de vostre Reuerence, de laquelle ie suis*

Tres humble Seruiteur  
Charles Lalemant.

De Kebec ce 28. Iuillet  
1625.

A mon Reuerend Pere Prouincial  
des RR. Peres Recolects.

|| Le bon Pere Ioseph le Caron & tous les Religieux 871  
refiours de la venuë de si bons hostes, creut qu'en fai-  
sant un voyage en France, il amelioreroit fort le Ca-  
nada & adiousteroit un autre bien aux RR. PP. Ie-  
suites, qu'estoit quelque benefice qu'il esperoit du Roy  
pour la nourriture des enfans & nouueaux conuertis,  
& ce qui luy en donnoit dauantage d'esperance estoit  
l'honneur qu'il auoit eu estant au monde d'enseigner  
à Sa Maiesté les premiers rudimens de la foy; il n'y  
pu rien faire neantmoins, car encore bien que le Roy  
eust bonne volonté comme ie vis en effet, il fallut pas-  
ser par tant de mains, que lors que nous pensames  
estre le plus aduancé, ce fut lors que tout estoit defes-  
peré & qu'il fallut penser du retour apres auoir receu  
un petit bienfait de Sa Maiesté, qu'elle fist deliurer  
elle-mesme ne s'en fiant pas à ses officiers, qui ne nous  
seruoient que de remises.

Le Pere s'embarqua donc pour France à la fin du  
mois d'Aouût 1625, qui estoit la mesme année que les  
RR. PP. Iesuites estoient arriuez à Kebec, & y fist  
les negociations que ie viens de dire, marry de n'y  
auoir pû faire dauantage, & s'embarqua pour son re-  
tour l'année suiuate dans la Catherine, vaisseau de  
250. tonneaux, avec le F. Geruais Mohier son com-  
pagnon, & arriuerent heureusement à Tadoussac le  
28. Iuin 1626, où ayans mis pied à terre, le bon  
Frere (encore nouueau) se trouua comme dans un  
abisme d'estonnement & de merueille à l'aspect de ces  
pauures Sauuages, desquels il || eut quelque apprehen- 872  
sion au commencement, car comme il m'a dit luy-  
mesme, il luy sembloit voir en eux quelque \* demons,

ou des carefmes prenans tant il les trouuoit, eſtrangement accommodez. Il en prend de meſme preſque à tous ceux qui les voyent pour la premiere fois, & puis on s'y accouſtume, comme de voir d'autres perſonnes de deça mieux couuertes.

Il ſe preparoit pour lors un grand feſtin dans une cabane à plus de 200. Sauuages, hommes, femmes, & enfans, auquel il fut inuité par le maifre, qui penſoit en cela le gratifier de beaucoup, mais il ſe trompoit bien fort, car il n'auoit pas l'appetit aiguifé iufques là que de pouuoir manger d'une telle viande, qui n'eſtoit point à ſon gouſt. De le refuſer il n'y auoit point d'apparence, pour ce qu'ils ne ſçauent que c'eſt d'eſtre eſconduits, & l'accepter, c'eſtoit ſe mettre à l'impoſſible. Que fit donc ce bon Religieux, il s'afſit à platte terre comme les autres, tint bonne mine & ne mangea point du tout. Ce que voyans quelqu'uns de la troupe luy preſenterent un gros morceau de graiſſe d'ours à manger, qu'ils eſtiment delicieuſe, comme nous faiſons icy la perdrix, mais c'eſtoit le faire tomber de fiebure en chaud mal, comme l'on dit, & demeura les bras croifez, ô mon Dieu, pendant que les autres ſe donnoient au cœur ioye de 4. grande\* chaudières de pois, prunes, figues, raiſins, bifeuis, poiſſon & chair d'ours, le tout bouilly, cuit & meſlé enſemble avec un auiron.

873 Il me vient de reſouenir de ma premiere entrée dans leurs cabanes, mais il eſt vray que ie trouuay leur menefre fort deſgouſtant, || car la regardant ſeulement de l'œil, elle me faiſoit ſouſleuer le cœur, & cependant avec la grace du bon Dieu, ie me fuiſ bien

accoustumé du depuis, & à des mortifications bien plus grandes que l'on ne faict par icy.

Le festin finy, il prist congé de ses hostes avec un ho, ho, ho, pour remerciement de leur bonne chere, & s'en retourna au Nauire plus affamé qu'il n'en estoit party, & peu apres se mirent sous voile pour Kebec, où ils arriuerent le quatriesme de Iuillet, en tres-bonne fanté Dieu mercy, & ayans rendu les graces ordinaires à Nostre Seigneur, ils receurent la charité & bon accueil qu'on a accoustumé de faire aux voyageurs \* & pelerins François, des commoditez du pays.

---

*Comme le Pere Ioseph de la Roche, Recollect, & le Pere Brebeuf, Iesuite, monterent aux Hurons, & d'un petit Huron qui nous fut amené, lequel fut conduit en France, puis baptisé.*

## CHAPITRE II.

Il est tres-necessaire d'auoir des Religieux en Canada, & par toutes les Nations errantes, pour les pouuoir instruire en la loy de Dieu, mais le principal fruit se doit es- || perer des peuples stables & sedentaires. Le Pere Ioseph de la Roche, se resouenant de ce que ie luy en auois dit, se resolut d'y aller, & avec luy le R. P. Brebeuf, Iesuite, lesquels à ce dessein partirent de nostre Couuent de Nostre Dame des Anges, enuiron le mois de Iuillet de l'an 1525. pour les trois riuieres, & de là au Cap de Victoire, où se tenoit la

Traicte avec les Sauvages de diuerfes contrées là assemblez.

Estant arriuez aux barques, ils en communiquerent avec les Chefs, lesquels en loüans leur zele, leur firent offre de tout ce qui leur faisoit besoin pour leur voyage, & leur donnerent des rassades, cousteaux, chaudières, & autres ustencilles de mefnage qu'ils accepterent pour leur seruir dans le pays, & pour en accommoder leurs Sauvages, & ceux qui les nourriroient, ou leur rendroient quelque seruice.

Pendant qu'on dispoisoit leur petit faict, ils s'informerent du Pere Nicolas par le moyen du Truchement Huron, mais ayans appris qu'ils l'auoient noyé au dernier saut, avec nostre petit disciple Auhaitique, ils en furent fort affligez, & constraincts de s'en retourner à Kebec sans rien faire, n'ayans pas eu assez de courage pour passer ce coup-là aux Hurons, comme ils firent l'autre année d'apres, auquel temps le Pere Ioseph conuint avec quelques Hurons de nostre connoissance qui le receurent courtoisement en leur société, mais pour le pauvre Pere Brebeuf || il y eut un peu plus de difficulté, car outre qu'il leur estoit nouveau, & aussi mal armé que nous, ils prenoient pour excuses qu'il estoit un peu lourd pour leur canot, qui estoit un honneste refus fondé sur la raison, car si une personne pesante panche tant soit peu plus d'un costé que d'autre, ou qu'en entrant dedans il ne met le pied doucement & droitement au milieu du canot, c'est à dire qu'il tournera, & que tout renuerfera dans la riuere, & puis voyez si vous scauez nager avec vos gros habits, ce fera avec peine, car cela peut arriuer à de

certains endroits, d'où les Sauuages mesmes ne se scauroient retirer qu'en se noyans.

Mais comme le Pere Brebeuf, accompagné pour lors du Pere de Noue, eut fait quelque present honneste aux Hurons, il trouua en fin place dans un canot, qui le consola fort, & puis partit apres les autres, sous la garde de Nostre Seigneur & de son bon Ange, où nous les lairons aller pour parler d'un petit Huron qui nous fut amené, & puis au chapitre suiuant, ie vous donneray une brefue relation d'un voyage que le Pere Ioseph fist passant des Hurons aux Neutres.

La mort du pauure Pere Nicolas fut une perte tres-notable pour le pays, aussi fut-il egallement regretté des Sauuages & des François, qui trouuoient en luy une grande science, accompagnée d'humilité, & d'une grande honnesteté & douce conuersation, qui me fait  
|| dire qu'il eust rendu de grands seruices à Nostre 876  
Seigneur en cette mission s'il luy eust donné une plus longue vie, car les Huguenots mesmes aduouoient ses merites & ses graces, mais le principal est qu'il estoit fort bon Religieux.

Entre les Hurons qui luy estoient les plus affectionnez, il y eut un bon homme qui nous amena son fils pour estre instruit en nostre Conuent, auquel le Pere Ioseph le Caron fit toute la meilleure reception qui luy fut possible, comme à une petite ame qui venoit pour estre enrollée sous l'estendart de Dieu, par le moyen du S. Baptisme, ainsi qu'il fut du depuis.

Or il arriua neantmoins un petit zele pour ce petit garçon, entre les Reuerends Peres Iesuites, le sieur Emery de Caen & nous, car chacun desiroit s'en pre-

ualoir, & nous l'oster pour l'amener en France. Tous offroient des presents à l'enui, & cependant le pere de l'enfant desiroit à toute force qu'il nous restat, disant, comme il estoit vraysemblable, qu'il nous l'auoit promis, & le vouloit configner entre les mains de nostre Pere Paul qui estoit lors prest de s'embarquer pour France. Le Pere Noirot avec les autres Peres Iesuites prièrent le Pere Ioseph de faire enuers le pere du garçon qu'il trouuat bon qu'ils eussent eux-mesmes son fils moyennant quelque gratification, & qu'inailliblement le menant en France, ils le rameneroient l'année prochaine, accommo- || dé à son contentement.

Le sieur Emmery de Caen en promettoit encore dauantage pour l'auoir, de maniere que nos Religieux, ny le pere de l'enfant par tant de poursuittes, & sollicités de tant de prieres, ne sçauoient comment conseruer le garçon, ny comment s'en deffaire. Bon Dieu, est-il bien possible que l'on cherchat en cela plus l'honneur propre que vostre interest, Seigneur, car le vray zele ne se soucie pas par qui le bien se fait, pourueu qu'il se fasse, ainsi que fit voir nostre Pere Ioseph, lequel se désinteressant, renonça au petit qui nous appartenoit, & pria en faueur des Reverends Peres Iesuites, qui le receurent en France de la main du sieur de Caen par le moyen du Seigneur Duc de Vantadour qui s'employa pour eux.

Mais voicy en quoy parut la souplesse d'esprit du Huron, pour auoir les presens des Peres Iesuites, du sieur de Caen, & nous laisser son fils, car le Pere Ioseph l'ayant prié pour lefdits Peres, il ne vouloit pas

le defobliger, ny le sieur de Caen, à cause de la traite; que fait-il donc, il leur promet à tous deux son fils, & reçoit de mesme leurs presens, qui consistoient en couvertures de lits, chaudières, haches, rassades & couteaux, puis la veille du iour qu'il deut partir pour son retour aux Hurons, il dit aux Peres Iesuites qui demouroient encores à nostre Conuent: P'ay laissé mon fils entre les mains des Peres Recollects qui vous le garderont, & || audit sieur de Caen la mesme chose, 878 adioustant pour l'instruire en attendant que tu l'emmeine en ton pays, puis partit pour sa Prouince apres auoir pris congé du Pere Ioseph, & recommandé son fils, auquel seul il le vouloit confier pour demeurer avec nous, ou pour estre conduit en France par de nos Freres.

Le Nauire estant fretté & le sieur de Caen disposé pour son retour en France, demanda le Sauuage, & les Peres Iesuites aussi, il y eut derechef un peu de difficulté à qui l'auroit, car le pere du garçon l'auoit accordé à tous, pour auoir de tous, & neantmoins l'auoit laissé chez nous, suiuant sa premiere intention, car moy demeurant en son pays avec le Pere Nicolas, on nous auoit promis six de ceux qui estoient de nos petits escholiers, & mesmes il y auoit des filles qui demandoient de venir en France avec nous, mais c'est une marchandise trop dangereuse à conduire.

En fin ce petit est embarqué, conduit & mené par le sieur de Caen, qui le laissa pour quelque temps chez son pere à Rouen, puis le fit conduire à Paris, où estant, les Reuerends Peres Iesuites l'eurent en leur possession, à la faueur de Monsieur le Duc de Vanta-

dour qui le demanda pour eux, lesquels l'ayans fait instruire avec assez de peine, pour n'y auoir personne qui sceut la langue qu'un feculier qui le voyoit parfois, ils le firent baptiser avec grande solemnité dans  
879 || L'Eglise Cathedrale de Rouen, & fut nommé Louys de Sainte Foy, par Monsieur le Duc de Longueuille son parain, & Madame de Villars sa maraine, en la presence d'une infinité de peuple qui y estoit accouru, d'autant plus curieusement que quelques Mattelots auoient donné à entendre qu'il estoit le fils du Roy de Canada.

---

*Coppie ou abbrege d'une lettre du V. Pere Ioseph de la Roche Daillon, Mineur Recolle&, escrete du pays des Hurons à un sien amy, touchant son voyage fait en la Contrée des Neutres, où il fait mention du pays, & des disgraces qu'il y encourut.*

### CHAPITRE III.

Ce seroit vouloir cacher la lumiere sous le boisseau, que de vouloir nier au publicq les choses qui le preuent \* edifier, ou luy apporter un saint & innocent diuertissement d'esprit, car l'homme infirme est de telle nature en ce monde, qu'il est necessaire que son ame iouisse, sinon tousiours du moins par interualle, de quelque chose qui la contente, & par ainsi c'est le seruir & faire beaucoup pour luy, que de  
880 luy donner || matiere d'un diuertissement pour l'em-

pescher du mal, s'il n'a de l'amour assez pour attirer à luy les diuines consolations d'un Dieu, apres lesquelles il n'y a plus de contentement qui vaille, ny de quoy on doïue faire estat que pour paruenir à ce mesme amour.

Ie vous ay dit comme nostre Pere Ioseph de la Roche Daillon s'estoit embarqué au Cap de la Victoire, pour le païs des Hurons, en intention de trauailler à leur conuersion, & de penetrer iusques aux dernieres Nations pour y porter son zele, & voir si elles estoient capables de recognoistre leur Dieu & se faire Chrestiens, mais pour ce que ie n'ay pas esté bien informé du succès de ce voyage, & que ie me pourrois tromper en ma relation, ie me contenteray de vous tracer icy en abregé une lettre que ce bon Pere escriuit à un sien amy d'Angers, où il luy mande principalement l'excellence des contrées Neutres, ce qui luy pensa arriuer & la maniere de leur gouuernement.

Monfieur,

Humble salut en la misericorde de Iesus. Encore est-il permis quoy qu'esloigné, de visiter ses amis par missiues, qui rendent les personnes absentes presentes. Nos Sauuages s'en font estonnez voyans que souuent nous escriuions à nos Peres esloignez de nous, & que par nos lettres ils apprenoiēt || nos conceptions, & 881  
ce que les mesmes Sauuages auoient geré au lieu de nostre residence. Apres auoir fait quelque seïour en nostre Conuent de Canada, & communiqué avec nos Peres & les Reuerends Peres Iesuites, ie fus porté d'une affection religieuse de visiter les peuples fedentaires, que nous appellons Hurons, & avec moy les

Reuerends Peres Brebeuf & de Noue, Iesuites. Y estans arriuez avec les peines que chacun peut penser à raison des mauuais chemins, ie receu lettre (quelque temps apres) de nostre Reuerend Pere Ioseph le Caron, par laquelle il m'encourageoit de passer outre à une Nation que nous appellons Neutre, de laquelle le Truchement Bruslé disoit des merueilles. Encouragé par un si bon Pere & le grand recit qu'on me faisoit de ce peuple, ie m'y acheminé \* & partis des Hurons à ce dessein, le 18. Octobre 1626. avec un nommé Grenolle, & la Vallée, François de nation.

Passans par la Nation du Petun, ie fis cognoissance & amitié avec un Capitaine qui y est en grand credit, lequel me promit de nous conduire à cette Nation Neutre, & fournir de Sauuages, pour porter nos paquets, & le peu de viures que nous auions de provision, car de penser viure en ces contrées de mendicité s'est \* se tromper, ces peuples n'entendans à donner qu'en les obligeans, & faut faire souuent de longues  
882 traictes, & passer mesme plusieurs || nuitcs sans trouuer autre abry quẽ celui des Estoiles. Il executa ce qu'il nous auoit promis à nostre contentement, & ne couchasmes quẽ cinq nuitcs dans les bois, & le sixiesme iour nous arriuasmes au premier village, où nous fusmes fort bien receus graces à nostre Seigneur, & à quatre autres villages en fuite, qui à l'enuie les uns des autres nous apportoit à manger, les uns du cerf, les autres des citrouilles, de la Neintahouy, & de ce qu'ils auoient de meilleur, & estoient estonnez de me voir vestu de la sorte, & que ie ne fouhaitois rien du leur finon que ie les conuiois par signes à

leuer les yeux au Ciel, & faire le signe de la sainte Croix, & ce qui les rauissoit en admiration estoit de me voir retirer certaines heures du iour pour prier Dieu & vaquer à mon interieur, car ils n'auoient iamais veu de Religieux, finon vers les Petuneux & les Hurons leurs voisins.

Enfin nous arriuasmes au sixiesme village, où l'on m'auoit conseillé de demeurer; i'y fis tenir un conseil, où vous remarquerez en passant, qu'ils appellent conseils toutes leurs assemblées, lesquelles ils tiennent assis contre terre, toutes les fois qu'il plaist aux Capitaines, non dans une salle, mais en une cabane, ou en pleine campagne, avec un silence fort estroit pendant que le Chef harangue, & sont inuiolables obseruateurs de ce qu'ils || ont une fois conclu & ar-

883

resté. Là ie leur fis dire par le Truchement que i'estois venu de la part des François, pour faire alliance & amitié avec eux, & pour les inuiter de venir à la traicte, que ie les suppliois aussi de me permettre de demeurer en leur país, pour les pouuoir instruire en la loy de nostre Dieu, qui est le seul moyen d'aller au Paradis. Ils accepterent toutes mes offres & me tesmoignerent qu'elles leur estoient fort agreables, de quoy consolé, ie leur fis un present du peu que i'auois, comme de petits cousteaux, & autres bagatelles qu'ils estimerent de grand prix, car en ces país-là on ne traicte point avec les Sauuages sans leur faire des presens de quoy que ce soit, & en contre-eschange ils m'enfanterent (comme ils disent), c'est qu'ils me declarerent citoyen & enfant du país, & me donnerent en

garde (marque de grande affection) à Souharissen, qui fut mon pere & mon hoste, car selon l'age ils ont accoustumé de nous appeller cousin, frere, fils, oncle, ou nepueu, &c. Celuy-là est le Capitaine du plus grand credit & autorité qui aye oncques esté en toutes les Nations, car il n'est pas seulement Capitaine de son village, mais de tous ceux de sa Nation en nombre de vingt-huict, tant bourgs, villes que villages, faicts comme ceux du pais || des Hurons, puis plusieurs petits hameaux de sept à huict cabanes, baptes en diuers endroits commodes pour la pesche, pour la chasse, ou pour la culture de la terre.

884 Cela est sans exemple aux autres Nations d'auoir un Capitaine si absolu, il s'est acquis cest honneur & pouuoir par son courage, & pour auoir esté plusieurs fois à la guerre contre les dix-sept Nations qui leur sont ennemies, & en auoir apporté des testes de toutes, ou amené des prisonniers.

'Ceux qui sont vaillants de la forte sont fort estimez parmy eux. Et quoy qu'ils n'ayent que la massuë & l'arc, si est-ce qu'ils sont tres-belliqueux, & adextres à ses \*armes. Apres tout ce bon accueil, nos François s'en estans retournez, ie restay le plus content du monde, esperant d'y aduancer quelque chose pour la gloire de Dieu, ou au moins d'en descourir les moyens, ce qui ne seroit peu, & de tascher d'ap-prendre l'embouchure de la riuere des Hiroquois, pour les mener à la traicte.

J'ay faict aussi mon possible pour apprendre leurs mœurs, & façons de viures \*, & durant mon sejour ie les visitois dans leurs cabanes, pour les sçauoir, & pour

instruire, & les trouuois assez traictables, & souuent  
aux petits enfans qui sont fort esueil- || lez, tous nuds, 885  
& escheuelez, ie leur faisois faire le signe de la sainte  
Croix, & ay remarqué qu'en tous ces païs, ie n'en ay  
point trouué de bossus, borgnes ou contrefaits.

Ie les ay tousiours veu constans en leur volonté  
d'aller au moins quatre canots à la traicte, si ie les  
voulois conduire, toute la difficulté estoit que nous  
n'en sçauions point le chemin. Iamais Yroquet, Sau-  
uage cogneu en ces contrées, qui estoit venu là avec  
vingt de ses gens, à la chasse au castor, & qui en  
print bien cinq cens, ne nous voulut donner aucune  
marque pour cognoistre l'embouchure de la riuere.  
Luy & plusieurs Hurons nous asseuroient bien qu'il  
n'y auoit que pour dix iours de chemin iufques au  
lieu de la traicte, mais nous craignons de prendre  
une riuere pour une autre, & nous perdre, ou mou-  
rir de faim dans les terres.

Trois mois durant i'eus toutes les occasions du  
monde de me contenter de mes gens. Mais les Hu-  
rons ayant descouuert que ie parlois de les mener à  
la traicte, firent courir par tous les villages où ils pas-  
soient de fort mauuais bruits de moy, que i'estois un  
grand Magicien, que i'auois empesté l'air en leur  
pays, & empoisonné plusieurs, que s'ils ne m'assom-  
moient bientoist, ie mettrois le feu dans leurs villages,  
ferois mourir tous les enfans, enfin i'estois || à leur 886  
dire un grand Atatanite, c'est leur mot pour signifier  
celuy qui faict les fortileges qu'ils ont le plus en hor-  
reur, & en passant sçachez qu'il y a icy force forciers,  
& qui se meslent de guarir les maladies par marmo-

teries & autres fantasies, enfin ces Hurons leur ont tousiours dit tant de mal des François qu'ils se sont pû aduifer pour les diuertir de traicter avec eux, que les François estoient inacoftables, rudes, tristes & melancoliques, gens qui ne vivent que de serpens & venins, que nous mangions le tonnerre, qu'ils s'imaginent estre une chimere nompareille, faisans des contes estranges là-dessus, que nous auons tous une queue comme les animaux, & les femmes n'ont qu'une mamelle, située au milieu du sein, qu'elles portent cinq ou six enfans à la fois, & y adioustent mille autres sottises pour nous faire hayr d'eux.

Et en effet ces bonnes gens qui sont fort faciles à persuader, me prindrent en grand soupçon, si tost qu'il y auoit un malade, ils me venoient demander s'il estoit pas vray que ie l'eusse empoisonné, qu'on me tueroit affeurement si ie ne le guarissois. I'auois bien de la peine à m'excuser & deffendre, enfin dix hommes du dernier village, appelé Ouaroronon, à une journée des Hiroquois, leurs parens & amis, venans  
887 traicter à nostre village, me vindrent visiter || & me conuierent de leur rendre le reciproque en leur village, ie leur promis de n'y pas manquer lors que les neiges seroient fonduës, & de leur donner à tous quelques bagatelles, de quoy ils se monstrent contents, là-dessus ils sortirent de la cabane où ie logeois, couuant tousiours leur mauuais deffsein sur moy, & voyant qu'il se faisoit tard me reuindrent trouuer, & brusquement me firent une querelle d'Allemand, l'un me renuerse d'un coup de poing, & l'autre prist une hache, & m'en pensant fendre la teste, Dieu qui luy

destourna la main, porta le coup sur une borne qui estoit là auprès de moy, ie receus encores plusieurs autres mauuais traictemens, mais c'est ce que nous venons chercher en ces pays. S'appaisans un-peu, ils deschargerent leur cholere sur le peu de hardes qui nous restoit, ils prindrent nostre escritoire, couuerture, breuiaire, & nostre sac, où il y auoit quelques iambettes, esguilles, alaines & autres petites choses de pareille estoffe, & m'ayant ainsi deualisé, ils s'en allerent toute la nuit fort ioyeux de leur emploite, & arriuez en leur village, faisans reueuë sur leurs despoüilles, touchez peut estre d'un repentir venu du Tres-Haut, ils me renuoyerent nostre breuiaire, cadran, escritoire, couuerture, & le sac, mais tout yuide.

Lors de leur arriüée en mon village, appelé Ounontifaston, il n'y auoit que des || femmes, les hommes estans allez à la chasse du cerf, à leur retour ils me tesmoignerent estre marris du desastre qui m'estoit arriüé, puis n'en fut plus parlé. 888

Le bruit courut incontinent aux Hurons que i'auois esté tué, dont les bons Peres Brebeuf & de Noue qui y estoient restez m'enuoyerent promptement Grenoble pour en sçauoir la verité, avec ordre que si i'estois encore en vie de me ramener, à quoy me conuioit aussi la lettre qu'ils m'auoient escrite avec la plume de leur bonne volonté, & ne voulus leur contredire, puis que tel estoit leur aduis & celuy de tous les François, qui apprehendoient plus de disgraces en ma mort que de profit, & m'en reuins ainsi au pays de nos Hurons, où ie suis à present tout admirant les diuins effects du Ciel.

Le pays de cette Nation Neutre est incomparablement plus grand, plus beau & meilleur qu'aucun autre de tous ces pays, il y a un nombre incroyable de cerfs, lesquels ils ne prennent un à un comme on fait par deçà, mais faisans trois hayes en une place spacieuse, ils les courent tout de front, tant qu'ils les reduisent en ce lieu, où ils les prennent, & ont cette maxime pour toutes sortes d'animaux, soit qu'ils en ayent besoin ou non, qu'ils tuent tout ce qu'ils rencontrent, de crainte, à ce qu'ils disent, que s'ils ne les prenoient, que les bestes iroient raconter aux autres  
889 comme elles auroient esté courues, || & qu'en suite ils n'en trouueroient plus en leur necessité. Il s'y trouue aussi grande abondance d'orignas, ou eslans, castors, chats sauvages & des escurieus noirs plus grands que ceux de France, grande quantité d'outardes, coqs d'Inde, gruës & autres animaux, qui y sont tout l'Hyuer, qui n'est pas long ny rigoureux comme au Canada, & n'y auoit encores tombé aucunes neiges le vingt-deuxiesme Nouembre, lesquelles ne furent tout au plus que de deux pieds de haut & commencerent à se fondre dès le 26. Januier, le huictiesme Mars, il n'y en auoit plus du tout aux lieux descouuers, mais bien en restoit-il un peu dans les bois. Le sejour y est assez recreatif & commode, les riuieres fournissent quantité de poissons & tres-bons, la terre donne de bons bleds, plus que pour leur necessité. Il y a des citrouilles, faisoles & autres legumes à foison, & de tres-bonne huile, qu'ils appellent à Touronton\*, tellement que ie ne doute point qu'on deuroit plus tost s'y habituer qu'ailleurs, & sans doute avec un

plus long sejour y auroit esperance d'y aduancer la gloire de Dieu, ce qu'on doit plus rechercher qu'autre chose, & leur conuersion est plus à esperer pour la foy que non pas des Hurons, & me suis estonné comme la compagnie des marchands, depuis le temps qu'ils viennent en ces contrées, n'ont fait hyuerner audit pais quelque François; ie dis asseurement qu'il seroit fort facile de les mener à la traicte, qui seroit un grand bien pour aller & venir par un che- || min si 890  
court & facile comme ie vous ay ia dit, car d'aller de la traicte aux Hurons parmy tous les sauts si difficiles & tousiours en danger de se noyer, il n'y a guere d'apparence, & puis des Hurons s'acheminer en ce pais six iournées, trauerfant les terres par des chemins effroyables & espouuentables comme i'ay veu, ce sont des trauaux insupportables, & seul le scait qui s'y est rencontré.

Donc ie dis que Messieurs les associez deuroient (à mon aduis) enuoyer hyuerner des François dans le pais des Neutres moins esloignez que celuy des Hurons, car ils se peuuent rendre par le lac des Hiroquois au lieu où l'on traicte tout au plus en dix iournées, ce lac est le leur aussi, les uns sont sur un bord & les autres sur l'autre, mais i'y vois un empeschement qui est qu'ils n'entendent gueres à mener des canots, principalement dans les sauts, bien qu'il n'y en aye que deux, mais ils sont longs & dangereux, leur vray mestier est la chasse & la guerre, hors de là sont de grands pareffeux, que vous voyez comme les gueux de France, quand ils sont saouls, couchez le ventre au Soleil, leur vie comme celle des Hurons fort

impudique, & leurs coustumes & mœurs tout de mesme; le langage est differant neantmoins, mais ils s'entendent comme font les Algonmequins & Montagnais. D'habits ne leur en cherchez pas, car mesme ils n'ont pas de brayers, ce qui est fort estrange & qui ne se treuve guere dans les Nations les plus sauuagines.

891 Et pour vous dire au vray, il seroit expedient || qu'il ne passast icy toutes sortes de personnes, car la mauuaise vie de quelques François leur est un pernicieux exemple, & en tout \* ces pais les peuples quoy què sauuages nous en font des reproches, disans que nous leur enseignons des choses contraires à celles que nos François pratiquent. Pensez, Monsieur, de quel poix peuuent estre apres nos parolles: il est à esperer pourtant de mieux, car ce qui me consola à mon retour fut de voir que nos compatriotes auoient fait leur paix avec Nostre Seigneur, s'estoient confessez & communiez à Pasques & auoient chassé leurs femmes, & depuis ont esté plus retenus.

Il faut que ie vous die qu'on a traitté nos Peres si rudement que mesmes deux hommes desquels les Peres Iesuites s'estoient priuez pour les accommoder, ont esté retirez par force, & ne leur ont voulu donner viures quelconques, pour nourrir & entretenir quelques petits Sauuages qui souhaittoient de demeurer avec nous, bien qu'ils leur promissent de leur faire satisfaire par quelqu'unꝯ de nos bienfaiteurs. Il est cruel d'estre traitté de la sorte par ceux mesmes de sa Nation, mais puis que nous sommes Freres Mineurs, nostre condition est de souffrir & prier Dieu qu'il nous donne la patience.

On dit qu'il nous vient deux Peres nouveaux de France, nommez le Pere Daniel Bourfier & le Pere François de Binuille, qu'on nous auoit ia promis dès l'an passé : si cela est, ie vous prie pour surcroist de toutes vos peines || que prenez pour moy, de me faire 892  
seurement tenir un habit qu'on m'enuoye, c'est tout ce que ie demande, car il ne se fait point icy de drap, & le nostre estant tout usé, ie ne m'en peux passer. Les pauvres Religieux de Saint François ayans le viure & le vestir, c'est tout leur partage en terre, le Ciel nous l'esperons sous la faueur du bon Dieu, pour lequel seruir, tres-volontiers, pour le salut de ces peuples aueugles, nous engageons nostre vie, afin qu'il luy plaise si il l'agrée de nostre soing faire germer le Christianisme en ces contrées, Dieu permet le martyre à ceux qui le meritent, ie suis marry de n'estre pas en cest estat, & n'ignore pas neantmoins que pour estre recogneu vray enfant de Dieu, il faut s'exposer pour ses freres. Viennent donc hardiment les peines & les trauaux, toutes les difficultez & la mort mesme me seront agreables la grace de Dieu estant avec moy, laquelle ie mandie par le moyen des prieres de tous nos bons amys de par delà, desquels ie suis & à vous, Monsieur, tres-humble seruiteur en Nostre Seigneur. Fait à Toanchain, village des Hurons, ce 18. Iuillet 1627.

Voilà tout ce qui est arriué de plus remarquable au voyage de ce bon Pere, duquel on peut remarquer ce que i'auois autrefois appris, l'enuie & malice des Hurons de ne vouloir pas permettre qu'allassions hy-  
uerner parmy les Neutres, peur de les conduire à la

893 traicte par un chemin racourcy, ce qui leur feroit d'un grand preiudice à la verité, entant || qu'ils ne pourroient plus traicter avec eux & en tirer les castors que les autres porteroient aux François. Le copiste de la lettre du Pere s'est mespris à mon aduis au mot Huron Otoronton, qu'il veut faire signifier de l'huyle, car c'est proprement à dire beaucoup, ou ô qu'il y en a beaucoup. Il y en a qui auoient voulu soutenir qu'il y auoit plus de distance de Kebec aux Neutres que non pas aux Hurons, mais ils se trompoient par la confession mesme du P. Ioseph qui adouë qu'en dix iournées on pourroit descendre à la traicte si on auoit trouué l'embouchure de la riuere des Hiroquois, où nos Hurons ne peuuent venir en moins de trois semaines. Je coniecture aussi facilement cest approche des Neutres de Kebec, en ce que les Hiroquois sont plus proches des François que les Hurons, & les Neutres ne sont qu'à une iournée des Hiroquois, qui sont tous tirant au Su.

Ces Neutres iouissent (selon l'aduis d'aucuns) de quatre-vingts lieuës de pais, où il se fait de tres-bon petun, qu'ils traictent à leurs voisins. Ils assistent les Cheueux releuez contre la Nation de Feu, desquels ils sont ennemis mortels: mais entre les Hiroquois & nos Hurons, auant cette esmeute de laquelle i'ay fait mention au 26. Chapitre du second liure, ils auoient paix & demeuroient neutres entre les deux Nations, chacune desquelles y estoit la bien venuë, & où ils n'osoient s'entredire ny faire aucun desplaisir, & 894 mesme y mangeoient souuent ensemble, || comme s'ils eussent esté amis; mais hors de là s'ils se rencon-

troient, il n'y auoit plus d'amitié ny de careffe, ains guerres & pourfuittes qu'ils continuent à outrance, fans qu'on aye encore pû trouuer moyen de les reconcilier & mettre en paix, leur inimitié estant de trop longue main enracinée & fomentée par les ieunes hommes de l'une & l'autre Nation, qui ne demandent qu'à se faire valoir dans l'exercice des armes & de la guerre pour la patrie, & non pour les duels, qui sont detestez par tout ailleurs, fors de mauuais Chrestiens & de ceux qui ne sont point en estat de leur salut, qu'ils prodigalifent à la moindre pointille d'honneur qui leur arriue.

Le m'estois autrefois voulu entremettre d'une paix entre les Hurons & les Hiroquois, pour pouuoir planter le S. Euangile par tout, & faciliter les chemins de la traicte à plusieurs Nations qui n'y ont point d'accez, mais quelques Messieurs de la Societé me dirent qu'il n'estoit pas expedient, & pour cause d'autant que si les Hurons auoient paix avec les Hiroquois, les mesmes Hiroquois meneroient les Hurons à la traicte des Flamands, & les diuertiroient de Kebec qui est plus esloigné.

895 || *De deux François tuez par un Montagnais qui fut emprisonné apres des ostages rendus. Du lac appellé Saint Ioseph, où les Sauvages allerent hyuerner, & comme ils leuent le camp.*

CHAPITRE IV.

En la mesme année 1627. sur la fin du mois d'Aouft arriua à Kebec le sieur de la Radé, Vice Admiral de la flotte enuoyé par le sieur Guillaume de Caen, pour la traicte de pelleteries. Le P. Ioseph le Caron, Supérieur de nostre Maison, luy alla rendre ses deuoirs & offrir les prieres de ses Religieux, desquelles il fist assez peu d'estat pour auoir dès lors pris résolution en son ame de faire banqueroute à l'Eglise pour espouser une fille \* à ce qu'on croit.

La discourtoisie de ce personnage augmentée par ce dessein, se fist encor voir au refus qu'il fist de passer en France un petit Sauvage nommé Louys, baptizé par nos Peres le iour de la Pentecoste dernier. Le Pere Ioseph n'ayant pu flechir ce cœur endurcy, y employa le pere de l'enfant, qui luy fist offre d'une quantité de pelleteries, vallans quatre fois plus que ne montoit la taxe ordonnée pour le passage d'un homme en France, 896 mais il demeura || inflexible. On luy parla de s'en plaindre à Messieurs du Conseil, & pour cela il ne s'esbranla point, par ainsi il fallut desister & auoir patience en retenant ce petit garçon par deuers nous. On nous a asseuré du depuis que ledit sieur de la Rade

estoit rentré au giron de l'Eglise, de quoy ie louë Dieu & m'en resjouis.

En ce temps-là les Sauvages commencerent à s'assembler pōur la pesche de l'anguille, desquels un nommé Mahican Alic Ouche eut quelque different avec le boulenger de l'habitation & un autre qui auoit esté à gage de Maistre Robert le Chirurgien.

Leur dispute ne vint que pour un morceau de pain que ces François refuserent à cè Sauvage qui leur demandoit avec quelque violence, & les autres en luy refusant luy donnerent du poing & presenterent le bout d'une arquebuzé sans dessein toutesfois de l'en offenser, mais seulement pour repousser la force par la force & la violence de celuy qui estoit violenté par la faim. Ce que le Barbare prit neantmoins tellement à cœur qu'il se resolut dès lors de les tuer tous deux au premier iour qu'il en troueroit l'opportunité.

En ce temps-là le sieur Champlain eut volonté de faire un voyage au Cap de Tourmente, pour lequel il fist choix d'un nommé Henry, domestique de la Dame Hebert & de quelques autres pour conduire sa chaloupe. Ce pauvre Henry auoit eu un songe admirable la nuit precedente, il luy estoit aduis que reuenant du Cap de Tourmente, les Sauvages le || vou- 897  
loient tuer à coups de haches & despées, \* ce qui le fist crier si haut à son compagnon couché aupres de luy: Louys, Louys, secourez-moy, les Sauvages me tuent, que s'estant esueillé au bruit il trouua que c'estoit songe & non point verité, & se rassoura à force de luy dire qu'il ne falloit point adiouster de foy aux

songes & refueries qui nous viennent la nuit en dormant.

Sa maistresse qui ne le pouuoit dispenser de ce voyage nonobstant ses excuses & ses prieres luy conseilla de prendre son chien & qu'il luy feroit de bonne guette, mais le mal-heur fut que le sieur de Champlain estant pressé de partir, le pauure Henry n'eut pas le loisir d'embarquer son chien, qui luy eust sauué la vie.& tiré du péril.

Le lendemain à certaine heure du iour Mahican Atic Ouche fut au logis de la Dame Hebert luy demander un morceau de pain, car il estoit grand amy de la maison, mais luy ayant esté respondu que celui qui en auoit la charge estoit allé au Cap de Tourmente & qu'il y en auoit pour lors fort peu à la maison, il creut entendant parler de celuy qui auoit la charge du pain que c'estoit le boulenger qui l'auoit offensé, & partant sans autrement s'informer de ce qui en pouuoit estre, partit sur le soir bien tard pour l'aller trouuer au cul de sac, où il deuoit coucher en la cabane du Chirurgien avec un pauure manouurier appellé du Moulin, lesquels ayans trouué la cabane fermée, 898 furent contraincts de coucher || sous un arbre enuelopez dans leurs couuertures à cause du froid.

Estans tous deux bien endormis, arriua le Sauvage Mahican Atic Ouche, avec ses armes, sa hache & l'épée à onde de laquelle il leur donna tant de coups au trauers du corps, qu'ils resterent morts sur la place sans auoir pû se faire cognoistre, ce qui leur eust sauué la vie, car ce n'estoit point à eux à qui on en uouloit, mais au boulenger de Kebec & au seruiteur de Maistre

Robert, & neantmoins le coup estoit donné, de quoy le meurtrier mesme fut marry, mais trop tard, car Henry estoit l'un de ses meilleurs amys.

Ce mal-heur acheué, le mal-heureux Barbare tout attristé vouloit courir son saict, il prit les deux corps, & les traïfna le long de la prairie sur le bord de l'eau, afin que la marée venant elle les emportast, puis se rembarqua dans son canot & se retira en sa cabane, où il ne fut pas le bien venu pour n'auoir point apporté d'anguilles.

Le lendemain matin les deux François à qui le Barbare en vouloit furent où les deux corps auoient esté meurtris, & trouuans la trace du sang iugerent de ce qui estoit arriué sans sçauoir encore comment, ils suiuirent la piste & trouuerent les deux cadaures sur le bord de l'eau d'où ils les retirerent & les mirent en lieu de seureté hors du hazard de la marée & des flots, puis se rembarquerent dans leur canot pour l'habitation, où ils donnerent aduis au sieur du Pont Graué du fu- || neste accident, qui à cette occasion despecha une 899  
chaloupe au cul de sac pour en rapporter les deux corps ainsi miserablement tuez, puis en mesme temps enuoya aux RR. PP. Iesuites & à nostre Couuent aduertir que l'on se donnaist de garde des Sauuages, & fist prier le P. Ioseph particulièrement qu'il luy fist la faueur de le venir trouuer pour aduifer à ce qu'on auoit à faire.

La chaloupe arriuéee avec les deux corps morts estonna fort tous les François, notamment la Dame Hebert, laquelle se resouenant du songe du pauure deffunct Henry qui auoit esté son domestique, s'en af-

fligea fort & disoit en se plaignant d'elle-mesme : Helas, i'ay esté en cela bien miserable de n'auoir point creu à cest infortuné garçon, qui nous auoit par le ministère de son ange, comme aduertiy de son desastre à venir, mais helas qui pourroit adiouster foy aux songes & resueries qui nous arriuent si souuent en dormant, sinon que l'on manquat de sagesse.

Les corps furent mis dans l'habitation & posez en lieu decent, tandis que tous les Capitaines Montagnais qui estoient là és enuirons de Kebec furent mandez par le sieur de Champlain de le venir trouuer promptement, ce qu'ils firent avec la mesme diligence que le Truchement Grec leur auoit enchargé, & du mesme pas le Sauuage Choumin avec son beaufrere vindrent en nostre Conuent faisans les ignorans & les estonnez, mais bien dauantage quand ils virent 900 que l'entrée de la || maison leur fut refusée par nostre F. Geruais qui en estoit le portier. Toutesfois non si rigoureusement qu'il ne mist Choumin au choix d'y entrer & non point à l'autre, s'il ne quittoit premierement ce qu'il auoit de caché deffous sa robbe.

Il y eut là un petit de contrastes, car les bonnes gens ne vouloient point aduoüer qu'ils eussent rien de caché, & le bon Frere perseueroit dans son soupçon que ce Barbare auoit quelque chose sous sa robbe qu'il tenoit ferrée deuant son estomach, à la fin il entira une bayonnette, que quelque Rochelois luy auoient\* traitée, laquelle il donna audit Frere, qui sur ceste indice leur fist quelque reprimende de leur mauuaise volonté à l'endroit des François & de la mort de deux nouvellement tuez, ce qu'il disoit à dessein pour ap-

prendre d'eux qui en auoit esté les meurtriers & non pour aucune mauuaise oppinion qu'il eust de ce Choumin qui nous estoit tres-bon amy.

Choumin neantmoins un peu picqué au ieu ne fe pù taire qu'il ne luy die : Frere Geruais, ie croy que tu n'as point d'esprit, pense-tu que ie sois si meschant de te vouloir du mal ny à aucun des François : ie viens de l'habitation, où i'ay veu les deux corps morts meurtris par les Hiroquois, & non par aucun de nostre Nation, car qu'elle \* apparence apres tant de bien-faiçts receus que nous soyons si miserables que de tuer de tes gens, tu sçay bien toy-mesme que ie suis vostre amy & à || tous tes freres, & que si i'ay 901 peu vous rendre seruice ie l'ay tousiours fait à mon possible & veux continuer iusques à la mort de vous aymer comme mes freres & enfans. Tu diras que tu as trouué mon-beau frere faisly d'un grand cousteau, mais sçache que ce n'est pas pour faire du desplaisir aux François, mais pour se deffendre des Hiroquois, dont on dit qu'il y a grand nombre dans les bois pour nous surprendre, comme ils ont fait ces deux François, de quoy rendent tesmoignage nos Capitaines mandez à l'habitation par le sieur de Champlain.

Le Frere Geruais luy répliqua qu'il ne doutoit nullement de son amitié, mais qu'il ne pouuoit croire que ce fussent autres que Montagnais qui eussent faisçt ce coup, & que s'il estoit braue homme il leur descouuriroit les meurtriers pour s'en donner de garde une autrefois, ce qu'il ne voulut faire niant tousiours qu'il les cogneut, mais il asseura le Frere qu'il feroit son possible pour les descouurir & amener vif ou mort à

Kebec, pourueu qu'on luy rendit son grand cousteau, qui seruiroit pour leur trancher la teste s'ils faisoient les retifs. Le frere leur ayant rendu, ils partirent pour l'habitation parler au Pere Ioseph, auquel ils conterent ce qui leur estoit arriué depuis leur entreueuë.

Les Capitaines Sauvages estans tous à Kebec, le sieur de Champlain les harangua & leur fist voir les corps, & les playes de ces meurtres, où se recognt  
902 que l'espée dont || on s'effoit feruy estoit une espée ondée, qui fist croire à plusieurs particulièrement à Choumin, qu'elle estoit d'un de leur Nation, ce que nioit absolument Mahican Atic Ouche, qui tafchoit de se iustifier & couvrir son forfait par ceste simple negative, mais il estoit desia tellement dans la mauuaise estime de tous les autres Capitaines de sa Nation, qui ne l'osoient neantmoins absolument condamner sans une plus grande cognoissance de cause, qu'ils deleguerent des personnes pour en faire les informations, & poursuiure contre luy.

Esfrouachit soustint que le fait auoit esté perpetré, avec l'espée d'un de leur Nation, & qu'il falloit en faire recherche, puis rehaussant sa voix vers tous les siens qui estoient là presens leur dit : ô hommes qui estes icy assemblez ! est-il pas vray que nous sommes bien meschans de tuer de la sorte ceux qui nous font du bien & nous assistent de leur moiens, car sans eux que deuiendrions-nous au temps de l'extremé famine qui nous assaille si souuent, nous mourrions tous ou au moins nous souffririons beaucoup, par quoy ie vous promet, dit-il au sieur Champlain, de faire moy-mesme une exacte recherche de ces meschans pour vous-

les amener en vie ou en rapporter les testes, que ie vous consigneray, partant fiez vous-en à moy, de quoy le sieur de Champlain le loüa & pria de ne desister point de ses poursuites que les criminels ne fussent def- || couers, parce qu'il auoit esté dit & conclud par les Chefs François, que iusques à ce qu'ils fussent amenez, il ne seroit permis à aucun Sauuage d'approcher les François de vingt pas loing, soit allans par les bois ou approchans des maisons, sans que premier ils appellassent pour euiter aux surprises, à peine d'estre arquebusez par les François, qui n'iroient plus sans armes, ce qui troubla fort la pesche de l'anguille, car tout cecy arriua au mois d'Octobre l'an 1627. qu'elle commençoit à estre bonne. 903

L'on fit l'enterrement de ses\* deux corps le plus honorablement que faire se peut & le seruice acheué, le Pere Ioseph s'en retourna au Conuent avec Choumin, auquel on fist cognoistre la malice des Montagnais, qu'il aduoüa franchement & promit que dans deux iours il scauroit les meurtriers, mais qu'il les prioit de ne point dire à personne qu'il les auroit decelez, ce qu'on luy promit, afin que la vengeance ne tombat point sur luy, car entre ces Nations-là il ne fait pas bon estre ennemy de personne si on ne se veut mettre dans le hazard d'estre tué.

Estant party de nostre Conuent, il s'en alla droit trouuer celuy à qui il auoit veu une espée à onde, mais un peu trop tard, car le marchand\* ayant sceu qu'on le cherchoit il la ietta dans la riuere, ou du moins il la cacha si bien qu'elle ne se trouua point, ce que voyant Choumin il luy presenta à tenir le tustebefon,

804 duquel i'ay parlé au chapitre des conseils, liure || second, mais se tournant de costé il le refusa & pleurant disoit, i'ay tousiours bien aymé Henry, ce qui estoit vray, mais ce n'estoit pas à dire qu'il ne l'eut tué.

Choumin voyant ce refus, il le presenta à plusieurs autres qui ne firent aucune difficulté de le tenir pour ce qu'ils se sentoient innocens, & puis s'en retourna chez nous, où il dit à nos Religieux qu'asseurement Mahican Atic Ouche auoit fait le coup, & qu'il le falloit prendre, il en fut dire autant au sieur de Champlain, qui fist venir ledit Mahican pour voir s'il l'aduoüeroit, mais arriué qu'il fut dans la chambre il ne fist que pleurer, disant qu'il estoit un meschant, & qu'il meritoit la mort, & nya pourtant fort & ferme qu'il eut commis le meurtre.

Et d'autant que l'on auoit trouué la piste de trois personnes de diuerfes grandeurs, l'on luy demanda si ces \* deux enfans auoient assisté au meurtre commis, il dit que non, & que n'ayant pas fait le coup il ne les y auoit pas conduits. L'on enuoya querir trois de ses enfans, lesquels on interrogea, mais sans en pouuoir rien tirer, quelqu'uns estoient d'aduis qu'on les deuoit constituer prisonniers, & d'autres trouuerent meilleur d'en retenir l'un & laisser aller les deux autres, qui s'en retournerent saisis d'une telle espouuente que le plus grand des deux aagé d'environ 18. ou 20. ans arriuant de l'autre costé dū fleuue, tomba mort sur la place, ce qui estonna fort les Sauvages, qui disoient que se sentant coupable, il estoit mort de frayeur d'estre fait mourir par iustice.

905 || Les Chefs de Kebec voyans que l'on ne pouuoit

lors tirer preuve fuffifante pour faire mourir le meurtrier, l'on demeura d'accord avec les Capitaines Sauvages & l'accusé, qu'il donneroit son fils, & Esrouachit, l'un desdits Capitaines & parent dudit accusé, un autres des fiens, & que tous deux demeureroient pour ostages, iufques à ce qu'on eust descouvert le meurtrier, & que au renouveau ledit Esrouachit seroit tenu de représenter ledit Mahican Atic Ouhe ou le meurtrier conuaincu du crime.

Pendant l'Hyuer l'on fit toutes les diligences possibles pour cognoistre le malheureux, mais les Sauvages interessez en la cause oppinèrent tous que ce ne pouuoit estre autre que celuy duquel on se doutoit, & qu'il ne falloit s'en informer dauantage, pour ce qu'autrement on en offenseroit plusieurs pour un.

Le Printemps venu, l'on esperoit à Kebec que Esrouachit rameneroit son homme, mais craignant d'y recevoir quelque affront, il le renuoya par un Capitaine de Tadoussac, nommé le Jeune la Fouriere, qui le conduit iufques à Kebec, ou plusieurs Sauvages, entre autres Choumin, donnerent aduis qu'il le falloit retenir comme coupable, & deliurer les deux garçons comme innocens, ce qui fut fait.

L'on esperoit bien faire son procès si tost que les Nauires François seroient arriuez, mais la prise qu'en firent les Anglois en em- || pescherent\* l'execution, 906 & fut en fin deliuré un peu auant qu'ils se rendissent maistres du pays, car il ne voulut iamais rien confesser du meurtre commis, bien qu'il s'accusast comme criminel, disant tousiours qu'il estoit un méchant homme, & auoit mérité la mort, mais tout cela n'ef-

toit rien dire , car la Confession veut qu'on die en quoy on a esté meſchant, & ſpécifier les fautes.

La peſche de l'Anguille fut aſſez bonne, bien qu'elle ne fut la bonne année, car de deux en deux ans il y en a toujours une meilleure que l'autre, ſe ne ſçay par quelle raiſon, ſinon que le Createur là \* ainſi voulu. Les Sauvages ne la firent pas ſi librement qu'à l'accouſtumée, à cauſe du meurtre commis, dont ils apprehendoient la punition ſans qu'on euſt deſſein de leur meſfaire, c'eſt pour quoy beaucoup ſouffrirent de grandes neceſſitez au mois de Decembre, que les neiges furent baſſes, & fondoient à meſure qu'elles tomboient, tellement que les Barbares ne pouvoient aller à la chaffe, & ſi n'auoient que fort peu de poiſſon.

Au commencement du mois de Ianuier, Choumin avec un autre Sauvage vindrent à l'habitation, traiter quelques viures pour leur aider à couler le temps iuſques aux grandes neiges, & dirent qu'il y auoit vingt-cinq ou trente perſonnes, tant hommes, femmes qu'enfans de leur compagnie au delà de la riuere en ſi grande neceſſité, qu'il y auoit dix à douze iours  
907 qu'ils n'auoient mangé, ſinon || des champignons qu'ils trouuoient à des vieux heſtres, dont ils ſe ſouf-tenoient.

Choumin ayant eu parole des ſieurs de Champlain & du Pont qu'ils les accommoderoient de quelques viures à credit, il leur fit ſigne de paſſer là riuere, & ſe rendre vers Kebec s'ils pouvoient trouver paſſage entre les glaces, comme ils firent, noſi ſans courir de grandes riſques de leur vie, mais comme de pauures lours, la faim les faiſoit fortir des bois, dont nous en

eufmes huit qu'il nous fallut nourrir l'espace de huit iours, & puis se retirèrent en leurs cabanes proches de l'habitation, où ils demeurèrent iusques à la fin du mois de Ianuier, qu'ils s'en allerent chasser (la faison estant lors bonne) vers le lac de Sainct Ioseph, où ils firent bien leur profit aux despens des caribouts, es-lans & autres bestes qui y sont à foison.

Ce lac de Sainct Ioseph, de grande estenduë, a esté ainsi nommé par les François, à cause que le P. Ioseph, Superieur de nostre Maison, y auoit passé partie d'un Hyuerauecles Barbares, comme en un tres-bon endroit, tant pour la pesche que pour la chasse, comme i'ay dit, y ayant tout autour quantité de bestes fauves, & des castors en abondance, & d'où il n'y a de l'habitation que pour une journée de chemin en Hyuer, & encores moins en Esté, mais qui est de tres-difficile accès, à cause de quatorze sauts que l'on rencontre en chemin, où il faut tout porter, & le canot & l'équipage, plus de deux lieuës || loin parmy les bois.

908

Le iour pris que tous les Sauuages deuoient partir pour leur retour parmy les bois, l'un d'entr'eux à ce député le cria à pleine teste par tout le quartier, disant: O hommes qui estes icy campez, on a iugé à propos que demain matin on decabanera pour un tel voyage, que tout le monde se tienne donc prest, car ie m'en vay marquer le chemin, ce qu'il fit en donnant quelque \* coups de hache à certains arbres qui leur seruirent de guide, dont i'admire l'inuention, mais bien dauantage quand sans \* ces marques il \* passent de droite ligne, iusques à plusieurs lieuës, trouver un nid d'oyseau, ie dis un petit nid d'oyseau, un

morceau d'eslan caché deffous la neige, ou un hute qui ne paroist qu'à trois pas de vous.

C'est icy ou \* les plus entendus Astrologues & Mathematiciens Europeans perdroient leur theorie & leur beau discours deuant un peuple qui ne sçait les choses que par la pratique, & non des liures. I'ay veu des personnes qui pour auoir leu de ces livres se croyoient fort habiles gens, lesquels venans à l'experience se trouuoient fort ignorans deuant des Mariniers mesmes qui sçauoient à peine lire. La theorie de nos Doctes est bien necessaire, mais la pratique de nos Barbares vaut encore mieux, à laquelle ie me fierois plustost qu'à l'autre.

909 Tout le camp estant leué & les cabanes ruinées, ce qui se fait en fort peu de temps, le || bagage fut disposé, arrangé & accommodé sur les traînes, qui sont leurs chariots de bagages, dont les unes sont longues de plus de dix pieds, & les autres moins, larges seulement d'un pied ou peu plus, à cause de beaucoup d'arbres & de lieux fort estroits où il leur conuient souuent passer. Les femmes & les filles, qui en sont les cheuaux & les mulets, se mirent sous le ioug, passans une corde sur leur front qui tenoit au chariot, & auec cet ordre se mirent en chemin dès le lendemain matin, pour passer les premieres (auant le gros de l'armée) deuant nostre maison, où elles esperoient receuoir une ample charité qu'on leur fit le mieux que l'on peut, car elles estoient toutes si maigres & deffaictes, aussi bien que les hommes qui vindrent apres, qu'elles faisoient horreur & pitié.

Neantmoins auec toutes ces peines, ces souffrances & ces trauaux, elles estoient toutes si gayer & con-

tentes qu'elles ne faisoient que rire & chanter en chemin, ce qui faisoit estonner nos freres qui leur portoient une sainte enuie, de pouvoir estre patiens comme elles, parmy de si cruelles necessitez qu'elles deuroient avec un courage virilien, ce\* faisant violence, car elles ne font point insensibles.


C'est une leçon loüable que les Sauvages nous donnoient demeurans avec eux, de ne nous attrister point pour chose qui nous arriuaft. Si tu t'attriste, disoient-ils un iour au Pere le Jeune, tu feras encore plus malade, si || ta maladie augmente tu mourras, considere 910 que voicy un beau pays, ayme-le, si tu l'ayme tu t'y plairas, si tu t'y plais tu t'y resiouyras, si tu t'y resiouys, tu guariras, & par ainsi tu viuras content & ne mourras point miserable.

*Fin du troisieme Volume.*

---

Imprimé par H. Schoutheer, à Arras,  
Pour la LIBRAIRIE TROSS, à PARIS.

1865



LE GRAND VOYAGE  
DU  
PAYS DES HVRONS

Situé en l'Amérique vers la Mer  
douce, és derniers confins  
de la Nouvelle-France,  
dite Canada.

Où il est amplement traité de tout ce qui est du pays, des mœurs & du naturel des Sauvages, de leur gouvernement & façons de faire, tant dedans leurs pays, qu'allans en voyages : De leur foy & croyance : De leurs conseils & guerres, & de quel genre de tourmens ils font mourir leurs prisonniers. Comme ils se marient & esleuent leurs enfans : De leurs Medecins, & des remedes dont ils vsent à leurs maladies : De leurs dances & chançons : De la chasse, de la pesche & des oyseaux & animaux terrestres & aquatiques qu'ils ont : Des richesses du pays : Comme ils cultiuent les terres, & accommodent leur Menestre : De leur dueil, pleurs & lamentations, & comme ils enseuelisent & enterrent leurs morts.

Auec un Dictionnaire de la langue Huronne, pour la commodité de ceux qui ont à voyager dans le pays, & n'ont l'intelligence d'icelle langue.

PAR GABRIEL SAGARD THEODAT  
RECOLLET DE S. FRANÇOIS, DE LA PROVINCE DE S. DENYS  
EN FRANCE.

---

A PARIS

*Chez DENYS MOREAU, ruë S. Jacques, à la Salamandre  
d'argent.*

---

M. DC. XXXII

• *Avec Priuilege du Roy.*

2 vol. petit in-8°, frontispice gravé.

Papier vélin, 24 fr. — Papier vergé, 30 fr.  
Papier de Hollande, 40 fr.

# HISTOIRE DE LA NOUVELLE- FRANCE

Contenant les navigations, découvertes, et habitations faites par les François es Indes Occidentales et Nouvelle-France souz l'avceu et autorité de noz Roys Tres-Chrestiens, et les diverses fortunes d'iceux en l'execution de ces choses, depuis cent ans jusques à hui.

*En quoi est comprise l'Histoire Morale, Naturelle et Geographique de ladite province; Avec les Tables et Figures d'icelle.*

Par MARC LESCARBOT, Advocat en Parlement, Témoin oculaire d'une partie des choses ici recitées.

*Multa renascentur quæ jam cecidere cadentque.*

Seconde Edition, reveuë, corrigée et augmentée par l'Auteur.

*Avec les Muses de la Nouvelle-France.*

---

IMPRIMÉ

POUR LA LIBRAIRIE TROSS, A PARIS

5, RUE NEUVE-DES-PETITS-CHAMPS, 5

M. DCCC. LXVI.

---

L'Histoire de la NOUVELLE FRANCE, par *Marc Lescarbot*, aura 3 volumes, avec cartes.

Le premier volume vient de paraître,

Le second volume paraîtra le 30 novembre.

Le troisième, qui contiendra différentes pièces, entre autres les *Muses de la Nouvelle-France*, paraîtra le 31 Janvier 1866.

Prix du volume, en papier vélin. . . . . 12 fr.

— en papier de Hollande . . . . . 20 fr.

-  
-  
-  
S  
,  
et  
  
r.  
  
S  
  
t,  
  
res  
6.